


17003/A

A. I. n

ex libris Josephi  
Supra<sup>z</sup> apotecarii  
1755



№ 62



55450  
**LEXICON**

MEDICUM GRÆCO-LATINUM,

A

**BARTHOLOMÆO**

C A S T E L L O

MESSANENSE inchoatum.

*Nunc verò in commodum publicum*

OPERA ET STUDIO

**ADRIANI RAVESTEINI**

Art. Med. Doct.

Ex **HIPPOCR. GALEN. AVICENN.**

Atque aliorum Celeberrimorum Medico-  
rum Monumentis,

*Tertiâ quidem sui parte auctius, & innumeris, quibus  
scatebat, mendis, expurgatum, ac perfectum.*



*De ~~Antiquitate~~ Antiquitate*  
**ROTTERODAMI,**

Apud **ARNOLDUM LEERS.**

ANNO **M. DC. LI.**



ALEXICOM

BARTHOLOMAE

ADRIANUS HAVESTER



ADRIANUS HAVESTER

ADRIANUS HAVESTER



IN  
CASTELLIANUM  
LEXICON  
N. ANTONINI COLOSSI  
CARMEN.

**D***Ædalus haud tantum fert nominis,  
implicuisse;*

*Stamine quàm cacas explicuisse domos.  
Non laus Acetæ servasse penatibus aurum  
Phryxeum; Æsonidæ, sed retulisse da-  
tur.*

*Atlas Hesperidum vigili pomaria clausit  
Angue, sed Alcides aurea mala tulit.*

*Ille quidem summo me iudice dignus hono-  
re est;*

*Qui, quid habent usus optima quæque,  
docet.* (rum:

*Scilicet inventum primus qui cuderit au-  
( \* 2 ) Mu-*

Murice qui tinxit vellera purpureo :  
Quique in Erythraeo projectis littore baccis,  
Instituit torques excoluisse nurus.

Quantum igitur laudis dives CASTEL-  
LE, mereris,

Qui tot primus opes, tot bona prima do-  
ces?

Non etenim herbarum, & lapidum, quod  
munus, & usus,

Sed quæ verborum est vis ratioque do-  
ces.

Dædaleos nexus filo, ambagesque resolvis,  
Auratos villos, aurea poma refers.

Dædalus, Alcides, tibi cedant, cedat Iason:  
Te magis his etenim laus diuturna ma-  
net.

Magni-

*Magnificis & Generosissimis Viris  
ac Dominis,*

DD. GERARDO WELHOUK, Societatis Indiae Orientalis exercitori.

DD. EVERARDO à BLEYSWYK.

DD. BRUNONI vander DUSSEN, Armamentarii confœderatarum Provinciarum præfecto.

DD. NICOLAO BOGAERD, J. U. D. & præpotentiam DD. Hollandiæ Ordinum apud Delpho-batavos Quæstori ærario.

*Gravissimis Reipub. Delphensis Consulibus.*

NEC NON

*Amplissimis, Doctissimis, ac Consultissimis  
Viris Dominis,*

D. THEODORO vander DUSSE, JC<sup>to</sup>. & Exconsuli.

D. ALBERTO vander GRAEF, Senatori, & urbis Delphensis Ædili.

D. GUILIELMO MEERMAN JC<sup>to</sup>.

D. SIMONI à GROENEWEGEN, vander MADE, J. U. D. & præfatæ Urbi à Secretis.

*Gymnassii, Collegiique Delphensium Præfectis, ac  
Curatoribus vigilantissimis.*

*Dominis suis perpetim colendis.*



*Nnus jam agitur vicesimus, ni fallor, septimus, Viri Amplissimi, quibus in palestrâ vestrâ literariâ, Rei-*

( \* 3 )

*publ.*

## E P I S T O L A

publ. seminario desudare, & Sisyphi illud saxum volvendo atatem terere, certo quasi fato mihi contigit. Et sanè, dum tyrones hoc velut in ergastulo ac pistrino quodam lapsibus jugiter vicinos, & in vitium flecti cæreos hortamur & erigimus; dum adolescentulos; parentum, patriæ & Ecclesiæ spem, ut tandem è contemptibus exeant, erudimus; incompósitos quorundam è vinculis emissorum, & blandâ nimis indulgentiâ infectorum mores formamus ac componimus; captui nosmet accommodamus eorum rudi, sensui sæpè magis quàm rationi (quippe, qui eos gubernat animus, infirmum gerunt) parentium; nonnullis frænum injicimus, aliis calcar addimus; ipsimet inter labores ac dolores carpimur paulatim ac contabescimus; donec mors vellat aurem, nosque vendicet sibi. Quocirca rectè & ex ordine, sapientiæ humanæ aquilam, & Philosophorum phœnicem Aristotelem pronuntiasse credimus: Diis, Parentibus, ac Magistris non posse æquivalens reddi; & majorem minime concipiendum, quam parturientium laborem ac docentium. Et profectò res ipsa indicat. Quis enim nisi Hypseia cæcior non visurus est, artium



## DEDICATORIA.

tium artem esse, & scientiarum scientiam  
 puerum regere, qui vix dum ac ne vix qui-  
 dem hominem se esse norit. Et cui quaso id  
 quasi *παιεργον*, levidense & minoris nota vi-  
 deatur (dum mechanicas exercentes artes fa-  
 bulari, cantillare, aliud agere solent) in con-  
 tinuâ mentis, potioris hominis partis, de-  
 tineri magistros? eâdem propè jugiter ober-  
 rantes chordâ variarum æstu cupiditatum  
 effrenata, indomita, & inconstantis atatu-  
 le salutarî à proposito disturbari, interrumpi,  
 excarnificari, quæ melius, pejus, prosit,  
 obsit, nil videt, nisi quod lubet? relunctan-  
 ti eorum naturæ irritò sæpè conatu obluetari?  
 in Danaïdum & pertusa ingerere dicta  
 dolia? vanitati fallaci illi umbræ deditis Dei  
 timorem inculcare? obsequium & obedi-  
 tiam iis instillare? parentibus uti ac seniori-  
 bus debitum honorem deferant, humilita-  
 tem non aspernentur, clementiam diligant,  
 & splendidam gemmam illam in vitâ &  
 vultu verecundiam, disciplina virgam, ma-  
 lorum expugnatricem, vitæ decus, virtutis  
 sedem ac primitias, naturæ laudem, & in-  
 signe (ut cum D. Bernardo loquar) totius ho-  
 nesti seriò tueantur. Præter tamen triviale

# EPISTOLA

lem spartam eam & Provinciam exornan-  
 dam quam cepi sic satis duram, aliud Augiæ  
 quasi stabulum repurgandum mihi sumpsi,  
 quo adultiori etiam prodesse possem etati;  
 juventutis conatus sublevarem & labores,  
 auxiliaremque errantibus porrigerem manum  
 (quod palmarium mihi semper visum, &  
 utramque apud me, non mihi modò natum,  
 paginam fecit.) Quid enim magis à ratione  
 dissonum, quàm ad arcem, & artis Medici-  
 nae abdita & adyta penetrare velle sine gra-  
 dibus; immenso ac vastissimo sese Iatrices  
 credere Oceano, absque clavo & Palinuro;  
 & inextricabili se committere labyrintho si-  
 ne Theseo, vel Ariadnæ filo: id est, ge-  
 nuinorum nominum ac terminorum spretâ  
 cognitione, ipsissimas Medicas (quæ ἀόυστα  
 sunt) percipere velle materias. Vetus enim  
 est, & velut in triviis tritissimum: οὐδὲ τὸ  
 ὁρῶν διδόναι, δὲ πᾶσι ἰσχυρὸν τὸ ὁρῶναι: unde  
 & ὁρῶν quasi ὁρῶν, (ab ὁρῶ) quod in rerum  
 nos adjuvet cognitione: vel, ut nimis argutè  
 divinus ille Plato, ab ὤ Ens, & μαρτυρῶ, ob-  
 stetricari; quod, ut obstetrix infantem ex  
 utero matris; ita hoc τὸ Ens, sive latentem  
 rei veritatem, protrahat in lucem: atque  
 etiam

## DEDICATORIA.

etiam ut *ἀπο* (à *ἀπο*) suum cuique tribuit;  
ita & nomen suam cuique rerum imaginem  
representet. Quocirca perspicuum quoque  
unumquodque eorum sit ac proprium, relega-  
tis in *Vtopiam* metaphoris, (per quas omnes  
olim tropos intellexit *Aristoteles*,) cum pri-  
mis convenit, autore *Galeno*, lib. 1. de meth.  
med. cap. 5. Quod & unice nobis in votis  
hic fuit, adversus nugivenduli illius *Para-*  
*celsi* institutum, qui rancidis suis anigmati-  
bus, & vocabulorum portentis negligi, ut  
videtur, maluit, quàm intelligi. Pessimè  
igitur, inquam, qui *ἀσέβως*, ut ajunt, *ἔχον*,  
ad *Apollinis* & *Æsculapii* sacra illa ausu tam  
temerario convolant, atque eorum mysteriis  
initiari volunt, quibus tritum illud semper  
in ore volvitur: Græcum est, non legi-  
tur.

Græca petunt *Barathrum*, verba La-  
tina polum.

Illi enim, ut stolidi fastuosæ illius turris Ba-  
bylonicæ architecti, disperguntur, &, ubi  
suam tandem senserint imbecillitatem ac de-  
fectum, galeâ, clypeo, hastâque abjectis dif-  
fugiunt; vel *Andabatarum* more in tenebris  
dimicantes pudore suffusi semet ipsi dant tur-

## E P I S T O L A

piter, & ignorantia suæ sæpè pœnas luunt:  
 absque illis rerum symbolis Medicorum siqui-  
 dem filiorum sacra constare haud possunt.  
 Proinde cum aliis Lexicographis omni sanè  
 encomio Machaoniâ in arte dignissimis; ut  
 & in Theologiâ, facultate juridicâ, & Phi-  
 losophiâ celeberrimis, meam quoque operam  
 qualemcunque ad publicam utilitatem &  
 philiatorum emolumentum conferendam,  
 non abs re esse duxi: cùm aliorum, tùm in  
 primis aequissimis, utilissimis juxtâ & ne-  
 cessariis ARNOLDI LEERSII Rote-  
 rod: Typographi, de Artium liberalium stu-  
 diis & Republic. literariâ optimè meriti, at-  
 que etiamnum indies merentis, cognati no-  
 stri & amici postulatis, in manus sumens  
 BARTHOL. CASTELLI Messanenensis  
 Lexicon, compendiosè ex operosissimis Me-  
 dicinæ Patrum Hippocratis & Galeni vo-  
 luminibus depromptum, cùm descriptorum,  
 tùm typoshetarum negligentia & incuria us-  
 que adeò deformatum atque mutilatum; ut  
 ne quidem ex Æsculapidorum familiâ divi-  
 nissimi ipsi, si in vivis essent, partum suum  
 agnovissent, & uno quasi ore pronuntias-  
 sent:

Lerna



## DEDICATORIA.

Lerna palus liber est, vitiorum exercitus hydra.

*Atque uti propemodum onus Æthnâ gravius, & , quàm sit Troiam capere, difficilius primâ fronte & intuitu videretur, omnia tollere παραγματο, eum eliminare, pristinoque ac decoro nitore restituere: belluam tamen eam, quantum fieri posset, conficiendam ratus facilitati, necessitate postulante, studui, & cum materia nimis intricata obscuritate pro modulo decertare vocum proprietate & perspicuitate, ipsissimos Hippocratis & Galeni fontes perscrutans, sum conatus: cùm ad manus meas perveniret, opere jam propemodum absoluto, tantisque laboribus exantlatis, Exemplar Emmanuel. Stupani, Basil. Medici ac Professoris, (qui non spernendam sanè in illustrandis multis, & enucleandis operam adhibuit.) Quod proinde etiam is πῶδας ἐκ κρηλῆς evolvi, & rimatus sum, & in non paucis (ubi dilucidior videretur) secutus; ut nequid mystis desideraretur Apollineis. Quin etiam ex Johanne Gorraeo (qui affectuum p. n. & terminorum voces Græcis expressit characteribus, quæ hic, in literarum Græcarum, qui pluri-*

*mi*

## EPISTOLA

*mi sunt, ignarorum gratiam, Latinis red-  
dite) aliisque Medicorum antesignanis præ-  
stantissimis ac primipilis epitomen hanc ad  
dimidium prope ampliavi, cum novorum ad-  
ditamento, tum pleniore vocabulorum in-  
signium & illustriorum explicatione, quæ  
cognitu maximè necessaria viderentur & ob-  
via. Rei verò Botanica, & Anatomia per-  
fectior (siquis eam desideret) cognitio & pe-  
ritia, è Dodonæo, Matthiolo, Clusio,  
Laurentio, Vesalio, aliisque celeberrimis  
Viris, in arte suâ summis & incomparabili-  
bus (ne in immensum excreceret hoc opus)  
haurienda.*

*Vestra verò amplitudini, cui nihil non  
debeo, Viri Clar. lucubrationes hasce, & ope-  
rosos sanè labores, subcessivis horis (quoties  
per solitas occupationes, & curas vacare lice-  
ret) natos inscribo, defero, consecroque; cum  
ob vinculum quasi catenatum, & professio-  
nis nostræ communionem, quæ Romanæ lin-  
guæ vocibus (uti opus hoc Græcæ) maximâ ex  
parte, & probâ earum interpretatione constat.  
Tum imprimis, ut perpetuum gratitudinis  
erga vos nostræ πικρύνει, & perennis obser-  
vantia extaret πικρύνει; quippe quos semper  
lite-*

## DEDICATORIA.

*literarum & studiorum, studiosorum, & literatorum fautores summos novi & patronos: quod præter cætera, Bibliothecâ tam insigni exstructâ, omnisque propè generis voluminibus refertâ selectissimis, nuperrimè etiam satis superque ad publica promovenda studia demonstratum. Vos autem quale-quale literarium hoc munusculum sereno quæso vultu suscipere, & adversus virulentum pus Cynicorum, loliginisque succo turgidos auctoritatis clypeo & fulgore munire, quæ vestra est imitatio, ne dedignemini. Bonorum omnium, Viri Ampliſſ. fons & scaturigo Deus quam diutissimè Reipubl. ac Scholis incolumes Vos conservet ac Superstites. Quod animus optat ac precatur*

Amplitud. VV. Studiosissimus

ADRIANUS RAVESTEIN, M. D.

*Patientiâ ac Spe.*

Clæ

Clarissimo Viro,  
D. ADRIANO RAVESTEINIO,  
Artis Medicæ longè peritissimo :

C V M,  
M E D I C I N Æ L E X I C O N ,  
*Studio ac industriâ elaboratum,  
Publico daret.*

**L**AUDE caret tacitâ celata sci-  
tiâ mente,  
Quæque sub ignavo torpescit  
corpore virtus  
Corruit , & meritos nunquam fortitur  
honores.  
In clarum protraxit opus vis ignea celsi  
Ingenii authorem nostrum, dum scribere  
doctè,  
Atque suis operis Artem illustrare me-  
dendi  
Aggreditur ; nitidum consummans ordi-  
ne librum

Enu-



Enucleatum aliis , explanatumque mini-  
strat.

Plenius à nullo statuendum Lexicon edi,  
Concisumque magis , potuisse , magisque  
disertum ;

Undique perfectum est, nil desit, nilque  
redundat,

Clara jacent, ipso, verborum, Interprete,  
senſa.

Hæc tua præ reliquis jam præstat in arte  
facultas ;

Quid mirum? majora potest , cui surgit  
ab imo

Vivida mens, demissa polo, nec corporis  
arce

Clauditur obtusâ , nec tædia mille labo-  
rum

Formidare solet , sed tendere in ardua  
gaudet.

Fœlices animæ tales ! Non segnibus illa  
Contingunt , nec blanda suis Cytheræa  
rependit.

Hippocratis Libros scrutanti, Scripta Ga-  
leni

Cuncta revolventi debetur gratia, soli ;  
Publica , quo magis ipsa superſtite com-  
moda crescunt,

Quô-



Quôque hominis, quæ vita brevis, fit lon-  
ga per artem.

Maſte, Machaonias, acri ſtudio impiger  
artes

Excole, Fata dabunt foelicis tempora vitæ.

Finio, Et hæc una eſt voti ſententia no-  
ſtri.

THEOD: VERBURGH,

J. U. D. & ADV.

*Spes mea ſola, Deus.*

1651.

LEXICON  
MEDICUM  
HIPPOCRATIS, GA-  
LENI, ET AVICENNÆ, &c.

*Authore*

BARTHOLOMÆO CASTELLO,  
*Theologo, Philosopho, & Medico Messanensi.*

*A.*



BAPTISTA, Terebella est, quâ in fracturis capitis (quæ usque ad Cerebri membranam pervenerunt, quando id quod contusum est, excidi debet) utimur. Cui terebellæ (ne dum Medici eam audacius tractantes duram membranam, quæ ossi substernitur, violent,) supra ejus acutam cuspidem, circulum quendam, sive labrum, sive supercilium, parum extans efformant, quam Terebellam quod mergi non possit, ab argumento Abaptistam vocant, ex α & βαπτίζω. Gal. 6. meth. c. 6.

*Abarticulatio*, idem est quod Dearticulatio, Græcis

A

245-

*Διάρθρωσις*, id est, ea naturalis ossium conjunctio, quæ evidentem motum habet, sicut Coarticulatio, Græcis *συνάρθρωσις*, est ea naturalis ossium commissio, quæ exiguum, & obscurum aliquando, aliquando nullum motum præ se fert, 2. de artic. 9.

*Abdomen* ab Abdendo, communiter idem est quod imus venter, Aristoteli *γαστήρ*, l. 1. hist. anim. 13. vocari solitus, qui superius quidem, cartilagine ensiformi, ad latera costis spuris, inferius autem ossibus pubis circumscribitur, ac dividitur in partem supremam, (quam in specie *ἐπιγάστριον* nominant) mediam (quæ umbilicalis est regio) & infimam seu hypogastrium. lib. 6. de usu part. cap. 4. Pressissimè autem acceptum Abdominis vocabulum Anatomicis est ventris imi pars extima, totum illud, quod viscera naturalia integens ex cute, pinguedine, musculis octo, & peritonæo compactum est. Gal. loc. cit. & 2. Aph. 35.

*Abductions*, quæ & Abruptiones, Apagmata, & Apoclasmata dicuntur, fracturæ sunt, quæ propè articulum, per totam ossium crassitudinem fiunt, ita ut à se plurimum distent, quas recentiores caulatim, hoc est, caulis, modò factas fracturas nuncupant, com. 3. in libr. Hippoc. de his quæ in medicativa fiunt, 31.

*Ablatio*, totum illud tempus paroxismi febrilis est, quod post statum est, qualicumque naturâ præditum, sive id ad integritatem veniat, sive non, quod & remissio, intervallum, declinatio, & submissio dici solet, lib. de morb. tempor. cap. 6.

*Abluentia*, & *Abstergentia* medicamenta sunt, quæ succum mordicationem facientem, leniendo evacuant, 1. de simpl. medic. fac. cap. 37. & libr. 2. cap. 14.

*Abolitionem* Pulsus vocamus, cum elevatis & mox applicatis digitis invenimus in singulis applicationibus motum deficientem, longè enim abest pulsus abolitio, à pulsu deficiente, illa enim est velut defectus, ut sensus quidem indicat totius functionis, hic dimi-

dimidiatae amissio, 2. de caus. puls. cap. 3.

*Abortus* est imperfectorum sætuum emissio, utcumque facta fuerit, quam Hippoc. nunc amblofin, nunc perditionem, nunc apophthoram vocat, & medicamenta id præstantia amblotica, id est, abortiva, com. 1. in 6. de morb. vulg. 2.

*Abrasa* sunt, quæ Apofyrmata Græci vocant, suntque ulcera quæ mollem & suspensam habent cuticulam, 1. de compos. med. per gen. cap. 12. Exponitur aliàs quoque locus desquamatus, & frustulum in ulceribus à partis ulceratæ substantiâ abrasum.

*Abrasio intestinorum*, est ulceratio partium, quæ in superficie intestinorum constat, quâ earundem partium educuntur ramenta, 3. de rat. vict. in morb. acut. 33.

*Abruptio*, vide *Abductio*.

*Abscedentia corpora*, sive quæ abscesserunt, vocat Hippoc. omnia, quæ cum corpus secundum naturam sese habet, vel unita aliquibus aliis partibus sunt, vel eas attingunt, cùm præter naturam affectum est, unionem vel contactum non ampliùs servant. Expansa autem vocat, quæ plurimo intervallo inter se distant, id quod duobus modis fit, vel in toto, vel in labris tantum, 2. de his quæ in medic. fiunt, 25. vide *Apostasis*.

*Abscessio* apud Hippocr. id est, quod ego soleo continuitatis solutionem appellare, & membra, quæ ita affecta sunt, Abscedentia vocat, tametsi una quædam species hujus generis sit, quam propriè Abscessionem, & Abscessum, id est, Apostasin, & Apostema nuncupant, lib. de his quæ in medic. fiunt in argumento operis.

*Abscessus*, tumor est præter naturam suppuratus, non consueto, & bono pure, sed in corruptionem quandam aliam tendente, lib. de tumor. cap. 3. aliquando Hippocrates non eos solos Abscessus vocat, qui per fluxionem fiunt, sed etiam cùm alius transit morbus in alium, comm. 2. in 1. de morb. vulg. 21. Abscessus



est corporum ex phlegmone in pus transmutatio, li. finit. med. fol. 97. Abscessus etiam appellat Hippoc. qui excretionem noxiorum humorum sunt facti, ne dum qui decubitu, comm. 1. in 3. de morb. vulg. 4. Vide *Sinus*,

*Abscissio*, quæ & Apocope dicitur, sive morbus velut ex abscissione solutus, est qui citra declinationem solvitur, & terminatur, vel propter ægrotantium imbecillitatem, vel propter morborum fortitudinem, & ferociam, nimirum cum morbus supra vires existit, quod mortalium morborum est proprium, de totius morb. tempor. cap. 1. & 5.

*Abstergentia*, vide *Abluentia*.

*Abvacuatio*, largissima evacuatio est, aut corpori plus æquo plethorico aut cacochymico conveniens, quæ hypercrisis seu supervacuatio hypercatharsis dici solet, aut quæ per patientem particulam fit. In arte parvâ, cap. 95.

*Acamatos* media est omnium simpliciter membrorum figura, quasi sine fatigatione dixeris, optima. 2. de motu muscul. cap. 1.

*Acantha* est spina dorsi in specie, Gal. seu spinæ apex, quem natura in spondylis dorsi est machinata, ex mediis partibus postremisque prodiens, quæ esset velut vallum quoddam ante spinam totam oppositum, quod prius ipsum contunderetur, ac comminueretur, modisque omnibus afficeretur, quam ad ullum spondylium noxa perveniret, 12. de usu par. cap. 15. *Acantha* autem generaliter sic dicta est spina indiscriminatum qualiscunque; pressus si sumatur, animalium quorundam, ut echinorum piscium notat aculeos.

*Accessio* est deterius tempus totius circuitus, quod est à primo insultu morbi, usque ad tempus consistendi, sive per tertium, sive per quartum, sive quotidie fiat, 1. aphor. 12. quæ & *Paroxysmus* dicitur & *Invasio*.

*Acci-*

*Accidens* aliquando passionem significat, & ipsam operationis læsionem, de different. morb. c. 7. quæ constitutionem unde actio nascitur, necessario sequuntur, sanis quidem nobis accidentia, ægrotantibus symptomata dicuntur, 1. meth. c. 9. Non-accidentia verò vocant recentiores Medici ea quæ non existunt, ut dolore vacare, & hujusmodi, com. 1. prognost. 27.

*Accommodatum* in corpore, dicitur id, quod quando unicuique rei servatur, justè quodlibet se habet ac disponitur. 1. de fractur. 2.

*Accretio* est uniuscujusque partis terminorum æqualis quædam promotio in triplicem dimensionem. Joubert. lib. de paral.

*Acerbum* id omne dicitur, quod linguæ nostræ admotum, valde deficcat, contrahit, & in multam profunditatem usque, illam exasperat, sicut pyra sylvestria immatura, ab austeris solâ intentione diversum, 1. de simplic. med. fac. cap. 37.

*Acetabulum*, est illud cavum ossis extremi quod capita alterius ossis altiùs excipit, quod & Cotyle dicitur, libr. de ossibus in proœmio. Acetabula adhuc sunt, vasorum & venarum quæ ad matrices perveniunt orificia, quæ & Cotyledones dicuntur, quibus fœtus matri alligatur, per quæ velut per truncos quosdam fœtus ex matrice trahit spiritum & sanguinem, 15. de usu par. cap. 5. non secus ac Polypi acetabula, per quæ Polypus nutritur; corpora enim vasorum sunt polyporum acetabulis perquam similia, ut nomine etiam non alio appellentur, lib. de Semin. cap. 7. per quæ etiam vasa singulis quibusque mensibus excrementitius sanguis in vulvam derivatur, ibidem; quamvis nonnulli homines vulvam acetabulis carere dicant, lib. de vulvæ dissect. cap. 10. plerumque etiam profundos sinus, magnis superciliis circumdatos, tum Hippocrates, tum alii, Acetabula nuncupare consueverunt, 1. de artic. 21.

*Acetabulares vulvæ eminentiæ*, sunt tumores vasorum uteri, ex retento menstruo, quos prægnationis tempore adnatos habet, quales etiam recto intestino esse in hæmorrhoidibus solent, lib. de vulvæ dissect. cap. 10.

*Achlys*, seu *Caligo*, est circa totum nigrum oculi à superficiariâ ulceratione, cicatricula tenuissima, aëri caliginoso assimilis, lib. Introd. cap. 5.

*Achværes* sunt manantia ulcera cutis capitis, plurimis ac minimis foraminibus cutem perforantia, ex quibus tenuis & glutinosa effluit sanies; huic morbo affinis est Favus, seu Cerion, in quo cum timore foramina sunt quam in illis majora, melleum humorem continentia, lib. de remed. parat. facil. cap. 5. lib. de tumoribus, cap. 15. 1. de comp. med. loc. cap. 8. quæ vulgus vocat *Tineas*, Arabes *Sabafati*.

*Achroi* dicuntur decolores homines, pallidi & sanguine defecti, 4. de ratione vict. 115.

*Aciam* vocat Hippocrates filum per foramen acus trajectum, quo vel partes corporis dissectas inter se committere, vel caput fasciæ subjectis partibus assuere consuevimus; Nodum verò nuncupat vinctionem, quæ ex fasciis inter se connexis fit, com. 2. in lib. de his quæ in medic. fiunt 7.

*Acidabilis*, propriè *bilis atra*, aut *succus atrabiliaris*, quid sit, exemplo ostendit Galenus, vinum quidem dulce (inquit) quod nondum ab uvis sit expressum, fervens & alterascens ex eo, quem in se habet, calore intelligimus, ex cujus mutatione duo proveniunt excrementa, alterum levius, magisque aëreum, quod florem, alterum gravius ac magis terreum, quod sæcem vocant: horum alteri flavam bilem, alteri nigram assimilamus, quando non eandem habent succi speciem, cujus animans naturæ opera regitur, qualem, cum præter naturam se habet, sæpe exhibent, quippe flava quæ est, efficitur vitellina, ita enim nominant, quoniam ovorum

ovorum vitellis tum colore, tum crassitudine fit assimi-  
lis, nigra verò longè malignior, ea quoque quæ simili<sup>s</sup>  
ei, quæ naturalis est, redditur : nomen tali succo nul-  
lum est insitum, nisi quod aliqui vel radentem eum,  
vel acidum appellarunt, quoniam acris in morem ace-  
ti est, & corpus animalis radit, & terram si supra eam  
sit effusus, quandam cum bullis, veluti fermentatio-  
nem, ebullitionemque excitat, ubi adventitia pu-  
tredo nigro illi succo naturaliter se habenti accessit;  
plerique autem id quod è tali succo naturaliter se ha-  
bet, quod & infra dejicitur, & sæpè suprà fluitat, atrum  
vocant succum, non atram bilem, quod verò exustio-  
ne quâpiam in acidam migravit qualitatem, id atram  
nuncupant bilem, 2. de nat. facult. c. 9.

*Acida pituita* est, quæ omnino cruda est; omnimo-  
da autem cruditas intelligenda est, quæ in eâ conco-  
ctione incidit, quæ in venis peragitur; non autem in  
eâ, quæ prima est, quæque in ventriculo perficitur,  
2. de nat. facult. c. 9.

*Acinesia*, id est, *immobilitas*, est media quies, quæ  
inter systolem & diastolem pulsus, intercedit. 1. de  
differ. puls. c. 7.

*Acinosa tunica oculi*, vide *Rhagon tunica*.

*Acinus*, vide *Staphyle*.

*Acmastica* febris est, quæ continuo crescendo pro-  
cedit, ut *Epacmastica* quæ decrescendo. Homotona  
verò quæ similem servando calorem ad finem usque  
terminatur, 9. meth. 4.

*Acmen*, ἀκμήν, id est, maximam exercitationis &  
motuum intentionem Græci vocant, 2. de san. tuen-  
dâ, c. 2. sic & ætatem integram, & summum corporis  
robur significat; inde translata est vox tum ad alia  
omnia, tum ad morbos. Sic enim Medici tertium to-  
tius morbi tempus appellant, in quo summum habet  
vigorem, 1. c. 13. quam mediam ætatem Leonicens  
vocat eod. eph. Constitutam, alii Constantem, alii



Subsistentem, quæ media est inter senes, & juvenes, 1. de san. tuen. c. 2. & 6. de san. tuen. c. 6.

*Acopa* medicamenta, quæ *Copon*, id est, lassitudinem ex multo vehementique motu corpori, vel toti, vel particulis obortam tollunt, appellamus; Cæterum postea Medicis in usu fuit, etsi non ad lassitudines tantum medicamen ab ipsis sit compositum, sed vel ad dolorem diuturnum in alto corporis latentem, vel motum difficilem, vel sensum stupidum, vel particulæ duritiem, vel tensionem, vel tumorem scirrhosum, appellare similiter *Acopa*, modò humidam consistentiam *Acopi* similem habeant, quæ liquidis ceratis, quibus in luxatis & fractis utimur, est affinis. 7. de compos. med. per gen. c. 11. etiam si gratiâ vehementer calefaciendi assumantur, 7. de compos. med. local. c. 1.

*Acor* est ructus quidam acidus ex præsentia ciborum corruptorum in ventriculo, 5. de usu part. c. 4.

*Acordius* homo, id est, *secors*, quod apud eos duntaxat intelligas qui principatum animæ in corde statuunt, 3. de placit. Hippocr. & Plat. cap. 4.

*Acosmia*, vide *Ataxia*, in progno. com. 30.

*Acnisiæ* vocabulum ab Hippocr. dupliciter usurpatur, vel cum omnino iudicium nullum futurum sit, aut prævum, com. 2. in 1. de morb. vulg. 46.

*Acrochordon* verrucarum genus dolens, estque exortus orbicularis, angustam obtinens basim, lib. introd. folio 97. quam vocat Penfilem verrucam, 2. method. 2. Sunt autem *Acrochordones* vitiosi succi multi ad exteriora & cutim repentis soboles. Aëtius & Celsus definiunt, quod *Acrochordon* sit verruca sub cute durior, asperior, callosa & plerunque teres, cuti concolor, infra tenuis, ad cutem latior, juniores maxime infestans; sic dicta, vel quod vertice suo similis sit resectæ chordæ, secundum extremitatem, vel quod in imo adeo angusta sit, ut pendere videatur.

*Acromion* propriè est summus humerus, humerive pars

pars summa, exterior & prominens, brachioque hærens. Insuper ea est compactio, quâ os scapulæ à spinâ tenue inchoatum, paulatimque plenius effectum, ad Acromii locum pervenit, ibique brachio connectitur. Alii præter hæc ambo quæ conjunguntur, tertium os esse inquirunt, quod in hominibus solum deprehenditur, idque Cataclida & Acromion appellant, lib. de ossibus, cap. 14. quod etiam summum humerum vocat, 13. de usu part. cap. 10.

*Actiones* prisce omnes activos motus nominant, sicuti omnes qui naturaliter se habent, nisi activi sint pathemata, quæ passiones Græci vocant, 2. meth. c. 3.

*Actu* aliquid tale esse, ex adverso est ei, quod est facultate, vel potentiâ, 1. de simpl. med. facult. c. 9. at quod energiâ sive actu calidum, frigidum, humidum, siccum, unumquodque tale esse dicitur, vel quod summam habet ejusmodi qualitatem, vel vincentem qualitates contrarias, vel ad cognati generis mediocre aliquid, vel ad unumquodlibet à nobis est collatum, 3. de temp. cap. 5.

*Acuta* exercitatio est, cujus celeres motus sunt, 5. de sanitat. tuend. cap. 3.

*Acuta febris*, vide *Acutus simpliciter*.

*Acutus* morbus est, qui ob sui magnitudinem, & casuum vehementiam, ad summum vigorem celeriter properat, & cum ægri periculo tempora sua celerrimè percurrit, 2. aphor. 23.

*Acutus simpliciter*, morbus est, qui intra quartumdecimum diem integrè judicatur; *Acutus* verò ex decidentiâ, seu delapsu, usque ad quadragesimū terminatur, 2. aph. 23. Peracutus verò morbus, qui ad septimum usque diem extenditur, qui longiùs procedit, *Simpliciter acutus*. Exactè peracutus est, qui quartum diem attingit, Non exactè qui septimum; Exactè acutus, qui ad decimumquartum, Non exactè, qui ad vigesimum usque durat, quamquam & ipse acutus sit; quod

autem ex delapsu acutum ad quadragesimum usque diem porrigitur, 2. de dieb. decret. c. 12. quem acutum ex delapsu, sive ex decidentia, vocat Hippocrates Acutum adauctum, & Acutum ex conversione morbum notat, 3. progn. 25. Acutas etiam simpliciter vocat eas febres, quæ maximâ ex parte continuæ sunt, 2. de cris. 12.

*Acutus ex decidentia, vide Acutus simpliciter.*

*Acutus adauctus, vide Acutus simpliciter.*

*Acutus ex conversione, vide Acutus simpliciter.*

*Adedentes, id est, Phagedenæ, lib. de aër. aqu. & loc. cap. 2. vide Phagedenæ.*

*Aden, id est, Glandula, convolutio quædam est sicca, & carnosâ, vel carnosâ conglomeratio, lib. finit. medic. fol. 97. eundem adenem corpus carniforme vocat, quod utique velut cuneus quidam, vasorum divisionibus incubans, fulcimentum ipsis tutum suggerit, ut à nullo violento casu afficiantur, 4. de usu part. cap. 20. quem adenem Thymum vocat, 6. de usu part. cap. 4. Adhuc & Adenas, seu Glandulas vocat carnosâs partes raras, & spongiosâs, quæ in alis, inguine, & collo sunt, 13. meth. c. 5.*

*Adeps, qui & Axungia dicitur, & Særum, differt à pinguedine, quod ille crassior sit, animantibusque totam naturam magis terrestrem habentibus provenit, velut humidioribus pinguedo; At tu si voles oleosam & pinguem in animalibus substantiam omnem, Adipem appellato, ut plerique Medici, sed & pinguedinem appellare totum hoc genus licet, 11. de simpl. med. fac.*

*Adiapneustia, id est, Impedita perspiratio, 11. metho. 10.*

*Adjunctio, vide Appositio.*

*Adjutorii os, id est, Os humeri, quod maximum omnium est, scœmore excepto, lib. de ossib. cap. 16.*

*Adnata tunica, quæ & Agnata, vide Rhagôn.*

*Ad-*

*Adstringens*, vide *Attrahens*.

*Ægilops*, sive *Anchilops*, Arabibus, *Algaras*, abscessus quidam est ad angulum oculi, qui naribus propior est, pus continens, quod erumpens aut os exedit, aut ad angulum, vel usque ad nares destillat, lib. qui Introd. dicitur, c. 15. & 5. de compos. medic. loc. c. 2. & lib. de remed. paratu facil. cap. 12. quod ulcus si neglectum fuerit, in fistulam definit, lib. de oculis, cap. 9. Est affectio ægre curabilis propter corporum tenuitatem subjecto osse corrupto. Aët. lib. 7. cap. 87.

*Æqualis* ad pondus temperatura est in omnibus animalibus, & stirpibus, eâ quæ ex pari elementorū commixtorum spectatur mole, non quæ tum animalis, tum stirpis naturæ convenit, (convenit enim aliis, ut humidum sicco, & frigidum calido præponderet,) sicque æqualis temperatura ad justitiam est, non quæ ponderare, & mensurâ: sed quæ eo, quod pro dignitate convenit, æqualitatem explorat; animalia enim & stirpes optimam, mediamque habere in suo genere temperiem dicimus, non utique absoluto sermone cū paritas exacta contrariorum in iis non sit: sed cū ea mediocritas, quæ ad potestatem refertur, & cujuslibet mixti naturæ accommodata est, his adsit, 5. de temp. cap. 6.

*Æqualis inæqualitas* dicitur, non in pulsibus modo, sed aliis propè omnibus, quæ pristinam naturam immutantia, sive magnitudine, sive qualitate æqualia, vel inæqualia capiunt incrementa: nam quatenus æqualitatem commutant, vocantur inæqualia, sed quatenus æquam semper mutationem assequuntur, æqualiter dicuntur mutari, sed quæ pristino constant statu, nec accipiunt parem mutationem, hæc semel inæqualia vocantur, 1. de differ. puls. c. 11.

*Æqualis morbus* est, qui æquales habet motus, & symptomata similia, cū non, ut inæquales morbi aliquot diebus vehementiores fuerint, postea sine aliquâ  
signifi-



significatione torpent, deinde rursus adauſti continuitatem accipiunt, ſed perpetuò ſibi conſtant; quo argumento ab Hippocr. dictum eſt, continuorum morborum & æqualium acutiem non poſſe ultrà diem decimum quartum protendi, 2. aph. 23.

*Æqualis pulſus* eſt, cùm omnes iſtus æqualem inter ſe ſervant proportionem, ita ut ſecundus reſpondeat primo, & tertius ſecundo, è contra dicitur *Inæqualis*, 1. de differ. pulſ. c. 10.

*Æquivoca* ſunt, quæ non ſunt unius generis, quæcumque enim nomina unam ſpeciem in multis ſingularibus ſignificant, univocè de iſſis dicuntur; quæ verò de multis differentibus ſpecie, eâ æquivocè nuncupantur, & res quæ iſſis ſubjiciuntur, ab iſſis ſque ſignificantur, æquivoca ſunt; com. 3. in lib. de his quæ in medic. ſiunt 24.

*Æroſis*, quaſi *Æratio*, ſanguinis portio maximè aërea, vaporofa, aëri, qui per inſpirationem attrahitur, permixta, ex quâ ſpiritus generantur pariter, & inſtaurantur. Quin & *ἀήρωσις* idem eſt quod vel ſanguinis attenuatio, & in halitus ſolutio, eſt & cuſtodia vel conſervatio, vel reſtauratio ſpiritus deperditi ex reſpiratione, & tranſpiratione, & qui ex ſanguine attollitur, vapore, 11. method. 3.

*Æruginoſa bilis*, quæ ærugini ſimilatur, vide *Bilis pallida*.

*Ætiologica*, *αιτιολογική*, ſive *Pathologica*, medicinæ pars eſt, in quâ ea, quæ præter naturam ſunt, inquiremus, morborum cauſas, accidentium concurſus, & affectuum ſtatum, lib. introd. c. 7.

*Affectio ſanguiflua* eſt, idem quod *αἱμαρρία*, in quâ plurimum ſanguinis profunditur, com. 2. in 6. de morb. vulg. 14.

*Affectus præcordialis*, vide *Affectus flatuoſus*.

*Affectus melancholicus*, vide *Affectus flatuoſus*.

*Affectus gravis* & *magnus* dicitur, aut propter præcellen-

cellentiam partis laborantis , aut propter affectus magnitudinem, aut propter ipsius cacoethiam , 4. meth. cap. 6. Spectatur autem affectus magnitudo tripliciter ; ex læsæ actionis præstantiâ ; ex propriâ affectus essentiâ ; & ex facultate quæ læsum corpus gubernat, 7. metho. cap. 12.

*Affectus flatusosus præcordialis & melancholicus* est, quo iis plurimum, qui inclinante ætate plurimâ Venere utuntur, sub autumnum maximè inflatur, & tumescit venter, com. 3. in 6. de morb. vulg. 12.

*Affectus implicatus* est, in quo multæ sunt affectæ partes, à diversis tum morbis, tum causis morbidis obsessæ, nam potest idem homo non solum laborare ex thorace, sed etiam simul & eodem tempore ex pulmone, capite, ex imo ventre, & ex jecinore decumbere, comm. 2. in 3. de morb. vulg. in argum.

*Affectus* qui & *Schesis* dicitur, est dubia & non certa, aut firma corporis dispositio ; is verò qui firmus & certus est, & quasi habitus, *Hexis* dicitur, 8. metho. cap. 3.

*Affectus*, quos Græci *Pathemata* vocant, passiones sunt, quæ in corporibus nostris fiunt præter naturam, com. 2. in 1. de morbo vulg. 23. Affectus verò sive affectionis vocabulum, ab Afficiendo dictum, de multis effertur rebus, sed in medicinâ recessus in statum præter naturam, qualescumque ii fuerint, Affectus, sive Affectiones nuncupantur, libr. de cur. rat. per sang. missionem, cap. 3.

*Affectus puerilis*, vide *Comitialis morbus*.

*Affusio nutrimenti*, Græcè *Parenchyma* dicitur, lib. introd. cap. 9. vide *Parenchyma*.

*Agathon* significat apud Hippocratem idem quod idoneum, naturæ nostræ congruum, certum, stabile, verum, & perpetuum, ut auctor est Galen. com. 2. in libr. de fract. Idem verò testatum reliquit in com. lib. 2. de artic. *Agathon* apud Veteres id omne dici solere,

solere, quod in suo genere primum est, & perfectum.

*Agerasia*, id est, *insenscentia*, lib. de marcure, c. 2.

*Agglutinatio*, vide *Prosthesis*.

*Agitatio*, vide *Vibratio*.

*Agnata tunica*, sive *Adnata*, vide *Ophthalmia*.

*Agonia*, est inæqualis motus ex timore & irâ compositus, timore intrò & ad vitæ principium tum sanguinem, tum spiritum unâ cum refrigeratione eorum, quæ in summo corpore sunt, abducente & contrahente: irâ verò foras agente, & fundente calorem, simul spiritum & sanguinem, 2. de sympt. cau. cap. 5.

*Agrestis lichen*, id est, *Impetigo*, 6. de compos. medic. per genera, cap. 2. vide *Impetigo*.

*Agrypnia*, id est, *Vigilia*, 2. meth. 2.

*Aipathia*, perpetua passibilitas, ut *Apathia* impati-  
bilitas, lib. art. med. c. 8.

*Ala* quid sit hinc patet; *brachium* appellatur, quod inter duas juncturas humeri, & cubiti intercedit, totius brachii pars: superhumeralis verò, id est, *ἐπ' αὐτοῦ*, superior humeri pars quæ ad collum vergit, nam humerus totum id, quod in dearticulatione hâc apparet, vocatur: nam quod non apparet à posteriori parte, est os scapulæ; ab inferiore est id, quod dum totum brachium attollitur, manifestum fit, quæ *Ala* in specie etiam nuncupatur, 1. de artic. 4.

*Alæ aurium*, vide *Aures*; vide etiam l. Intro. c. 10.

*Alæ narium*, sunt tenuia cartilagineaque corpuscula, utrique nasi lateri à parte inferiori adnata, lib. de ossibus, cap. 4. quæ etiam pinnulas vocant, libr. introd. cap. 10. vocant adhuc & pinna, 2. de loc. affect. cap. 2.

*Alaria ossa*, vide *Sphenon*.

*Alba vitiligo*, vide *Leuce*, & *Vitiligo*.

*Albam pituitam* consuevere Medici, quandam aquæ intercutis speciem, Leucophlegmatian nominare, tanquam quæ vel lividâ quâdam pituitâ, vel secundum suam

suam certè ipsius rationem albâ semper manente, sed propter alios quosdam humores admistos, verum exactumque colorem mutante constat, 7. aphor. 29.

*Albaras*, vide *Ægilops*.

*Albugineus oculi humor*, similis Albumini ovi, aliàs & Aqueus, oppositâ parte vitrei humoris exteriùs, ante crySTALLINUM positus, non concretus, ut alii humores, sed liquidus, in foramine tunicæ uveæ collocatus, superfluitas est crySTALLINI humoris aquea, ad ipsum defendendum suâ humiditate adversus visibillum vehementiam, lib. de anat. vivor. Vide *Hyalæides*, & *CrySTALLINUS*.

*Albugo* cicatrix est crassa, & profunda, ulceri indurata, libr. finit. med. non quâcunque corporis parte, sed solum in Iride oculi, lib. Introd. cap. 17.

*Albulam* vocant aquas aluminosas, quin & Rhætiæ montem, nivibus jugiter obsitam, 8. meth. 2.

*Alexipharmaca* medicamenta sunt, quæ deleteria, id est, lethalia venena intus assumpta evacuant, obtundunt & fugant, 5. de simpl. med. fac. c. 18. & 1. de femin. cap. 16.

*Alexiteria* medicamenta sunt, quæ venenatarum bestiarum morsus & ictus, aut venenosa sanant. Siqui, inquit, Galen. ea quæ ven. &c. Alexiteria nominare velint: quæ verò medentur deleteriis alexipharmaca, disceptandum cum istis de nominibus non est: nec enim ex istis comparatur curandi morbos peritia, sed ex rerum ipsarum cognitione, 5. de simplic. med. fac. cap. 18.

*Alhacab* est illud ligamentum, quod ad musculum non extenditur, sed ab uno osse natum, continuatur inter duo extrema ossium, aut inter alia duo membra, annectendo unum alteri, firmiter subsistit, lib. de anat. vivor.

*Alica* ex genere tritici est, 1. de alimen. fac. c. 6.

*Alienam caliditatem* vocat Aristoteles, externam, non



non insitam, neque nativam in quocunque rerum genere, nam hæc coquere apta est, externa autem & extrema corrumpere solet & putrefacere, 2. de differ. febr. c. 9.

*Alindefis* fuit corporis exercitatio, quâ oleo delibuti, sese in pulvere volutabant. Hippocr. libr. 2. de diætâ.

*Allantœides*, vide *Chorion*.

*Alopecia*, capillorum defluvium est, propter vitiatos humores, sic appellata, quod vulpibus frequenter accidat, 1. de comp. med. loc. cap. 2. in quâ locus affectus apparet Scaber, colore prorsus exangui; de remed. part. facul. cap. 6. quam etiam Areas vocant, aliqui vocabulo specialiori, 2. meth. c. 2. Evenit autem pilis hoc vitii genus eâdem ferè quâ stirpibus ratione, quæ corrumpuntur intereuntque; interdum penuriâ nutrientis ipsas succi, interdum immutatione hujus in alienum ac contrarium.

*Alphi*, id est, *Vitilignes*, ex humorum vitiositate, quæ in cute est, quemadmodum etiam de Leprâ planum est, oriuntur, libr. de humor. com. 3. vide *Vitiliginum*.

*Alteratio* est alimenti concoctio, usque dum in similitudinem partis, quæ nutritur, transmutatur, 8. de comp. medic. loc. cap. 6.

*Alteratrix*, vide *Attractrix*.

*Alvus pulsus*, vide *Pulsus latus*.

*Alveoli*, vide *Phatniæ*.

*Alvus* liquida appellatur, in quâ liquida dejiciuntur, com. 2. in 1. prorrh. 3.

*Amara bilis*, ea & pallida, & flava dicitur, 2. de differ. febr. cap. 1. vide *Bilis pallida*, & *Picra*.

*Amaurosis* (quasi dicas *obscuritatem*) est totius in oculo lucis impedimentum, acutis morbis accidens, quæ est imbecillis facultatis animalis signum, com. 2. in 1. prorrh. 11. 20.

*Ambai*,

*Ambal*, vide *Ambonæ*.

*Amblotica* medicamenta, id est, *abortiva*, vide *Abortus*.

*Amblyopia* est visus hebetudo, in quâ oculi nec phlegmone tenentur, nec influxu torquentur, nec ulcerati sunt, nec aliud quidvis mali perpeffi, 5. de simpl. medic. fac. cap. 23. Ab occultâ quâdam causâ proveniens. *Ægin.* lib. 3. c. 22.

*Ambonæ* sunt margines, sive labra, sive supercilia cotylarum, & cavitatum, 2. de usu part. c. 17. quas quidam etiam *Ambas* appellant, 1. de artic. 10.

*Ambusta* sunt, quæ igne vel ardenti aquâ comburantur, ita ut bullas aliquando excitent, 9. de simplic. med. facult. quæ etiam *ambustiones* vocantur, 11. de simplic. medic. facult. Constat autem, si quis in aquâ ferventi ustus fuerit, hunc etiam affectum *Pyricauton*, seu *Pyricauton*, id est, *ambustum igne*, nominari, 1. de com. med. per gen. c. 4.

*Amentia*, vide *Anœa*.

*Ametria*, est à justâ temperie recessus, 2. meth. c. 4.

*Amiculum*, vide *Chorion*.

*Ammata*, Fascias Græci vocant, quibus venter, petus, costæ, lumbique alligantur, 3. de sanitat. tuend. cap. 2. *ἀμμος*, nodus aut nexus est, qui fasciarum cruribus implexis aut nexis efficitur. Quâ dictione sæpè utitur Hippoc.

*Amnium*, vide *Chorion*.

*Amolynta*, id est, non inquinantia medicamenta, similia his, quæ propriè *epithemata* dicuntur, 7. de comp. med. per gen. cap. 11. *ἀμολυτον* Cælius Aurelianus vertit, quod attrectatum manibus nihil à se inquinamenti dimittit, cap. 37. lib. 2. de morb. acut.

*Amphiblestræides*, seu *retiformis*, id est, Verricularis tunica, quæ à cerebro ad oculos profecta, vitreum, & crystallinum humorem ambit, cujus tunicæ figura in latum diffusi, atque expansi nervi, verriculo similis

B

apparet,

apparet, ad placit. cap. 5. vocant ipsum nonnulli propriè tunicam retiformem, quod figura quidem reti sit similis, cæterum nullo pacto est tunica, neque colore, neque substantiâ, sed si exemptam ipsam reposueris, in unum acervum conjiciens, tibi planè videbere videre Cerebri portionem quandam exemptam, 10. de usu part. cap. 2. vide *Choroides*.

*Amphemerina* febris est, quæ singulis diebus accenditur, atque intermissione finitur, idem enim est ac quotidiana simplex, nullâ aliâ sermoni adjectione factâ: eam verò quæ intermissionem non habet, non Cathemerinam, ut quidam, sed Quotidianam continuam vocat Gal. 2. de differ. feb. c. 7.

*Amphismla*, est instrumenti genus, quo Anatomici secant corpora, 6. de anat. adm. cap. 10.

*Amuleta* medicamenta quæ Græci *Periapta* aut *Periammata* vocant, sic appellantur, quod de collo suspendantur, aut alicui corporis parti alligentur, lib. de remed. par. fac. c. 1. quæ qualitatis familiaritate attrahunt, aut totius essentiæ similitudine noxam depellunt, 5. de simpl. cap. 17. Galenus autem ea Periammata rejicit, quæ non vi quadam medicâ, sed ignotâ quâdâ ratione, aut latente efficaciâ, mira. ilique contrarietate hominibus incognitâ aliquid efficere dicuntur.

*Amygdalæ*, vide *Paristhmia*.

*Amylum*, ex tritico cibus, 1. de alim. fac. cap. 8.

*Anelson* Hippocrati, quod cæteris *Amylum* ita dicitur, quod molam non sit expertum ac sine molâ fiat, ut testatur Diosc. Fit verò ex omni tritico ac filigine, sed optimum trimestri. Plin. c. 7 l. 18.

*Anabatica*, id est, *assurgens*, vide *Continua* & *Epacmastica*.

*Anabrosis*, quæ & *Diabrosis* dicitur, est solutio continuitatis in osse, vel in vase aliquo, ex erosione ab humoribus mordacibus introducta, 5. loc. aff. vide *Diabrosis*.

*Ana-*

*Anacolle mata*, medicamenta sunt restringentia fluxiones oculorum, de remed. part. fac. cap. 10. quæ fronti, & temporibus imponuntur, 11. de simpl. med. facul.

*Anadiplosis*, est accessionum reduplicatio, libr. de Typis, cap. 4.

*Anadosis*, est nutrimenti per venas transitus ad hepar, quod idem est ac Digestio, seu Distributio, differens à Diadosi, quod sit translatio, traditio, vel porrectio nutrimenti in singula simplicium, & invisibilibus nervorum, & articularum, extimarumque partium substantiam intimam nutrimento à lateribus illorum vasorum attracto, & translato, 2. de nat. fac. 6.

*Analeptice*, renutritoria refectoriaque vocata, est victus ratio, 7. meth. 6. inde *Analepsis*, id est, resumptio, lib. de marcore, cap. 9.

*Analogismus*, est comparatio, & perceptio causarum morbidarum, præsidiorumque juvantium per similitudines, ad Thrasib. cap. 11. sive *Analogismus* est ratio, quæ ab evidenti auspicatur, rei obscuræ faciens cognitionem, 1. prognost. 6. Dogmaticorum propria, ut *Epilogismus* Empiricorum.

*Anaplerotica*, medicamenta sunt, quæ cicatrices crassant, atque in carne alta vulnera complent, & lymphant, lib. de Dynamid.

*Anasarca*, ἀνασάρκα, vel divisis nominibus τὸ ἀνὰ σάρκα, quæ & *Cata sarca*, *Hypofarcidium*, & *Epifarcidium* dicitur, Hydropis species est prima & mitissima, in quâ humidi substantia tenuis copia, & cruditates in totâ inferiorē thoracis regione acervantur, habitusque totus pituitæ plenus redditur, 4. de rat. vict. 111. diciturque *Anasarca*, & aqua inter cutem, quod per carnem ille humor pituitosus crudus fluat, lib. finit.

*Anastoichiosis*, quod reelementationem seu resolutionem in elementa dixeris, est colliquatio seu resolutio, seu dissolutio, aliquando totius corporis substan-



tiæ, aliquando succorum, qui in venis sunt, duntaxat : quod autem ex eâ colliquatione provenit, aliàs ad ventrem confluit, aliàs ad urinas, aliàs ad sudores pellitur, 3. de sympt. caus. cap. 2. Galen. ἀνασπικέωσιν, ἀνάλυσιν, & σύντησιν, idem æstimare videtur, lib. de symptom. caus.

*Anastomotica*, id est, aperientia medicamenta, quæcunque valorum oscula aperire apta sunt, extergendo, incidendo, obstructions tollendo, & dividendo : differuntque à rarefacientibus seu Diaphoreticis, quæ cutis tantum meatus referando sudores, aut τὴν ἀνάσθησιν ἀσπνοὴν promovent, 5. de simplic. med. fac. c. 14.

*Anastomesis*, vide *Osculorum apertio*.

*Anatafis*, vide *Catatafis*.

*Anatome*, est humani corporis totius, abditarumque imprimis ejus partium dissectio, & speculatio, ut sensibus, quæ in iis delitescunt, patefiant, pleniorque & facilius earundem instituatur curatio, lib. finit. med.

*Anatripsin*, id est, refractionem seu defractionem, veteres Græci solent appellare, non eam duntaxat, quæ ab inferiori parte sursum ducitur, sicut compositio videtur significare, sed absolutè omnem quomodo-cumque factam. Nos autem Tripsin frictionem, seu fricationem vocamus, com. 3. lib. de his quæ in medic. 25. ἀνατρίψεως nomen antiquis crebrò usurpant, τρίψεως autem rarum esse testatur etiam Gal. in Hip.

*Anchilops*, vide *Ægilops*.

*Anchoralæ processus*, vide *Ancyraeides*.

*Anchyle*, vide *Ancyle*.

*Ancon*, est cubiti gibbus, & eminentia aut cubiti flexura, vel gibbi medium cui innititur, diciturque Ancon, alterum majus & acutissimum ossum cubiti, quod & *Olecranon*, hoc est, Ulnæ verticem & cubitum vocat Hippoc. 2. de usu part. c. 2. vide *Brachium*.

*Ancos*, sive *Galianconas*, quasi mustelæ cubito præditos, eos vocat Hippoc. quibus cum augerentur eo-  
rum

rum corpora, ex luxatione brachii, vel ex capitis humeri prolapsione in alam, os brachii brevius evasit, 3. de arric. 88.

*Ancyle* poplitis sunt partes retrorsum post genua spectantes, ejusdemque flexuræ & curvaturæ, lib. introd. cap. 10. unde *Ancylas*, sive *Anchylas* vocat difficiles artuum motus, & ligationem nervorum, & articularum contractiones, ubi præ tumoris duritie, aut crassioribus infarctis humoribus contrahuntur, cum extendentibus membrum musculis tendo non obsequitur. Id in *Poplite*, cubito & digitis contingit, 7. de compos. med. per gen. cap. 6. vide *Poples*.

*Ancyloblepharon*, ἀγκυλοβλέφαρον, vitium est in oculis, in quo palpebræ vel inter se, vel cum albâ aut nigra oculi parte concresecunt & cohærent. In causâ ulcus est negligenter & imperite curatum. Sanescendo enim quod diduci potuit, & debuit, agglutinatur. Ἀγκύλωσις ἔβλεφάρεν dicitur Aëtio, qui & πρόσφυσιν ἔβλεφάρεν id vitii appellavit, l. 7. c. 66. ubi ejus curationem persequitur.

*Ancyræides*, processus acutus exiguusque est in anteriori parte ossis cervicis & scapulæ, qui cum anchoræ, vel corvini rostri similitudinem referat, *Ancyræides* à nonnullis, *Coracæides* ab aliis nuncupatur, quandoquidem extrema ejus pars, uti *Corniculæ* rostrum ad exteriora inclinât, libr. de ossibus, cap. 14. quem etiam *Anchoralem*, & *Cornicularem* nominant, 1. de artic. 2.

*Aneurisma* est affectio, quâ os in arteriâ fit ex vulnere, cum ad cicatricem pervenerit, quæ ei adjacet cutis, manente verò arteriæ ulcere, eâ neque conglutinâtâ, neque ad cicatricem simul perductâ, neque à carne obstructâ; quo fit ut arteria sanguinem jaculetur, qui contineri non potest, lib. de tumor. cap. 11. Ubi etiam hæc addit: Dignoscuntur porro *Aneurismata*, arteriarum haud solum pulsibus, sed &, quod

cùm premuntur, omnis tumor delitescat, recurrente in arterias sanguine, qui illum fecit, tenui spirituosò, & est venosi vasis dilatatio aut spirituosæ materiæ per subsultum distributæ sub carnem dispersio. Paul. Æg. c. 37. l. 6. Aliis describitur arteriarum & partium, quibus illæ implantantur, tumor præter naturam, pugni interdum magnitudine, pulsum edens velut arteria magnum, & molestum, qui cum premitur ex parte refugit, sed mox iterum erumpit. Causa antecedens est arteriarum substantiæ nimia dilatatio, officique earundem apertio; proxima est sanguis arteriosus tenuis, ex arteriâ erumpens sub cutem, qui eam tumorem attollit, illicque sinum sibi efformat, in quem arteria sese exonerat.

*Angina* ab *Angendo*, quod angat guttur, sive *Synanche*, est phlegmone aliis extra collum, ut partes tumescant, aliis intra tonsillas, ut simul partes quoque afficiantur respirationis, & ægra spiratio sequatur, lib. finit. vel brevius, est tumor ad venas jugulares, sive à glutinosâ, frigidâque fluxione, quam pituitosam vocant, sive à calidâ & acri, quam picrocholam biliosamque, appellaveris, quæ & *Cynanche* dicitur, 4. de rat. vict. 30. Tandem Hippoc. omnes affectus gutturi accidentes, si spirationem quoquo modo reddant deteriorem, *Synanchen* vocat, aliis *Paracynanche*, aliis *Parasynanche* dicitur, 4. loc. aff. 3.

*Angor* est nativi caloris cordis contractio, & in centrum retractio, ad quam sequitur ejusdem cordis dolor, palpitatio, & tristitia, pessimumque est signum si in principio acutarum febrium advenerit, lib. de humor. com. 1. 4. de differ. puls. c. 3. & com. 2. in 1. de morb. vulg. 75.

*Anguli oculi* sunt interioris oculi termini, ubi palpebræ coalescunt, alter juxta nasum, juxta tempora alter, hic parvus, ille magnus dicitur, uterque autem *Canthus*, dicitur, id est, *Angulus*, lib. introd. cap. 10.

Di-

Dicuntur & Hirqui oculorum, lib. de venæ sect. contra Erasistratum, cap. 6.

*Angustus pulsus*, vide *Pulsus latus*.

*Anhelosi* sunt qui densum spiritum habent, & simul thoracem multum distendunt; quod contingit in affectionibus, multâ inspiratione indigentibus, ut à cursu, aut vehementi exercitatione, & ardentibus febribus, 3. de diffic. respir. c. 11. etiam anhelationes Althmata vocat, 8. de simpl. Clariùs autem inquit, qui citra febrem densè respirant, qualiter faciunt, qui velociter cucurrerunt, ab accessione hâc Medicis Græcis Asthmatici, Latinis Anhelosi appellantur; eisdem etiam ab aliâ accessione, Orthopnoicos vocant, quod thoracis corpus rectum habere coguntur, & erectâ cervice spirare, ob timorem suffocationis; quin, & stratum circa supernas partes, ad quas thorax reclinatur, sibiipsis erectius faciunt, ne dormientes strangulentur, 7. de comp. medic. loc. cap. 6. & 3. aph. 26. & com. 2. in 3. de morb. vulg. 4.

*Anima* (apud Galenum) aut temperamentum activarum qualitarum est, aut illud, quod temperamento alteratur, & organo veluti in operando utitur, 3. loc. aff. 7. & com. 5. in 6. de mor. vulg. 5. vide *Calor natus*.

*Animalis motus* est, qui animantium corporibus cum sana sunt pro arbitrio, voluntate, ac impetu nervorum, muscutorumque ministerio fit, quem Medici voluntariam actionem, sive animale appellare solent, 1. de trem. & palp. c. 2.

*Animalis virtus* est, quæ ex Cerebro originem ducit, quæque ex motuum voluntariorum vigore aut imbecillitate deprehenditur, ut virtus, quam ex corde prodeuntem agnoscimus, quam vitalem nuncupamus, ex pulsum debilitate; at quæ ex hepate oritur, ac naturalis dicitur, ex sanguineis egestionibus ab initio aquis, atque tenuibus, postmodum verò crassis ad modum fæcis, 1. ad Glauco. 14.



*Annotatio*, quam *Epifemafiam* vocant, est accessionis febrilis principium, 2. aph. 1. Dicitur etiam *Annotatio*, sive *Significatio*, sive *Semeiosis*, id est, morborum dignotio ex similium ac dissimilium consideratione, ante alia artis opera, *diagnosis*, 1. de his quæ in medic. fiunt 1.

*Annotatio incompressa* quæ hæcticarum febrium proprium est indicium, est, cum pulsus major statim, ac velocior à cibo efficitur, sine aliquo horrore, dormitatione, pigritiâ, frigefactione extremorum, inæqualitate pulsus, aut frigiditatis, aut caliditatis sensu, 1. de differ. feb. c. 9. vide *Febris significatio*.

*Anodyna* medicamenta sunt, quæ ad sedandos dolores sensum stupefaciendo parantur, sopientia & narcotica, 12. meth. 1. Eadem *Anodyna* dicuntur, id est, *Indolentia* quoniam dolores sedantur, non tamen dispositiones penitus sanant, sed vim sentiendi obtorpescere faciunt, 2. ad Glau. 6. sed rectius *Anodyna* dolorem sedantia sunt, & facultas *Anodyna* alia re verâ est, alia improprie dicitur, tanquam si quispiam hominem mortuum dicat *Anodynou*, quia dolore vacet. Cæterum vera *Anodyna* facultas est eorum, quæ primo ordine calefaciunt, si utique in essentia tenui contineantur: at facultas eorum, quæ improprie dicuntur *Anodyna*, sed non sunt, frigidorum est, quæ absoluto utentia frigore partem obstupefaciunt, unde, & *Narcotica*, id est, stupefacientia dicuntur, 5. de simpl. med. fac. c. 9.

*Anoa*, Græcis ἀνοια, id est, *Amentia*, est ratiocinatricis functionis veluti paralyxis, & abolitio, libr. de sympt. differ. c. 3.

*Anomæomeres* membrum est, quod ex dissimilibus partibus est conflatum, 7. meth. 6.

*Anorexia*, id est, *Inappetentia* & ciborum fastidium, idem significat quod *Astia*, & *Apositia*, id est, abstinencia à cibo, 4. aph. 17. vide *Apositia*.

*Ante-*

*Antecedens, vide Antegressa.*

*Antegressa causa*, quæ & *Procatarchon* dicitur, est, quæ extra corpus posita, quidquam in corpore alterat, quæ & *Procatartica*, *Anticipans*, & *Antecedens* dicitur, quod eas quæ in corpore dispositiones sunt, antegrediat, 5. de caus. puls. cap. 1. quasunque dispositiones, vel motus in ipso animali præter naturam, morborum præcedentes causas nominant, quæ verò extrinsecus adveniunt, & alterant corpus, atque naturam vehementer transmutant, præincipientes appellant, in lib. de caus. morb. cap. 2. eadem *Primitiva*, & *Initiatrix* dicitur, 6. de loc. affect. 4. eadem *Prophasia* & *ocasio* dicitur, com. 3. in 1. de morb. vulg. 19.

*Antheræ*, id est, *Floridæ* appellatæ compositiones, quod colorem floridum habeant ac prærubrum. 5. de comp. med. loc. *ἀνθηρόι* etiam dicuntur Hippoc. floridi & rubore valde perfusi, quos idem *ἰξερύπης* vocat, ut scribit Galen. capite humorum calidiorum copiâ repleto.

*Antiades* sunt *Tonfillæ* Latinis dictæ, hoc est, *Glandulæ* duæ supra laryngem sitæ, quæ sibi ex adverso in oris termino utrinque respondent. Item earum morbus & inflammatio, aut earundem ex fluxione tumor eodem *Antiadum* nomine donatur, 3. de caus. sympt. cap. 4.

*Anticardion*, sic dicitur cavum illud quod est sub pectore carneum molleque ad os ventris pertingens, vocatur etiam *sphage*, Rufus verò cavitatem eam pectoris quæ est ad claviculas, tradit ab Homero dici *Leucaricon*, à Medicis verò *Anticardion* & *Sphagen*.

*Anticipans* morbus est, qui cum diversis horis semper accedat, & remittat, prævenit quidem continuo, citiusque horas persolvit, unde *Anticipans* dicitur, si-ve *Prolepticus*: qui verò tardat, *Hystericus* si-ve posteriorius veniens nuncupatur, lib. de Typis, c. 3. vide *Antegressa*.

*Anticnemion*, vide *Gastrocnemion*, *Sura*, & *Tibia*.

*Anticheir* est magnus digitus manus, qui & Pollex, & Promanus dicitur, lib. de muscul. dissect. cap. 22. *Ἀντίχειρ* est digitus primus à carpo sive brachiali incipiens, eique per *Diarthrosim* insertus, reliquis quatuor digitis multo inferior, & illius non recta, sed ex obliquo oppositus. Sic à Græcis dictus videtur, teste Galeno, quod solus ipse tantum valeat polleatque, quantum cæteri quatuor, Latine Promanus dicatur; quod manus actiones omnes per eum habeat firmiores, eo solo tantum roboris præbente, quantum reliqui digiti simul juncti: easque omnes æquè cessare & aboleri necesse est, sive ipse solus, sive alii desint. Itaque a pollendo etiam Pollicem Latini appellavere. Sunt autem qui *ἀντίχειρ* dictum velint, quod cæteris digitis oppositus sit, ex adverso situs. Dicitur & *μέγας* propter magnitudinem seu præstantiam.

*Antendeixes*, & *Endeixes*, sunt contraindicationes, seu contradictiones indicationum; Item communitates, scopi & auxiliorum materiæ. & indicationes, quæ sunt auxiliorum inventiones, 9. method. cap. 7. vide *Endeixis*.

*Antidotus*, medicamentum est, quod non extrinsecus impositum, sed intus assumptum, malignas, cæcas, & latentes corporis affectiones sanat, 1. de Antidotis, cap. 1. Mos est junioribus Medicis, Antidotos appellare, non modò quæ adversus mortifera medicamenta, quæque ad morsus ictusque venenosos exhibent, sed etiam quæ contra malas corporis affectiones præsertimque diutinas valent, ex aliquo ulcere, aut abscessu confurgentes, 2. de antidot. cap. 6.

*Antispasis*, id est, ad contrarium revulsio, avertitur enim sanguis, atque ad alia membra convertitur, tum ad proxima derivatus, tum ad contraria revulsus: illud Parocheteusin, hoc Antispasin Græci vocant, 5. meth. c. 3. vide *Revulsio*, *ἀντισπασίς* est revellere.

*Anti-*

*Antispasticon*, id est, auxilium in diversa revellens,  
13. meth. 11.

*Anthrax*, id est, Carbo, vel Carbunculus, seu ulcus  
escarosum aut crustosum, cui adjungitur multa par-  
tium circumstantium inflammatio, 6. aph. 45. Ortum  
autem ducit ex sanguine melancholico putrescente,  
adeoque per incensionem ardente, ut cutem deurat.  
Galen. lib. 2. de prælag. ex puls.

*Antitasis* est, cum quæ dissident ossa, ad hoc, ut è  
directo admoveantur, prius retrorsum trahuntur. Hæc  
ad oppositum tractio Antitasis dicitur, aliis diatasis, id  
est, extensio. 6. meth. 5.

*Anulus* est recti intestini orificium sphinctere mus-  
culo donatum, per sedem prodieris, quo excretionem  
cùm lubet aliquamdiu retinemus, sic dictus à figurâ,  
ab officio verò strictor dicitur, lib. introd. cap. 10.

*Anus* dicitur inferior corporis pars quâ excrementa  
redduntur, 3. de usu part.

*Apagma*, id est, Abductio, Medicorum appellatio  
propria est, vulgò inusitata: quoties ossis finis, quâ  
parte maximè cum alio committitur, abruptus est,  
6. meth. 5. vide *Abductiones*.

*Apanthismos* est subtilissima linea, quæ ægrè videri  
potest, quasi tu exolefcentem lineolam diceret, cui si-  
millimæ sunt venarum quædam propagines filorum  
araneæ, aut capillorum modo angustæ, & extensæ,  
quæ venæ capillares dicuntur, lib. de dissect. venarum  
& arter. cap. 8.

*Aparachyton* vinum meracissimum originale, cui  
marina aqua non est admixta. Erant autem hujusmo-  
di vina generosa atque ignobilibus aut imbecillis vinis  
marina immiscebatur, indeque *παραχωρόν* *ἄν* dice-  
batur, 4. de comp. med. per genera, c. 7.

*Apechema*, diremptio est ossis superficiaria, vel etiam  
profunda in partibus ictui oppositis, lib. finit. medic.

*Apepsia*, id est, *Cruditās*, 2. meth. 2. vide *Concoctio*.  
*Apepra*



*Apepta phymata* solitus est Hippoc. nominare Cruda tubera, seu tumores præter naturam, nervosa corpora, vertebriis ipsis, atque spinali medullæ insita, extendentia: causam nempe gibborum effectricem, 4. de loc. aff. cap. 3.

*Aperientia*, vide *Anastomatica*.

*Aperistarum*, id est, Cavum ulcus apertum, 2. de compos. med. per gen. c. 1.

*Aphonia*, id est, vocis carentia, privatio seu defectio, quæ ægris solet accidere, læsis duntaxat iis quæ voci efformandæ subserviunt instrumentis, vel etiam iis quæ respirationi deputavit natura, vel ob recentem quandam exolutionem, & afflictionem virtutis, 4. de ratione vict. 23.

*Aphorismus* est oratio, quæ omnes rei proprietates brevissimis verbis circumscribit, 1. aphor. 1. quin & aphorismos definitiones appellat, 3. de his quæ in medic. 32.

*Aphthæ* sunt ulcera puerorum, summam oris partem occupantia, ob mollitiem maximè facta instrumentorum, quæ neque tactum neque qualitatem lactis sustinent, quod non parvam in se serosam contineant partem. Est autem serum naturâ abstergendi facultate præditum, adeò ut nil mirum sit, si in mollioribus corporibus quasdam in superficie exulcerationes efficiat, 3. aphor. 24. ex quo etiam habent aliquid igneæ caliditatis, vel adhuc quod infans lac non probè concoxerit, 6. de compos. medic. loc. c. 4. & com. 3. in 3. de morb. vulg. 12.

*Apices* matricis sunt processus quidam mammillares utrimque ad latera matricis ad ilia inclinantes, à Græcis Cornua matricis appellantur, per quæ cornua semen à propriis testiculis vulva attrahit, ut virile per collum, lib. de coeact. vulvæ, & 2. de semin.

*Apios*, cibus est & potus omnis qualitatis quæ sensu deprehendi potest, expers, qui neque adstrictionem, neque

neque acrimoniam, aut aliam insignem facultatem obtinet, qualis inter humiditas substantias est aqua, 1. de aliment. facult. 8.

*Apnoea*, id est, Ablata spiratio, 2. de rat. vict. 43.

*Apoclasmata*, id est, Abruptiones, vide *Abductiones*.

*Apocope*, ut ὅστις ἀποκοπή, ossis abscissio, aphor. 28. lib. 7. idem quod ἀλγυγή, aphor. 19. lib. 6. cum ossis pars abscinditur & detrahitur, vide *Abscissio*.

*Apocrustica*, id est, reprimentia & repellentia medicamenta, quæ adstringendi vim obtinent, 11. meth. 15.

*Apodacrytica*, id est, delacrymativa pharmaca, & percussoria lacrymarum, 4. de comp. med. loc. c. 5.

*Apoplepsis*, vide *Interceptiones venarum*.

*Apomeli*, mellis decoctum intelligo, quod nos conficimus aceto cum melle commisto, tantisper tamen simul decocto, quoad utrorumque qualitates inter se uniantur, & aceti vis retundatur, 3. fract. 49.

*Aponeurosen*, sunt tendines quos musculi generant, qui ad artuum fines pertinent, qui ab Hippoc. τένοντες, id est, Chordæ dicuntur, 3. de aliment. facult. 5. Dicuntur autem *Aponeurosen*, quasi denervationes, & nerveæ musculorum extremitates, 1. de anatom. adm. cap. 5. quoniam musculi in eos desinunt, 1. de motu musc. cap. 1. vide *Nervus*, *Tendines*, *Denervationes*.

*Apophlegmatismus*. Medicamenta quæ ore colluuntur, aut dentibus manduntur, omnia unâ nomenclaturâ comprehendentes, *Apophlegmatizonta* nominant, ac eorum facultates, *Apophlegmaticas*, 5. de simpl. 20. Rectius autem *Apophlegmatismus* est medicamentum quod pituitam per os educit ex capite aut thorace, 6. de sanit. tuen. c. 10.

*Apophthora*, vide *Abortus*.

*Apophysis* est extranea ossis pars, instar tuberculi prominens, seu adnata appendix, lib. de ossib. in proœmio. ἀποφύσεις dicuntur etiam Hippocr. excrecentiæ carneæ tantum in massâ carneâ & factu apparentes,

tes, quæque processus ac exortus membrorum & protuberantiæ, non certæ aut exactæ distinctiones, quales in fœtibus masculis contingere dicit.

*Apoplexia* est ablatio sensus, & motus in toto animalis corpore, seu vehemens & repentina totius corporis resolutio ac stupor, 3. de loc. aff. 10. & 2. aph. 42. vide *Caros*, & *Paraplegia*.

*Apoplectica venæ*, quæ & Sphagitides, & Jugulares externæ, seu Superficiares, Arabibus Guidez manifestæ vocantur, sunt quæ infernè ad aures utrinque singulæ feruntur, à quibus superficialiæ omnes tum colli tum capitis partes nutriuntur, 6. de usu part. & initio secundi de rat. vict. *Apoplectica* vocantur, quod harum ex interceptione, & obstructione Apoplexia oriatur.

*Aposcemmata*, ἀποσκήματα, seu ἀποσκήψεις, id est, decubitus humorum vocantur, cum qui prius unum membrum infestant humores, eo relicto, ad alterum transeunt, 2. ad Glau. Interdum & Hippocrat. dicuntur morborum transmutationes & transitus, ut aph. 56. lib. 6. Dicuntur etiam Galen. ἀποσκήματα corporis excrementa quæ in alvum deponuntur, totumque corpus aut etiam partem quandam, veluti humoribus in eam decumbentibus exonerant, com. 2. in progn.

*Aposceparnismus*, abscissio est ossis, cum ejus pars decussa vulnerando fuerit, fracturæ species, lib. finit.

*Apositi*, & *Anorectoi* more antiquorum Græcorum, ii appellantur, qui appetentiâ carent, & cibos refugiant, com. 3. in 3. de morb. vulg. 72.

*Apositia*, ciborum fastidium, vide *Anorexia*. ἀποστίτις Galen. in exeg. exponit, quæ cibi fastidium & inappetentiam inducunt.

*Apospasmata*, avulsa omnia nominantur, de constit. art. cap. 6. quæ verò continui solutiones, Apospasmata, id est, *Avulsiones* vocantur, instrumentariarum tantum.

tantummodo partium propriæ sunt passiones, de differ. morb. cap. 11. vide *Rhegma*.

*Aposthagma* exponitur Galeno apud Hippocratem fæculenta colatura aut excolamentum, quod & *σφαγμα* dicitur. Intelligi autem potest sanguis qui supposito vase pecudi jugulatae defluit, & excipitur, ac in cibum variâ conditurâ formatur, ut testatur Plin. lib. 28. cap. 14.

*Apostasis* fracturæ species est, quæ sub. generalem affectionem subjicitur, quæ est continuitatis dissolutio, ita enim (ait Galenus) ego totum hoc genus soleo appellare; at Hippocrat. abscedentia corpora, quæ ita affecta sunt, vocat, ut & affectio ipsa, abscessio merito nominetur, tametsi una quædam species generis huius sit, quam propriè Abscessionem, & Abcessum, id est, Apostasin & Apostema nuncupant, 3. de his quæ in medic. initio.

*Apostasis*, & *Metastasis* differunt, quod *Apostasis*, id est, Abcessus, judicationem infert, ægrumque à molestiis omnibus liberat; *Metastasis* autem, id est, Commutatio, aliarum habet principium accessionum, ut & aliud exigat tempus ad coctionem mali aliumque corporis locum, ad quem infestantium humorum facta est translatio, 4. de rat. vict. 68. Ex quibus colligitur ea inter se differre universali & singulari notione. Cùm sint enim utraque humorum in partem aliquam illapsus & decubitus, generalius tamen quiddam *ἀποστροφῆς* continet, quæ vitiosos humores feliciter & velut ex toto vacuat, solutionemque facit: *μεταστροφῆς* autem peculiarem partis cuiusdam depositum significat, in quam illapsi humores judicatione vacuari nequeant, sed concoctione indigent.

*Apostema*, vide *Apostasis*, & *Sinus*.

*Aposyrmata*, desquamata dicuntur, aut summæ cutis abrasiones. Est solutio continuitatis in superficie species, abrasâ scilicet cute. vide *Abrasa*.

*Apo-*



*Apothērapia*, nunc pro postremâ parte omnis probè peractæ exercitationis sumitur, nunc pro eâ medicinæ parte, quæ lassitudinem ex immodico exercitio succedentem, submovet, 3. de sanit. tuenda, cap. 2.

*Apothērmus*, *Sapa*, *Siræon*, *Hepsēma*, nomina Synonyma sunt, significantia mustum plurimum coctum, 1. de alim. fac. c. 13. de attenuante vict. rat. 12.

*Appetitus caninus*, vehemens est comedendi desiderium, quo & plurima edunt, & maximè gravati assumpta inalterata paulò post revomunt, 7. de comp. med. loc. c. 2. & 1. de sympt. caus. c. 7. ὀρεξις κυνώδης, Affectio est τῇ ἀνορεξίᾳ prorsus contraria. Provenit magnâ ex parte ab humore aliquo vitioso & acido, sive is pituitosus sit, sive melancholicus, qui in os ventris impactus, ipsum mordet & irritat. Talis namque mordacitatem suctioni similem inducit, & ventriculi tunicis coactis adstrictisque inanitionem perinde ac naturalis fames invehit, atque inexplebilem cibi cupiditatem. Itaque eorum copia gravati, coguntur cibos evomere, deinde cibus denuo se ingurgitare, postea redire ad vomitum, inde ad cibum, atque ab eo identidem ad vomitum, canum modo in eandem noxam relabentes, à quâ per vomitum fuerant liberati. Quo fit ut tantam ventriculus imbecillitatem contrahat, ut nihil continere possit, sed perpetuâ ferè laboreat vomitione. Nec verò vomitu tantum reddunt ingestos plus æquo cibos, sed alvi etiam profluvio aliquando deiciunt. Quo fit ut his succedant, & cæliacæ & dysentericæ affectiones, & ipsa aqua inter cutem, propterea quod ante prioris cibi concoctionem, ingestio alio, cruditas vitari non potest.

*Appositio*, quæ & *Adjunctio* & *Prosthesis* dicitur, finis est actionis, quæ ab attrahente vi perficitur, attractum enim & adductum nutrimentum singulis partibus apponit assimilandum, 3. de nat. fac. c. 1. vide *Prosthesis*.

*Apsy-*

*Apsychia*, id est, animi deliquium, com. 2. in 1. prorhet. 20. & 1. aph. 23.

*Apyſſus*, id est, morbus sine sputo, præsertim morbus lateralis, cum pars dolens exquisitè angusta fuerit, & veluti alligans in se ipsâ, universum fluxum cohibuerit, nec per sputum se exonerarit, 2. cris. cap. 10. *ἄπυσσι πλὴν ἐνδὲς*, Pleuritides in quibus nihil expuitur. In Coac. prænot.

*Aqua inter cutem*, seu *aqua intercus*, id est, Hydrops, vel Hyderos, 5. de loc. aff. 7. 4. aph. 11.

*Aqualiculus*, qui & *Pubes* nonnullis dicitur, & *Epiſeion*, est ea trunci pars, in quam Thorax finitur, ubi & masculorum pudenda constituta sunt, quin & foeminarum, ad femoris utriusque exortum, ut sub hoc occultentur, lib. introd. cap. 10.

*Aqueus humor*, qui & *Albugineus*, vide *Cryſtallinus*.

*Aquosa urina*, quæ & *Cruda* dicitur, est ea, quæ alba est & tenuis, 1. de cris. cap. 5.

*Aquosus hydrops*, hydropis species ea est, quam *Asciten* vocant, cujus proxima causa aquosus humor est, partim à jecinore manans, partim à totâ carne corporis, veluti in aquam resoluta: à quo aquoso humore totum Abdomen distenditur, qui colligitur inter Peritonæum & intestina, veluti in utre quodam, unde illi nomen dedit, opposita alteri hydropis speciei, quam Hippocrates vocat siccum hydropem, qui & *Tympanias* dicitur, vide *Ascites*, *Hydrops*.

*Aquila*, vide *Hydati*.

*Arachnæides pulsus*, araneæ speciem referens, sive aranealis, hoc est, parvus, ac brevis auræ agitato movetur, lib. finit. med.

*Aræotica*, id est, rarefacientia, *ῥαρωτική φάρμακα*, quæ meatus cutis aperiunt, 5. simplic. cap. 14. vide *Anastomatica*, & *Rarefacientia*.

*Aranea tela*, *ἀράχνης*, est oculi tunica, quæ cum Rheticinâ perfectam sphaeram efficit, circumdantem  
C crystal-

crystallinum humorem, diciturque aranea, quia ad modum telæ aranæ subtilis est, ne impediatur lumen ingrediens ad crystallinum, & albugineum humorem, lib. de anatom. viv. vide *Rhagoſ*.

*Arcuatus morbus*, vide *Arquatus*.

*Ardens febris*, vide *Synocha*.

*Areæ*, vide *Alopecia*.

*Argemon*, ἀργεμον, & ἀργεμα, est oculi ulcusculum, quod in iridis circulo nascitur, partem quidem aliquam candidi, partem verò etiam nigri comprehendens. Id extra quidem iridem rubicundum, intra verò candidum apparet. Per ipsum tunica uniformis aliquando procidit, si profundius sordidiusque evaserit. Quo vitio qui laborant, ἐπαργεμους vocat Galenus.

*Argyrite*, ἀργυρεῖς γῆ, argentea terra, quæ ex argenti metallis sumpta, pluribus parvis terræ particulis, plures parvas argenti mistas habet particulas, 9. simpl.

*Ariditas* est summorum pilorum lanuginosa superficies, pulvere conspersis adsimilis, lib. finit. med.

*Arytæna*, vide *Arytænoides*.

*Arytænoides*, ἀρυτανειδής guttalis, est cartilago laryngis, tum ordine, tum positione, tum magnitudine tertiâ, in supremâ innominatæ cartilaginis parte sita, gutturniis, infundibulisque, quas Arytænas appellant, non absimilis, lib. vocal. instr. diff. cap. 4. unde aliqui eam Arytænam vocant & Gutturalem, 7. de usu part. II. vide *Cricæides*.

*Armatura conceptus*, ab Arabibus *Abgas*, tunica est postrema tenuis, toti foetui undique circumjecta, ipsius velut sudorê excipiens; quasi agnium à mollitie deducto nomine, *Amnion* Græcis appellata, 15. de usu par.

*Arquatus morbus*, qui & Regius, & Icterus, & Auriginosus, & Arcuatus dicitur, est bilis in summam cutim effusio, interdum cum febre acutâ, interdum sine illâ, cum interiorum adustione, & stomachi vitio, lib. Introd. 5. loc. aff. 7. Clariùs, Flava bilis, quando sui

fui servans naturam, unà cum sanguine per totum corpus defertur, morbum facit, qui Icterus, id est, Regius appellatur: sola verò quando secreta est ab aliis succis, & in aliquo membro consistit, Herpetem concitat, 2. ad Glau. 1.

*Arteria*, est vas membraneum ortum habens à corde teres & cavum, duplicique compactum tunicâ, quo vitalis spiritus & tenuissimus calidissimusque sanguis per corpus universum pulsû distribuitur, lib. de anat. viv. differt autem à venâ, quod vena sit vas sanguinem continens, non pulsans, sed arteria vas est pulsans, lib. de caus. morb. cap. 3. quondam non dum eas, quæ similiter ut cor, pulsant, arterias (in solam eam quæ ex pulmone in laryngem emergit arteriam, arteriæ nomen inferentes) sed venas appellabant, in totum velut alias quæ non pulsant, sic etiam pulsantes, postea verò consuetudine obtinente, arteriæ appellationem in pulsantibus dici propter æquivocationem asperæ nomen apponentes, eam, quæ ex larynge in pulmonem descendit arteriam, Asperam arteriam appellârunt, quam ipsam etiam Bronchum vocant, quoniam cartilaginosa corpuscula, quæ plurima ejus pars sunt, Bronchia appellant, 7. de com. med. 1. loc. cap. 1. Asperæ autem arteriæ dicuntur, quæ in pulmones divisæ sunt, quæ verò toto insunt corpore, quæque ex asperis arteriis contracto corde, spiritum transumunt, læves, 7. de anat. ad. 4. & 7. de usup. cap. 9. vide *Aspera arteria*.

*Arteria crassa*, vide *Arteria aorta*.

*Arteria magna*, vide *Arteria aorta*.

*Arteria aorta*, magna, maxima, crassa, synonyma sunt, significantia unum omnium arteriarum tanquam caudicem, à sinistro cordis ventriculo propagatum, quæ omnes tum sibi invicem, tum eorum pulsandi modo respondent, 7. de anat. adm. cap. 1.

*Arteria venosa* est vas à sinistro cordis ventriculo ad pulmonem procedens, ore rotundo & admodum pa-



tenti, quod in ipso ferè ortu in duos ramos dividitur. Eorum dexter sub basi cordis productus, & in cordis involucrum subiens in dextrum pulmonem multifidus spargitur, sinister verò in sinistram pulmonis partem multis propaginibus inseritur. Ambo pleni sunt aëris, quem è pulmonibus in cor transferunt. Arteria vocatur, quia pulsatur; venosa autem quia venæ tunicâ vestitur; quæ verò ex dextro cordis ventriculo est, Venæ arteriosa sive arterialis dicitur, vena quidem ab usu, arteriosa autem, quoniam arteriæ corpus est duplici tectum tunicâ, 7. de anat. adm. 4.

*Arteriæ emulgentes*, sunt duæ propagines magnæ, à maximâ arteriâ, quæ spinæ incumbit, profectæ, non aliter quàm duæ venæ magnæ, quæ in renes inferuntur, quibus renes urinam à sanguine secernunt & trahunt, quâ ratione Venæ & Arteriæ emulgentes appellantur, lib. de dissect. ven. 5. 14. & 16. de usu part.

*Arteria aspera*, vide *Arteria*.

*Arteriæ carotides*, quæ & Soporariæ, & Apoplecticiæ & Subjectæ dicuntur, sunt quæ infernè à corde ad jugulum rectâ tendunt, atque ad partes collo superiores distribuuntur, de dissect. art. & 16. de usu part. Sic autem à veteribus Medicis ejusmodi arteriæ dictæ sunt, quod vinculo exceptæ carum, lethargum, & apoplexiam inducant.

*Arteriæ leves*, vide *Arteria*.

*Arteriam conjugem* vocant, non eam arteriam, quæ venæ est per membranas conjuncta; sed eam, quæ cum alteri adjuncta sit, ad eundem usum extiterit, 16. de usu part. cap. 13. nusquam enim vena ab arteriâ relinquitur, sed ubi vas arteriosum videris, ibi necesse est venam etiam esse, 16. de usu part. cap. 14.

*Arteriæ*, & *Venæ umbilicales* sunt, quæ acetabulis uteri adhærescunt, quibus fœtus in utero alligatur, & alimentum trahit, 14. & 15. de usu part.

*Arteriace*, *ἄρτηραι*. Mos est recentioribus medicis arte-

arteriæ pharmaca Arteriacas appellare, non apponentibus, num antidotos dicant, an juxta aliud significatum, quidam verò Eclecti nominant ipsa, non apponentes pharmaca; at quidam penitus nullum discrimen ipsis adscripserunt; aliqui verò rarò addiderunt; alii ad vocem interceptam; alii adhuc generalius ad vocem læsam; sunt qui & ad exasperatam arteriam, & ad exulceratam vel inflammata, ut aliquando per magnas vociferationes accidit, eandem hujusmodi accommodata esse scripserunt, 7. de comp. med. loc. cap. 1.

*Arteria trachea*, vide *Aspera arteria*.

*Arteria coronalis*, vide *Stephanicea*.

*Arteriosa vena*, vide *Arteria venosa*.

*Arthritis*, sive Morbus articularis, est artuum vitium, sive articuli tumor dolorificus, quem fluxio in eum decumbens excitavit, 11. method. 20 sunt & ex genere Arthritidis, Ischias, Podagra, & Chiragra, quod enim in omnibus aut multis simul articulis Arthritis est, hoc in uno juxta coxendicum quidem Ischiada, hoc est, Coxendicum morbum appellant; juxta pedem autem, Podagram, juxta manus, Chiragram, 10. de comp. med. loc. c. 2. Unde Arthriticos vocant, qui hoc articulari vitio laborant, 11. meth. 20.

*Arthrodia*, per oppositam sibi articulationis speciem, Enarthrosin, clariùs intelligitur; utraque enim est species Diarthroseos, id est, Dearticulationis; sed Enarthrosis est, cum excipiens cavum admodum altum est, caputque quod in id inferitur, oblongum; Arthrodia verò, quæ cavum leve superficialium, & capitulum etiam depressum habet, lib. de ossibus in procæmio.

*Articulus* est naturalis ossium syntaxis seu compositio, vel per Diarthrosin, id est, Dearticulationem, quæ est ossium structura, quorum motus est evidens, vel per Synarthrosin, quæ est ossium manifestum motum,

non habentium compositio, lib. de ossib. in procœmio. Sed rectius ; Articulus est, cùm duo ossa, ita invicem coeunt, ut alterum quidem ipsorum sit quod movetur, alterum velut sedes quædam ei, quod movetur, & firmamentum, ut in ostiorum cardinibus apparet ; unde manenti, cavitas, (quæ Glene, id est, Pupilla. & Cotype) id est. Acetabulum, ei, quod movetur, convexitas, (quæ Condylus dicitur) inest, 1. de motu muscul. cap. 9.

*Articularis morbus*, vide *Arthritis*.

*Artomel*, id est, primum jusculum ex pane, & melle, 10. method. 6.

*Artus*, extremæ & compositissimæ corporis partes sunt, crura scilicet, pedes, & manus.

*Arythmus*, pulsus est, non is, qui absolutam abolitionem significat, omnique rythmo aut modulo orbatu est ; sed is, qui nativo rythmo caret : cui opponitur pulsus, qui *Eurythmus* dicitur, 1. de diff. puls. c. 9.

*Asaphia*, ἀσάφεια, est vocis obscuritas, vel propter vocem efformantium organorum offensam (quam ex nervorum vicio contraxerunt) vel propter mentis læsionem, com. 2. in 1. porrhæ. 3. ἀσάφεις ægri dicuntur Hipp. qui obscure loquuntur, nec clarè differunt.

*Ascarides*, & *Helminthes*, sunt tenues & minuti lumbrici, in parte præcipuè inferiore crassi intestini progeniti ; rotundi verò sive teretes lumbrici sunt vermes, qui in superioribus magis intestinis generantur, adeò ut ad ipsum quoque ventriculum quandoque ascendant ; latus est, qui & longissimus est, & per tota sæpè extenditur intestina, 3, aph. 26.

*Ascensus morbi*, *augmentum*, *incrementum*, synonyma sunt, significantia totius morbi, sive paroxysmi secundum tempus. 1. cris. 3. ait, ubicunque accenditur, atque augetur caliditas præter naturam, istuc ab aliis partibus sanguinem solere confluere ; quo verò tempore confluit, illas quidem partes mandantes refrigerari,

rari, privatas sanguine, est necessarium; quod verò patitur membrum gravari, ac distendi, ac sanguinem ipsum confluentem alterari, tum quia aliis, quæ jam putruerunt, superfluitatibus permiscetur, tum quia intrusum diffilari non potest; atque hoc tempus accessionis principium nuncupatur. Cùm verò jam caliditas materiam convicerit, tunc hoc tempus, & ascensus, & augmentum vocatur; in hoc verò usque adeò calor augeatur, ut non modò locum exurat, qui est quodammodo putredinis focus, sed etiam continuatim per totum corpus dispergatur, ac cùm jam ad summum fervoris devenerint humores accensi, id accessionis tempus consistentia appellatur; tunc verò universum laborantis corpus igneum videtur, extensâ per totum corpus æqualiter caliditate, 2. de differ. feb. 11.

*Ascia* est revolutio fasciæ, quæ cùm parùm à recto declinet, in obliquum tamen nondum vergit insigniter; à fabrorum *asciâ*, quæ paululum à recto abiens, in summitate decurvatur, dicta, 3. de fract. 21.

*Asцитес* hydropis species est, in quâ in membranâ abdominis interiore, Peritonæo Græcè dictâ, aut potius inter Peritonæum & Omentum, humor ferrosus veluti in utre quodam continetur cum paucissimo spiritu, unde eam vocat Hippoc. aquosum hydropem, præcipua ejus causa frigiditas est. Contra Tympanias (quam siccum hydropem vocat) in quâ Abdomen percussum talem sonum edit qualem Tympana percussa, quoniam in illis per cutem extentam subiectus aer flatuosus percutitur, quemadmodum aer in hoc morbi genere, qui in profundo Abdominis conclusus coercetur, 4. aphor. 11. Ascitem etiam utricularium hydropem vocant, libr. finit.

*Aselli*, vide *Axes*.

*Asema*, crisis est, quæcunque à nullo dierum indicantium antea fuerit indicata, unde sine signo dicitur, 3. de Cris. 10. *ἀνεμα πνεύματα* spirationem exiguum



& obscuram ac velut interceptam, nullamque ferè sui significationem edentem significant, lib. 6. Epid. 3. sect. 7.

*Asitia*, id est, ciborum abstinentia, fastidium, & inappetentia, aliquando etiam vasorum inanitio asitia dicitur, tanquam nomine generis in specie uti liceat, 2. de rat. victus, 47.

*Aspera arteria* est particula simplex in animalis corpore, quæ aliarum omnium est durissima solo ossè mollior, quam Græci Chondron, id est, Cartilaginem vocant, quam totam in exactam naturâ circuli circumferentiam contorsit, circulatorum multâ serie continuâ in longitudine interiore compositorum, à pharynge ad pulmonem usque pertingens, sanguine vacua, 7. de usu part. cap. 3. eademque prout corpus est ex cartilaginibus (ut instrumentis vocis) & ex vinculis membranosis, (ut instrumentis respirationis) compositum, *trachea arteria* dicitur, ab inæqualitate, & ad differentiam arteriarum lævium, ibidem cap. 6. quam bronchon nominant, ibid. cap. 11.

*Asperæ arteriæ* dicuntur etiam cum eversæ sanguinolentiores apparent, & magis asperæ carnosæque & fici acinis similes, lib. Introd. cap. 15.

*Asphyxia*, id est, pulsus privatio sive defectio, cum non percipitur nostro tactui motus, atque hoc per totum animal accidit, ut nulla usquam arteria moveri videatur, quod tamen, si ad veritatem exigas, in corpus vivum nunquam cadit, ad nostrum tamen tactum frequenter reperitur, 1. de præfag. ex puls. cap. 3. quam Hippoc. vocat *spirituum interceptionem*, 4. de rat. victus, 26. Quod si in quibusdam partibus arteriæ moveri videantur, in aliis verò immobiles sint, jam non *ἀσφυξία* erit, sed differentiae species in longitudine pulsus. Gal. lib. 1. de præserv. ex puls. *ἀσφυκτοί* dicuntur Gal. pulsu privati, & in quibus motus arteriarum cordis non sentitur. lib. 4. de diff. puls.

*Aspre-*

*Aspreudo oculi* est duritia, & asperitas inæqualis, quæ intra genas oritur, lib. finit.

*Assa*, id est, stomachi fastidium & nausea, 4. de san. tuen. cap. 4.

*Affidentia signa*, quæ & *mox apparentia*, Græcis *συνεπείρονα* dicuntur, distinguuntur à pathognomonicis, seu passionis infallibiter & firmissimè significativis signis; exemplo morbi lateralis, in quo acuta febris, spirandi difficultas, tussis, pungens dolor lateris, passionis significativa sunt, quod autem dolor ad hypochondrium, aut ad clavim perveniat, aut quod faciliùs in latus patiens, quam in alterum æger decumbat, affidentia signa sunt, 1. aphor. 12.

*Assimilatio*, & *assimilatrix facultas* est, quæ ab actione ipsâ generaliter *alteratrix*, in specie verò *assimilatrix* dicitur, quâ id quod nutrit, alteratur, & ei, quod nutritur, simile fit, 3. de natur. facult. capit. 1. naturalium actionum prima, ac propemodum maximè necessaria, nutritio est, quæ alteratricis actionis quædam est species, est enim & coctio, quæ in ventre peragitur, alteratio, non secus autem & quæ in venis, quibus accedit ea, quæ in quâque est particulâ, post quam quarta est, quam assimilationem vocant, nomine quidem à nutritione dissidens, re autem non dissidens, 3. de caus. sympt. cap. 2.

*Assistentes*, sive *Astites glandulosi* vel *Parastatae*, vide *Glandulosi*.

*Asthma*, id est, creber anhelitus, aut anhelatio, affectus est in quo propter angustiam organorum spiritus & bronchiorum oppilationem, apparet summè moveri, usque ad aperta scoptula & scapulas, thoracem, etiam citra febrem motu celeri ac denso, ut etiam in iis, qui velociter cucurrerunt, quique respirando pinnas narium movent, quas in spirando contrahunt, expirando dilatant, com. 2. in 3. de morb;

vulg. 4. vide *Anhelosi*. Morbus hic nomen habet à symptomate : neque enim anhelatio ipsa morbus, sed morbi symptoma. Namque fistularum & cavitatum pulmonis angustia, ipse morbus est.

*Astites*, vide *Glandulosi assistentes*, & *Parastatae*.

*Astragalus*, id est, Talus, (os ballistæ vulgò) 3. de usu part. cap. 6. est principalissimum ossium, quæ ad pedes movendos pertinent, in circumferentias quasdam desinens, magnum quidem & maximis supernis ossibus dearticulatum, in medio tibiæ, & calcanei locatum, ibidem, cap. 8. est & Astragalus fruticellus exiguus, foliis & ramis Ciceri similis, 6. de simplic. medic. facult.

*Astrictio* est densitas cutis, & necessariorum excrementorum suppressio, ad Thrasibulum, cap. 27.

*Ataxia*, & *Acosmia*, est inordinatio decretoriorum dierum febrilium. *Cosmon*, id est, ordinem, appellavit Hippocrat. decretoriorum ordinem dierum, ut enim *Acosmias*, id est, inordinationis proprium est *Ataxia*, id est, inordinatio, ita *κόσμος*, id est, ordinationis, *taxis*, id est, ordinatio. Et ob eam rem appellaverunt mortales universum hoc *Cosmon*, argumento ordinationis, 3. progn. 7.

*Ater succus* est melancholia, quartus naturalis humor in ordine, frigidus, & siccus, sanguinis limus velut & fæx, quem humorem, cum ex ustione quâpiam, ac putrescentiâ in acidam migravit qualitatem, *Atram bilem* nuncupant, sive radentem, 2. de natur. facult. cap. 9. vide *Acidabilis*, & *Melancholicus humor*.

*Athera*, vide *Atheromata*.

*Atheromata*, *Steatomata*, & *Melicerides*, alii quidem inter abscessus reponunt, alii verò ad aliud genus referunt; omnes tamen tumores præter naturam sunt, quorum natura ex ipsis nominibus patet, pulticulæ enim aliquid simile, quæ *ἀθήρα* dicitur, in ipsis *atheromatibus* invenitur, melli verò in ipsis *meliceridibus*,  
sevo

sevo autem, in ipsis steatomatibus lib. de tun. cap. 5. ipsum verò Atheroma Græci quoque ἀθήρον vocant, 14. meth. c. 14.

*Athymia*, id est, animi dejectio, desponsio, ac desperatio, 6. de loc. affect. cap. 1. ἄθυμος significat eum qui animo est abjecto & desperato, quique animum despondet, lib. 3. Epidem.

*Atra bilis* vide *Acida bilis*, & *Ater succus*.

*Athröos*, est secretio & alteratio p. n. subito facta, violenta, dolorosa, ex ipso dividendum genere, videturque in omnibus sensibus, ex secretionem, ac divisione continui, unitique corporis, dolor excitari, cum sensoria, vel universa, vel magnis portionibus, & celeriter (quod Græci ἀθρόως vocant) dividuntur, aut aliàs affatim corruptivè alterantur, incidit, 1. de sympt. caus. c. 6. ἀθρόον astrictum densum & in se ipsum contractum signat. Contrarium est distracto atque disperso.

*Atrophia* est talis species, cum particula aliqua corporis, vel diminutè alimentum attrahit, vel non trahit, vel perperam trahit, unde corpus non nutritur, sive id quidem, quod nutrit, & quantum & quale esse oportet, suppeditetur, sive non. Cæterum symptoma aliquod in retentrice facultate incidit, simile his, quæ in ventre sunt dicta, quod nutritionem tollit: Atrophia quoque excreticis vicio accidit, cum plus quam opus est, vacuatur, de sympt. differ. cap. 4. & 1. meth. 9. Est adhuc quædam Atrophia in oculo, cum ex longâ imbecillitate, vel aliâ quâdam latente causâ, paululum quasi propulsus, deinde cavatus ad radicem, cum dolore minor evadit, obscurèque, aut nihil omnino videt, lib. Introd. cap. 15. ἀτροφία dicuntur, ut ait Plin. lib. 22. cap. 25. qui cibum non sentiunt, id est, qui non aluntur.

*Atrophusie*, ἀτροφῆσαι, id est, corporis particulæ, quæ ex nutrimento fructum non sentiunt, 2. meth. cap. 7.

*Atro-*



*Attonitus morbus*, id est, Apoplexia, 2. aph. 19. quem & morbum stupidum vocant, 8. de placit. cap. 6. Est autem obstructio principii communis nervorum, sensum motumque omnibus corporis partibus repente adimens, & principes actiones offendens.

*Attraxrix virtus* est, quæ peculiare parti succos, alendi ipsam gratiâ, & appetere & attrahere potest; altera quæ generatim *alteratrix* dicitur, quâ succus attractus similis evadit parti, quæ alitur, quæ membratim in hepate, sanguificativa dicitur. *Retenrix*, quâ pars attractum succum coquit, donec in suam ipsius naturam eum mutaverit. *Expultrix*, quæ à concoctis quod inutile est secernit, idque *excrementum* vocatur, 5. de loc. aff. c. 7.

*Attrahens*, sive *Attractoria*, sive *Epispastica facultas* est, quæ ex alto vehementius attrahit propter essentiam calidam, & tenuium partium sive talis essentia sponte nata sit, sive ex putrefactione acescente generationem sortitâ, directè opposita est reperiienti, & adstringenti virtuti, quæ in altum occurrentes sibi succos repellit, 5. de simpl. cap. 17.

*Auditorius meatus*, est rotundum foramen, quod ad aures pertinens, non solum usque ad Cerebri membranam pertinet, sed etiam nervum auditorium contingit, qui in ipsum à Cerebro descendit, 6. meth. 6. quod & cæcum foramen dicitur. libr. de nervor. dissect. 6. Græcè *ὡφλὸν τῆμα*, vide *Aures*.

*Auditus gravitas*, vide *Obaudium*.

*Augmentum morbi*, vide *Ascensus*.

*Aures*, quâ frons ad tempora porrigitur, in ipsius terminis sitæ sunt; quarum pars aperta, *Ala* dicitur, refracta ab interiori, in posterius, ipsis summitatibus inflexis Cubiformis, sub quâ semicirculus rotundus in mucronem exurgens, Græcè *χυσή* appellatur, hujus acumini concavum quod subjacet. *Conchula*, in cujus medio quod conspicitur rotundum  
fora-

foramen, *meatus auditorius* nuncupatur, libr. Introd. cap. 10.

*Aures Cordis*, sunt duo sinus Cordis, concavi, nigriores, nervosiores, & magis cuticulares membranosioreque Corde, in utrâque Cordis parte, sinistrâ & dexterâ collocatæ ad similitudinem aurium, 7. de anat. adm. cap. 9. nominatæ autem porro ita sunt, non ab utilitate, aut actione aliquâ, sed à parvâ similitudine, quod utrinque Cordi ipsi, ut animalis capiti, aures adiaceant, 6. de usu par. cap. 15.

*Aurigo, & Auriginosus*, vide *Arquatus*.

*Autopsia*, est eorum observatio & memoria, quæ proprio intuitu unusquisque inspexit, de part. art. medic. cap. 2. vocabulum est Empiricæ sectæ proprium, quo significabant memoriam eorum, quæ frequenter & eodem modo visa essent.

*Autopyrus*, qui & *Syncomistus* dicitur, panis genus est, quod ex farinâ universâ comportatâ, confusâ veluti & permistâ, non discussis furfuribus, constat, libr. de ren. aff. dignot. cap. 6. *Syncomistum panem* vocant, qui medius est inter exquisitè purum, & furfuraceum; vocant autem nonnulli eundem panem *Autopyrum*, quoniam ad puri panis confectionem farinam, non qualis natura est, talem ad conficiendum panem assumunt; sed prius purgantes furfur excernunt: contrâ autem in furfuraceo prius adimunt eam farinæ partem, quæ purissima est; panis autem qui Autopyrus appellatur, qualem habet ex naturâ farinam triticum, talem etiam servat. 2. ad Glauc. 7. *αὐτὸς ὁ πυρὸς*, id est, ipsum triticum totum.

*Avulsa*, vide *Avulsio*, & *Apospasmata*.

*Avulsio* est, cùm ossa, quæ membrum colligant, divulsa dicuntur, com. 3. in lib. Hipp. de his quæ in medicat. 31. vide *Unioni solutio*.

*Axes* ipsos, Asinos appellare consuevit Hippocrat. & par-

& parvos axes, Asellos, quas etiam succulas vocant, 2. de fract. 48.

*Axillaris vena* est, quæ per axillam percurrrens, major humerali per totum brachium in ramos scinditur duos, superiorem, inferiorem, externum, internum, ille vena hepatica, 3. de anat. adm. cap. 5. hic *subalaris, basilica*; & *vena cubiti interna* appellatur, libr. de anat. vir. & contra Erasistratum. c. 6.

*Axiomata*, propositiones indemonstrabiles vocant, 1. meth. 4.

*Axungiam*, omnes soliti sunt vocare adipem suillum veterem, 1. de comp. med. per gen. cap. 4. Dicitum Latinis axungia, quod axibus rotarum inungendis accommoda sit. Receptum tamen Græcis nomen, neque suillo adipi tantum attributum, sed & *αἰσχυρίων* adeps hircinus dicitur, Gal. vide *Adeps*.

*Azygos vena*, est propago, ex venæ cavæ superioris trunco exorians, parte dextrâ, & octo costis inferioribus inserta, quam sub corde oriri semper à se observatum fuisse testatur Gal, 5. de loc. aff. 2. & initio secundi de vict. rat. & 2. de usu part. in iis videlicet corporibus, in quibus thorax longior erat: nostro verò seculo propter thoracis brevitatem, supra cor, & pericardium exoritur, ad quintâ plerumque thoracis vertebam. Et per ejusdem ramulorû orificia aperta materia pleuritica effunditur. Capiunt ex eâ nutrimentum tum costæ octo inferiores, tum earum spatia, iisque propinqua dorsi medulla, & thoracis membrana, & qui spinæ eo loco inserviunt muscoli, ejusque rei gratiâ in octo pluresve ramulos finditur. Ac cum natura omnes venas geminas creaverit, unam dextram, alteram sinistram, hæc dextra tantum est, eamque ob causam *αἰσχυρίς*, à Græcis, & vulgò ab Anatomicis vena sine pari dicta est. Verùm natura ne sinistrum latus alimento suo defraudaret, in id interdum insignem ramum mittit, qui perinde in sinistrum, atque

que ipsa Azygos in dextrum sese explicat.

*Azymus pann.*, id est, fermenti expers, 1. de aliment. facul. cap. 2.

## B.

**B** *Alisteros*, vide *Astragalus*.

*Barycoja*, *Obanditus*, sive *Obanditio*, est auditus gravitas, & difficultas, proportionem respondens *Amblyopiæ*, quæ est visus hebetudo, sive diminuta visio, 1. de caus. symp. cap. 4.

*Basilare os*, quod & *os palati*, *os Cunei*, *os Sphenoidis* dicitur, est os quod toti *Calvariæ* substernitur, quod à nonnullis inter *Capitis*, ab aliis inter *Maxillæ superioris ossa*, (cum inter utrumque sit medium) numeratur, cap. 1. lib. de ossib. & in fine, 11. de usu part.

*Basilica vena*, vide *Axillariæ*.

*Basis Cordis*, quam alii *caput visceris* appellant est vertex *Cordis*, figurâ turbinata, quæ & *circulus* est, 7. de anat. adm. cap. 3. quam & *mucronem* appellant, 2. de placit. c. 4.

*Bathmides* sunt sinus quidam ac cavitates in brachii osse utrinque singulæ, in quas extendentibus totam manum, & flectentibus, *Cubiti ipsius Coronæ*, sive processus ingrediuntur. *Conditæ* sunt à naturâ ne vel præter modum flecteretur cubitus, vel tantum etiam extenderetur & in posteriorem partem recederet, quantum modo adducitur in anteriorem, 2. de usu. p. cap. 15.

*Becchica medicamenta* sunt, quæ tussim sedant, vel cient, 1. de simpl. cap. 1.

*Belenoides os*, vide *Graphioeides*, & *Lithoeides*.

*Beneolentia* dicuntur, quorum vapores à corporibus defluentes aëri ambiēti permisti, ac deinde per narium inspirationē in *Cerebrum* delati familiares sunt *Cerebri naturæ*, & animali spiritui, pro portione quâdam  
ad



ad ea, quæ linguæ sunt dulcia ; è contrà *graveolentia*, 4. de simp. 22.

*Berenicium*, quod est nitrum, vel spuma nitri, valens maximè ad vulnera nervorum, 6. de compos. med. loc. cap. 1.

*Bilis* simpliciter si proferatur, sive *biliosus humor*, audimus pallidam & amaram, non acidam & nigram : hanc enim semper cum adjectione nominamus, appellationi humoris colorem adjungentes, lib. de tum. cap. 9. Bilis, sine adjectione flavam & amaram significat ; sed cum adjectione, bilis atra, humorem melancholicum. 7. aphor. 32. & 1. de nat. hum. 27. & com. 5. in 6. de morb. vulg. 14.

*Bilis acida*, vide *Acida bilis*.

*Bilis æruginosa*, vide *Bilis pallida*.

*Bilis amara*, vide *Bilis*.

*Bilis atra*, vide *Bilis*.

*Bilis flava*, vide *Bilis pallida*.

*Bilis isatodes*, vide *Bilis pallida*.

*Bilis nigra*, vide *Nigra bilis*.

*Bilis pallida* est, quæ ex bile syncerâ, & tenui aquosâ, serosâque humiditate, ex quâ etiam urina sudorque provenit, constat. *Flava* verò quæ & *Vitellina* dicitur colore pallidior, tenui humiditate constans, sed crassiori quam pallida, crudo vitello ovorum & colore & consistentiâ similis, in vasis genita. *Porracea* verò in ventriculo genita, porrorum colori similis. *Æruginosa*, quæ ærugini assimilatur. *Isatodes* autem bilis, quæ ab *Isatide* cæsius colorem referente, dicta est ; sic etiam & *rubram*, nonnulli bilem nominarunt, quæ consistentiâ ad tenuem sanguinem proximè accedit, sed quoniam non concrevit, idcirco bilem eam nominant, lib. de atra bile, cap. 2.

*Bilis porracea*, vide *Bilis pallida*.

*Bilis radens*, vide *Acida bilis*.

*Bilis rubra*, vide *Bilis pallida*.

*Bilis*

*Bili vitellina*, vide *Bili pallida*.

*Bis feriens pulsus*, vide *Dicrotus pulsus*.

*Blesum corpus* est, cujus pectus pronum in partem anteriorem redditur, *Rhebium* autem cum posteriores partes, quæ ad spinam pertinent, gibbæ redduntur, lib. de caus. morb. cap. 7. *εγκιβός*, incurvum & obtortum significat, & propriè Varus dicitur, cruribus recurvis & contractis: cui crura sunt introrsum obtorta. Dicitur & *εγκιβός*. Ei opponitur *βλαγσός*, palgus.

*Blena*, sive *Mucus*, *μύζα*, est humor per palatum, & nares defluens, concoctus, adeoque crassior, minusque acris, & mordax, propterea & crassior pituita ab Hippocrate vocatur, lib. de totius morb. temp. cap. 3. & 2. de sem. cap. 6. *βλέννα* sive *βλενα*, frigidus humidusque succus, quem omnes homines *φλέγμα* vocant, ut scribit Gal. lib. 2. de fac. nat. vide *Phlegma*.

*Borborvgmos*, est sonus, vel murmur, in crassis intestinis factum à flatibus, cum excrementorum sunt vacua, humidum excrementum denuncians, & flatum in humore versari. Flatus namque siccior cum sono prodiens, *βόμβος* nuncupatur, 3. de sympt. caus. c. 2. vide *Physis*.

*Bothor*, vide *Exanthemata*.

*Bothrion*, est ulcus cavum, corneæ tunicæ in oculo, parvum, angustum, puncturis rotundis simile, ulcusculo altius, lib. Introd. cap. 15. sic dictum est à cavitate, quasi fossula. *βόθρον* enim Foveam significat. Differt *ἀπὸ τῆ κοιλώματι*, quod hoc amplius & rotundius sit *Bothrio*, sed minus profundum. Est & *βόθρον* autore Galeno, cujusque dentis alveolus & cavitas. vide *Phatnia*.

*Brachiale*, quod Græci *Carpon* dicunt, Arabici *Ras-cetta*, est prima pars palmæ manus octo constans ossibus, in superficie leniter gibbis, sinuatis intrinsecus, lib. de ossibus, cap. 18. Cujus inferior pars quatuor

ossibus, (quæ quasi postbrachiale, vel metacarpium dixeris) colligatur, ibid. cap. 16.

*Brachichronius*, vide *Polychronius*.

*Brachium*, totius manus pars maxima, cujus termini infernè sunt articulus, qui in curvaturâ cubiti est, quem, *Ancona*, sive *Cubitus* cui innitimur, vocamus; supernè autem rursus, humeri articulus, lib. 2. de motu musc. c. 2. *Brachium* insuper appellatur, quod inter duas juncturas humeri, & cubiti intercedit, totius brachii pars: *superhumeralis* verò, id est, *Epomis*, superior humeri pars est, quæ ad collum vergit: nam humerus totum id, quod in dearticulatione hâc apparet, vocatur: nam quod non apparet, à posteriori parte, est os scapulæ, ab inferiori est id, quod dum totum brachium attollitur, manifestum fit, & ala nominatur, 1. de articul. 4.

*Bradypepsia*, est imbecilla & imperfecta cibi concoctio, vide *Concoctio*.

*Branchos*, aliàs *raucedo*, *destillatio*, & *Coryza* nominatur. 5. de sanit. tuen. cap. 8. Qualis in ventre, diarrhœa passio ex malâ concoctione fit, tale *πύθμε* est in Cerebro *Catarrhus*, & *Coryza*, *Catarrhus* scilicet est, cum, quod supervacuum est, in os diffluit; *Coryza* cum in nares; *Branchos* autem, sive *raucitas* *Catarrhis* superveniens, fit faucibus humore imbutis, quod si in Gargarionem fluxio procumbit, aut (quam ex similitudine Græci *σπεύλην*, id est, acinum vocant) in uvulam, hanc in tumorem attollit; at si in glandulas, quæ sibi ex adverso in oris termino utrinque jacent, antiadas: si autem in eâ, quæ iis proxima sunt humorum fiat decubitus, oriuntur *paristhmia*, 3. de sympt. caus. cap. 4.

*Bregma*, Latine *synciput*, est pars anterior capitis supra frontem sita, & à lateribus ad tempora usque protensa. Ea constat duobus ossibus propemodum quadratis, quorum unum dextrum, alterum sinistrum est.

est. Ambo autem parte quidem posteriore lateribus futuræ λαμδαιδῆς, anteriore verò futurâ coronali, à lateribus περισπολλήμοις, sive futuris λεπιδαιδῆσι, superiore denique eâ futurâ terminantur quæ utrique communis est, & secundum longitudinem capitis rectâ procedit, ὀβελαίαν nominant, constant; ut & reliqua ferè omnia cranii ossa, duabus squamis, inter quas valde fistulosa raraque apparent, nisi quâ temporum ossibus conjunguntur: hic enim tenuissima quidem sunt, sed solida & minimè fistulosa. Nec frustra quidem hæc ossa natura machinata est, quod toto vitæ decursu tenuia & halitiosa cerebri excrementa maxime per synciput diffusi oportebat. Est enim cerebrum eâ cranii parte quam reliquis copiosius. Sunt qui ἀπὸ τῆς βερέχου dictum putent, quod hæc pars capitis humidissima mollissimaque sit, præsertim infantibus, ut videri possit βεβέχθαι, hoc est, madefacta esse. Ex quo fortè etiam obstetrices partem eam fontem capitis appellant.

*Brevi pulsus*, vide *pulsus latus*.

*Bronchia*, sunt asperæ arteriæ cartilaginee, penè circulares, in totum pulmonem divisæ & Sigma literæ figuram referentes, 4. loc. affect. c. 8. hæ cum in medio crassiores sint, extremis partibus attenuantur, & tandem in membranâ degenerant, quâ parte œsophagum respiciunt eique incumbunt, eandemque constructionem per totum pulmonem sparsæ habent, membranas plures sortitæ sunt: unam quidem propriam, quomodo & ossa omnia, & præter eam alias duas, unam internam crassam & validam sed tenuem, alterâ externam, propriæ membranæ pertinacissimè connatam, quibus omnibus cartilaginee illæ sibi invicem connectuntur. Dicta sunt βρόγχοι diminutionis formâ ἀπὸ τῆς βερέχου quod asperam arteriam significat. vide *Arteria*.

*Bronchocèle*, id est, gutturis tumor magnus & rotundus, aut in aspera arteria exorians. utrumque enim



*Βρόγχος* significat, 2. de comp. med. loc. cap. 17.

*Bronchus*, id est, trachea arteria, ita dicta, quod maximâ ex parte cartilaginibus constet, quæ *Βρόγχοι* appellantur, 7. de usu par. cap. 11. vide *Aspera arteria*.

*Bubo*, *βυβών* est tumor, præter naturam, in collo, & secus aures, vel inguina, emissaria veluti communia iis, quibus in collo, capite, vel aliquâ vicinâ parte, vel prope magnam arteriam, aut venam cavam ulcus est natum, ortus, 13. meth. cap. 5. vide *Siruma*.

*Bubonocoele*, est tumor mollis in inguine factus, peritonæo, (id est, membranâ interiore) plus nimis dilatato, vulnerato, aut rupto, & postea non conglutinato, diciturque *ramex in inguine*; quod si Umbilico hoc accadat, dicitur *Exomphalos*, libr. de tumor. capit. 16.

*Bulimos*, est vehemens esuritio, ex indigentia simul, imbecillitate, & refrigeratione oris ventriculi, orta, 1. de caus. sympt. cap. 7. Symptoma est malè affecti oris ventriculi, quo primum quidem ægri expleri cibis nequeunt, paulo verò post destituuntur prorsus appetentiâ, animo linquntur, viribus deficiunt, exolvuntur, decolores sunt, torquentur stomacho, refrigerantur corde & extremis partibus, pulsusque habent admodum obseuros. Differt autem *Bulimos* à *caninâ appetentiâ*, quod ille sit casus potentiæ naturalis appetitivæ, trahtricis, & concoctricis, ex frigiditate exteriore, qui à fame quidem inchoavit, sed non habet eam amplius adjunctam; Caninus autem appetitus fieri consuevit, vel propter solam intemperaturam frigidiorē, vel propter humores acidos, melancholicos, lancinantes, & venarum suctioni similem sensum inferentes, quos exorbuunt os ventriculi, 2. aph. 21. Præterea verò inter se differunt, quod in appetitu canino propter insatiabilem ingluviem vomitiones perpetuæ infestent, Bulimus autem sine vomitu fit.

*Bulla*,

*Bulla*, id est, pustula oculis nata, 9. de simplic. med. facult.

*Bursa testium*, est communis tunicarum, utrumque testem cooperientium, rugosus sinus, utrique testiculo circumdatus, *ὄρχιον* Græcis, Latinis *Scortum*, aliis *Scrotum* dicitur, lib. de dissect. vulvæ, & Introd.

## C.

**C**ACHEXIA, pravus corporis habitus est, i. met. 9. Contraria τῇ *Βελίᾳ*: (hæ autem duæ sunt τῆς *ἐξέως* differentiæ, medicis supra cæteras usurpatæ.) Est autem solidarum corporis partium depravatio, quâ alimentum omne corrumpunt. Habitus enim corporis ipsæ solidæ partes appellantur, quas continentia Hippocrates appellavit. Hic ubi permultum recessit à naturali temperamento, tertiam alimenti concoctionem, quæ in ipso, hoc est, in solidis partibus peragi debet, malè perficit, alimentum corrumpit, & in qualitatem à naturâ alienam depravat: Inducitque cacochymiam (quam perpetuo illa conjunctam habet, cum è contrario non sit necesse, ubi cacochymia sit, illic esse protinus & cachexiam) atque omne excrementi genus, inde *Cachecticus*, id est, mali habitus homo, lib. de cur. rat. per sang. cap. 19. vide *Habitus*.

*Cacochymia*, vitiosus succus, seu redundantia vitiosi alicujus humoris in toto corpore, vide *Plethora*.

*Cacoëthe ulcera* ex dysepulotis clariùs intelliguntur, quæ enim ex humorum confluxu, vel multorum, vel acrium oriuntur, ita ut locus affectus hanc dispositionem quâ id, quod insit, licet bonum sit, tamen ipsum corrumpat, non habeant, Dysepulota nomino; quæ verò dictam dispositionem jam obtinent, præcipuo vocabulo *Cacoëthe*, id est, maligna, appello, i. de compos. med. per gen. cap. 18. sed generalius, quæ ulcera omnibus ritè decenterque factis non sanantur,

ea medici *Cacoëthe*, id est, maligna, contumacia, rebellique dicimus, 4. meth. 5. Adhuc generalius: *Cacoëthes* morbos, id est, malignos appellamus, quicunque periculum minantes, spem salutis non adiungunt; nam quod summè perniciosum existit symptoma, non *cacoëthe*, sed *mortiferum* dicitur, com. 1. in 1. prorrh. 14.

*Cacophonia*, id est, vitiata vox, de sympt. diff. c. 3.

*Cacosphysia*, id est, vitiosus pulsus, circa pulsuum actionem est symptoma, ibid. c. 4.

*Cacotrophia*, id est, vitiosa nutritio, ibidem.

*Cairos*, occasio & opportunitas rei cujuscunque agendæ, quomodo apud Hipp. καὶ εὐς dicitur. Item tempus, propriè pars anni, quæ & ὥρα vocatur. Dicitur & in morbis spatium id temporis, quo insignes in iis mutationes fiunt. Habent enim & morbi sua tempora, à temporibus anni & ætatibus non valdè dissimilanea, insignioribus, ut & illa, mutationibus distincta, quæ quadruplices à Medicis annotantur, à quibus totidem morborum tempora statuuntur, ἀρχὴ principium: ἀύξησις augmentum seu incrementum, quod & ἀνάβασις & ἐπίδοσις vocatur: ἀκμὴ vigor seu status: παρακμὴ declinatio. Hæc quatuor tempora non modo in universo morbo, sed in singulis etiam totius morbi accessionibus spectantur: illa universalia, hæc particularia appellantur. Non est autem ea facillè in singulis morbis definire, quia pro morborum causarum, symptomatum, naturæ, virium, & reliquarum substantiarum varietate variis quoque spatiis signisque distinguuntur. Summatim quidem & in genere circumscribi possunt, ut principium dicatur primus morbi motus: incrementum tempus id quo non modo ipse morbus, verùm ejus etiam symptomata graviora fiunt: status autem in quo ea quodammodo consistunt, neque augescunt, neque se remittunt: declinatio verò cum primum decrescere incipiunt, donec

donec morbus ex toto defierit. Particulatim verò in singulis morbis cujusque horum exordium finemque exprimere, & certos limites assignare difficile.

*Calchoeidea ossa*, sunt tria ossa parva circa calcaneum posita cuneiformia, quæ certis nominibus carent, inferiori naviformis ossi per synarthrosin copulata, cum quibus etiam exteriore ex parte Cyboeides pariter connectitur, 3. de usu part. & de ossibus, cap. 24.

*Calcaneum*, seu os *Calcni*, quod Græci *πτεγαν* vocant, maximum, & principalissimum est pedis os, ad firmationem pertinens, quod Astragalo subest, 3. de usu part. & de ossibus, cap. 24.

*Calcni* os, vide *Calcaneum*.

*Calculus*, sive *Calculosus morbus* est, ubi in renibus ex collectâ crassorum humorum copiâ, à calore immoderato calculi generantur, lib. finit.

*Calefcere* & *Calefactum esse*, non parùm refert dicere, exemplo lebetis, & aquæ calidæ: fervens enim aqua in frigidum leberem injecta, vel fervens lebes aquam frigidam excipiens, illic quidem aqua calefacta est, & lebes calefit, juxta Typum putridarum febrium, hic lebes calefactus, aqua calefit, ad morem febrium hecticarum, 1. de diff. febr. cap. 1.

*Calidum*, hoc ipsum verbum aliquando transferimus ad qualitatem, cujus proprium nomen est Caliditas, aliquando denominativè totum corpus Dicimus calidum à caliditate; estque hic modus loquendi plurimus in omni vitâ, 1. aphor. 14. Sæpè etiam Hippocrates à qualitatibus nominat elementa, calidum quidem appellans, neque solam qualitatem, neque quod ab ejus exuperantiâ dicitur, sed corpus, quod summam participat qualitatem, ut ignem, 1. de elem. c. 8.

*Callicreas*, sive *Pancreas*, caro glandulosa est, substrata arteriis, venisque ventriculi, quæ eâ parte in ramos capillares finduntur, lib. de ven. & art. dissect. cap. 1. vide *Pancreas*.



*Callosum corpus*, id est, calli naturam referens, regio quædam in Cerebro est, in quâ naturalis concavitas esse videtur, quæ ex superjacentibus, & circumdatis corporibus, portionem alimenti non perfectè elaborati, (Peritoma, sive Recrementum vocant) recipit. 9. de anatom. adm. cap. 3. quod Recrementum ab Aristot. Excrementum dicitur, libr. de instrum. odor.

*Callus* idem quod *Clavus*, Græcè *κλῶς*, 6. simplic. diciturque etiam *Tophus*, ex crudo humore qui crassus est, ad similitudinem puris crassioris, 10. de comp. med. loc. cap. 2. vide *Myrmecia*, & *Tylosis*.

*Calvaria*, sive *Cranium*, os capitis appellatur, libr. de ossib. cap. 1. vide *Cranium*.

*Calvata*, Ferramenta appellat Hippocrates, quæ rotunditatem quandam levem in extremis partibus habent, cujusmodi sunt specillorum capitula, & quæ Nucleata appellantur, & Spatularia. Oblonga verò his contraria nuncupat, quorum extrema minimè sunt rotunda, sed mucronata, ad suffusionem & cataractam punctiōne tollendam accommodata instrumenta quodammodo similia, 1. de artic. 43.

*Calvities* est capillorum defluvium, propter humorum ex quibus nutriri consueverunt, inopiam; si verò propter eorundem humorum vitium, corrumpantur, & cadant, non *Calvities*, sed *Alopecia*, *Area*, & *Ophiasis* dicitur, 1. de comp. medic. loc. cap. 2. vide *Madarosis*. Capitis sanè cutis, pueris, mulieribus, & Eunuchis humida est: sed *Calvis* immodicè arida. Cerebrum quidem in juvenibus molle cum sit, atque humidum, *Calvariam* tangere, omnemque interiorem inanitiem complere; in senibus verò siccescens subfidentisque ab eâ distare sapiùs in animalium dissectionibus conspicimus: in quibus calvescentibus syncipitis ossa, fistulosiora aliis, & molliora, ac superincumbentia ob Cerebri distantiam exarescunt, cùm  
ad

ad ipsa usque non pertingat, neque ea attingere possit: subsidet enim, in suamque, ac ipsius basim depressum cadit: consequenter igitur, ossibus istis resiccatis, & ipsis obtenta cutis inarescit, atque ipsi sensui valde sicca in Calvis apparet, ut rationali demonstratione non egeat, com. 3. in 6. de morb. vulgar. 2.

*Calx* est totius pedis posterior pars, lib. Introd. cap. 10. Clarius, *Calx* est os pedis maximum, ossi scaphoeidi seu naviculari subjectum, quod & rotundas ex talo partes recipit, & geminos, quos habet, processus in sinum ejus inserit, parte quâ ingredimur leviter rotundâ, & latiusculâ, lib. de ossib. 24.

*Camaron*, *Φαλιδδεῖς*, sive *Φαλοειδές* corpus, est pars Cerebri, quæ suprà communem cavitatem est (quâ Cerebrum Cerebello suâ perforatione committitur) velut domus tectum quoddam in sphaeræ superficiem concavam circumacta, ad similitudinem testudinum, & fornicum, quibus Architecti utuntur, ne medius Cerebri venter concidat. Dicitur *ἀπὸ τῆς Φαλιδῆς*, quæ Cameram & Testudinem significat, 8. de usu part. cap. 11. vide *Fornices*.

*Camariosis*, est ossis perruptio, cùm ex alterutrâ fractum parte similem Camerae figuram acceperit, libr. finit. unde recentiorum nonnulli vehementissimas fracturas vocant *Camaromata*, & *ἐκφιστόματες* quidem, quæ in medio sui membranæ innituntur; *Camaromata* verò, quæ eandem ipsam partem exaltatam habent; Cæterum, quâ primum ab integris fracturæ partibus deduci ægra cepere, intro magis recedunt, ac membranæ innituntur, 6. meth. 6.

*Camisia foetus*, vide *Chorion*.

*Campylon*, Erotianus exponit apud Hippocratem minimè rectum, sed tortuosè incurvatum & flexum. vide *Helosis*,

*Cancer*, est tumor præter naturam, fusci & lividi

coloris, in quo venulæ quædam exaltatæ primò occultæ, (& *Cancrum latentem* vocant, libr. de atrab. cap. 4.) deinde manifestæ, à crasso, & nigriore sanguine fæci vini assimilés sunt, 11. meth. 9.

*Canina cupiditas*, est prava qualitas oris ventriculi superioris multa impetuosè ingerentis, nec potentis devoratorum pondus sustinere, quare ea inalterata superne, vel inferne excernere cogitur, ita in renibus quoque, ubi ex diabeticâ passione accidit, serosæ humiditatis, cupiditas tanta adest cum virium imbecillitate, ut & humiditatem affatim attrahere, ac eam deinde in vesicam confestim renes impellere cogantur, 6. loc. aff. cap. 3. vide *Bulimos*.

*Canini dentes*, quos Græci *Cynodontes* vocant, sunt duo utrinque mandibulæ superiori, & inferiori inhærentes dentes, inter incisorios & molares, qui Canum dentibus quam simillimi sunt inferiore basi, latè, parte supernâ acuti, quibus singulæ quoque radices longissimæ insunt, ut, si quid propter duritiem ab incisoribus dentibus scindi minùs potuit, id frangere possint, lib. de ossib. cap. 5. vide *Dentes*.

*Canities* est pilorum ante legitimam ætatem in album commutatio, lib. finit. Cani autem ob id contingunt, quod longo tempore permeante in homine humido, id quod candidissimum est, secernitur, & in summam cuticulam illabitur, ita ut attracta candidiore humiditate pilus quam antea candidior evadat, ipsaque summa cuticula, eo præsertim loco ubi cani sunt, quam quovis alio candidior existat. Quique à primâ origine canos habent in capite, illis summa cuticula, ubi cani sunt, quam alia quævis candidior existit, quod illic albissima humiditas insit. Sic autem se res habet: qualem humorem caro attraxerit, sive album, sive flavum, sive nigrum, talem etiam colorem capillus imbuat. Hippocrates de naturâ pueri.

*Can-*

*Canthus oculi*, vide *Anguli oculi*.

*Capillaris vena*, vide *Apanthismus*.

*Capillitium*, vide *Trichiasis*.

*Capistratio*, vide *Phimosis*.

*Capitis vena*, & *Cephalica*, & *Humeraria*, & *Externa* dicitur, est quæ ex jugularibus externis jam divaricatis, quibuscum radicem habet communem, utrinque extra thoracem ascendit, & per humerum in externam brachii regionem declivis excurrit; initio secundi de ration. vict. vide *Axillaris vena*.

*Capreolaris*, sive *Hederarius anfractus*, est arteriarum, & venarum ad utrumque testiculum descendentium non recto itinere, sed instar *Capreoli*, aut *Hederæ*, variis modis involutarum, connexus, 1. de semin. c. 12. vide *Glandulosi assistentes*.

*Caprizans pulsus* est, ubi motum arteria interpellat, velut & interrumpit, ita ut motus à quiete alter celerior primò, & vehementior sit, 1. de differ. puls. cap. 29.

*Capsula cordis*, id est, *Pericardium*, vide *Membrana Pericardios*.

*Caput*, est suprema corporis pars, quam nonnulli *ventrem superiorem* nominant, collo terminatur, & partes animales continet.

*Caput cordis*, est ampla, & orbicularis superna ejus pars, & basis, 6. de usu part. cap. 7.

*Caput ossis*, est extrema tenuis processus ossium pars crassior, & orbiculata, libr. de ossibus in proœmio.

*Caput-purgia* sunt medicamenta omnia, quæ capitis purgandi gratiâ induntur, sive naribus, & dicuntur *Errhina*, sive ori, ut colluendo, vel mandendo per sputum caput purgent, & vocantur *apophlegmatizonta*, seu *apophlegmatismi*. Sunt autem ejusmodi calidæ & acris facultatis per quam pituitam partim eliquantia, partim attrahentia, partim etiam facultatem, quæ in cerebro



cerebro est, alieni expultricem irritantia, actionem suam perficiunt, 5. de simpl. cap. 20.

*Carbo* (qui & *Carbunculus*) dicitur, cum melancholicus humor, in cutem decumbens simul cum febre, exanthemata per cutem crassescentem, siccescentemque concitat, affatum sanguinem indicantia, libr. de atra bil. c. 4. *Carbunculus* ulcus est, crustam citò, cum inflammatione totius partis vicinæ validâ, faciens, ut & febres vehementes, & extrema pericula inferens, 5. de comp. med. per gen. cap. 15. cujus crusta nigra est, & cinerulenta, taliter quàm quæ sanguine suffusa sunt, aut quæ algore frigent: non enim vehementer lividus, ut in illis, tumor est, sed habet aliquid splendens, ut bitumen & pix; talis autem est exactè atrabilis, lib. de tum. c. 6.

*Carbunculus*, vide *Carbo*.

*Carcharacontia*, dicuntur animalia, quæ serratis sunt dentibus, ut *Ursus*, *Leo*, 9. de anatom. adm. cap. 1.

*Carcinoma*, sive *Cancer*, est tumor durus, inæqualis, concolor, dolens (ad differentiam *Schirri*, à quo solo dolore differt) quem & à cancro animali *Carcinon* vocant, lib. defin. med. Si verò ulceretur, oris prætumidis, aspectu teter, lividus, & dolens, ab atrâ bile genitus, serosum, eumque acrem, exudat humorem. In quâcunque corporis parte oritur vel sine, vel cum ulcere; atque in ipso quoque oculo; ut plurimum tamen in mulierum mammis frequens est. Venæ in eâ parte manifestè apparent, sanguine nigro & crasso plenæ, atque tumentes, ita tumori circumpositæ ut canceri figuram referre videantur. Siquidem tumor ipse canceri corpus, venæ tumidæ crassæque ejusdem pedes oculis repræsentant.

*Carcinos*, καρκίνος, *Cancer*, etiam vinculi genus est apud Gal. lib. de fasciis, quod capiti convenit: fascia scilicet in plures partes scissa, cancerorum pedum speciem referentes.

*Cardia*,

*Cardia*, hoc est, cor, quod non solum ei visceri, (quod suâ naturâ palpitat, & principium vitalis est facultatis) nomen fuit apud antiquos, sed etiam ori ventriculi superiori, pro confesso habetur apud omnes, 4. aph. 65. propter affinitatem maximam quæ est illi cum corde, & mutuum consensum, Gal. 1. 2. de plac. Hip. & Plat.

*Cardiaca dispositio* est innati roboris labefactatio, & languor; fit plerumque consiliante ore ventriculi & stomacho, cum sudorum immodicâ vi: sunt qui Cardia, id est, Corde phlegmone laborante fieri affectum putaverint, atque ab hac virium exsolutione, quod evenit malum, cardiacam, vel dispositionem, vel syn-copen (quæ & stomachica dicitur) nominarint, 1. de caus. sympt. cap. 7. & libr. finit. *καρδιαγή* dicuntur qui propter oris ventriculi languorem animo deficiunt & sudoribus resolvuntur. Est autem os ventriculi in his primariò affectum: per consensum autem cor ipsum vehementer offenditur.

*Cardiacus morbus*, vide *Cardialgia*.

*Cardialgia*, id est, cordis, seu oris ventriculi dolor, & morsus, qui & *Cardiogmos* dicitur, à forti ventriculi æstu, flavâ bile in ipsius tunicis ebulliente, quin & à pituitâ impemissimè frigidâ, & flatuoso spiritu frigidò genitus, 5. aph. 65. dicitur etiam *Cardiacus morbus*, lib. Introd. cap. 13. & 8. de comp. med. loc. cap. 1. Symptoma est non cordis quidem, hoc est, visceris huius, quod vitæ pulsusque principium est, sed oris ventriculi. Nec verò omnis oris ventriculi dolor *καρδιαγία* appellatur, sed ille tantum quem humorum acrimonia irritando & mordendo excitat. Id quod fit in angoribus, unde mærore confecti bilem evomere consueverunt. Neque dolore vexatis tantum, verum etiam iis qui diutius paulò jejunium toleraverunt, accidit ut morsus hos ventriculi sentiant, præsertim cum vehementi aliquâ exercitatione fatigati cibum nullum assum-

assumpserint. Siquidem & mæror & vehementior exercitatio facit, ut flava bilis in ventriculum confluat, à quâ postea irritati, & morfi homines cordis doloreprehenduntur.

*Cardiogmos*, vide *Cardialgia*.

*Carnosa cutis*, vide *Musculus cuticulosus*, aut *Panniculus carnosus*.

*Caro* vocatur propriè tantum ea, quæ in musculo est, reliquarum partium nullam homines carnem vocant, præterquam admodum pauci; sed quæ in visceribus, ceu jecore, renibus, liene, pulmone visuntur carnes, eas *parenchymata*, (quasi effusiones dixeris) Græci vocant, quæ in intestinis, ventriculo, stomacho, & utero sunt, sine nomine relinquunt, 11. meth. 11. *Parenchymata* autem eas partes vocant, non carnes, propterea quod ex venis effusus sanguis circum vasa omnia concrescat, 11. de simpl. in initio.

*Caros* sive *Sopor*, est perperditio sensûs, & motûs in toto animalis corpore, illæsâ manente spirandi facultate, læsâ autem anteriore Cerebri parte, & temporum musculis; [sed tamen & medius ventriculus sæpè consentit. Sequitur inde somnus profundus, oculis perpetuò clausis. Nec tamen ita perit sensus, quin si pungantur, sentiant, non tamen propterea vel loquuntur, vel oculos aperiunt,] si verò spirationem adeò vehementer opprimat, ut quis vel magno conatu vix spirare possit, eorum exemplo qui per gravem somnum stertere solent, *Apoplexia* tunc affectio nominatur, cui paralyxis sæpissime succedit, 4. loc. aff. c. 2. & 13. meth. 21. & com. 2. in 1. prorreth. 29.

*Carotides*, id est, soporariæ arteriæ, sunt duæ illæ, quæ ab arteriâ magnâ, à sinistro Cordis ventriculo emergentes, rectâ ad caput feruntur, omnibus, quæ sunt supra Cor, partibus distributæ, 16. de usu part. cap. 12. & 1. de placit. cap. 7. sed has non rectè *Carotidas*, & *Soporarias*, & esse & dici censendum est, sed

jam

jam obtinent nomen ex multâ omnium, qui post Hip-  
fuerunt Philosophorum, & Medicorum ignoratio-  
ne, cen sentium, Soporem affectionem propriam esse,  
dictarum arteriarum, 1. de plac. cap. 7. vide *Soporaria*.

*Carpon, & Carpos.* Carpus, est pars manus quâ cu-  
bito per articulum conjungitur, vide *Brachiale*.

*Cartilago*, quam Græci *Chondron* vocant, est parti-  
cula simplex in animalis corpore, quæ aliarum qui-  
dem omnium est durissima, toto autem osse est mol-  
lior, 7. de usu par. cap. 3. Quamvis autem diversa sit  
ab osse Cartilago, sæpè tamen ætatis spatium in os de-  
generat, imo verò nulla ferè sunt ossa, quæ ante carti-  
lagines non fuerint. Ossa namque omnia & dentes ge-  
nis adhuc conclusi infantibus cartilago sunt, quæ tan-  
dem in ossa duratur, uti cartilagines, quæ inter sterni  
ossa continentur.

*Cartilago ensiformis*, est extrema ora ossis medii pe-  
ctoris, quæ est propter os ventriculi, cui alligatur,  
Græcè dicitur *Chondros Xiphoeides*, 6. de usu par. ca-  
pit. 3. eadem dicitur *mucronata*, libr. de ven. & art.  
diff. cap. 5. Aliqui sunt qui *ensiformem cartilaginem* di-  
cunt esse, totam pectoralis ossis figuram (non eam tan-  
tùm, quæ in imo ejus est) quia gladii similitudinem  
repræsentat, lib. de ossib. cap. 13.

*Cartilago innominata*, est secunda laryngis cartila-  
go, quæ nomine caret veteribus, recentioribus *xy-  
phoideis*, id est, annularis dicitur, quod annulo, simi-  
lis sit: in internis partibus, quâ Oesophagus est, posi-  
tionem habens, 7. de usu. par.

*Cartilago peltalis* est imperfectus circulus in prin-  
cipio asperæ arteriæ collocatus, ad modum peltæ, cu-  
jus gibbositas apparet in gutture, ac Adami pomum  
appellatur, ejus verò defectus est versus gulam, unde  
*cartilago peltalis* dicitur; cujus defectum supplet quæ-  
dam cartilago supposita isti inferiùs, faciens etiam  
circulum imperfectum, sed contrario situ cum supe-  
riori,



riori, quia ejus gibbositas interiùs est versus gulam, defectus exteriùs, versus guttur, diciturque *Cartilago Cymbalarù*, vel *Coopertoria*. Estque ibidem tertia *Cartilago* nomen non habens, cum modò versus partem exteriorem, nunc versus interiorem collocetur, nunc cum cibus deglutitur, ut os tracheæ arteriæ, nunc cum vox formatur, ut os gulæ tegat, libr. de anat. viv. *Cartilaginum* præcipuus usus est duplex: unus ut partes quasdam leves ac politas ad motuum promptitudinem efficiant, in articulis scilicet, alter ut violentiæ foris occurrentium mediocriter cedant. *Cartilaginis* enim substantiæ maximè idonea est ad tegendum & defendendum partes subiectas. Non enim potest comminui & trangi, ut dura & friabilia, neque incidi & contundi, ut mollia & carnosa.

*Caruncula*, nunc partes sunt substantiæ intestinorum, quæ in difficultate intestinorum excernuntur, adeò magnæ, ut possimus eas *carnes* nominare, 4. aphor. 26. nunc verò carnosam quandam particulam, in summo ore pendentem, quam & *Columellam* vocant, significant, 6. de comp. med. loc. cap. 3. vide *Gargareon*, & *difficultas intestinorum*.

*Casus*, qui & *signa*, & *symptomata* mox *apparentia* dicuntur. 1. aph. 12. vide *Iudicatoria signa*.

*Cataclida*, siue *Subclavum* dixeris, primam Thoracis costam parvam significat, libr. de musc. dissect. cap. 12.

*Catagma*, id est, ossis fracturâ, 2. meth. c. 2.

*Catagmatica emplastra*, quæ & *Cephalica* vocant, sunt quæ Calvariæ fracturis accommodantur, habentque abstergerendi, digerendi, & siccandi potestatem, quibus plerique & paululum ex astringentibus pharmacis admiscunt, 2. de comp. med. per gen. cap. 16. Dicuntur, & *Catagmatica ligamenta*, quibus fasciarum instar ossis rupturæ deligantur, 1. de comp. med. per gen. c. 4. vide *Cephalica emplastra*.

*Cata-*

*Catalepsis*, est deperditio sensûs visûs, apertis palpebris, servatâ tamen secundum naturam spiratione, in quâ posteriora Cerebri potissimum, & nervorum exortus intemperie frigidâ & siccâ, unde etiam affectus hic nervorum exortus dicitur, afficiuntur, 4. loc. aff. cap. 2. licet alibi *Catalepsim* dicat esse spiritus cohibitionem, lib. de musc. dissect. cap. 26. & alibi dicat *Catalepsim* fieri refrigeratâ primâ parte sensitivâ, id est, Cerebro ipso; quæ refrigeratio cum fortis fuerit, mista humiditati, facit lethargicas passiones; cum siccitate verò eas, quæ à Græcis *καταληψις* dicuntur, id est, Deprehensiones, 2. aphor. 3. eundem affectum *Catochen*, & *Catochon* vocant, 4. de caus. puls. c. 16. vide *Catoche*.

*Catalotica medicamenta* sunt, quæ cicatrices grossas æquant, & lymphant, lib. de Dynamid.

*Cataphora*, id est, veteriosa affectio, prorrhæ. 1. quâ ægris sopori gravi simile quid obvenit, fiuntque tum omnis sensûs, tum vocis expertes, 1. de dieb. decr. c. 4.

*Cataplasma*, compositio est pulvi similis, ex aliquo farinæ genere, floribus, & aliquo humido, sive unctuofo. 3. de comp. med. per gen. cap. 2. sive, medicamentum est molle & consistentiâ mediocri, quod repellendo, concoquendo, digerendo, resolvendo, laxando, vacuando, detergendo, calefaciendo, siccando, dolorique sedando adhibetur. Quæ crassiora siccioraque sunt, emplâstra & cerata: quæ liquidiora *συγχεσµατα* & unguenta appellantur.

*Catapotia*, id est, pilulæ, de remed. par. fac. cap. 6. *καταποτιον* aut *καταποτιον*, medicamentum quod devoratur, aut deglutitur, neque diluitur. lib. 5. Epid.

*Catapsofis* morbus non est, sed symptoma comitialium, attonitam concidentiam repentinam significans, libr. de tot. morb. temp. c. 4.

*Cataracta*, sive *suffusio*, est pituita inter uveam, & crystallinum humorem coagulata, prohibens spiritum

visibilem ab oculo exire, & intrare, lib. de ocul. par. 4. cap. 12. vel suffusio est, cum cernendi facultas, deperditur, apparente, sive non apparente in oculis malo aliquo, & aut propriâ affectione molestatis, aut oris ventriculi, aut cerebri ex cognatione, & consensu, iisdem afflictis, 4. loc. aff. cap. 2. quam vocant Græci *Hypochyma*, 10. de usu part. cap. 1.

*Catasarca*, vide *Anasarca*.

*Cataschesis*, dispositio est, quæ faciliè discutitur; opponitur hecticæ dispositioni illi, quæ tenaciter inhæret, & habituata est fixa, firma, 3. loc. aff. cap. 2.

*Catastasis*, Constitutio, apud Hippocrat. dicitur collocatio cuiusque rei in suam sedem. Idem etiam sic solet vocare omnem cuiusque rei formam ut scribit Gal. sed peculiariter dicitur de aëre & morbis. Ac in aëre quidem est ejus præter naturam temperies. Quæ enim secundum naturam est *ώρε*, hoc est, anni tempus dicitur, suntque illius quatuor differentię propriis temperamentis & nominibus designatæ: ver, æstas, autumnus, hyems in quæ si aliqua præter naturam temperies inciderit, ea non jam *ώρε*, sed *κατάστασις* propriè nuncupatur. In morbis verò *κατάστασις* vocatur quædam veluti forma morbi, secundum quam ex tantis & talibus constituitur universalibus temporibus, seu qualiscunque ex totius morbi temporibus compositio, ut docuit Gal. lib. 1. τῶν κρισίων. Hæc autem non aliud est quam totius morbi duratio circumscripta temporibus quatuor, quæ totius morbi tempora seu universalia appellamus.

*Catastasis*, est ad inferna loca corporum tractio, quæ obitur partim organis tentoriis, è regione oppositis, partim transumptione in contrarium, nempe transmissis per rotulas principiis, quæ tentionem moliuntur, ac superius adnexis. Opposita huic est *Anastasis*, quæ est tentio ad loca superna per translationem, lib. finit. ἀναλείψονται contentis esse viribus, firmis & integris,

gris, aut contrà obniti & se erigere significat, quod tectum Celsus per firma viscera complexus est.

*Catarrhus*, *καταρρεῖς*, seu *Defluxus*, est multorum humorum delatio ex cerebro, per palati foramina & nares, quæ in exitu unà cum flatu egrediente, strepitum quendam faciunt, lib. finit. Nascitur ejusmodi distillatio à cerebri intemperie frigidâ & humidâ, & ab omnibus quæ replent caput. vide *Coryza*.

*Cathartica*, seu *purgans facultas* vel *medicamenta*, duo significant, alterum commune omnium, quæ quovis modo animalis excrementa expurgant; alterum, quod per excellentiam, de iis tantùm dicitur, quæ aut per vomitum, aut per ventris dejectionem purgant; neque ejusdem est generis cum iis, quæ per nares, aut vulvæ admota, expurgant, s. de simplic. medic. fac. cap. 20. Primi generis sunt quæcunque vel calfaciendo, vel humectando, vel crassa lentaque extenuando & obstructa solvendo urinam mensesque movent, aut ex pectore sputa eliciunt, aut aliud aliunde vacuant. Secundi verò quæ trahendi facultate vacuationem molliuntur, sive per alvum, sive per vomitum, sive per urinas, sive per uterum, seu aliâ quâvis ex parte. Quæ enim urinas mensesque movent aut sputa, tum quæ naribus purgandi gratiâ infunduntur, aut ore colluuntur, aut dentibus manduntur, si trahendi humoris virtiosi facultatem possident, eaque vacuationem perficiant, ejusdem sunt generis cum iis quæ per vomitum aut per alvi dejectionem trahendo purgant.

*Cathemerina febris*, id est quotidiana: ita enim consueverunt vocare quidam Medici recentiores eam febrem, quæ singulis diebus accenditur, neque ullam habet intermissionem; ego verò (inquit Gal.) solitus sum eandem febrem *Amphimerinam continuam* appellare; nam *Cathemerinon* vocabulum, nusquam apud Græcos scriptum invenitur: omnem verò rem, quæ quotidie eodem modo fit, *Amphimerinam* vocant: vo-



cetur itaque, quæ singulis diebus accenditur, & finitur febris, Amphimerina, id est, *quotidiana simpliciter*; quæ verò non intermittit, *quotidiana continua*, 2. de diff. feb. cap. 7.

*Catheretica medicamenta* sunt, quæ excrescentiam carnis ulceribus detrahunt, 5. de simplic. cap. 2. eisdemque cicatricem inducunt, ibid. cap. 15. Ea genere quidem & facultate *σηπτικα*, hoc est, putrefaciencia sunt, sed multo tamen iis imbecilliora. Siquidem extimam modò superficiem quam contigerint, detrahunt; ut sunt testacea omnia usta. vide *Septa*.

*Catheter*, est fistula cannulave urinaria, cujus extremum aliquo cataplasmate, linimento, aut oleo illinimus, & ad removendam urinæ suppressionem, virgæ immittimus; ad Thrasib. cap. 23. Sive, est instrumentum chirurgicum cavum & alterâ parte recurvum, quo urina retenta elicitur, & vesicæ vitia probantur. *καθετηρ* & *καθετηρ*, id est, ab Immittendo sive Infundendo, quod eo instrumento in vesicam injici solent quæ injicere expediat. Galen. lib. 5. meth. med. Cæterum *καθετηρ* ab Hippocrate non pro eo instrumento usurpatur, sed pro linimento torto quod intra ulcera inditur, ut Galenus annotavit.

*Καθετηρησις* est administrationis chirurgicæ ratio, quâ injicimus per catheterem in vesicam id quod ad ejus curationem convenit: vel eximimus id quod impedit ne urina reddatur, sive concretus intus sit sanguis, sive calculus, sive aliud quippiam, recto siphone immisso, quem Græci *καθετηρ* vocant.

*Car' ixin*, seu secundum rectitudinem, eruptio sanguinis est, cum sanguis è directo loci affecti, effluit & emittitur, lib. de cur. rat. per sang. miss. 15.

*Catoche*, qui & *Catochus*, vigilans sopor est, 3. loc. aff. cap. 5. estque solius Cerebri affectus, veluti & per totum corpus convulsiones, com. 3. in 1. prorrh. 69. Aliter est insomnium, sed sine somno & febre, pro-  
-pensio,

penfio per quam & oculi manent aperti, & fervatur fecundum naturam fpiratio. Eo qui detinentur *κατεχόμενοι* & *κατεχόμενοι* dicti funt. Habent autem tenfos apertosque oculos, non ut comatofi & cataphorici claufos. In his fi quidem humiditas affectionis caufa eft, nervorum firmitatem roburque diffolvens : in illis vero propter ficcitatē tenfio oritur. Gal. com. 2. in 1. promi. Eft quoque *Catachus* fascia longior, quæ in orbem faciei, & capiti circumdatur, ut operculum comprehendat, lib. de fasciis. *Καθολικός* autem appellatur fascia oblonga, quæ capitis totum vinculum quod *ὡς κατὰ πᾶσα* dicitur continet, & prohibet ne ipfum vinculum diducatur. Galenus de fasc. vide *Catalepsis*.

*Catoterica medicamenta*, *κατωτερικά φάρμακα*, quæ & *Hypelata* Græcè dicuntur, funt medicamenta dejectoria, quibus renes, vefica, & gibba hepatis, cum multo vitiofo fucco funt referta, expurgantur, fin mediocri, per urinales meatus, ut Cava jecinoris & intestinalia, dejectione, tantum ventriculus autem vomitu dejectioneque inanitur, 7. meth. 13.

*Cava vena* (fic appellata, quod venarum omnium, quæ per corpus animalis diffeiminantur, latiffima fit & capaciffima, 4. rat. viſt. 27.) eft vena magna à gibbis hepatis orta, libr. de ven. & arter. difſect. cap. 2. per quam hepar, ex particulis, quæ ad ventriculum attinent, attractum, alimentum, & in ipſâ hepatis ſubſtantiâ elaboratum, in omnes ſuperiores corporis partes diſtribuit, 4. de uſu part. cap. 13. quæ à convexis jecoris partibus orta, tum *cava* propter ſui magnitudinem, tum *jecoraria*, à viſcere unde egreditur, nominatur, 8. de placit. cap. 1. Nec verò à jecinore ſolum hæc vena quæ à gibbis hepatis egreditur, ſed alia etiam, quæ à ſimis & concavâ ipſius parte, quam *portas* vocant (unde, & *vena portæ* appellatur) promanat. 4. de uſu part. cap. 13.

*Cauda*, vide *Ceccyx*.

E 3

Caver-

*Cavernosa ossa*, *foraminulenta*, *Isthmoeidea*, & *spongiosa*, seu *spongoeidea*, sunt ossa quædam parva supra nasi radicem, ante meningas in meatu olfactorio posita à Cribri, vel spongiæ similitudine sic dicta, 8. de usu part. cap. 7. vide *Ossa Isthmoeidea*.

*Cavernosum nervum* appellant *Peni colem*, à quo Penem, & ipsum totum nervosum dicunt. Coles enim in marium genitalibus, & uteri cervix quoniam extendi, & in se rursus retrahi, & subsidere videntur, nervosum proinde dicunt, com. 1. in 6. de morb. vulg. 2. diciturque *flatusus*, & *fistulosus*; 6. de loc. aff. 6.

*Cauledon*, *Καυληδὼν*, hoc est, caulis in morem fractura facta, est species fracti ossis, quæ fit per transversum, in quâ fracti ossis partes ita à se dissident, ut è directo non jaceant, 6. meth. 5. Paulus Ægineta author est τὸ καυληδὼν κατὰ γὰρ dici etiam *ραφανηδὼν* & *σικυηδὼν*, à similitudine fractæ radiculæ & cucumeris. vide *Schidacedon*.

*Caulos*, id est, pudendum virile, 14. de usu par. c. 12. quod vulgò Virgam appellant & Penem. Sic etiam Ostium uteri vocatur in mulieribus. Dicitur in plantis & oleribus Scapus, & in altum surgens veluti Virga.

*Causa morbi*, est id, quo præsentè afficimur, & quo sublato statim cessat affectus, 1. de loc. affect. cap. 2. Aut quod ei, qui fit morbo, aliquam generationis partem tribuit.

*Causæ præincipientes*, vide *Febres putridæ*.

*Causæ præcedentes*, vide *Febres putridæ*.

*Causodes febrî*, id est, Incendens, 1. aphor. 12. quam etiam *Causon* vocat, id est, Febrem ardentem, 1. de cris. cap. 4. vide *Continua febrî*.

*Causos*, vide *Causodes*, *Continua*, & *Synocha*.

*Causos legitimus*, qui ex redundante flavâ bile fit, *Nothus* vero, qui ex putrescente crassâ pituitâ, 4. de rat. vict. 13.

*Cau-*

*Causfica*, hoc est, urentia medicamenta sunt, quæ & vehementer calida sunt, & consistentiâ crassa, quæque ignis instar corpus colliquant, & sæpè escharas, hoc est crustas, ritu cauterii efficiunt, 5. de simpl. cap. 15. quocirca & ἰχθυονικὰ appellantur. Eorum materia sunt: Lixivium, Calx viva, Auripigmentum, Sandaracha, Chalcitis, & id genus alia. inde, & affectiones *causticæ*, & *caustica excrementa*, id est, urentia appellantur, quarum virtus est morbum & acutum & periculofum, & velocis judicationis reddere, com. 2. in 1. prorrh. 60.

Καυτήριον, *Cauterium*, est quod urendi vim habet. Usurpatur tam pro medicamento quod potestate urit, quam pro ferro candente, cujus usus plerumque necessarius est, vel ad sistendum sanguinis profluvium, undecunque manaverit, vel ad intercipiendas defluxiones, vel ad ossa cariosa & maligna ulcera. Id ferrum καυτήριον Hippocrates appellavit. Erat autem ut scribit Galenus, æreus calamulus perforatus in fundo, per quem parvum ferrum adurens demissum adurebat.

*Cedmata* vocat Hippocrates fluxiones in crura decumbentes, & ex ipsis eas maximè, quæ primum articulum, ubi coxendix est, occupant, com. 5. in 6. de morb. vulg. 22. Affert Erotianus ex eodem Hippocrate, κέδματα appellari τὰς ῥεονίας καὶ τὰ ἀγρὰ λεγόμενα; hoc est, vetustas in articulis affectiones.

*Cele ex Herniâ*, *Rame*, *Circoccele*, Medicorum juniorum nomina sunt, significantia omnes testiculorum tumores, libr. de tumor. cap. 15. barbaram sectantes medicinam, *Rupturam* vocant; hæc variis fit modis, variasque à parte affectâ, affectusque huius causâ conjunctâ, etiam appellationes accipit: si enim peritonæo rupto, intestina in scrotum descendunt, *Enteroccele* Græcis, *Ramex intestinorum* Latinis appellatur: ubi verò intestina suprâ in inguinaibus hærent, *Bubonoccele*, hoc est, *Ramex inguinalis* vocatur; si humor aliquis lentus in



Scroto colligitur, *Hydrocele*, id est, *Ramex aquosus* nuncupatur. Quum autem caro dura intra testium tunicas concrevit, *Sarcocoele*, hoc est, *Ramex carnosus* dicitur. In summâ, nomen semper à rebus opplentibus, & in tumorem sublatâ à parte accipiunt. Proinde si *Omentum* in *Scrotum* devolvatur, *Epiplocoele*, hoc est, *Ramex Omenti* nominatur; sic ubi venæ ultra modum repletæ, ac dilatatæ glomerantur, *Cirsocele*, id est, *varicosus Ramex* vocatur.

*Celer pulsus* est is, cum celeriter, & brevi tempore arteria distenditur, fit. 1. de diff. puls. cap. 7.

*Cenchrias*, *κένχριος*, alterum est herpetum genus, quod à similitudine, quam habet cum milio, *Cenchriam* vocant, (*κένχριος* enim Milium, semen panico simile significat) humores mistæ facultatis, bilem scilicet, & pituitam continens, quæ non protinus ulcus faciunt, quemadmodum bilis syncera, sed admodum exiguas pustulas ad speciem milii, quæ tamen & ipsæ interposito spacio, in ulcus transeunt; diciturque etiam *Herpes miliaris*, 14. Meth. 17. vide *Herpes*.

*Ceneangia* propriè & primùm vasorum inanitionem significat, atque ob id *Asitia*, id est, ciborum abstinentia, *Keneangia*, id est, vasorum inanitio sæpius dicitur, tanquam nomine generis etiam in specie homines omnes uti consueverint, 2. rat. vict. 47.

*Cencon*, vide *Ile*.

*Cephalæa* Cerebri morborum symptoma, est Capitis diuturnus dolor, difficulter solubilis, qui à parvâ occasione vehementes habet accessiones, ita ut neque voces aut motum tolerare possit infirmus, sed tranquillitatem, obscurumque cubiculum quærat, ob doloris vehementiam; cum nonnulli veluti malleo se percuti, alii caput sibi contundi distendique sentiant, non paucis ad oculorum radices dolor extendatur, (quod signum est cerebri membranas dolore affectas esse. Nam quandoque in Pericranio tantum est, qui in super-

superficie solum hæret dolor,) suis intermissionibus circumacti, non secus ac qui Cephalalgia laborant, sed in Cephalæa affectæ partes redduntur multo debiliores, quàm in Cephalalgia, 3. loc. aff. cap. 9.

*Cephalalgia*, est dolor capitis nec diuturnus, nec vehemens, nec cum magnâ capitis imbecillitate conjunctus, sed qualis à crapulâ, à Sole, à labore, aut febris excitari solet. vide *Cephalæa*, 2. comp. med. loc. c. 2.

*Cephalica vena*, quæ & *Humeralis*, sive *Humeraria* dicitur, ramus est venæ cavæ ad jugulum ascendentis, ibique ad furculas divisa, altera pars humero superposita ad manum tendit; unde & *Cephalica* dicitur, lib. de anatom. viv. vide *Humeraria*.

*Cephalica emplastra*, capitis fracturarum, quæ usque ad crassæ meningis duplicaturam pervenerunt, accommodata sunt pharmaca, quorum virtus est, ut ossium squamam sursum attrahant, & in pristinum locum revocent, & fragmenta tum ex capite, tum ex aliis corporis ossibus, educant. Nonnulli communi genere hæc etiam vocant *Catagmatica*, propriè verò nuncupata *Cephalica* fortiora sunt, si quidem ex alto superficiem extimam non ossa modo, sed his multo quoque magis, humorem aliquem crassum, & viscosum, vel omnino depravatum suâ caliditate attrahunt, 2. de comp. med. per gen. c. 18. Horum materia est Iris Illyrica, Ervi farina, Manna sive purgamentum thuris, Aristolochia, Cadmia elota, Squama æris, & omnia quæ extergere citra morsum possunt. Similiter adhuc medicamentum siccum, quod carnem producat, *Cephalicon* vocant, meth. 2.

*Cerææ*, mulieres sunt, quarum uterus propriis ex morbis, (tum qui in processibus ejus supernis, & lateribus consistunt (*Κεφαλαια* Græci vocant) tum qui in collo aut fundo) aliquando quidem plura quàm prius, vel pauciora, vel nulla, vel mala emittit menstrua, 3. de sympr. caus. cap. 4.

*Ceratoides*, κερατοειδὴς ἡτῶν, cornea, seu corniformis tunica vel membrana oculi secunda est, à durâ meninge orsa (tunicam choroeidem complectens) crassa admodum, sed parte ejus mediâ tenuissima, & densissima, splendida ad splendorem recipiendum, & transmittendum, cornibus admodum extenuatis similis; unde eam à cornu similitudine *Ceratoeidem*, *Corneam* & *Corniformem* appellant, 10. de usu par. cap. 3. vide *Rhagoeides tunica*.

*Ceratomalagmata*, nonnulli medicorum, nomine à solâ consistentiâ desumpto, vocant medicamenta, quæ corpori imponuntur, non omnino quidem humida, siccitatem verò tantam nec dum consecuta, quantam emplastra possident, 7. de com. med. lib. c. 11.

*Cercû*, κερκίς, radius, à figurâ rotarum parvarum radios imitante. Est os alterum cubiti superius, sed minus & brevius, vide *Cubitus*. *Kerkis* significat etiam pistillum, quod sæpè & δεινξ, cochleare alias significans, itemque κερσίδιον atque ὕπερος à Græcis Medicis appellatur.

*Cerchnos* est exiguus quidam ad tussendum impetus, & conatus, non tussis; sed veluti nausæ vomitiones præcedunt, ita tussim hoc symptoma; Atque ut nonnulli nausæarunt quidem, non tamen vomuerunt, ita nonnullis *Cerchnos* incidit, nec tamen tussis propter causæ parvitatem est secuta, 2. de sympt. caus. cap. 4. Nam sæpe ex parvâ faucium aspredine κέρχνος fit. Sæpè verò ex tenui aliquo exiguoque prorsus humore, sive is à capite descendat, sive in asperis arteriis collectus sit. Sic autem appellatur διὰ τῆς κέρχνης. Significat enim ἡ κέρχνος apud Iones idem quod ἡ κέρχνης milium. Itaque cum in faucibus, asperitates quædam parvæ veluti granorum milii sentiuntur, id τὸν κέρχνον nominant, à quo κερχνώδης dicitur quod fauces exasperat, & exiguam tussim movet, Gal. comment. 3. εἰς τὸ ἐπὶ ἀσθῆν.

*Cerea-*

*Cerealia* appellatio, in toto eorum genere est usitator, quod legumina vocant, lib. de attenuan. vict. rat. cap. 6.

*Cerebellum*, posterior est Cerebri pars, ex multis & parvis corporibus coagmentata, quæ à nonnullis, *En-  
cranion*, vel *Parencephalus*, vel *posterius Cerebrum* dicitur, 9. de anat. adm. cap. 2. estque spinalis medullæ principium, & ejus ratione nervorum omnium, qui in toto animali sunt activi, fons & origo, libr. tegn. cap. 11. Totum namque cerebrum in duo divisum est, anterius & posterius, sed supernis tantum partibus. Nam sua basi continuum est, non sibi modo, sed spinali etiam medullæ & per hanc cerebello. Durius autem sicciusque est reliquo cerebro, quod quo ulterius procedit, eo siccius evadit: colore quoque diversum est; nam cum reliquum candidum sit, cerebellum velut ustione quâdam subflavium est; & plenum animali spiritu, quem nervis duris à spinali medullâ prodeuntibus impertit.

*Cerebrum*, quod Græci à situ *Encephalon* appellant (nam nominatur ita, quod ἐν τῇ κεφαλῇ, hoc est, in capite situm habet) animæ ratiocinatricis est domicilium, nervorum, & sensûs omnis, motûsque voluntarii principium, substantiâ nervis simillimum, nisi quod mollius; nam id illi conveniebat, ut quod sensus quidem omnes recipit, omnesque imaginationes, atque mentis notiones complectitur, 9. meth. & 8. de usu part. Substantia ipsius glandularis est alba, veluti è spumâ quâdam concreta, & humida, lib. finit. Anterior cerebri pars duplex quoque statuitur, dextra & sinistra, duosque sinus seu ventres habet, dextrum & sinistrum, qui à corpore calloso, quod πυλοειδὲς dicitur, dirimuntur. Hi posteriore sui parte in tertium sinum mediocre sub psalloide concurrunt, à quo meatus est longus πῖς γλαυκίσις, id est, natibus (ita enim ob similitudinem quandam vocant) subditus.



qui in finum alium quartum, omnium postremum minimumque inter cerebelli basim spinalemque medullam situm, incidit.

*Cereleon*, compositio est ex cerâ, & oleo, 7. de comp. med. per gen. cap. 2.

*Cerion*, id est, Favus, ulcus parvum in capite est cum tumore, ex cujus foraminibus crassior sanies, & quasi mellitus humor profluit, libr. de tumor. cap. 15. & 1. de compos. med. loc. cap. 8. Itaque tum ob foraminum figuram, tum propter excreti humoris speciem *κηρίον*, id est, favus appellatur, & alio nomine *μελικηρίς*. Aëtius libr. 6. Differt foraminum magnitudine *ἀπὸ τοῦ ἀχῆρος*, qui ulceris etiam in cute genus est, sed minimis foraminibus præditum, per quæ humor dimanat. Cæterum *κηρίον* frequenter in musculosis partibus, in articulis & plantis pedum oritur: sæpè etiam sextam colli vertebam occupat, & aliquando etiam costas invadit. Si verò in capite generatur, primum reliquis partibus, deinde calvariæ etiam putredinem transmittit, ut sæpè dissecto pericranio os ipsum deradere conveniat. vide *melicern*.

*Certatoriâ*, hoc est, agonisticâ aquâ frigidâ uti dicuntur illi, quibus ea & affatim & frigidissima exhibetur, lib. de marcore, cap. 8.

*Cervix*, vide *Spina*. dicitur & Cervix tenuis ossium processus, lib. de ossib. in procem.

*Chalastica*, id est, relaxantia, seu remittentia vocamus, quæ modicè calefaciunt, quorum usus est, ut conviventia astrictaque corporis laxent, flatuosum spiritum tenuent, & phlegmones materiam digerant, 13. meth. 5. Medicamina induratorum corporum, quæ ipsorum solvunt duritiem, *Malactica*, hoc est, emollientia dicuntur: quæ autem tensioni medentur, *Chalastica*, 7. de comp. med. per gen. cap. 9. Cùm autem tensio multis contingat modis, non videtur una esse laxantium species, sed alia humectando laxant, alia

alia calefaciendo, alia molliendo, alia vacuando, alia tumores præter naturam purgando, alia aliud quippiam faciendo. Attamen si universalem quandam horum omnium substantiam constituere licet, ea certè erit ex genere modicè calefacientium. Præcipuas in eorum ordine tenet partes oleum chamæmelinum, item adipēs, butyrum, cœsypus, & reliquæ uæ intra secundum gradum calefaciunt. Verùm Methodici multo longius τὸ χαλαστικὸν nomen extendunt, ut docet Gal. ad omnia remedia significanda quibus astrictus affectus, quo una cum fluente humore omne morborum genus comprehendebant, curaretur. Itaque & venæ sectionem χαλαστικὸν esse præsidium asserebant, & omnia similiter purgantia medicamenta, vide *relaxantia*.

*Chalazia*, id est, tubercula instar grandinis (quæ χαλαῖα dicitur) in palpebris, quæque *Posthias* Græci nominant, si quando in iis lentus quidam humor concreverit, 4. de comp. med. loc. c. 7. estque morbus ex vitis, quæ oculos infestant, cum toto genere præter naturam aliquid peccat, 14. meth. 19. Sunt, ut ait Celsus, tubercula parva in palpebris mobilia, simulatque digito huc & illuc impelluntur, condunturque aliquando sub cute, nonnunquam sub cartilagine, non dissimilia κεράϊς, sed non figuræ ejusdem. Sunt autem rotunda & pellucida, ideoque grandini similia, iisque dissectis humor manat candido ovi similis. Dicitur & hic affectus χαλαῖωσις ἐν τῇ ἐπιστοργῇ. Sic etiam nominatur vitium quoddam in suis ore, sub linguâ, Ath. l. 3.

*Chemosis* morbus oculi est, quando album oculi tumefactum circulum Iridis adeò excedit, ut & nigrum oculi concavum videatur, libr. de anat. ocul. alibi, Chemosis ex vehementi inflammatione, utrasque palpebras in exteriorem partem detorquet, ita ut totus oculus contegi non possit, lib. Introd. cap. 15. Ergo cum nigrum cavum sit & subsidat, album undique tumeat & attollatur, non ineptè veteres Medici malum hoc

hoc τῆς χήμης nomine designarunt, siue illi eo animal intellexerint, quod inter ostrea nominatur, hiatque semper, siue simpliciter hiatum qui χῆμα & χείμα dicitur. Cæterum affectum hunc duo maximè symptomata consequuntur: unum, rubor oculorum propter inflammationem: alterum verò, palpebrarum, ut ait Paulus ἐκτροπή, hoc est, perversio siue contorsio, ita ut oculos tegere claudereque nequeant. Tumor enim oculi impedit, quo minùs palpebræ adduci committique possint. Itaque laborantes oculi perpetuò manent aperti. Scribendum est autem χήματος non χήματος, ut vitiosè multis in codicibus legitur, quia, ut dixi derivatur ἀπὸ τῆς χήμης, uti Gal. testatur ἐν τῷ ἐπὶ τῷ, seu quicumque alius author est.

Chion, χίων, idem prorsus quod κίων, hoc tantum interest, ut ait Gal. quod τὸν μετὰ τὸν κίων, veteres κίονα, posteriores autem κιονίδα appellarunt, vide Cion, & Staphyle.

Chironia, & Telephia, species ulcerum sunt malignorum, oras habentia duras, callosas & tumentes, lib. de tumor. cap. 13. Tria tantum ulcera propriam habuere appellationem, Anthrax, Phagedæna, Herpes, cætera omnia, communibus deteriora, per se ipsa solebant antiqui ulcera simpliciter chironia nominare quæ in longum tempus protrahuntur, cùm ne quidem post multum tempus fuerint ad cicatricem producta, rursusque influente Ichore, ex osse corrupto, in parte penitiorè inflammantur, & pus generant pessimum, à quo cicatrix eroditur, & caro exulceratur, 6. apli. 45. Inveterata ulcera, & dysepulota, hoc est, cicatricem ægrè ducentia, chironia nominant, 4. de comp. med. per gen. Dicuntur autem partim Chironia ab eo nempe Chirone, qui primum ea sanavit, partim ab ipsis, qui iisdem sunt affecti, ut Telephium, 2. meth. 2.

Chirurgia, id est, manualis operatio, 6. meth. 6. Inde Chirurgica ea est medicinæ pars, quæ manu medetur,

detur, 3. de comp. med. per gen. cap. 2. χειρουργία vel χειρουργική pars est τῆς θεραπευτικῆς morbos qui in solutione continui aut in partium externarum immoderatione consistunt, tollens sectione, unctione, restitutione in naturalem situm, & medicamentis foris apposis. Sectione enim & unctione tollit quod redundat, luxata & fracta ossa reponit in locum naturalem. Ulcera medicamentis deterget, carne implet, & cicatrice obducit. Quibus in rebus tria sibi maximè proponere debet chirurgus, tum ut brevi curet, tum ut curet citra dolorem, tum ut maximè tutò. Ac rursus ut tutò curet, tria potissimum considerabit. Unum primumque ut absolutionem operis consequatur, alterum ut sicubi hanc non consequatur, saltem curandum non lædat, tertium ut vitium non revertatur facile. Hæc enim qui præstiterit, meritò optimus chirurgus censebitur.

*Chloron*, id est, Pallidus, & æruginosus color, 2. progn. 20. χλωρόν duo significat, interdum quidem viride, ut cum brassicam χλωρόν dicimus. Quod coloris genus ut scribit Gal. comment. 1. in progn. rubro nigrius est, & veluti principium quoddam nigri & lividi. Provenit à frigiditate, ut & color niger, sed longè minori. Interdum verò pallidum quod propriè ὀχρόν dicitur ex loquendi quâdam consuetudine Asiæ Græcis familiari, qui aliquos pallore suffusos videntes, quærere solent quâ de causâ χλωρόν evaserint, non arbitantes χλωρόν atque ὀχρόν ab invicem differre, ut notavit Galen. comment. 2. εἰς τὸ πρὸς διαίτης ὀξείων. Hinc *chlorosis*, quæ partim de morbo, febre pallidâ, uteri valorum oppletionem; partim de symptomate, discoloratione universi corporis habitus virginum nubilium, ex utero ægrotantium usurpatur.

*Choana*, Infundibulum, *Scypho*, Pelvî, *Pyelos*, significant, dictum, canalem seu cavitatem quandam, in quam meatus cerebrum expurgantes in palatum deflunt,



nunt, usque ad adenis ventriculum, 9. de usu part. c. 3. quæ vulgò *lacuna* dicitur. Aliàs *Choana* *χῶαν* seu *χοανον*, à *χῶ*, id est, liquefacio diffundo, vas dicitur ex argillâ, quo argentarii & chymici utuntur, infundendis ac liquefaciendis metallis.

*Chœnicidas*, instrumenta quædam vocant, quibus in Calvariæ fracturis utimur, 6. meth. 8.

*Chœras*, id est, Struma: sæpè propter ulcus quod in manûs, aut pedis digito fit, glandulæ in inguinibus, & alis, tùm intumescunt, tùm phlegmone occupantur, quin etiam in collo, & secus aures, sæpè glandulæ iis (quibus in collo, capite, vel aliquâ vicinâ parte ulcus est natum) intumescunt, nominant autem ipsos adenas, cum sic intumuerunt, *Bubones*, quod si scirrhusior earum partium phlegmone aliquando fuerit, hæc & ægrè sanabilis redditur, & *Chœras*, id est, Struma dicitur, 13. meth. 5. Oritur non ex calidâ quidem materiâ, neque ad suppurationem tendente, sed pituitosiore & frigidiore, qui subinde affluens strumam non modò duram, sed miræ etiam magnitudinis aliquando excitat. Omnis autem struma includitur membranâ, uti steatoma, atheroma, & meliceris. Dicitur autem *χοιρῆς*, vel *ἀπὸ τῶν χοιρῶδαν πτεγῶν*, vel à porcis, in quorum gutture frequentes ejusmodi tumores reperiuntur. Alii verò à multiplici partu porcorum nomen desumptum putant.

*Cholagoga*, id est, bilis educiva medicamenta, 4. aph. 2.

*Choledochos*, id est, vesica bilis receptiva, quam etiam *Iecorû vesicam* nominant, libr. 6. de anatom. adm. cap. 2. Eandem etiam *Cystim bilis*, id est, Vesicam bilis susceptricem vocant, 4. de usu par. cap. 12. ut & *felli folliculum*, 5. de loc. aff. cap. 7. Est autem *χύστις χοληδόχος* vesica in cavis jecinoris sita, inter venæ portæ & cavæ radices, bilem ex jecinore attrahens. Constat simplici tunicâ, villos habente intus rectos,

nec

nec ita multos, foris transversos, & medios horum obliquos. Ac rectis quidem bilem trahit ex hepate, obliquis retinet, transversis verò expellit. A collo enim suo stomachos habet duos, unum in hepar inter venæ portæ & cavæ radices numerosis furculis distributum, quibus bilem in se allicit: alterum verò rarò geminum, sæpiùs simplicem in ecphysim delapsum, quo in ipsum & intestina bilem flavam expellit, eversâ faciliè geminâ membrana ejus osculum in ecphysi claudente. Maximo illa hepatis lobo dimidia mergitur, reliquam simæ hepatis tunica tegit ad venæ portæ exortum, à quâ venulas duas, quas *κυστικὰς* quibusdam appellare placuit, & à vicinâ hepatis simæ arteriâ arteriolas in inum usque fundum admittit. Recipit verò etiam una portionem quandam nervi, qui à sextâ conjugatione per costarum radices dextrâ parte ad partes ventris inferni pervenit.

*Cholera*, id est, biliaris, i. prog. 25. est acutus affectus, cum vomitibus biliosis multis, alviq; dejectionibus, Suris quoque se contrahentibus, ac frigescentibus extremitatibus, fiuntque in his ægris pullus minores, & obscuriores. Cholera duplex est apud Hippocratem; altera *humida*, in quâ, ut omnes nôrunt, vehementis est excretio bilis suprâ infrâque erumpentis, intestina graviter torquentur, accedunt convulsiones, sæpè etiam crurum furæ contrahuntur; alteram *siccâ choleram* vocat Hippoc. ab eâdem proveniente causâ, ac circa eadem consistentem, at citra ventris fluorem, & vomitum, lib. finit. Hic morbus ex continuâ ciborum cruditate proveniens quibusdam accidit certis intervallis, omnemque corporis redundantiam educit, unâ cum vitiosis humoribus, magnam quoque bonorū partem evacuans: tantus est impetus, tantaque vis erumpentis humoris biliosi. *χολεαιμὴ* seu *χολεραῖντες* dicuntur à Medicis cholera morbo laborantes. Nomen habet non tam à *χολή*, quam à *χολαίς*,  
F id

id est, intestinum, per quod materia ex ventre egeritur.

*Chondros*, id est, Cartilago, 7. de usu par. cap. 3. pars corporis omnium, post os, maximè terrea & solida, sensus expers. Communi autem significatione dicitur granum, & quod seorsum ex aliquo concrevit, ut salis frustum aut grumus, & thuris mica seu granum, quod *χόνδρος λιβαίνε* à Medicis appellatur. Quod & à Latinis Alica dictus sit *χόνδρος*, nemo doctorum ignoravit: tam consentiunt omnia inter se quæ Græci *αἰχὴ χόνδρος*, Latini de Alicâ prodiderunt.

*Chondrosyndesmus*, id est, cartilagineum ligamentum, 1. de temp. cap. 9. Hinc & *συνχόνδρωσις*, unio ossium, cartilaginis interventu facta.

*Choræ*, *χοραί*, id est, regiones oculorum, seu cavitates, quæ superciliis subjacent, 8. de usu par. c. 6.

*Chorion*, id est, secundina, est membrana extima fætûs vulvæ prægnantis mulieris adhærens, multarum venarum, & arteriarum contextu, intervalla membranæ obducta habens, cui duæ aliæ membranæ interiûs adnascuntur: altera, quæ *Amnium*, id est, Amiculum dicitur, toti fætui circumjecta; altera, quæ *Allantoëides*, id est, Intestinalis, eminentibus tantum partibus, capiti, natibus, pedibus, duplex superjecta, libr. de vulvæ diff. cap. 10. quæ Arabicis *Abgas*, *Camisia fætûs*, & *profundatio sudoris* dicitur, libr. de anatom. viv. *χελίον* augetur unâ cum fætui, cumque utero extenditur, ac fætum totum involvit, etiam quâ os est uteri, ut scribit Gal. Dicitur *ὀπὸ τῆς χελῆς*, quod in eo vasa, veluti in choro disposita sint. Sunt tamen qui *χελίον* per *ω* scribant, quod fætus veluti domicilium & sedes sit: vel quod unâ cum fætui *χελῆς*, id est, procedit. Dicitur alias *δυσλέγιον*, id est, secundæ, ut scribit Paulus lib. 6. cap. 75. Quo tamen nomine non extima modò fætus membrana, sed totum etiam fætus involucrum tribus membranæ compactum significatur.

*Cho-*

*Chorooides plexus* (qui & *Retiformes*, & *Reticulares*, dicuntur, vide *Plexus retiformis*) sunt convolutiones membranarum cerebri, ex multis venis, & arteriis, secundarum instar effigiatae, nomine *ὁρὸς τοῦ χοροειδῆ*, id est, membranâ deducto, quæ fœtum extrinsecus in orbem ambit, 9. de anat. adm. cap. 3. Constituitur autem prope medium cerebri ventriculorum, 9. de usu par. c. 7. Dicitur adhuc & tenuis cerebri membrana *Chorooides*, id est, secundi formis meninx, 8. de usu par. cap. 9. eò quod cerebri vasa non aliter sustineat, quam τὸ χοροειδὲς vasa ad fœtum pertinentia complectitur. Dicitur, & *Chorooides oculi tunica*, corpus quoddam retiforme, quasi tunica, (*Amphiblestrooides* dicta) humorem vitreum oculi ambiens, quod ex portione tenuis meningis, & ipsius quasi cerebri supernè descendente, atque amplificatâ, est conflatum reti simile, quod retiforme corpus, à *Choroide*, id est, tenui meninge, quæ illi supernè committitur, continetur; undè tunica oculi *Chorooides* dicitur, 10. de usu part. cap. 2.

*Chorda* est membrum, ab extremitatibus musculi ortum habens, ad similitudinem chordæ arcus effecta. Est autem *Chorda* idem quod *Tendo*, non quod ligamentum, 6. aphor. 46. & lib. de anat. viv.

*Chordapsus*, *Ileos*, seu *Volvulus*, est tumor eminens, in tenuium intestinorum parte internâ, ut videatur intestinum ad similitudinem chordæ obvolutum, vel ab inflammatione, vel obstructione aridi stercoris, graviter ægros vomitionibus crucians, adeò, ut nonnulli stercus quoque evomere conspiciantur. Hinc *Stercoraria* etiam dicitur *Vomitio*, & *Miserere mei Domine*, 6. de loc. affect. Dicitur autem *χορδαψὸς*, quod qui manum loco dolenti admoverit, is veluti τῆς χορδῆς ἀπὸ τῆς χειρὸς, id est, videtur sibi *Chordam* tangere, propter magnam ex intestini inflammatione tensionem. vide *Ileos*.



*Chronica agritudines*, id est, longæ, de par. art. med. cap. 7. vide *Polychronius*.

*Chrystitis*, χρυσίτης γῆ, terra est aurea, in quâ parvis terræ particulis immistæ sunt parvæ auri partes, quæ ab igne in fornacibus fusæ secum coeunt, 5. de simpl.

*Chylus*, est hordei lactisve cremori analogus succus, albicans ex assumptis cibis, nativi caloris vi elaboratus, partim tenuioribus portionibus, partim crassioribus constans, ex ventriculo per mesaræas in jecur, ut ibi sanguinis formam consequatur, transmittitur, lib. de atrâ bile, cap. 3. Ejus generatio χύλωνος dicitur, ventriculi propria actio, per quam cibus in Chylum mutatur.

*Chymethla*, id est, *Perniones*, 6. simpl. vide *Perniones*.

*Chymosis* (quæ & *Chemosis*) est utriusque palpebræ distortio, ex inflammatione oborta, 4. de comp. med. loc. cap. 4. Est item *Chymosis*, rubra, carnosaque corneæ oculi pelliculæ inflammatio, lib. de remed. part. fac. vide *Chemosis*.

*Chymus*, est nutrimentum, seu humor ad nutrimentum animalis in hepate præparatus, depositis excrementis, 4. de usu part. Atqui antiqui saporem vocaverunt *Chymum*, id est, liquorem, lib. de ocul. part. 2. cap. 1. *Chymi* autem appellatio apud Hippocrat. semper humoribus corporis destinata est, ex quibus nos constituimur, sanguini inquam, nutrimur, & fovemur, pituitæ, & duplici bili flavæ & nigræ; Apud Platonem verò, & Aristotelem, gustabilis qualitas quævis nobis insita, *Chymus*, id est, Sapor, nominatur, lib. finit. χυμός itaque communi significato omnem humorem designat coctione quodammodo incrassatum, tam in animantibus quàm in plantis. Inde τὸ δυχμός & κερχμός nomina deducta sunt. Quibus ea designantur, quæ humorem bonum malumve, hoc est, nutriendo corpori servandoque aptum aut incommodum continent. In quo nihil differt χυλός ἀπὸ τῷ χυμῷ. Sed peculiari

culiari quâdam significatione *χυμὸς* appellatur ipsa gustandi facultas sive qualitas, quam Saporem vocant. Hic autem non aliud est, quam partis siccae terrenaeque in humore permistio, vel partis siccae per humorem vi caloris percolatio: efficitur enim Sapor permistione quâdam.

*Cyphosis*, id est, gibbositas, (quam etiam *Cyrtofin*, id est, Incurvationem dicunt) est distortio spinæ in posteriorem partem, ut in anteriorem *Lordosis*. *λόρδωσις* dicitur. Galen. scribit Hippocratem *κυφὸς* solitum nominare, quos omnes *κυφῶς* appellant. Est autem *κύφωσις* vitium spinæ, quod à casu, ictu, & tuberculis anteriorem thoracis partem distendentibus, pulmonemque prementibus aliquando contingit, ut dicit Gale. comment. ejus aphor. quo scribit Hipp. gibbos ex asthmate aut tussi factos, ante pubertatem mori.

*Cyrtofin*, vide *Cyphosis*.

*Cicatrix*, *ἐλὴ*, ab Hippocrate nunc sumitur pro ipsis ulceribus, nunc pro consolidatione ulcerum, caro callosa, pro cute inducta, ubi vulneris, quod jam coivit, hiatus fuerat, 1. de artic. 56. Particulatim autem *cicatrix oculi* appellatur; ubi nigro oculi ex alto ulcere, membranæ crassities supervenit, & color albior apparet; quæ cicatrix si sit & major, & crassior ex ulcere Iridis nata, dicitur *Albugo*, lib. Introd. cap. 15. vide *Albugo*.

*Cilia*, extremæ illæ palpebrarum partes sunt, quæ in somnis clausis oculis simul committuntur; quæ & *Tarsi* nominantur, lib. Introd.

*Cingentes*, sive *Succingentes*, membranæ simplices quædam tunicæ sunt, telæ araneorum similes, (membranæ quidem ab essentiâ, tunicæ verò ab usu nuncupantur,) quæ totam utramque thoracis regionem internam subcingunt, vocanturque in costis *Cingentes*, Græcè *ὑπεζώκοτες*; ubi verò rectà ad jugulum perferuntur, *Intercipientes*, Græcè, *ἀμφεζώκτοντες*, (medium

dium thoracem latera duo distrahentes) ubi pulmonibus circumhærescunt, hujus operimentum sunt: quarum basis supernis partibus septi transversi objicitur; inferioribus autem alia quædam membrana, huic perfimilis substrata, quæ *Peritonæi vertex*, & *principium*, jure optimo nuncupatur, 6. de anat. adm. cap. 8.

*Cinumenus*, κινέμενος, id est, qui movetur, morbus est, qui diversis horis semper accedit, ac remittit. Contrarii hujus sunt affectus ἐσώπτες, iisdem horis subinde accedentes, & remittentes. Illius species duæ: *Anticipans*, & longius emanens, περιληπτικός, καὶ ὑστερικός. Ille qui prævenit, citiusque horas persolvit, *Prolepticus*, sive *Anticipans* dicitur; qui tardat, *Hystericus*, id est, posterius invadens, lib. de Typis, cap. 3. Κίνσις omnem motum significat, & pro absurdâ in ægris motione sumitur, cum aut mente turbati, aut incontinentiâ corporis vexati, inordinatos & temerarios motus exercent, ῥιπτασμοῦque jungitur. In Coac. prænot.

*Cion*, hoc est Columna, idem prorsus quod κιονίς. Hoc tantum interest, ut ait Galenus, quod τὸ γαρζαγεῶνα, Veteres κίονα, posteriores autem κιονίδα appellarunt. vide *Gargareon*, & *Staphyle*.

*Cionis*, vide *Staphyle*.

*Circuitus*, sive *Periodus*, est tempus intentionum & remissionum in morbis quæ fiunt: ut Typus est ordo earundem intentionum & remissionum, lib. de Typis, cap. 3. vel circuitus, sive periodus, est similis ab eodem ad idem reditus, 1. aphor. 12. Sic enim singulis accessionibus recurrit morbus, ut redintegrari renovarique videatur. Is in febribus intermittentibus manifestissimus est, atque aliis morbis qui similiter post aliquod intervallum repetunt. Continentes perpetuique morbi circuitus nullos habent. Est autem alius brevior, qui citò recurrit, alius plurium horarum vel dierum, alius analogiam servat, alius non servat. Est autem analogia temporis ad tempus, moris ad morē collatio,

ut si

ut si fiat eâdem horâ, vel taret, vel anticipet, æqualiter aut inæqualiter, ordinatè vel inordinatè, mitiùs vel sæviùs. Omnis autem per circuitum videtur fieri, ut qui ab uno statu redeat in eundem, atque id perpetuò ad finem usque morbi observetur. Itaque ab horrore qui febrem tertianam inchoat, usque ad alterius accessionis horrorem circuitus unus est: similiter à rigore febris quartanæ, usque ad initium alterius rigoris unus circuitus est. Ergo in circuitu remissio continetur, si-ve perfecta sit, si-ve imperfecta. Dividitur enim circuitus in duas partes, *προξυσμὸν* & *ἀντισιν*, hoc est, accessionem & remissionem, uti Hippocrates distinxit, & Galenus multis in locis explicavit,

*Circumcisio*, vel *Circumsectio*, est ablatio cutis glandem contegentis, in virili pudendo, quæ *Præputium* dicitur, lib. finit.

*Circumnuens*, vide *Innuens*.

*Circumocularis tunica oculi* est, quæ à crassâ meninge orta, toti oculo substernitur, circumtangens, & circuminduens osseam oculi substantiam, ne oculus huic indatur nudus, lib. de anatom. viv.

*Circumossalis membrana*, quasi ossium involucrum dixeris, est, quæ singulis ossibus in longitudine circumjicitur, 1. de sem. cap. 10. quam in capite, *Pericranion* dicimus, libr. de anat. ocul. In costis autem, aliisque ossibus ferè cunctis, *Periostion*, 8. de anat. adm. cap. 10.

*Cirri*, vide *Cornua vulvæ*.

*Cirsocele*, vide *Cele*.

*Cirros*, id est, Varix, alias quoque venas omnes dilatatas Antiqui sic nominabant, lib. de tum. cap. 16. Id autem contingit venæ, non etiam arteriæ, propter tunicæ molliem. Arteriæ namque tunicæ crassiores sunt atque robustiores. Distentionis causa est sanguis multus & crassus qui non facilè cedit, sed cui contrà cedere vena cogitur, præsertim verò flatulentus, qualis melancholicus est, proindeque ab eo varices ut plurimum



rimum fieri Medici omnes prodiderunt. Fiunt tamen interdum à pituitoso atque à puro etiam sanguine, præsertim quidem in cruribus propter ejusmodi sanguinis gravitatem: aliquando verò etiam in temporibus, & in imâ parte ventris sub umbilico, & circa testiculos & scrotum, atque in ipsis etiam inguinibus. Nasçitur & in palpebris authore Aëtio, atque, ut semel dicam, in omni parte quæ venas habeat, maximè si prona est, & longius distita à fonte caloris nativi. vide *Varices*.

*Citta*, vide *Cittosa*.

*Cittosa*, id est, vitiosi cibi appetentia, qualis gravidis contingit, 6. de sanitat. tuend. capit. 9. Dicitur etiam *Citta*, *Pica*, & *Picatio*, 1. de sympt. caus. cap. 3. & cap. 7. Causa est vitiosum quoddam recrementum, ventriculî tunicis impactum, sed cujus vitium facile explicari non possit. Pro diversis autem ejus qualitatibus varia appetuntur, sed imprimis Acida, Acerba, atque etiam Acria, & aliquando Terra, Testæ, Carbones, Panni veteres, Putria coria, & alia ejusmodi à naturâ abhorrentia. Maximè autem hoc malo gravidæ infestantur ad extremum usque secundum tertiumve mensem. Quarto namque eo ferè liberantur, partim vitioso humore per vomitum vacuato, partim concocto, atque etiam absumpto crebris vomitionibus, fastidio, & ciborum quibus vitium ali debuisset, abstinentiâ, quodque auctior eo tempore fætus unâ cum sanguine vitiosum pariter humorem attrahat atque conficiat. Verumtamen viros quoque idem affectus aliquando exercet, cùm & ii vitiosum depravarumque ejusmodi humorem in ventriculo collegerint. Vocatur hoc vitium à Græcis *πίκα*, vel à picæ varietate, (est enim avis varia, nec sibi concolor, sed quæ alias plumas & pennas candido, aliàs nigro colore præferat) vel quod fortè affectu consimili picam laborare observatum sit. Plin. gravidarû malaciam sæpè dixit.

*Cl-*

*Claves*, sive *Jugulum*, sunt duæ primæ costæ propè guttur, inter os pectoris, ac spinæ finem, quæ ad scapulas est, à naturâ constitutæ, 13. de usu part. cap. 11. *Claviculas* etiam vocant, lib. de musc. diff. c. 12. quas vulgò *Furculas* dicunt, quarum una *superior*, altera *inferior* nuncupatur. Recentioribus autem, elatiore in thoracis fine, & quidem in anteriori parte *Claves* existunt; sic dictæ, quòd sterno, *Omoplatas*, id est, humerum firment; is autem finis vulgò, *Furcula superior* dicitur, Cavitates sub his *Clavibus* σφαγάι appellantur, id est, Juguli, ut sint duæ *Claves*, & Juguli totidem, dexter, & sinister. Unde & σφαγινίδες jugulares venæ à Græcis appellantur.

*Clavus*, sive *Gomphos*, est oculi morbus, cum Uvea locum suum egrediens, pelliculas superficie tenus operit, unde ejus forma fit, quasi *Clavus*, libr. de ocul. cap. 11. vide *Gomphos* & *Myrmecia*.

*Clunes*, vide *Coxa*.

*Clydones*, κλύδων, Symptoma est retentricis facultatis ventriculi, cibos, vel non complectentis, vel diminutæ, vel vitiosæ, unde flatulentia, & fluctuationes cum sonitu succedunt; flatulentia quidem, ubi & cibi flatuosi sunt, & ventriculus non admodum frigidus; fluctuationes cum sonitu, cum vel nihil in eo continetur, quòd verti in flatum possit, vel vehementer sit refrigeratus, 3. de sympt. caus. cap. 2. Qui hoc symptomate laborant, non possunt concoquere sufficienter, & eò diutius in eorum ventre gravitas manet, quo tardius concoquant.

*Clyster*, κλύσις, Latinis idem est quod *Lavamen* seu *Ablutio*, à verbo κλύειν, quòd & lavare significat; Alio nomine Græcis ἐνέμα ab ἐνίημι, infundo, dicitur, quæ vox Latinis *injectionem* significat. Medici hujus temporis, *Clysteri*, & *Enematis* Græcis vocibus quàm Latinis malunt uti. Dicitur adhuc, & *Clyisma*, unde *Diaclyisma*, id est, lavatio ad ulcera, & dentes

titubantes, infirmosque. Dicitur adhuc & *Clysmm*, de medic. fac. part. cap. 16. Est autem *Clyster* medicamenti genus, quod liquidum intra partem aliquam corporis injicitur. Sed privatim etiam instrumentum ipsum significat, quo medicamentum injicitur. Id Galeno, ut multis apud eum locis videre licet, fuit vesica, cui cornea vel alterius materię fistula recta, & fracta ad finem annexa erat. Clysteris usus præcipuè inservit intestinis, iisque crassioribus: neque enim ad tenuia ferè pertingit. Convenit tamen & utero & auribus & fistulosis sinuosisque ulceribus. Sed qui utero adhibetur, peculiari nomine *μυτεργχίτης* dicitur. Est autem multiplex Clysteris facultas. Intemperiem emendat contrariâ qualitate, deterget ulcera, ficit, conglutinat, mollit alvum, vim excretoriam sopitam irritat, vacuat omnis generis humores intestinis contentos, solvit flatus, sedat dolores, adstringit alvum, pro variâ medicamentorum, ex quibus constat, facultate.

*Cneme*, *Κνήμη*, id est, Tibia, seu alterum ex duobus ossibus tibię, eodem cum toto membro nomine; alterum verò *Perone*, seu *Fibula* dicitur, 3. de usu part. cap. 9. Ambiguæ ergo significationis est. Interdum totam eam partem significat, quæ inter astragalum genuque posita est, ossibus geminis constantem, quam *Crus* Latini dicunt. Interdum verò id os peculiariter designat, quod eorum est maximum, Latini Tibiam vocant, nam quod minus est, *περόνη*, id est, Sura, appellatur. Sic *πῆχυς* modò utrumque os cubiti, modò eorum longissimum significat, ut annotat Galenus. Certum tamen est, τὴν κνήμην partem esse τῷ σκέλει, quod Galenus dividit in tres partes, *μεγὰρ κνήμην ἐν πῶδι*. Est autem os tibię crassissimum & interiori in parte situm, eique soli femur per *Diarthrosim* articulatur. Nam *περόνη* tenuior multò est, & exteriùs sita, nec tam altè assurgit, ut genu contingere possit.

possit. Inter se autem hæc duo ossa membranoso ligamento sursum deorsumque colligantur, in medio multum ab invicem discedunt, ut se habet etiam in cubito & radio. Quâ parte verò tibia cum femore copulatur, magnam habet epiphysim, & in eâ cavitates duas, in quas duo femoris condyli inferuntur. Inter eas autem corpus quoddam *νευροχονδρῶδες* eminet, ipsas etiam cavitates adaugens, & inter duos illos femoris condylos attollitur. Habet autem & tibia inferiore in parte epiphysim internâ in parte prominentem & gibbam, sicut & aliam *περόνη* externâ in parte, quæ quidem duæ apophyses *σφυρῶς*, id est, malleoli propriè appellantur. Est autem tum tibiæ tum perones figura prope triangularis. Ac tibiæ quidem anterior angulus quia multum acutus est, à quibusdam *ἄκραιδα*: quia verò veluti frons est *τῆς κνήμης*, *ἀντικνήμιον* nominatur.

*Coadjutrix* causa est, quæ suâ virtute morbum efficere non potest, sed alteri auxiliatur, ut libido articulare morbum promovet, & sanguinis eruptionem remigatio, lib. Introd. cap. 8.

*Coarticulatio*, vide *Abarticulatio*, & *Dearticulatio*.

*Coccyx* (vulgo *Cauda*) id est, *Cuculus*, est os quod subest ossi sacro, lib. de ossib. cap. 12. & 3. de art. 104. vide *Cuculus*.

*Coctio*, quid sit, hinc nosces, cum facultates quatuor sint, atque inter eas non minimè valeat alteratrix, per quam natura alimentum assimilât, coctio nuncupatur nutritivæ substantiæ permutatio, secundum qualitatem, 4. rat. vict. 44. *Perfecta Urinæ coctio* est, quando in urinis subsederit aliquid album, & læve & æquale & continuum; *Debilis autem coctio* est, quando ex aquosâ mediocriter subpallida facta fuerit, & quidem si turbulenta apparuerit, & talis permanferit, hæc quoque imminutæ, & debilis coctionis est signum, & rufa



& rufa etiam ac tenuis, ex eodem genere est, 1. de cris. cap. 27.

*Cœctionis signa* sunt quæ hominis salutem, non tamen per Crisim, futuram ostendunt; quo distinguuntur à *Decretoriis* quæ salutem hominis futuram, per Crisim ostendunt. Cœctionis autem quæ in spirandi sit instrumentis, *sputa*; ejus quæ in venis, *urinas*; illius, quæ in ventre, *alvi excrementa, indicia, & characteres* statuere oportet; in febribus (quoniam venosi generis sunt passiones, nam & arterias in hoc genere comprehendimus) ad urinas præcipuè attendere oportet, 1. de cris. cap. 7.

*Cœcum foramen*, est angustius illud foramen, quod ex duobus inæqualibus foraminibus, quibus quinta nervorum conjugatio à Cerebro excipitur, propè aures est collocatum, cui subditur labyrinthus quidam, quem natura effecit, musculis temporalibus consulens, nervum eis durum simul, & labiis immittens, 9. de usu par. cap. 13. vide *Meatus auditorius*.

*Cœcum intestinum* sive *Orbum*, sive *Monoculum*, est quartum intestinum in ordine, primum locum inter crassa obtinens, lib. de anat. viv. Quidam illud *saccum* nominant.

*Cœli status*, id est, ambientis nos aëris temperies, temporisque præsentis constitutio, 9. meth. 5.

*Cœlia*, *κοιλία* apud Græcos, sine adjectione omnem ventrem significat, 6. aph. 20. Apud Aristotelem tamen dicitur *Cœlia*, illa tantum corporis partis cavitates, in quam cibus devoratur, & prima concoctio peragitur. Latius tamen patet hoc nomen, nec receptaculum modò ciborum significat, sed omnem etiam cavitatem in profundo positam, ut cerebri, cordis, jecinoris, & reliquarum partium. Apud Hippocr. nunc cum adjectione superior, & inferior venter significantur; ut *superior* sit ventriculus, *inferior*, omne, quod sub diaphragmate est, spatium latius. Erotianus annota-

notavit τὴν κοιλίαν ab Hipp. dici non modò spatium illud latius, sed interdum internum quoque thoracis spatium, & ventrem ipsum, & ulcerum cavitatem.

*Cæliaca*, id est, Ventralis dispositio, communis morbus est ventriculo, & intestinis, in quo materiæ, non mordaces, egeruntur, ob intestinorum imbecillitatem, quæ retinere contenta, ne exiguo quidem tempore possunt, sed ea illicò excernunt, perinde ac si grave aliquod onus deponerent, haud secus quam in stranguriâ, in quâ ob acrimoniam & vellicationem vesica jugiter, quicquid ad eam pervenerit, excernit, quòd molem ipsius vel exiguam sustinere nequeat, 6. loc. aff. cap. 2. Unde κοιλιακὴ dicuntur, quibus excrementa lævia, humentia & semicocta, alvo continenter fluida redduntur aliquanto postquam assumpta fuerint tempore. Causa hujus mali est assidua cibi corruptio & cibus cacochymus, adhæc frigiditas, aut vehemens ardor, aut plagæ ventri inflictæ. Ex longis quoque morbis facilè hic morbus contrahitur, vide *Lienteria*.

*Cœlomata* sunt rotunda, & cava ulcera, bothriis latiora, quæ in oculis circa Irim nascuntur, in corneâ eorum tunicâ, lib. Introd. cap. 15.

*Cœlum*, κοῖλον more vulgi, appellat Hippoc. aërem, 1. de morb. vulg. 1. qui supra nos est, usque ad nubium regionem, com. 1. in 1. de morb. vulg. 4. quamquam eo nomine *cavitas omnis* designari potest, tamen specialiter Cœlum vocatur *superioris palpebræ superficies*, sicut Hypocœlum ὑπὲρκοῖλον pars inferior, quæ ei respondet, illud tùm in aquâ inter cutem, tùm in alterius generis malo habitu, tùm in diuturnis hæmorrhoidibus, longis mulierum profluviis, atque inchoantibus ophthalmiis intumescit. Sunt qui cœlum τὴν κοιλίαν oculorum interpretantur cavitates, quæ sub oculis, & utrâque nasi parte cernuntur, quæ tamen κανθοὶ dicuntur.

*Cœrulea oculi tunica* eadem est cum *Rhagoide*, *Vvea*, & *Vviformi*, procul dubio, ob versicolorem internam hujus superficiem sic dicta, 10. de usu par. cap. 4. vide *Rhagon*.

*Coincidentia*, sive *Intercidentia*, quam Paremptosis Græci vocant, est cum aliunde in aliud vas humor fluit, 7. de anat. adm. cap. 16. In oculo autem *coincidentia* est, ubi in meatum porumve opticum qui à basi Cerebri veniens, oculo videndi facultatem tribuit, humor adaperto, vel rupto vase incidit, obturatque eum, unde cum dolore visus offenditur, libr. Introd. cap. 15.

*Coindicantia* sunt, quæ præter proprias cujusque morbi indicationes, ad hæc ægri virtutem, naturam, ætatem, anni tempus, regionem, consuetudinem, & si quæ sunt id genus alia, considerant, ac à primis indicantibus indigitata præsidia approbant & confirmant, 13. meth. 16.

*Cola*, dicuntur in homine longiora, majoraque membra, à Thorace separata, & quasi dependentia, ut brachia & pedes, Latinis dicuntur artus, 3. de usu part. cap. 1. verum Pollux κῶλον (quod & κῶλυμα, inquit, vocatur) ex femore tantum & crure contate scribit. Dicuntur & *Cola*, ossa narium, vide *Ithmoeidea*.

*Colatoria ossa* sunt narium foraminulenta & cavernosa ossa, quæ à cribri similitudine, *Ithmoeidea*, vel à spongiâ, *Spongoeidea* appellantur: varia enim habent foramina, quo modo, & spongiæ; neque ea habent recta, ut cribra, quòd per ea superflua Cerebri excrementa transcolentur, & odoratarum rerum species ad processus mammillares rectà ascendant, 8. de usu part.

*Coles* est particula quædam corporis insignis, ad extremum collum vesicæ sita, quâ mares fæminas exuperant, quam Græci *Canlon*, πειναιον, seu πεινεον, Latini

Latini *Penem, Colem, Mentulam, Virgam, & Pudendum virile* nominant, 5. de usu par. cap. 15.

*Colica dispositio* est morbus plenioris intestini diuturnus, in quo cruciatus intolerabiles, difficultates spirandi, sudores, perfrictionesque suboriuntur, libr. finit. Suntque *Colicus & Volvulus* intestinorum etiam inflammationes, quorum alter tenuioris intestini affectus est, alter plenioris, quare dejectiones includuntur, & flatus intestinis involuti; eò quòd exitum non habeant, dolores vehementes, & tormenta concitant, lib. Introd. cap. 13. & 2. de loc. aff. 5. Inde *Colica* medicamenta sunt, quæ ad sedandum Coli dolorem sunt comparata, quæ quidem etsi anodyna sunt, à communi tamen anodynorum formâ differunt, quòd quæ propriè *Colica* appellantur, aromatis odoratis, ac urinam cientibus seminibus permiscentur, & quamquam *Colica* vocentur, non tamen ad *Colicos* tantum, sed ad omnem dolorem in quâcumque corporis parte factum, sedandum admoventur; quo factum est, (inquit Galen. initio libri sexti de locis affectis,) ut antidotos omnes dolorem sedantes, veteres *Colicos* nuncupaverint, vide *Narcotica*. Quamvis autem *αγλική* variis de causis oriri possit, sic tamen potissimum dicitur, qui à frigido crassoque aut viscoso humore, aut flatuoso spiritu excitatur. Eum consequuntur nausea & vomitus pituitosi atque corrupti humoris multo graviores & magis assidui, quam per nephriticos affectus, adhæc excrementorum retentio, ut ne flatum quidem, neque etiam ructum possint emitte-  
tere. Sæpè etiam veluti circuire videtur dolor, atque plurima loca occupare, & modò in hoc modò in illâ parte vehementior fieri, cum nephritici dolores eodem in loco stabiles jugiter infestent. Difficile tamen est discrimen, adeò ut non modò plebei, sed medici quidem discernant, omnesque eos dolores, si-  
ve renes, siue ureteras, siue mesenterium, siue tenuia  
etiam



etiam intestina occupent, *κωλικήν* indifferenter appellant.

*Collectica medicamenti facultas* est, quæ ulcera, & vulnera glutinat, 5. de simplic. cap. 2. *κωλῆσικόν φάρμακον*, glutinatorium medicamentum, est quod conjungit & unit divisas partes, ut in pristinam unitatem reducantur. Quidam *έναιμον* & *παραμαπκόν* etiam appellant, quod cruentis & vulneribus adhibeatur. Verum non in cruentis modo protinus glutinandis eorum usus est, ubi sanguinem ex plagâ adhuc profluentem spongiâ deterferimus, deinde futuris aut fibulis coarctaverimus, sed etiam in sinibus veteribus, cum ab omni inflammatione eos vindicaverimus, puerosque medicamenti reddiderimus. Cæterum quod glutinandi facultatem habet, plus fiet quidem oportet, quàm quod carnem producit, nec tamen detergeat, nec expurget, sed contrâ prorsus substantiam omnem in idem cogat, cujusmodi facultatem habent medicamenta ea quæ austera & astringentia vocantur: hæc namque in idem cogendi ac stipandi, non detergendi neque purgandi facultatem habent. Eorum namque finis est, prohibere ne ulla inter coituras partes subnascatur humiditas. Est autem glutinantium materia diversa pro corporum varietate, quæ glutinari debent. Quæ ex argenti spumâ, oleo & aceto præparantur, imbecillam mollemque carnem glutinant: quæ Bitumine, Ærugine, Squamâ, Aloë & Myrrhâ constant, robustam & duram.

*Collectiva inæqualitas* pulsuum, quæ ex inæqualitate plurium pulsuum est constata, 1. de diff. puls. cap. 30. quæ & *Systematica* dicitur, vide *Systematica*.

*Colliculum* idem est quod *Nympha*, caruncula nimirum membranosa, ad fissuram colli matricis exorta, quæ dum virgo defloratur, rumpitur, quam quod multum promineat, Ægyptii in Virginibus excidere consueverunt, libr. Introd. cap. 10. Atqui plures ex antiquis

tiquis Anatomicis, tum præsertim Avicenna; dicunt  
 iis, quæ nondum venerem sunt expertæ, circa me-  
 dium colli uteri, panniculum virginalem dictum, esse,  
 qui Hymen, aliis Hymenæon vocatur, & ut ajunt, in  
 primâ coitione rumpitur; quod verisimile non vide-  
 tur, nam in dissectione virginum non apparet, nec us-  
 quam quod legerim meminit Galenus, sed potius cre-  
 dendum est, collum ipsum, quod musculosum sit,  
 & nervosum, ex ipsâ texturâ tantummodò connive-  
 re, & angustum esse. Nympha verò est adnata Epi-  
 physis, & appendix cutacea, lata, intra pudendum  
 muliebri, supra alarum commissuram, ad urinarium  
 meatum sita; gemina autem est, utrinque scilicet  
 una, data est à naturâ, tum ornamenti causâ, (nam  
 quod peni virili præputium est & Uva Pharingi, id  
 Nympha utero) tum etiam, ut Uterum à pulvere,  
 frigore, & aliis externis injuriis tueatur, 15. de usu  
 part.

*Colliquatio, vide Anastoiceiosis.*

*Collisio & Contusio* est, cum exterior superficies per-  
 cussi corporis continuitatem servat, multæ verò exi-  
 guæ divisiones in profundo apparuerint; at cum ca-  
 vitas aliqua forinsecus apparet, quam rei collisæ per-  
 cussor impresserit, tunc *Illisio*, Græcis *θλάσις* dici-  
 tur, lib. de sympt. caus. cap. 11.

*Collum uteri*, sive *Os uteri*, est illud, quod intus est,  
 ubi uterus desinit, collum verò incipit; quod ma-  
 gis propriè *Os uteri* diceretur; nam altera colli ex-  
 tremitas, quæ mulieris pudendis conjungitur, non  
 uteri, sed ipsius colli os non sine ratione diceretur;  
 5. aphor. 46.

*Collum, vide Dorsum.*

*Collyria*, Latinis medicamenta vocantur, quæ ocu-  
 lis admoventur, Græci *κολλήρια* nominant; hæc ve-  
 rò duum generum sunt; quædam enim liquida sunt;  
 & passim *Collyria* nominantur; quædam arida, & hæc

barbarâ voce dicuntur, *Sies*, Græci hæc vocant *ἐπε-  
καλλύματα*; illa verò, *ὕψροκαλλύματα*, 9. simplic. & 4. de  
comp. med. loc. cap. 5. *Καλλέριον* quodque medica-  
mentum est oblongum, rotundum, ex liquoribus, suc-  
cis, feminibus, fructibus & metallicis ad varios usus  
compositum, compactum, cohærensque in modum  
ferè ejus quod vulgus Pharmacopolarum Magdaleo-  
nem appellat. Sic enim olim reponebantur & asserva-  
bantur *Collyria*, cùmque utendi occasio esset, ea vel  
integra, sicuti condita erant, adhibebantur in usum,  
vel solvebantur in pulverem, qui aut siccus, aut humo-  
re aliquo dilutus affectæ parti vel oblinebatur, vel li-  
nimento exceptus indebatur, vel suffitionibus, aut alio  
modo inserviebat. Namque *ἐπεκαλλέριον* antiquis figu-  
ratum fuisse, & certam habuisse formam ex veterum  
Medicorum lectione cognoscitur, qui pleraque me-  
dicamenta in *Collyrii* formam fingenda præcipiunt.  
Sunt ex Græcis qui *καλλύριον*, sine diphthongo scri-  
bant. Sunt etiam qui malint *καλλέριον* dictum esse *καλλέριον*  
*τὸ καλλῶν τὸ ῥῶν*: hoc est, quod comprimat fluxionem:  
alii verò, *καλλέριον τὸ καλύειν*: utrique credo existimantes,  
eam modò unam esse *Collyriorum* facultatem, ad si-  
stendas fluxiones. Verùm tamen non ad eam rem mo-  
dò, sed ad omnes omnium partium affectiones, quibus  
admoventi possunt, comparata sunt à Medicis *Colly-  
ria*, diversarum omnino facultatum: *Fistulis* enim in-  
duntur aliàs ad conglutinandum, aliàs ad detergen-  
dum, aliàs verò ad exterendos earum callos. Impo-  
nuntur & naribus ad Polyporum & Ozænarum cura-  
tionem, itemque auribus ulcere affectis, auctore Gal.  
Adhibentur & utero tum ad ciendas purgationes, &  
ad foetum atque secundas expellendas, tum ad sisten-  
dum etiam immodicas sanguinis excretiones, &c. Ve-  
rùm *Collyria* in oculis præcipuum usum habent, qui  
quantò sunt reliquis corporis partibus præstantiores,  
tantò magis Medici veteres in eorum *Collyriis* ela-  
bora-

borarunt, & eorum copiâ quodammodo luserunt.

*Collobomata* Græci vocant partes, quæ in labiis aut narium alis, aut aure deficiunt, & decurtantur, 14. method. cap. 16. quæ propriè *Curta* vocantur, seu *Mutila*. Hujus generis sunt & quas in majore oculi angulo *porádres* vocant, eo utique vel impensius extenuato minoreque facto, vel prorsus abolito.

*Colon* intestinum quintum in ordine à ventriculo, secundum autem in crassis, inter cæcum & rectum medium, 6. de anat. adm. cap. 9. Dicitur verò Colon, id est, *Laxius* intestinum, quod excrementa ex distributione segregata suscipit, lib. Introd. cap. 11. quod & *pingue intestinum* appellat Galenus, 2. de sympt. caus. cap. 5. unde propter sui latitudinem, ipsum solum quidam *ventrem inferiorem* appellant, 4. rat. vict. 112. Id dextra prius ilia prætervectum, ad sinistrum renem emergit, perque ventriculi fundum & jecinoris cavum exporrectum descendit ad rectum intestinum. Abscedit longissimè à centro mesenterii, quod non expediat venas mesaraicas valdè exugere ea quæ continet excrementa: cæco autem, ut ait Galenus, ad portionem respondet. Sicut enim cæcum valdè extuberat globosumque est, ita & Colon totâ sui longitudine multos habet medios globos, & veluti cellulas, exiguas quidem, nec tantas quantum cæcum (hoc enim totum veluti quidam venter est) sed ad portionem ejus similitudinemque factas. In eo crassiores fæces diutius commorantur, donec excernendi tempus appetat. Itaque fit ut sæpè ab his malè afficiatur, variisque morbis tentetur, pro contenti excrementi qualitate.

*Columella*, *Κίον*, *Κίονίς*, & *Columna*, sive *Gargareon*, & *Vva*, caruncula est membranosa, in fine palati, à faucibus dependens, vocis instrumentum, quod hiante ore conspicitur, libr. finit. vide *Gargareon*, & *Staphyle*.

*Coma*, id est, *Sopor*, sive *Propensio* & *Delatio* in



somnum, est, cùm vigilare ægri nequeunt, non apertos habentes oculos, sed conniventes, & alto somno, detinentur, com. 1. in 3. de morb. vulg. 7. vide *Caros*. Hippocrates verò Cataphoram, omnem ad somnum propensionem, Coma appellat; est enim in somnum delatio, non valentibus infirmis vigilantium munia obire, sed cùm palpebras claudere cupientibus, tùm dormire sperantibus; cùm autem ægri clausis palpebris dormire nequeunt, sed plurimùm vigilant, *Coma ἀγρυπνῶδες*, id est, Pervigil, & non somnulosum vocat, com. 1. in 1. prorrh. 1. Aliquando *Coma pro marcore* sumitur, 4. sanit. tuen. cap. 4. Marcerenim torpere significat, atque languore & inertia teneri, unde Celsus de Lethargo dicit; Marcor est inexpugnabilis dormiendi necessitas, & comatosos proinsomnolentos, & inertes appellat. vide *Sopor*.

*Comitialis morbus*, est omnium corporis partium, ex temporum intervallis facta convulsio, cum mentis ac sensuum oblensione; qui & *Epilepsia* dicitur, 3. loc. aff. 7. & de differ. morb. cap. 5. Quin etiam *morbus magnus, morbus sacer, affectus puerilis, & Hercules* dicitur. *Puerilis* quidem, quoniam pueritiæ tempore sævit; *Hercules*, non quod Hercules eò vexaretur, sed quidam morbi sævitiam exprimere volentes, nomen hoc magnitudinem significans, Herculeam effinxerunt, comm. 6. in 6. de morb. vulg. 7. Dicitur adhæc *Puerilis*, ut qui à pueritiâ incipiens, ferè semper consenescat, Latini *Comitalem* dixerunt, quòd in Comitibus, & hominum frequentia maximè ægros corripiat. Quo in morbo quia spiritus se ferè totum in suos ventriculos tanquam in arcem recipit (quod & spiritui vitali calorique accidit, si quid cordi molestum est, tunc enim in cordis ventres spiritus calorque vitalis, se recipiunt, reliquis partibus calore destitutis & frigentibus) idcirco ægri neque vident, neque audiunt, neque aliter omninò sentire possunt, sed facultate pri-

stinā

linâ destituti musculi urinam, stercus, & semen quasi resoluti profundunt. Horum enim symptomatum ego potius eam causam esse existimo, quàm cerebri ventriculorum obstructionem. Nam præterquam non est tanta ventriculorum obstructio (qualis in Apoplexiâ esse perhibetur) ut cursum prorsus intercipiat spiritus animalis, certum etiam est eam non esse communem omnis epilepsiæ. Tres enim cùm sint, auctore Gale-  
no, comitialis morbi differentia, una omnium frequentissima cerebri propria est, hoc est, ab humore in ipso cerebro genito aut cumulado: altera ab ore ventriculi, affectu scilicet ab eo ad cerebrum per consensum ascendente: tertia verò à quâvis aliâ parte, à quâ affectus ipse incipiens, sentiente ægro ad cerebrum usque conscendit. Vide *Epilepsia*.

*Commisura*, quæ & *Sutura* dicitur, Synarthrosis species est, & ossium compositio, ad consutarum rerum similitudinem, quæ & *Serrata* dicitur, cum serræ modo, contrario occurso congregiuntur, ubi dentatæ alterius partes in alterius sinus committuntur, libr. de ossibus in procemio.

*Communis morbus*, sive *universalis*, Græcis πᾶσι γινώσκου, est, qui multos in communi invadit, cui oppositus est morbus, qui *Dispersus*, sive *Sporas* dicitur, qui aliquos separatim tantum invadit. Σπορῶδες igitur sive πορρωδῶς ὄντας, plures sunt simul morbi vagantes, & genere diversi sive perniciosi, sive mitiores, quorum alius alium invadit. Non ab aëre sed à victus ratione nascuntur, quam singuli habent propriam & peculiarem. Inter communes alii sunt *publici*, quos vocant Endemios, in quo genere Scorbutus est; alii *vulgares*, seu *publicè grassantes*, quos *Epidemos*, seu *Epidemios* vocant, ut est pestilentia. Endemius morbus si alicujus sit civitatis, vel loci proprius, dicitur *Vernaculus*, com. 1. in 1. de morb. vulg. in argumento; vide fusiùs, in verbis *Pandemus*, & *Epidemus*.

*Communis*, sive *media Cubiti vena* est, quæ communis ei, quæ humeralis nominatur, atque ei quæ per axillam ad manum fertur, 2. de loc. aff. cap. 7. quæ, & *Mediana*, & *Corporalis*, & *Purpurea*, & *Nigra* dicitur, lib. de anatom. viv. vide *Media*.

*Compages*, Capitis sunt futuræ, quâ parte ossa capitis inter se mutuò compacta coaptantur; futuræ verò ex translatione dici consueverunt; Calvariæ enim ossa adeò exquisitè inter se conjunguntur, & coaptantur, ut ipsorum conjunctio per Harmoniam, id est, ex compage, & coaptatione facta, meritò futura ex pannorum, qui consuuntur, similitudine, dicatur, com. 3. in lib. de iis quæ in med. fiunt, 36.

*Complexio febrium* est, quando duæ febres horis differentibus invaserunt: *Confusio* autem quando eodem tempore incœperunt, 2. de differ. feb. cap. 8.

*Compositus morbus* est, qui ex pluribus accessionibus, & remissionibus, sive ejusdem generis, ut duarum, vel plurium tertianarum, quotidianarum, vel quartanarum, sive diversi generis, ut unius tertianæ cum quotidianâ, vel cum quartanâ, constat; cui oppositus est *morbui simplex*, unam genere intensiorem, & remissionem faciens, lib. de Typis, cap. 3.

*Compressio*, est laterum cujusque vasis astrictio, & angustatio per coalitum, 1. de caus. sympt. cap. 5. differens ab *obstructione* (quæ & *oppilatio* dicitur, 2. de caus. puls. cap. 1.) quippe hæc est meatuum nostri corporis interclusio, ex aliquo tumore, vel corpore interposito, non per coalitum, lib. de differ. morb. cap. 7. Illa autem imprimis ab externis oritur causis, E. G. compresso extrinsecus nervo, angustia meatui ejus contingit, 1. de sympt. caus. cap. 5. & de differ. morb. cap. 5.

*Compunctio*, est perforatio, quæ acu fit suffusus, 10. de usu part. cap. 6.

*Conarium*, vide *Conooides*.

Con-

*Concava vena*, est Vena portæ, 5. loc. affect. cap. 3.  
vide *Vena porta*.

*Concausa*, vide *Continentes*.

*Conceptio*, id est, seminis comprehensio, motus est quidam contractionis Uteri, dum semen in seipsum ejaculatum amplectitur, manu veluti quâdam avidissimè, lib. an animal sit id quod, cap. 2.

*Conchula*, Κόγχι, vide *Aures*.

*Concoctio* est ciborum à ventriculo, in convenientem animali qualitatem alteratio; quæ concoctio si tarda, & ægrè longiorique justo tempore fiat, *Brady-pepsia*; si autem in alteram qualitatem, non in eam, quæ sit secundum naturam, fiat mutatio, *Dyspepsia*: si verò nulla fiat alteratio, sed quales sunt assumpti cibi, tales in omni qualitate manent, & dejiciuntur, dicitur *Apepsia*, 1. libr. de sympt. differ. cap. 4. Alteratio ipsa, usque quò alimentum in similitudinem partis, quæ nutritur, transmutatur, *Concoctio*; ubi verò jam parti apponitur, *Nutritio* dicitur, 8. de composit. medicam. loc. cap. 6. *Concoctio* eorum quæ præter naturam sunt, est ipsa maturatio morbi; at ipsa concoctio in coquentis substantiam deductio quædam est ejus, quod concoquitur, com. 2. in 1. de morb. vulg. 44.

*Condensantia medicamenta* omnia frigida sunt, & aquea, quare poros cutis, & meatus in unoquoque corpore condensant, & contrahunt: Cæterùm, instrumentum undique totum constringere nequeunt, unde & *Pycnotica* dicuntur, differuntque à *siccantibus*, quod frigida & sicca sint; ab *obstruentibus*, quod frigida & crassæ sint substantiæ, 5. de simplic. cap. 14. vide *Obstruentia*.

*Condyloma*, quasi dicas *Nodus*, est extuberatio, quæ cum phlegmone in rugosâ contrahentique se ani parte, exsurgit, lib. finit. quæ & *Thymus* dicitur, 14. method. 6. 3. Est adhuc carnis excrecentia callosa in digitis manuum & pedum, in sede item, ac uteri ore



coalescens; sic dicitur tumor hic, quod promineat in modum articuli, quem *Condylon* appellant, sed hic affectus in sede præcipuè oritur, rugâ aliquâ corporum in ano reduplicatorum insurgente, ac præter naturam intumescente. Quum enim sinuosus sit anus, rugas coagmentatas habet, ubi verò amplius intumuerit, tunc fit *Condyloma*, & aliquando citrà inflammationem fit, & molle est; quandoque verò cum inflammatione, tumque durum est, & dolorificum. *Galenus* lib. de off. cap. 5.

*Condylus*, id est, Tuberculum, seu Nodus, est gibba ossium explantatio Radii, & Cubiti, quæ Carpo dearticulatur, ob id etiam aliquando *Capita* dicuntur, & *Apophyfes*, 2. de usu part. cap. 2. Dicuntur & *Epiphyfes*, id est, artuum capita, ubi enim os medullam habet, ejus finibus utrinque caput instar operculi cuiusdam, ut plurimum vides adnasci, 10. de usu part. cap. 18. vide *Nodi*, & *Articulus*.

*Confusio februm*, vide *Complexio*.

*Congelationes*, passionibus omnes dicuntur, quæ à causâ frigidâ, & vehementibus algoribus ortum duxerunt, lib. de differ. morb. cap. 5. In specie *Catalepsi*, & *Nervorum rigorem*, sic vocitant.

*Conia stacte*, id est, Lixivium destillatum, 1. ad Glauc. cap. 3. *Kovia* tria potissimum significat, calcem, cinerem, lixivium, sed aliquando additur hoc ipsum de quo intelligi debeat, ut *kovia aσβεσς*, *kovia aσβες*, lixivium calcis. Similiter *kovia σικκω* *kovia dισθηρεν*, lixivium stillatitium & excolatum, ex loto & percolato cinere factum, cujuscumque generis ille sit, vitis, fici, mali, tithymalorum, lapidum partiumve animalium. Ex reliquiis enim quorumlibet corporum ustorum ablutis lixivium fieri potest prædicitum diversis facultatibus, pro ejus quod eluitur natura. Ejus enim quod empyreuma, seu igneam naturam habet acerrimam, ipsum quoque acerrimum est, ejus quod

tale non est, etiam moderatius. Idem verò etiam simpliciter *σαρκή* appellatur. Quod si cineri cuicumque calx addatur, id lixivii genus *πρωϊόστακτον* appellari Paulus Ægineta author est, libr. 7. Sunt & alia lixiviorum genera, varias sortita appellationes ab artificibus, quibus illa inserviunt; ut *πυλοποιητική* & *σαπυαερική*, quorum illud figulis, hoc verò saponariis in usu est, nisi quis malit paratum ex sapone lixivium intelligere.

*Conjectura artificiosa* est, quæ prope ad veritatem accedit, 1. de cris. cap. 9.

*Conjunctiva oculi tunica*, vide *Rhagon*.

*Conjunctiva causa*, vide *Continens*.

*Conooides corpus*, sive *Turbinatum*, quod & *Conarium* dicitur, Cerebri particula est, veluti firmamentum quoddam venis, à magnâ venâ cavâ propagatis adjacens, lib. 9. de anat. adm. cap. 3. cujus substantia glandula est, figura autem Cono perquam similis; unde ei nomen quoque est impositum; utilitatem autem ei eandem esse existimant aliqui, quæ est Pyloro ventriculi; nam ut hunc confirmant esse glandulam, prohiberéque ex ventriculo cibum prius, quam is coctus sit, in tenue intestinum transumi; ad eundem modum, & hanc glandulam Conarion in principio meatus ejus constitutam, qui spiritum ex medio ventriculo in Parencephalidis ventriculum transmittit, custodem quandam esse ajunt, & velut Oeconomum, non plures spiritus de sese emittens, quàm quantum spiritus mitti oportet, 8. de usu par. cap. 14.

*Connutritus morbus* est, qui longinquo tempore hominum corpora infestat, atque his veluti connatus est, com. 5. in 6. de morb. vulg. 6.

*Consistentia urinæ*, hujus est tenuitas, & crassitudo, 2. meth. 4. quam Arabes vocant *urinæ substantiam*.

*Consistentia*, seu *status Paroxyismi*, *ακμή*, est illud tempus accessionis febrilis, cum jam caliditas mate-

riam convicerit, atque usque adeò calor augetur, ut non modò locum exurat, in quo est putredinis focus, sed etiam continuatim per totum corpus dispergatur; ac cum jam ad summum fervoris devenerint humores accensi, id accessionis tempus *consistentia* appellatur; tunc verò universum laborantis corpus igneum redditur, extensâ per totum animalis corpus æqualiter caliditate, 2. de differ. feb. cap. 11. vide *Ascensus morbi*.

*Constitutio*, *Κατάστασις*, est in propriam sedem aliqujus luxati corporis collocatio, restitutio, & repositio, 4. de fra. 38.

*Contenta*, *ἰσχυμενα* dicuntur ab Hippoc. humores in solidarum partium spatiis & cavitatibus conclusi: qui tamen non hâc tantum ratione contineri dicuntur, sed quod etiam ab ipsis solidis partibus regantur & gubernentur. Quod enim ii gignantur, quodque usibus corporis inserviant, id habent à solidis partibus, vide *Continentia*.

*Contentiva causa*, vide *Continens*.

*Contentus pulsus*, idem est ac vehemens, 3. de diff. puls. cap. 5.

*Continentes causæ* (quæ *continuae*, & *conjunctæ* dicuntur) sunt, quæ cum præsentibus sunt, morbi quoque adsunt; cum tolluntur, morbi etiam discedunt; aut (ut in Scholis dicunt) quibus positus, ponitur; sublatis verò tollitur morbus; ut spina, telum: opponuntur *evidentibus*, seu *procatarteticis*, & *antegressis causis*, quæ cum adversam valetudinem creârunt, separantur & secedunt ab eâ: ut, labor, solis ustio, cruditas. *Concausæ* sunt, quæ affectum suâ vi generare licet possint, generant etiam, & alteri cohærentes, unde *Synaitia* dicuntur: ut, lapis in vesicâ, & inflammatio; nam ambæ urinæ suppressionis causa sunt, etsi per se utraque illam generare possit. *Coadjutrices causarum partes* sunt, quæ suâ virtute morbum efficere non possunt, sed

sed alteri auxiliantur ; ut libido articulare morbum promovet. *Præcedens causa interna* est, quæ ab evidentibus, vel præparantur, vel coadjuvantur ; ut sanguinis abundantia, nutrimenti soboles est. Introd. c. 8.

*Continens febrē, vide Synocha.*

*Continentia*, ἰσχυρία vocat Hippocrates solida corporis membra, ut quæ comprehendant, regantque humida ; *Contenta* autem appellat humores, ut qui à solidis comprehendantur, quæ cum impetu feruntur spiritus ; siquidem in omnem corporis partem momento temporis, & faciliè, & citrà impedimentum perveniunt, lib. de trem. palp. cap. 5. *Continentes* ergo partes erunt, ut, corpus solidum cordis, arteriarum, & aliarum partium cavarum, atque aliquid suo sinu concludentium, quæ sunt bases, radices, & fundamenta aliarum : in ipsis enim singulis triplex adest substantia verè solida, & ipsam ambiens, muniens, fovensque, carnosa, & per utramque sparsa, spirituosam, in quarum trium substantiarum, & maximè in solidæ quantitate idoneâ, & justâ qualitate seu temperamento, vitæ primum robur & firmitas residet. Hæc ob id omnium maximè continet ac regit reliquas duas, & hujus præcipuè beneficio corpora solida dicuntur ἰσχυρία ab Hippoc. à quibus singularum partium actiones proficiscuntur. Nam ventriculi solidum corpus trahit, retinet, coquit, expellit calore suo & spiritu adjutum. Eadem hepatis solidum corpus præstat, suis duabus aliis substantiis similiter adjutum. Pari ratione & reliquæ partes. Ex quibus fit ut Hipp. optimo jure corpora solida continentia vocaverit, non aliter quam fæcem vini vinosam & spirituosam ejus substantiam fovere & continere videmus. Neque enim continere tantum significat loco aliquo & spatio concludere, sed etiam regere, moderari & gubernare, quomodo & præceptor discipulos, & Imperator milites continere dicitur.

Con-



*Continua febris*, *Συνεχὴς πυρετὸς* est, quæ ad infestationem, antequam ex toto solvatur, non devenit, etsi declinatio aliqua & remissio sensibilis appareat. Cum verò declinatio aliqua sensibilis non fiat, semper verò à primo principio febris, usque ad crifim similis perseveraverit, erit *febris desivens, ardens, Causon*, à continuis solâ acutie differens (quæ enim idem cum genere nomen sortiuntur, atque in pluribus particularibus accessionibus continentur, *continua* appellantur) quæ & *Synocha* appellatur; alia quidem *Epacma* sive *increscens*, sive *Anabatica*; alia *Homotona* sive *Acma* sive *Acma*, in eodem semper vigore & tenore perseverans; ultima *Paracma* sive *decrescens*, 2. de crif. 6. & 2. de differ. cap. 2. Bifariam veteres uti *continui* nomine, & *intermittentibus* videntur; nam *continuas* vocant febres, quandoque omnes, quæ nulum tempus liberum habent accessione; quandoque non omnes, quæ accessione nunquam vacant, sed solas præcipuè illas, quæ omni carent, usque ad iudicium mutatione. Ita *intermittentes* interdum appellant illas solas, quæ accessionem perpetuam non habent; interdum eas, quarum equidem non recedit accessio, sed insignes sunt mutationes singularum accessionum, in initio, incremento, vigore, & remissione. At Medici quidam juniores, quæ non magnam mutationem habent, non *continuas*, id est, *Synochas*, sed *Synochos* nominant: *continuas* autem has solas, quæ non veniunt ad integritatem, & intermittunt singulis accessionibus, has vocant antiqui, interdum *continuas*, interdum *intermittentes*; nam sunt rectè inter *continuas*, & desinentes in integritatem, mediæ. Proinde rectè, ubi cum *Synochis* conferuntur, *intermittentes* appellantur; cum ad integritatem venientibus, *continua*, com. 3. in 1. de morb. vulg. 2.

*Continui solutio*, *ἀπόρριμμα*, vide *Vnionis solutio*.

Con-

*Contractiones*, vide *Ganglia*.

*Contraindicare*, vide *Endeixin*.

*Contraria*, apud Hippocratem & Medicos sunt, non in corporum modo qualitate, ut calidum frigidum, humidum sicco; sed in quantitate etiam, ut magnum parvo, laxum denso, plenum vacuo, quæ Aristoteles *Opposita* vocat; quo sensu dicunt Medici, curationem fieri per contraria, 11. method. cap. 12.

*Conturbatio*, seu *Perturbatio*, *παραχθις*, vide *Taraxin*.

*Contusio*, *θλάσμα* est, cum grave aliquid supra corpus incidit, ac id ipsum collidit; ita ut carnea pars disrumpatur; cum verò caro contusa, in loco sub cute cruorem contraxerit, sine ullâ cutis divisione, *excucatio*, *sugillatio*, *effusio*, *nigrior*, & *nigritia* affectio hæc dicitur; venas tamen exiguas, simul cum carne rumpi, ac discindi in hujusmodi sugillationibus, est perspicuum, 3. de his quæ in med. 30. libr. de tumor. cap. 105. de compos. med. per gen. cap. 3. Id quoque in osse aliquando videtur evenire, sed in pueris maximè. Oportet enim in sese cogi id os quod colliditur, atque ita molle evadere, ut perfectè durum non sit. *Θλάσις* etiam numeratur inter fracturæ cranii differentias, quamvis fractura cranii non sit, nec fractura quidem simpliciter, sed ossis calvariæ in anteriorem partem impulsio, & veluti inflexio, cavitatem tantum, non etiam unitatis solutionem in calvariâ efficiens, ut licet in plumbeis, & æneis vasis videre, si foris illidantur, vide *Collisio*, & *Vnionis* solutio.

*Convexa Hepatî*, vide *Sima*.

*Convulsio*, *σπασμός*; Cum omnes arbitrarii motus musculis obeantur, quando ad sua ipsorum capita retracti, unamque particulam, cui inseruntur, simul attraxerint, si affectus aliquis p. n. in tensionem musculos ducens, iisdem acciderit, hunc motus sequi.

sequitur, similis quidem naturali, sed citra voluntatem, & vocatur affectus *convulsio*, lib. de Trem. palp. cap. 8. quam Celsus libr. 2. cap. 1. vocat *nervorum distensionem*; quæ convulsio, vel universalis est (ut cum totum corpus curvatur, aut in anteriora, & dicitur ἐμπροσθότων, ut in posteriora, ὀπισθότων, aut in utramque partem æqualiter, πέτων, quibus additur & ἐπιληψία) est enim quædam totius corporis convulsio, patiente nimirum nervorum principio, vel particularis, aut in musculis oculorum, & dicitur σπασμῶδης; aut mandibulæ, γεισμός; aut oris, κυκλῶς σπασμός; aut penis, σπινθίσις. Sunt autem plures earum causæ, quas tamen omnes Hippocrates in duas contulit, inanitionem & repletionem. Ad inanitionem quidem revocatur febris ardens, hellebori potio, immodica sanguinis profusio, vigiliæ, inedia, & quæcunque corpus vehementer exiccant; ad repletionem verò ebrietas, crapula, suppressa vacuatio consueta, exercitatio intermissa, phlegmone, & quæ eam consequuntur dolor morsusque, præterea & flatus qui in musculis conclusus, sive illic genitus, sive aliunde influens, eos distendit atque contrahit, ut docet Galenus libr. 2. de symptom. causis. Quo etiam loco ab utrâque illâ causâ convulsionem fieri chordarum eleganti similitudine docet: ut enim illæ vel nimio humore imbutæ, vel vehementius resiccatae tenduntur contrahunturque, ut interdum etiam rumpantur, sic & nervi afficiuntur, atque ita tensi musculos adducunt. Itaque in nervis quidem ipsis convulsionis causa aliquando est, non etiam in ipso musculi corpore: musculi tamen non nervi morbus esse convulsio dicitur, quod ipse non autem nervus proprium sit motus, qui in convulsione læsus est, instrumentum. Itaque si nervi ex chordarum comparatione convelli aliquando dicantur, id non propriè dicitur, sed quod ita affectis necessario quoque musculus contrahatur. Ergo quæcunque nervorum

vorum principio, vel copiâ, vel acrimoniâ, vel malignâ venenatâque qualitate molesta sunt, convulsionem possunt excitare: siquidem ab iis gravati nervi irritatique contrahuntur, & musculos secum adducunt. Ex his patet, convulsionis causam vel in musculo, & præsertim ejus capite esse, vel secundum nervi ipsius ductum, vel in ipso nervorum principio, quod geminum à Medicis statuitur; unum in spinali medullâ, alterum in cerebro, vide *Rhegma & Vnionis solutio*.

*Convulsio canina*, *σπασμὸς κυνικὸς*, est affectio musculorum maxillarium, per quam, os, nasus, oculus, labrum, atque adeo dimidia faciëi pars in obliquum torquetur; quæ affectio nonnunquam dicitur *Convulsio*, interdum *Paralysis*, quæ ad musculum latum pertinens affectio est, quam quidam vocant *orñ torturam*, 4. loc. aff. cap. 2. versùs finem.

*Convulsio comitalis*, quæ laboranti Epileptico affectu accidit, 5. loc. aff. 5. & 3. loc. aff. 7.

*Convulsivum affectum* vocat Galenus, qui antè mortem necessariò convulsionis habet symptoma, 1. de prælag. ex puls. c. 4. & com. 3. in 1. prorrh. 69.

*Convulsivus & Vibratus pulsus* sunt, qui naturali sede relictâ, unum locum non tenent, sed sursum atque deorsum agitantur. In Vibratis, arteriæ quædam partes quasi jacula superiora petere, quædam demitti, uno eodemque tempore conspiciuntur, quæ distentio parva est in convulsivis, 1. de diff. puls. c. 28.

*Convulsivus pulsus* est, in quo ad utrumque terminum tenditur arteria, quem convulsio sequi solet, 2. de caus. puls. c. 12.

*Coopertoria cartilago*, vide *Circotides*.

*Cophosis*, *Κώφωσις*, id est, Surditas, est abolita auditus actio, inducta ab iis, quæ vel ipsam audiendi facultatem, ejusque primarium instrumentum (quod est animalis spiritus in aures affluens,) aut ipsius organa, quæ natura ad audiendum comparavit, lædunt. Ad pri-

muta



mum genus pertinent causæ omnes quæ ipsum sensuum nervorumque principium, hoc est, Cerebrum, malè habent, præsertim quâ parte ex eo nervus auditorius producitur: cujusmodi sunt intemperies aut vitiosus aliquis humor, vel sensim in cerebro cumlatus, qui habitualement aliquando & incurabilem surditatem facit: vel confertim & subito in ipsum irrumpeus, sicuti per febres acutas accidit, de quo celebris apud Hippocratem habetur Aphorismus: *Quibus biliosæ dejectiones, superveniente surditate cessant, & quibus surditas supervenientibus biliosis dejectionibus cessat*: item qui non multò postea scriptus est, *Quibus in febribus aures obsurduerunt, sanguis è naribus isuens, aut alvus turbata solvit morbum*. Pleno enim ejusmodi humoribus cerebro, iisque ad aures maximè vergentibus, fieri non potest, quin & audiendi potentia vel hebetetur, vel etiam in totum auditu privetur, & ipse animalis spiritus impurior, crassior & fæculentior redditus, ad audiendum prorsus ineptus evadat. Possunt tamen & hæ ipsæ causæ organis auditus esse communes, & in ipso auditorio nervo, præsertimque meatu ejus interno talem intemperiem, tantamque obstructionem excitare, ut nec sonis in aures aditus pateat, nec interno spiritui in ipsum nervum via. Id quod etiam à forde, callo aut alio tumore præter naturam meatum nervi auditorii occupante accidere potest. Hæ quidem causæ si magnæ sint, surditatem inducunt: Sin autem exiguæ, auditum vel obtusiores reddunt, vel depravant, vel in eo dolorem etiam movent. Sunt enim harum omnium affectionum communes causæ solâ magnitudine ab invicem differentes. Præter quas tamen aliud quoddam discrimen adferri potest, quod læsis aliis instrumentis auditioni usum aliquem præbentibus, iis scilicet quæ aurem foris circumstant, intemperie, aut tumore præter naturam aut continui solutione, aboleri quidem in totum audi-

auditus, surditasque fieri non potest, sed tantum hebetari vel etiam depravari. Quod autem ad dolorem attinet, qui in auditus sensu aliquando movetur, non est dubium quin à proprio sensibili fiat, ut voce asperâ, gravissimâ, maximâ, celerrimâ, qualis sonus est tonitruui, à quo sæpenumero inductam esse surditatem animadversum est divulso audiendi instrumento, sicut è contra vox lenissima tardissimæque sano auditui solet esset grata: fatigato autem gratior, si præterea sit perexigua, ægro verò longè gratissima, eaque etiam magis ipsum silentium.

*Copos*, id est, Lassitudines, Græci vocant *Affectus*, ex multo vehementive motu corporibus, vel totis, vel particulis, quæ justo plus laborârunt, obortos: unde *Acopa* medicamenta, quæ talem lassitudinem tollunt, 7. de comp. med. per gen. cap. 11. Triplex in universum omnis lassitudo est, *ἰσχυρῆς*, *πενώδης*, *φλεγμονώδης*. In ulcerosâ lassitudine ulceris sensus, cum moventur, se exhibet: in inflammatoriâ, inflammationis: in tensivâ, incendi tendique sibi videntur qui laborant. Ulcerosâ quidem oritur ab excrementorum tenuium copiâ & acrimoniâ, quos ipsa exercitatio nimia, & celeres ac multi motus pariunt, eo excremento, quod crassius erat, fuso & attenuato, nec tamen toto expulso, aut adipe mollive carne liquatâ. Nec verò solus exercitationis excessus eam gignit, sed sponte etiam aliquando provenit, & maximè in ea incidit corpora, quæ & mali succi sunt, & excrementis abundant. Succedit verò & recentibus cruditatibus. Tensiva verò à nullo quidem excremento gignitur, de quo magno pere sit curandum, sed residet in musculis & nervis ex nimia tensione, quàm exercitando admiserunt, affectus quidam effectricis causæ potestatem testificans. Accidit namque in vehementi tensione omnes musculorum fibras contendendi, non tamen similiter omnes lassari, sed eas maximè quæ per longitudinem tensionis porri-

H

guntur.

guntur. Quippe quæ obliquiores quodammodo jacent, minus in directum aguntur; quare his nullum instat periculum. In iis verò quæ immoderatiùs sunt extentæ, ita ut parùm à rumpendo absint, relinquitur affectio quædam similis ei quæ inter agendum fiebat. Quippe tendi adhuc videntur, cùm tamen nullâ jam tensione urgeantur. Tertia autem lassitudinis differentia, quæ inflammatoria, seu inflammationi similis dicitur, in quâ nimirum ceu contusas aut phlegmone obfessas partes sentimus, tum maximè solet incidere, cum muscoli nimium excelsi attraxere quippiam ex circumfusis sibi excrementis. Ex vehementissimis nascitur motibus, solaque supra naturalem habitum musculos attollit, ita ut phlegmone persimilis sit affectio. Itaque & levi tactu offenduntur, & calidiores apparent. Dolent verò etiam, si ipsi per se moveri conentur. Incidit hæc lassitudo iis plurimum, qui assueti exercitationibus non sunt. Nam exercitari assueris raro incidit, etiam ex vehementissimis plurimisque motibus. Illud autem huic uni præter cæteras commemoratas egregiè inest, nempe major quàm pro naturali habitu tumor, nec doloris ipse sensus idem in hac atque in tensivâ lassitudine habetur. Quippe in illâ tendi, in hac contusos esse usque ad ossa nervos putant, qui ipsâ laborant. Quare in his saltem proprium à reliquis duabus discrimen habet, nec est composita tantùm. Præter tres has proprias lassitudinis differentias alia est, quæ ceu lassitudo sit, nonnullis imponit. Hæc incidit cùm supra justum muscoli siccantur, ita ut squalens contractumque corpus appareat, atque ad motus quodammodo pigrum, non tamen ei vel ulceris, vel tensionis, vel phlegmones sensus inest: sed nec horrorem ullum doloremve, nec pigritiam ad motus ei similem infert, quam lassitudines invehunt, sed gracilitatem tantum ariditatemque facit. Hæ quidem sunt lassitudinis simplices quatuor differentiæ ab immodi-

modicis motibus genitæ, quibus aliæ totidem respondent spontè venientes, quas *αὐτοματὲς κόπαις* Hippocrates appellavit, & dixit morborum esse prænuncias. Ut enim quæ immodicas exercitationes lassitudo excipit, sanorum symptoma est: ita quæ sine his consistit, morbosum. Ac lassitudo quidém ulcerosa spontanea, eadem prorsus est cum eâ quæ exercitationi supervenit, sive ipsum affectum, sive ejus symptomata spectemus, causâ tantum differt. Hujus enim externa, illius interna causa est, acrimonia scilicet tenuis & calidi humoris corpus erodentis, stimulantis ac pungentis, qui imprudentibus nobis in corpore succrevit. Tensura verò quoties suâ sponte incidit, plethoris supervenit. Tertia verò quæ phlegmones sensum affert, ex ambobus oritur, tum nimia succi boni abundantia, tum acri illo & vitioso succo, non utique in venis cum bono sanguine misto, sed ab his translatò, atque in carnis & ad cutem solo hærente.

*Copula*, seu *Ligamentum*, *ἑνδοσμιον*, terminus musculi est, sensu omni carens, durior & crassior Nervo & Tendone, usum eum, quem vel nomine ipso præ se fert, exhibens: differt à Nervo, & Tendone, quod Nervus à Cerebro, vel spinali medullâ exorsus, sensum, aut motum membris inducit: Tendo verò finis musculi nervosus est, ex Copulâ, & Nervo procreatus, 1. de placit. cap. 9. quam quidam Nervum nuncupant, com. 1. in 6. de morb. vulg. 2. vide *Nervus*.

*Cor*, *Καρδια*, est viscus, carne compactâ, durâ, fibrosâ, cavâ constans, principium vitalis facultatis: sunt qui Musculum esse definierint, verùm & minùs rubet quàm Musculus & longè durius, spissius, solidiusque est, multòque aliter fibris intertextum; fibris namque validis, & rectis caro ejus circumfusa est, (unde *Parenchyma*, nomine quoque aliis visceribus communi appellatur,) à basi ipsius in mucronem tendentibus. Habet præterea & transversas, in eas ad angu-



lum rectum incidentes, & obliquas earum medias. Ac rectis quidem per diastolas è venâ cavâ sanguinem per arteriam venosâ attrahit: transversis autem per Systolas in venam arteriosâ, & arteriam magnam expellit, fuliginosumque pariter excrementum in arteriam venosâ: obliquis verò per quietes inter Diastolen Systolenque medias sanguine ex venâ cavâ in ventricululum dextrum, & spiritu ex arteriâ venosâ in sinistrum attracto retentoque perfruitur. Sunt namque cordi duo ventriculi seu sinus, *κωιλίαι* Græcis dicti, carnis ipsius portione mediâ seu Diaphragmate quodam distincti. Dexter multo amplior est, carne & parciore & molliore circumseptus: sinister verò multo angustior, ut qui carne tum largiore tum densiore contineatur. Utrique autem sua est auris nervosa, cava, ad ora vasorum materias in cor immittentium affixa, in quibus veluti in penu quodam sanguis & aër recondita sunt. Has Græci, *ἀντι* & *ὕψους ἀντιειδῆς* appellant. Habet enim uterque sua vasa, dexter quidem venam tum cavam, tum arteriosâ; sinister autem arteriam tam magnam quàm venosâ, in quorum vasorum orificiis certæ quædam sunt membranarum epiphyses, quarum aliæ foris ortæ, introrsum feruntur, (cujusmodi tres habentur in venæ cavæ orificio, duæ autem in arteriâ venosâ, omnes inæquales & veluti laceræ) aëri atque sanguini in cor immittendo destinatæ: aliæ verò ab internis sedibus foras vergunt, tres quidem in magnæ arteriæ osculo, & totidem in venâ arteriosâ sitæ inter se æquales, per quas sanguis tum crassior ex dextro sinu in pulmones per venam arteriosâ, tum spirituosus ex sinistro in magnam arteriam emittitur. Omnium autem orificiorum quæ in cor dehiscunt maximum est arteriæ magnæ, quod ut juvenibus cartilaginofum est, ita natu grandioribus, præsertimque senibus, osseum. Cordi porro sua est tunica, nervululum à sexto pari aut recurrente sinistro sortita. Venam etiam à venâ

à venâ cavâ habet, antequam ea in dextrum ventricul-  
 um subeat, coronæ modo (*σφαιρίδα* ob id dicitur)  
 circa cordis basim implexam, & ramulis postea pluri-  
 mis in cordis partem extimam distributam: duas item  
 arteriolas inæquales ab aortâ sub membranarum epi-  
 physibus productas, &, ut vena coronaria variè per  
 summum viscus dispersas. Interna namque ejus caro  
 à sanguine in ventriculis contento abundè nutritur &  
 temperatur. Est autem cordis figura pyramidata, è  
 lato in acutum tendens. Arteriarum, & caloris nati-  
 vi, quo animal regitur, ac vita continetur, quasi fons  
 & domicilium, in medio omnino Thorace situm est,  
 præsertim suâ basi, quam caput ejus nominant. Ea vis  
 cordi insita à Medicis facultas vitalis nuncupatur,  
 6. de usu part. & 7. de anatom. adm. Vocant adhuc  
 & *Cor*, Veteres omnes, *Os ventriculi*, propter affinita-  
 tem maximam, quæ illi est cum Corde, & mutuum  
 consensum: ut ostendit Galen. 2. de placit. & 5. loc.  
 aff. 6.

*Coracocides*, vide *Ancyrotides*, & *Acromion*.

*Coryphe*, vide *Vertex*.

*Cornea*, sive *Corniformis*, (*Κερατοειδὲς χιτὼν ἢ ὕμην*)  
 oculi tunica est, tenuis, dura, & densa, quæ à durâ Ce-  
 rebri meninge proficiscitur, & tenuem oculi tunicam  
 choroeidem in orbem amplectitur, quæ & *Ceratoides*  
 dicitur, 10. de usu part. cap. 3. & *Carulea*: estque tu-  
 nica secunda oculi, hoc est, proximè subjecta adnatæ  
 tunicæ, quam *ἰστίτι φουκῆτα* appellant. Prætenditur hu-  
 mori crystallino veluti operimentum & propugnacul-  
 um adversus ea quæ extrinsecus possunt accidere. Id-  
 eoque non modò densam, sed etiam prætenuem, al-  
 bam & pellucidam fieri oportuit, ne ullo pacto visio-  
 nem humori crystallino (quod primum est visus in-  
 strumentum) prætenso impediret. Itaque non aliter  
 quàm cornu prætenue, & quam accuratissimè derafum  
 condita, & humorem eum tuetur, & splendorem ni-

hilominus transmittit. Græci *Κερατῆς* appellarunt, sive propter firmitatem, sive quod per eam, qui illi adjacet internus humor, tanquam per cornu transluceat, sive quod cornus instar veluti in laminas dissolvatur, ut scribit Rufus Ephesius. Pluribus enim ceu corticibus constare dicitur à Galeno, lib. de oculis. Ut autem illa sic composita aptissima est ad visionem, ita cum ejus pars, quæ pupillæ antestat, crassior, aut spissior, aut humidior est facta, visionem impedit: similiter si colorem mutavit. Nam crassior & spissior visus hebetudinem creat: humidior non eam tantum, sed etiam ut quasi per caliginem vel nebulam, vel halitum quempiam, vel fumum cernatur, efficit. Mutato autem ejus colore, ut per regium morbum contingit, pro naturâ coloris error in visu respondet. Rugatur & ipsa iis, qui ad extremum senium pervenerunt; tum propter senectæ imbecillitatem, tum propter spiritus supernè influentis penuriam. Eoque fit ut ii, servatâ etiam pupillæ magnitudine, imbecillius, aut nullo etiam modo videant. vide *Cerulea*, & *Ceratoides*.

*Corniculari processus*, vide *Ancyrooides*.

*Corniformis*, vide *Cornea*, & *Ceratoides*.

*Cornua*, *Κέρας*, numerantur inter affectus præter naturam; sunt autem duæ eminentiæ ossæ, quæ prope tempora nascuntur; Dicuntur & Dionysisci, *Διονυσίσκοι*; sunt & cornua vulvæ, sive sinus, duo processus insignes, à lateribus vulvæ, ad utraque ilia, quos alii vocant *Cirros*, lib. de vulvæ diff. cap. 3. vide *Apices matricis*.

*Corona oculi*, vide *Iris*, & *Stephanos*, *Ἰεῖς*, *Στεφάνη*.

*Coronale os*, ut *Coronali sutura*, *Στεφανοειδὴς ραφή*, *Στεφανοειδὴς ὁστέον*, sunt sutura anterior Cranii ab uno temporum osse ad alterum transversim perveniens: sic etiam *Os frontis* Coronale dicitur, quoniam eâ capitis parte, ubi id ipsum consistit, Coronæ gestari soleant, vel quod in orbem frontem cingant, 2. de usu part. 2.  
de of.

de offibus, cap. 1. 6. de anat. adm. c. 1. Inde & *Coronali vena*, Στεφανιάα φλέψ, propago est veniens à magno trunco venæ cavæ sursum ascendentis, cingens cordis basim in modum Coronæ, eidemque alimentum advehens. Ea quidem magnâ ex parte simplex est, interdum tamen gemina apparet. Distribuitur autem in partem cordis externam. Est & alia venæ cavæ propago, quæ *Coronali stomachica*, Στεφανιάα σωματική appellatur, quæ à ramo splenico venæ cavæ proficiscitur, & ad stomachum effertur, ibique bipartito ramo majore, ceu Coronâ stomachum totum cingit; ramulis sursum ad Œsophagi finem, & deorsum in ventriculum demissis: minore ad pilæron descendit, ramulis obiter ante & post distributis. Quemadmodum autem à venâ cavâ, Coronalis hæc vena proficiscitur, sic à magnâ arteriâ statim, ubi à corde orta est, arteriæ duæ coronariæ prodeunt, major sub valvulâ dextrâ, minor sub posticâ, quæ in cordis superficiem, & ejus partem crassiorem, perinde ac venæ, distribuuntur, 7. de anat. adm.

*Corona*, sive *Coronon*, Κορώνη ἢ Κόρωνον, est extremum ossis, quod in mucronem desinit, lib. de ossib. in proœmio; undè omnes Apophyses rotundas appellant *Coronas*: sic autem dicitur, quia τὸ Κορώνης, hoc est, cornicis rostro similis sit: quæ autem Apophysis in caput crassum & rotundum desinit, non Κορώνη, sed αὐχὴν, nominatur, 2. de usu part. cap. 14.

*Corporali vena*, vide *Communis*.

*Corrugatio pupillæ*, vide *Tabes oculi*.

*Coryza gravedo*, Κόρυζα, tenuis, & incoctus humor aqueus est, qui per nares secernitur, quasi gravedinem dixeris; hic cerebri morbus est, præsertim verò priorum ejus ventriculorum: sunt enim eo humore repleti plenique: talis defluxio, cùm per palatum fit, dicitur *Catharrus*, 2. progn. 49. Est autem hic humor, non qui propriè ὠμὸς sive *Crudus* dicitur, sed qui



*ἁλῆς*, hoc est, Liquidus & Tenuis. Celsus autem author est, & *destillationem*, & *gravedinem* *ὑγρότας* Hippocratem appellasse. Verumtamen non locorum modo, qui ad nares habentur, obstructio fit, sed etiam tum spiritui ipsi, qui in ventriculis est, tum cerebro quod hos continet, intemperies quædam accedit, qualis ab obstructione solet contingere. Causa ejus est Solis æstus, vini potus largior, balnea calidiora, perfusio capitis ex aquâ calidâ, maximè si caput calidiùs existat, & cibus in ventre incoctus manens, neque per inferna descendens: his enim caput humorem superfluum colligit & repletur. Sed immodicè refrigeratum cerebrum Coryzam creat. Sic enim caloris penuria malè concoquit alimentum, patiturque idem quod ventriculus diarrhæâ laborans. Quod enim in ventre diarrhæa est ex malâ concoctione, talis in cerebro est Catharrhus & Coryza. *Catharrhum* appellamus, cum quod supervacuum est in cerebro, in os diffluit; *Coryzam*, cum in nares; *Bronchos* autem sive raucitas Catharrhis supervenit, faucibus scilicet humore imbutis; quod si in Gurgulionem fluxio procumbit, quam ex similitudine Græci *Staphylen*, id est, Acinum vocant, in eâ gignit, aut aliàs eam in tumorem attollit; at si Glandulas, *Antiadas*; si in eas, quæ iis proxima sunt, *Paristhmia*, 3. de symptom. caus. cap. 4.

*Costa extrema* est, non parva illa reverà spuria, quæ ab aliis discedit, & carnosæ parti septi transversî obducta est, sed ipsi proxima, cui manifesta jam membrana tenuis intus subtenditur, ei continua, quæ omnes costas subcingit, 5. de anatom. adm. cap. 3.

*Costæ*, ossa pectoris sunt, quæ à collo toto ad ilia usque ex anteriore parte, ad utrumque latus protenduntur, libr. Introd. cap. 10. & 3. de artic. 37. Duodecim ut plurimum numero sunt; ex quibus superiores septem simpliciter *ὑποστέγναι* dicuntur, quinque  
verò

verò reliquæ costæ inferiores ῥήμι dicuntur, hoc est, spuria, & illegitimæ, quia imperfectæ sunt.

*Cotyle*, Κοτύλη, vide *Articulum*, & *Acetabulum*.

*Cotyledones*, Κτυληδόνες, vide *Acetabulum*.

*Coxa*, quæ & *Ischion*, magnum femoris ossis caput est, Græcè ἰσχίον, id est, *Coxa* appellatur, veluti cavitas ejus, *Acetabulum* dicitur, 2. de fract. 70. unde affectus fit, qui *Ischias* & *Coxendix* appellatur; inde *Ischiadici*, & *Coxarii*, id est, *Coxæ* morbo laborantes, 7. de comp. medic. per gener. cap. 16. *Ischion* aliquando significat ligamentum ipsum, quo femur *Coxendicis* *Acetabulo* colligatur; interdum verò ipsum articulum; sed & *Ischia* ἰσχία dicuntur à quibusdam, partes carnosæ ex utroque sacri ossis latere, (quæ & σκαφία Græcis, à Latinis *Clunes* appellantur.) Os autem *Coxendicis*, est apophysis ossis sacri, ad *Coxendicis* *acetabulum* undique pertinens. Os enim sacrum, quâ parte femoris caput ei inferitur, *Ischion* vocatum est.

*Cranium*, *Calva*, *Calvaria*, κρανίον est os capitis crassum, rarum, rotundum, ossibus septem compactum, futurisque veris tribus, coronali, lamdoeidea, & sagittali, distinctum, Cerebrum continens, atque utramque meningem ambiens, quod quasi κέρας, id est, Galea cerebro adiaceat, sic dictum, 8. de usu part. cap. 9. Crassitudo quidem illi magna est, ut validum sit, nec obnoxium externis injuriis: solidum verò esse non expediebat, tum ne justo gravius evaderet, tum ne ineptum esset transmittendis cerebri excrementis. Itaque rarum & cavernosum esse oportuit. Idem verò si rectè à naturâ conformatum est, rotundum quidem est, ac sphaeræ simile, ita tamen ut sphaeram non omnibus numeris æquet. Siquidem oblongum est, & à lateribus quidem utrimque parùm depressum: anteriore autem ac posteriore parte parumper extuberans & gibbosum, inferiore autem planum.

*Craſis*, Græcè Κράσις & Κρήσις, temperiem ſignificat, 1. de natur. hum. 12.

*Crassa membrana*, vide *Membrana dura*.

*Crassa vena*, id eſt, humeralis, 1. de artic. 53.

*Crassus pulſus*, vide *Gracilis*.

*Crea*, vide *Tibia*.

*Creber pulſus* eſt, cujus intermediæ quietis eſt breve tempus; rarus, cùm longum; 4. de pulſ. ad Tyron. cap. 4.

*Cremaſteres*, Κρεμαστές ſunt muſculi duo, utrimque ſcilicet unus, à quibus teſtes ſurſum trahuntur. Eorum uterque gracilis eſt & longus, & cum vaſis ſpermaticis à muſculis hypogaſtrii deſcendit ad ipſos teſtes, eos relevans: Contrariis carent muſculis, qui contrarium motum efficiant: nullus enim eſt qui teſtes ad inferiora revellat, quod ſatis ſuâ gravitate impetant, ægris præſertim & ſenibus.

*Cremor* idem eſt ac Chymus, χυμός, 3. de natur. facul. cap. 4.

*Cremor piſanæ* eſt, ubi à decoctione quis piſanam colaverit, deinde cremorem à decocti parte aquoſâ ſeparaverit, 1. acut. 26.

*Cricoeides cartilago*, eſt laryngis cartilago, baſim annuli figuram repræſentantem efficiens; Tribus enim cartilaginibus conſtat larynx, quarum prima maxima ex internis partibus collocatur, cujus convexum extrâ prominens, *Pomum Adami* vocatur, concavum intus, quæ dimidium totius capacitatis laryngis comprehendit, ad formam ſcuti, à quo Anatomici Thyreoeidem, id eſt, ſcutiformem, alii peltalem, quod peltæ formam agat, nominant: poſterior, quæ baſim Cricoeidem, id eſt, annuli figuram imitantem efficit, poſtremæ ipſius aſperæ arteriæ cartilagini, ſigmæ literam imitanti, incumbit; Scutiformi verò in priori ſui ipſius parte ſubjacet. (quæ & *Cricoeides*, *Cymbalarii*, & *Coopertoria* dicitur) Reliqua ab his Cartilago,

lago, quæ tùm positione, tùm magnitudine tertia est, in supremâ Cricoeidis, (quæ, & innominata dicitur) Cartilaginis parte sita est, gutturniis, infundibulisque, quas *Arytanes* vocant, similis; unde & *Arytanoeides* dicitur. Quæ autem à radice linguæ exoritur, quam *Epiglottida*, quasi Superlingulam dixeris, non est Bronchii propria, libr. de vocal. inst. diff. cap. 4. & 7. de usu par. cap. 11. & lib. de anat. viv. *κείως* anulum & circulum significat, Unde *κείως* & *ἐν κείω*, quod est annulis trajicio, infibulo, aut fibulæ modo illigo & pernecto. Hippoc.

*Crimnoeides urina*, *Κρινωίδης*, cujus sedimenta crimnoeidea sunt, id est, quæ speciem furfuris, vel spumæ referunt, significantque sanguinis cremationem, si rubea sedimenta sunt; vel solidorum nimiam liquationem, si alba, libr. de urinis, cap. 29. Itaque omnis hujusmodi hypostasis mala est, ut scribitur in prognost. Nam si per exitiales morbos inciderit, brevi futuram mortem significat: si verò in morbis non mortiferis apparuerit, morbi longitudinem portendit, Aph. 31. libr. 7. Sed plurimi quidem per ejusmodi morbos citò pereunt, aut si evadant, diutissime ægrotant. vide *Hypostasis*.

*Crisis*, *Iudicium*, sive *Iudicatio*, *Κρίσις* apud aliquos est subita in morbo in melius pejorque, ad vitam aut mortem, mutatio; apud alios, est ea, quæ antecedit iudicium, humorum agitatio; apud alios, integra totius morbi solutio; apud alios, illa tantùm morbi solutio, quæ ad bonum fit, 1. de cris. cap. 1. Sed ea, quæ repente fit, per excellentiam *Crisis* dicitur, & à naturâ, ea, quæ præter naturam sunt, superante, exquiritè perficitur, 3. de cris. capit. 1. *Judicatio* per morbos, de foro translatitiâ appellatione dicta est, significans præcipitem in morbo mutationem, cum quâdam evidenti evacuatione, vel abscessu, quæ quædrariam existit; aut enim statim vindicantur à mor-

bis,



bis, aut magnam obtinent in melius mutationem, aut statim moriuntur, aut multò deteriores evadunt. Itaque duas primas judicationes bonas appellant, proximas duas magnâ ex parte cum adjectione, malam, aut pravam judicationem, quandoque verò sine adjectione simpliciter sic vocant, 3. prognost. 1. Utitur item Hippoc. *Crisi* pro λύσις, id est, solutione morbi, ut in progn. optimam eam dicit esse urinam, in quâ per totum morbi curriculum, donec ipse judicatus sit, subsidet album, læve, & æquale. Neque enim aliter κείνῳ illic interpretatur Galenus quam λύεσθαι, hoc est, solvi: ut nec aliis plerisque locis cum κείνῳ in luxationibus usurpat. Unde Cor. Celsus pleraque ex Hippocr. in Latinum convertens, κείνῳ nunquam aliter vertit quam solvi & finiri morbum. Eodem etiam modo ephemeræ & hecticæ febres dicuntur judicari per abusionem, ut scribit Galen. libr. 2. de cris. quod & sine magnâ perturbatione & minimè subita permutatione finiantur. Tertia adhuc est ejusdem κρίσις significatio, denotans motum vehementem naturæ ad cujuslibet rei molestæ depulsionem: & hæc quidem generalis est, secundum quam non modò morbi, sed & conceptiones, & abortiones, & partus, & omnino quæcunque magno conatu naturæ indigent, dicuntur judicari, & per Crisin solvi, libr. de sympt. part.

*Crisis*, ἄσμη, quæ à nullo dierum indicantium aut signo in illis apparere solito, prædemonstrata fuerit indicata, 3. de cris. 10. Ἀσµὴς citra ullam judicationis significationem, citra rationem, significat Hippocrat. ἀκρίτως, ἀλόγως, aut παραλόγως, & in judicationis ratione iis quæ temerè aut præter rationem contingunt, attribuitur; *Periculosa*, quæ cum gravibus symptomatis accidit; *Infida* seu *incerta*, cum morbi recidiva contingit; *Obscura*, quæ citrà excretionem, vel abscessum evidentem evenit; *Absoluta*  
crisis

crisis autem est quæ in morbo nihil facit reliqui, 1. die. decr. cap. 2.

*Crisis imperfecta*, quæ non omnino à morbo liberat, 3. de cris. 7. sed ex morbo quippiam relinquit, 1. die. decr. cap. 2. *Κρίσις* etiam sumitur aliquando apud Hippocr. pro ipsâ accessione ut aphor. 1. lib. 1. sicut Galen. & Philotheus in explicatione ejus loci scripserunt. A quibusdam vocatur etiam medium spinæ foramen, quo omnes spinæ articuli sibi junguntur, & spinæ medulla à cerebro descendit : magis usitato nomine *σπλὴν* dicta. Julius Pollux id spatium inter scapulas cavum, quod secundum longitudinem ad lumbos porrigitur, *κρίσιν* nuncupari scribit, fortè quod dextram partem à sinistrâ *ἀγκυρεῖν*, hoc est, discernit & determinat.

*Crisis magna*, id est, decernentia, & judicantia, 1. aphor. 12. *Κρίσις μὲν*, duobus modis accipitur apud Hippoc. ut signum, & ut causa per se *τῆς κρίσεως*. Signum quidem id dicitur, quod futuram crism prænunciat. Eorum duplex est differentia : alia signa tantum sunt, alia non modo signorum, sed causarum etiam rationem habent. Signa tantum sunt colli dolor, temporum gravitas, tenebræ oculis obversantes, vertigines, capitis dolores, lacrymæ invito obortæ, facies & oculi rubentes, labiorum motus, vigilia, somnus gravis, asthma, dyspnæa, præcordiorum retractio, stomachi fastidium, nausea, æstus, sitis ingens, rigor, cardialgia, molestus decubitus, lethargus, delirium, vociferatio. Signa verò & causæ sunt vomitus, excrementa alvi, copia urinæ, sudores, sanguinis eruptiones, parotides & abscessus, quos *ἀποσκήμματα* vocant. Nam si quædam ex iis die *θεωρητικῶν* apparuerint, eademque proximo die critico graviora magisque evidentia sint, non est dubium eodem die futuram esse crism. Qualis verò futura sit ex aliis notis petendum, tum iis quæ concoctionem cruditatemque significant,

tum

tum aliis quibusdam incertis & ambiguis quidem, sed magnam tamen vim habentibus, qualia sunt mente constare, bene se habere ad ea quæ offeruntur, faciliè respirare, faciliè ferre morbum, pulsus bonus, facies sanis simillima, decens accubitus, totius corporis æqualitas, & alia, de quibus Hippoc. in progn. Nam pro horum signorum viribus illa superiora bonam malamve crifim, & perfectam vel imperfectam fore ostendent. *Κρίσις* autem ut causa dicitur omnis vacuatio, & abscessus, per quem crifis ipsa perficitur, ut vacuatio per alvum, per hæmorrhoidas, per vomitiones, per sputa, per *ἀπορρίψαν*, per sudores. Omnes præterea abscessuum differentia post aures, in alas, in inguina, in articulos, in eutem (est enim quidem iæterus criticus) & in alias omnes corporis partes. Hæc quamvis *κρίσις* ut causæ propriè dicantur, signorum tamen etiam rationem quandam habeat, ut paulò ante dictum.

*Crithè*, *κρίθη*, id est. Hordeum, sive Hordeolum, sive Posthia, hoc est, Præputiolum, est tuberculum parvum, oblongum, palpebræ cilio, quâ pili sunt, adnascens. Externum est & foris prominet, atque in eo, sicut Celsus ait, tunica quiddam quod difficulter maturefcit, comprehensum est. Ex quo patet plurimum pituitæ in eo contineri, vel simplicis ustæque, vel cum alio humore mistæ. Sic dicitur à similitudine hordei, quod vulgò notum est, culmo tritici fragiliore mino-rique, sed octonis geniculato articulis, simplici in stipulâ folio, & eo quidem scabro latoque, grana ferè nuda, longiore capillamento, mordaci aristâ striatim spicantur, radice frequenti, comâ fibratâ refrigerat, siccat, extergit. Ex eo saluberrima illa ptisana, & tot laudibus ab Hippocrate celebrata conficitur, refrigerandi detergendique facultate insignis; unde & *κρίθων ὕδωρ*, aqua hordei, quam in vehementi siti propinat, Hippoc. libr. de rat. viét. in morb. acut. de re-  
med.

med. part. fac. cap. 10. vide *Hordeolum*, *Posthia*, *Chalazia*.

*Crotaphitæ*, *κροταφίται*, id est, temporales musculi, qui maxillam inferiorem movent, & sursum trahunt, libr. de musc. diff. cap. 6. *Κρόταφοι*, tempora, sunt ossa duo cranii, utrinque singula ad aures sita, trilatera, parte superiore futuris *λεπιδειδέσι*, posteriore laterum *τῆς λαμβδδειδῆς* additamentis, anteriore futura quæ cranio & ossi *σφηνοειδέι* communis est, terminata. Sunt autem omnium cranii ossium infirmissima, tum quod tenuissima sint, tum quod pertusa meatu auditorio, & cavata partim ad genæ supernæ diarthrosim, partim ad venæ jugularis ramos intus & foris excipiendos. Non sunt verò simplicia, sed multiformia. Et omnia hæc ossa musculus à totâ temporum cavitate exoriens contegit, innixus ossi jugali, quo solo à cerebro ipsiusque membranis dirimitur. Est autem ille valde sensibilis, ut qui oblæsus convulsiones & stuporem inducat. Motus autem duos habet: homini namque firmanti dentes & os claudenti atque contrahenti tenditur, hianti verò laxatur. A partis nomine cui incumbit, *κροταφίτης* dicitur, vide *Manducatorii*.

*Cruda urina*, vide *Aquosa*.

*Cruditas*, *ἀμέτης* est, cum Ventriculus, vel proprio morbo vel vitiosis humoribus in ipso accumulatis, vel pravâ, alimentorum qualitate, ut nidorosâ, acidâ, foetori aut putredini, aut corruptioni obnoxia, aut ex præparationis modo, ad hujusmodi aliquam dispositionem deductâ, cibos non amplectitur, sed in ipso corrumpi eosdem finit. Differt ab *incoctione*, quæ est rerum, quæ non possunt concoqui, ut acinorum, & omnium, quæ omnino integra & immutata dejiciuntur, 1. de loc. aff. cap. 3. Provenit ob defectum caloris nativi, aut hujus quod in fructu coqui debet immensam copiam. Sed ut Arist. ait, veluti ἡ πέπων, matu-



maturatio, sic etiam à ὠμός multiplicitèr dicitur. Nam & alvi excrementa, & urinæ & catharrhi ὠμοί dicuntur, quod à proprio calore non vincantur, neque consistant. Sed & testa & fictile etiam dicuntur cruda, quod ab externo calore non sint evicta.

*Crudus humor* ὠμός χυμός est, cum alimentum suam naturam, in ventriculo, hepate, & intestinis, quam diutissimè servat, nullâ alteratione ex particulâ, quæ ad ipsum concoquendum, est destinata, susceptâ; vel, cum transmutatio fit, sed in peregrinam qualitatem, 3. de comp. med. loc. cap. 6. *Humor crudus*, pituita crassior est, ac minùs flatulenta, qualis in urinis subsidet, iis præsertim, quæ ex edacitate sedimentum multum fabaceæ puliculæ simile obtinent: quin & corporibus iis, quæ ab exercitatione abstinuere, cibis verò quam plurimis, ac balneis post sumptos cibos utebantur; sæpè ejusmodi humor confertim per alvum descendit, sed & unâ cum hoc humore, perinde ac cum pituitâ, decolor quædam in toto corpore subest albedo, qui crudus humor inappetentes homines efficit. libr. de mul. cap. 11. ὠμόν dicitur propriè in fructibus: per metaphoram tamen non modò fructus, sed cibi, humores & morbi à Medicis ὠμοί appellantur. Cibus ὠμός, id est, Crudus dicitur, qui licet in suo genere perfectus sit, nullam tamen ab externo calore mutationem alterationemve perpeffus est, ut cum carnem vel perdicis, vel galli, vel aliam etiam optimam crudam vocamus, quæ nondum assâ sit vel elixa. Aliter verò crudum cibum dicimus, qui quamvis optimè ab externo calore alteratus coctusque sit, à nostro tamen calore difficillimè concoqui potest, sed humores omnino crudos generat. Morbus autem ipse crudus nominatur, quamdiu videlicet noxius humor resistit naturæ conanti ipsum mitigare, & in meliorem statum reducere.

*Crura*, à currendo (quod crurum ministerio curramus)

mus) κνήμῃ καὶ σκέλῃ, dicuntur *extremæ corporis partes*, quæ thoracem medium, & imum ventrem prætergrediuntur; ut, quicquid prominet ultrà os sacrum, & carnosos musculos ibi subjectos infernè, usque ad pedes, id crura dicantur. Dividit hæc Galenus in partes tres, εἰς μῆρόν τε, καὶ κνήμην, καὶ πόδα. Κνήμη etiam dicuntur tibiæ in rotâ, à similitudine tibiæ in animalibus, lib. Introd. cap. 10.

*Cryforchî*, Κρυσορχῆς, est testiculi, aut testiculorum occultatio, vel recessio, lib. finit.

*CrySTALLINUS humor*, κρυσταλλοειδὲς ὕδρον, & *crystalloides* (qui *glacialis* adhuc dicitur, quòd concretam glaciem seu crystallum imitetur, 7. de placit. cap. 5.) est humor albus, splendidus, lucidus, non omninò rotundus, sed aliquantulum planus, in medio oculorum situs, (estque ejus veluti centrum, propter dignitatem & præcipuum usum) in quo fit visio, primumque videnti instrumentum, qui per Diadosin alimenti, id est, transumptionem (non per venam quidem, quæ nulla inest) vitreo humore nutritur. Cui adhæret vitreus oculi humor, qui & *Hylœides* dicitur, quique quantò crassior, & albior est sanguine, tantò à crystallino humore, humiditate, atque albedine superatur; subest huic *Albugineus*, albo ovi similis, quem *Hydatocidem*, quòd aquæ sit similis, vocant, 10. de usu part. cap. 1. lib. de ocul. cap. 2. & Introd. cap. 11. Crystallino humori ejusmodi est durities, ut per sectionem à cæteris oculi partibus solutus non defluat, sed instar molliusculæ ceræ per se consistat, suamque asservet figuram. Nec verò eò durior humor ullus in oculo continetur. Solus à coloribus alteratur, & in ejusmodi corpore omnes colores facillè citòque suscipiuntur & relucet, neque propter puritatem & coloris sinceritatem vitiantur, adulteranturque.

*Cten*, κτεν, *Pecten*, *Cunnus*, muliebris pudendi finus, *Pilis* decoratus, appellatur; quæ sinum ambiunt,

πτερυγάματα, id est, labra & alæ vocantur, 15. de usu part. cap. 3. Κτένες dicuntur à quibusdam dentes quatuor primores acuti, qui & διασήμες, τομείς, & γελασινός διὰ. Sunt etiam qui κτένας vocent partem manus externam, τὰ ἑνὰ ἐξ ὀπίσθου, quam propterea alii ὀπίθενος, alii περιμήριον, alii δώρον appellant. Sunt & κτένες θαλάσσιοι, Pectines marini. Plinius Pectunculos vocat.

Cubitus, (πῆχυς, ἀγκών, ἄρσεν, ὠλέκρον, ὠλήνη) est os, quod inter Humerum, & Carpum, quod brachiale dicitur, situm est; ejusdemque partis os grandius. Cubitus item dicitur, qui alteri subest ossi, quod Radius nominant, lib. de ossibus, cap. 17. quem cubitum Pechyn, id est, ulnam dicunt, 2. de usu part. 2. Clarius: Cubitus Pechys, πῆχυς, seu Vlva, Arabibus Focile majus, est ea pars totius brachii, quæ supernè terminatur, quâ brachio quidem continua est, per articulum, qui in curvaturâ cubiti est, cui innitimur: infernè autem, quâ Carpo manus extrema conjungitur; quo spatio, duo ossa recipiuntur, alterum magnum, & rotundum, nominatum eodem nomine, quo pars, id est, cubitus; alterum, quod Cercû, Arabibus Focile minus, id est, Radius, appellatur, 2. de motu muscul. cap. 2. & 1. de fract. 18. sicut κνήμη, Tibia, & totam partem, & partem totius portionem significat. Est & πῆχυς mensuræ nomen, quâ rerum intervalla dimerimur. Est autem extensio à cubitu usque ad summum medium digitorum pedis unius & dimidii. Est igitur mensura digitorum quatuor & viginti. Latini Cubitum etiam vocant. Ab eo derivantur, περὶ πῆχυν; ἡμιπῆχυς, διπῆχυς, τριπῆχυς, ἑξαπῆχυς, quæ sæpè apud Autores occurrunt.

Cubiforme os, quod Κυβοειδὲς ὀστέον five Os cubicum dicitur, est os quod ab externis pedis partibus firmum in terrâ statuitur, externisque Tarsi partibus est locatum, & articulatur cavitati calcanei, ad finem adjacenti,

centi, 3. de usu part. 7. Est enim os unum, ex quatuor Tarfi ossibus, solum nomine donatum, cum reliqua tria careant nominibus; est autem os, ut reliqua Tarfi ossa, intus cavum, foris gibbum, cubo simile, quod latera sex habeat cubo communia, admodum inæqualia, & ferè aspera.

*Cuculus, Coccyx*, est os in imo sacri ossis positum, tribus propriis partibus constans. Sunt autem partes illæ officula, etiamsi Galenus ita non audeat appellare, propterea quod pueris adhuc sint cartilagines, quæ quamvis annorum spatiis osseæ evadant, in ambitu tamen & commissuris & sine adhuc cartilaginosa permanent, ut & Epiphyses omnes solent. Uniuntur autem inter se Symphyssi, quamquam Coccygis tertium os, (quod proprio nomine & σπονδυλίον & ὀρθό & ἐροπύγιον appellatur) ut ossis sacri primum persæpè Synarthrosi jungatur, & in iis foramina intus ampliora, foris angustiora, ut in osse sacro, nisi quod ad Coccygis ossis secundi cum tertio commissuram, pro foraminibus futura tantum sit. E Coccyge tria nervorum paria prodeunt per ejus foramina, non lateralia, sed antica & postica. Quorum prima conjugatio ex eâ oritur parte, quâ Coccyx sacrum os attingit: secunda, ubi prima hujus ossis pars cum secundâ committitur: tertia, medio inter secundam & tertiam spatio.

*Cucurbitulae leves*, quæ citra scarificationem adaptantur, 3. de loc. aff. cap. 4.

*Cunei os*, quod & ὀστέον σφηνοειδές, *Os cuneiforme*, *Os basilare*, & *Os palati* appellant, medium inter superiora, & inferiora totius capitis ossa, de ossibus, cap. 1. Galenus scribit fuisse apud Veteres controversum ad quam pertineat partem, quod à nonnullis inter cranii, ab aliis inter genæ superioris ossa numeretur, quia inter utrumque est medium; vicit tamen eorum opinio, qui id cranio tribuunt. Est igitur unum ex ossibus cranii, quod in capitis basi collocatum inter ca-



pitis & genæ superioris ossa, velut σφήν, id est, Cuneus adigitur, atque immittitur, Sic dicitur à Cunei formâ, vel potius usu, quod omnibus suis partibus Cunei modo se insinuet inter ossa capitis omnia, & propè omnia genæ supernæ. Nam os occipitis λαμ-  
δνειδὲς tangit, atque ab eo distinguitur suturâ communi, deinde longo tractu attingit ossa temporalia, & supra hæc angulum bregmatis, &c.

Cυννις, τὸ γυναικειον, Pudendum muliebre, inanitas ea est, quæ inter ossa pubis penetrat, extrinsecus pelliculam quandam habens, virorum præputio correspondentem, lib. de vulvæ, diff. cap. 2.

Curatoria, ἡ θεραπευτικὴ, medicinæ pars est, quæ tùm factum morbum tollit, tùm fieri occurrit, tùm eum qui imminet, aut futurus timetur, amolitur & præcavet, (quod est proprium αἰσφυλακκῆς, quæ hæc ratione sub Therapeuticam cadit.) Tres autem sunt partes ad curationem necessariæ, Therapeutices, Ἀγειτικὴ, φαρμακὸυτικὴ, χειρουργικὴ, quarum prima victus rationem instituit, altera, medicamenta propinat, postrema, manum adjutricem admovet, de part. art. medic. cap. 1.

Curta, κολοβώματα, id est, Mutila & Curta: id autem dicitur à Græcis Coloboma, quod in labiis, aut narium alis, aut aure deficit: hujus generis sunt, & quas in majore angulo Rhœadas vocant, eo utique, vel impensius extenuato, minoréve facto, vel prorsus abolito. vide Colobomata.

Cuticula, vide Cutis suprema.

Cuticulari membrana, vide Membrana dura.

Cuticulosus musculus est, qui extrema sedis ora cuti commixtus obtinet, ut vel cuticulosus musculus, vel carnosa cutis dici possit. lib. de musc. diff. cap. 30.

Cutis suprema, Δερμὶς, & δέρμα appellatur Græcis, quasi Corium dixeris, quia excoriari potest. Est autem membrana omnium amplissima, partium subjecto-  
rum

rum tegumentum, munimentum, ornamentum. Quia membrana est, ex eo intelligitur simplicem esse, planam, tenuem, albam, nervosam, atque ob id sentientem. Siquidem per cutem dispersi nervi, dant illi sensum, verumtamen sentit tantum, non etiam motum habet voluntarium. Oritur ab extremitatibus vasorum per subjectam carnem disperforum: hæ namque dilatæ conjunctæque in cutem degenerant: quo fit ut à subjectâ carne sine summo dolore separari non possit. Ac quanquam ex carne, venulis, & alicubi arteriis composita sit, ex nervis tamen præcipuè conflatur, nec tamen nervi prorsus naturam retinet, sed inter nervum, carnemque quodammodo media est. Nec verò solum omnium corporis partium, sed etiam universæ quæ generationi corruptionique subicitur, substantiæ media est: quod enim in duritiâ & mollitie, & in calore ac frigore similiter medium omnium particularum sortita sit, ex ejus quam dixi substantiâ, maximè intelligitur. Est enim veluti sanguine præditus nervus, qui sit inter carnem & nervum quiddam planè medium, & iis ambobus secum mistis conflatum. Est enim nervus durus, exsanguis & frigidus: caro mollis, multi sanguinis & calida: media inter utrumque est cutis, nec dura & planè exanguis ut nervus, nec mollis & sanguine abundans, ut caro. Est igitur cutis extremorum media calidi, frigidi, humidi & sicci: præsertim autem manus, in qua tanquam temperatissima, perfecta tangendi potestas sita est. Cujus exterior pars, ab illius excremento producta, *Epidermîs*, sive *summa cutis corporis*, sive *cuticula* dicitur, & toti superextensa, sensuque destituta, aut certè hoc perquam obtuso pollens, quippe quæ sæpè citra dolorem facile ab ea separatur, 2. de usu part. cap. 6. & 3. method. 4.

*Cibicides*, vide *Cubiforme*.

*Cyclisci*, sunt cava excisoria scalpra, 6. meth. 6.

*Cyllum*, *Κυλλόν* dicitur apud Hippocratem *Crus* varum, id est, in exteriorem partem luxatum, vel conversum, adeò ut *Suræ* processus, qui talum exterius complectitur, sine ullo stabilimento suspensus relinquatur, quamvis propriè mutilum, & imperfectum significet, ut scribit Galen. 3. de diebus criticis; ubi in eâ significatione mensem *κυλλόν* appellari inquit, qui diebus viginti novem constet; alios autem perfectos, qui triginta. Unde *Cylosim*, *κύλλωσις* distortionem cruris in exteriorem partem vocat Galenus, 4. de artic. Idem tamen com. 3. dicit nonnullos de omni longorum membrorum distortionem *κύλλωσις* intelligendam censere, generalèque ei tribuere significatum; alios verò eo nomine distortionem solùm intelligere, in quâ in interiorem partem membrum inclinatur.

*Cyema*, *κύημα*, fætus est, cùm nondum menses duos in utero absolverit, quo tempore Embryon dici nequit, sed *Cyema*, id est, uteri gestatio, & conceptus, & genitura, 1. de symptom. caus. cap. 7. Quamquam autem *κύημα* animalium propriè sit, in iis tamen quæ florent, præsertimque in brassicâ, tum à Græcis, tum à Latinis etiam usurpatur. *Cymata* enim in iis, quasi *κύηματι* vocarunt scaporum delicatioris teneioresque coliculos, quos appetente verè in primâ florum germinatione, & in summâ stirpe hoc olus profert, discretis, verùm clausis adhuc, florum calicibus, quales quotannis videre licet, in quibus floris primum, mox seminis fætus clauditur. Theophr. à Græcis *κύημα* dici scribit, in quo flos ad semen clauditur. Latini non tantùm *Cymata* neutro genere dicunt, sed etiam fœminino *Cymas*.

*Cymbalarû*, vide *Cricoides*:

*Cynanche*, est inflammatio extra guttur existens, quæ & *Paracynanche* dicitur; si autem sit inflammatio adjacentium musculorum faucibus adveniens, dicitur *Synanche*, vel *Parasynanche*, 4. aphor. 34. Propriè loquendo

quando Angina Græcis est inflammatio, quæ in gutture, & faucibus advenit; Hippocrates verò & alii Veteres, omnes passiones in iis locis advenientes, quas spirandi difficultas comitatur, Anginæ nomine vocant, nullo existente in pectore, vel pulmone vitio; quâ in re differt *Angina* à *Peripneumoniâ*, & *lateralis morbo*, ex eo, quod angustiae sensus in gutture est, cunctis in Anginæ speciebus, suntque ejusdem (exquisitè loquendo) quatuor differentiae: una ubi fauces inflammantur; altera, ubi neque reliquæ oris partes, neque etiam externarum partium ulla inflammata videtur, æger tamen suffocationis periculum in gutture per sentit; tertia, quando gutturis partes, tum externæ, tum internæ similiter inflammantur; quarta, ubi ad anteriorem regionem, cervicis vertebræ luxantur, & inde cavus apparet locus, doloremque quando tangitur, æger sentit. Recentiores Græci quidam, ut est Paulus, lib. 3. cap. 27. & nostræ ætatis Medici non pauci, inter *Cynanchen*, & *Synanchen*, inter *Paracynanchen*, & *Parasynanchen* discrimen faciunt, quod tamen Galenus, lib. 4. de loc. aff. cap. 5. & 3. progn. 20. reprehendit. Inflammationem itaque, quæ in interioribus faucium musculis oritur, *Συνάγχη* nominant; eam verò, quæ in exterioribus eorundem musculis fit, *Παρασυνάγχη*; Inflammationem item, quæ in interioribus musculis gutturis accidit, vocant *κυνάγχη*; eam autem, quæ in exterioribus ejusdem musculis oritur, *Παρακυνάγχη*. Est autem omnibus Anginæ differentiis communis deglutiendi difficultas, adeo ut potius sæpè per nares remeet. vide *Angina*.

*Cynodontes*, vide *Canini dentes*.

*Cyphosis*, *Κύφωσις*, *Gibbositas*, seu *Gibberositas*, vitium spinæ est, quod à casu, ictu, & tuberculis crudis & duris, anteriorem thoracis partem distendentibus, pulmonemque prementibus, aliquando contingit, ut docet Galen. eo aph. quo scribit Hipp. gibbos ex asthma,



mate, aut tussi factos, ante pubertatem mori, vide *Gibberositas*: Dicitur eadem, *Κύρτωσις*, nempe spinæ dorsii distortio in posteriore partem; hæc & *ὀπισθοκύφωσις* dicitur, ut annotavit Gal. 8. de artic. Opposita huic Contorsio, dicitur Lordosis, *λόρδωσις*, spinæ vertebris in anteriorem partem conversis, vide *Lordosis*.

*Cyrtofis*, vide *Cyphosis*.

*Cyrtoma*, *Κύρτωμα*, Tuberculum in Iliis appellavit Hippocrates, & omnem tumorem præter naturam generali significatione, quod & œdema ab eodem appellari solet, 2. prognost. 25.

*Cyffaros*, *Κύσσηρος*, est ultimum intestinum in ordine, quod & rectum dicitur, & podex est, libr. quod animal sit, id, cap. 5. vide *Rectum*.

*Cystis*, *κύστις*, vesica, est pars membranosa, urinam à renibus excipiens, & foràs excernens, exanguis, nervosa omnino, latissimè distendi, & arctissimè contrahi idonea, ut reliqua omnia alba, & exanguia, nervis insignibus instructa; partim à ramo sextæ conjugationis, qui per costarum radices ad partes ventris infimi tendit, partim ex infimâ spinali medullâ derivati. In quam renes, tanquam in lagenam, urinam deponunt per meatus *ὀυρητῆρες* dictos, qui à renibus prodeuntes, obliquo itinere delati, inter ipsius tunicas, pauld supra ipsius os, inseruntur; Cujus vesicæ cervicem musculus ambit, transversis constans fibris, quibus undequaque constrictis, vesicam claudit, ne urina effluat. Duabus constat tunicis unâ propriâ & internâ villis valdè intertextâ, intus rectis, foris transversis, mediis inter hos obliquis; alterâ verò exteriore, ex peritonæo pubis os intus vestiente ortâ. Præter nervos dictos etiam venæ & arteriæ inter vesicæ tunicas à colli lateribus ad usque fundum sparsæ sunt, à ramo per foramen ossis pubis in crus descendente. Illæ sanguinem & spiritum vesicæ subministrant, cùm ipsa alioqui exanguis sit. Urinam autem ubi continuerit, donec vel quantitate

titate vel qualitate molesta sit, excernit: in fœtu quidem quamdiu utero continetur per *ἑσπέρην* in cavitatem tunicæ allantoidis, edito autem in lucem foras per *ἑσπέρην*.

*Cystis choledochos*, quæ & vesica fellis, & vesica bilis susceptiva, Græcè autem *κύστις χοληδόχος* dicitur, vesica est, in cavâ ipsius hepatis parte sita, inter venæ portæ, & cavæ radices, bilem ex jecinore attrahens, quam rectis fibris trahit ex hepate, obliquis retinet, transversis verò expellit, quæ & ob id, *fellis folliculus* appellatur, 4. de usu par. cap. 12. & 2. de natur. fac. cap. 9. & 9. de anatom. adm. cap. 2. A collo enim suo stomachos habet duos, unum in hepar, inter venæ portæ & cavæ radices numerosis surculis distributum, quibus bilem in se allicit: alterum verò rarò geminum, sæpius simplicem in Ecphysem delapsum, quo in ipsum & intestina bilem flavam expellit, eversa facillè gemina membrana ejus osculum in Ecphyfi claudente. Maximo illa hepatis lobo dimidia mergitur, reliquam simæ hepatis tunica tegit ad venæ portæ exortum, à quâ venulas duas, quas *κυεῖς* quibusdam appellare placuit, & à vicinâ hepatis simæ arteriâ arteriolas in imum usque fundum admittit. Recipit verò etiam unâ portionem quandam nervi, qui à sextâ conjugatione per costarum radices dextrâ parte ad partes ventris infimi pervenit.

## D.

**D**ACTYLIOS, ὁ ποδὸς καὶ ἡ ἑδρά, id est, Podex, i. de comp. med. loc. cap. 15. sunt quoque qui rectum intestinum eo nomine intelligant. *Δακτύλιος* etiam ab Hippocr. aliquando dicitur, ὁ κύκλος καὶ περιστολή, hoc est, Circulus, Pastillus, sive Orbiculus, quo in medicinâ utimur. *Δακτύλιον* dicitur à quibusdam τὸ σκαμνῶνιον.

*Darſis*, id eſt, excoriatio, quâ cutis, à ſubjectis partibus ſcalpello deciditur, & ſeparatur, 3. de anat. adm. cap. 2.

*Dartos*, una eſt è quatuor membranis, quæ teſtes involvunt; earum prima & intima *Epididymū*; poſt eam *Erythroides*, id eſt, vaginalis; tertia, *Dartos carnoſa*, *Erythoeide* multò valentior & craſſior; quarta & extrema *Scrotum* eſt. Introd. cap. 11. Mulierum autem teſtes, penitius in vulvâ latentes, unicâ tantùm tunicâ contenti ſunt, quæ *Darta* appellatur, proportionem reſpondens tertiæ teſtium virilium tunicæ, cæteris autem recenſitis carent. de diſſect. vulvæ, cap. 9.

*Daſymma*, oculi vitium, vide *Trachoma*.

*Dearticulatio*, ea eſt oſſium naturalis conjunctio, cujus ratione copulata oſſa evidentem motum habent, & contrâ *ſynarthroſis*, *coarticulatio* naturalis oſſium eſt commiſſio, quæ exiguum & obſcurum aliquando, aliquando nullum motum præ ſe ferunt, & edunt, 2. de artic. 8. & 1. de artic. 1.

*Declinatio* eſt illa paroxyſmi pars, quæ ſtatim ipſum ſubſequitur, uſque ad ſecundæ acceſſionis principium. 1. criſ. 3. vide *Principium*.

*Decreſcens febrū*, vide *Continua*.

*Decretorius*, ſive *Iudicatorius dies* eſt, in quem ut plurimùm morborum judiciū tempus incidit, 1. de diebus decret. cap. 3. Eſt adhuc alius dies *Iudicatorius incidens*, ſive intercalaris, in quo imperfectæ ſolent fieri judicationes, ut dies *tertia*, *quinta*, *ſexta*, *nona*, 3. progn. 1. *Decretoria* autem ſigna ſunt, quæ ſalutem ægri, per criſim futuram oſtendunt, 1. criſ. cap. 7. *Incidentes* verò, ſive *Intercidentes* dies differunt à *Iudicatoriū*, & *Decretoriū*, cùm eorum naturâ, tùm uſu. Naturâ quidem, quòd naturæ ſuæ ratione *Iudicatoriū* perfecti ſunt, (omnibus ſiquidem ritè factis, ſolâ naturâ ſponte agente, in iis criſes fiunt,) ac numero quaternario, & ſeptenario dividuntur; *Intercidentes* autem

tem minùs perfecti sunt, & in eos, non nisi aliquo errore interveniente, crises incidunt; unde non vi naturæ, sed morbi malitiâ, aut aliquo extraneo impellente, in iis crisis accidit. Atque hinc est ut à nonnullis *dies provocatorii* nominentur, quòd in his natura ad pugnam irritata, insurgat. *Vsu* adhuc differunt *dies judicatorii* & *intercidentes*, quòd ad futuri vigoris & judicii cognitionem, quaternariorum circuitus sufficiunt; ad crìsim verò jam factam discernendam, num scilicet fida, aut infida sit, intercidentium cognitio conducit.

*Deficiens pulsus* est, qui admoventi digitos, videtur exsolutus, & tenenti applicatos paulatim, prorsus desinit, 2. de caus. puls. cap. 3.

*Deficiens decurtatus*, *Μυεχών σφυγμός* pulsus, qui & *mutilus*, & *decrescens pulsus* dicitur, est, qui perpetuò diminuitur, nec minui desistit, ad quietem denique omnimodam venit, prorsusque deficit, qui pulsus si iterum redit, & de integro augetur, *dcurtatus reciprocus* dicitur, 1. de differ. puls. cap. 11. quòd si in eo nulla servetur æqualitas, motuque ipso frequenter deficiat, *deficiens inæqualis* appellatur, 2. de caus. puls. cap. 12: nomen autem Græci à figuris, quæ in acutum desinunt, & à Caudâ muris transtulerunt: hujusmodi autem pulsuum inæqualitas, *systematica*, sive *collectiva* dicitur. Pulsus omnis *μυερός* provenit ab imbecillitate facultatis pulsificæ. Verùm ea imbecillitas in eo, qui *μυερός εκλείπων* dicitur, maxima est, neque enim se recipit, & recolligit; postea in eo, qui in quâ desit parvitate, hanc servat, minor verò, ubi magnitudinem recuperat.

*Deglutitio*, *κατάποσις*, est cibi, & potus ab ore in ventriculum per œsophagum descensus. Actio est facultatis attractricis, quam vi fibrarum rectarum agit, quas multas interna ventriculi tunica possidet, ad id munus naturâ comparatas. Id quod liquidò cernitur  
deglu-



deglutientibus nobis, larynge simul sublatâ, sursumque in tantum corrente, quantum gula deorsum trahitur. Cùm autem completâ jam deglutienti functione laxaverit se gula, tunc luculenter descendere cernitur summa arteria: siquidem interna ventriculi tunica quæ rectas habet fibras, quæque tum gulam intrinsecus vestit, tum os ipsum, ea super internis summæ arteriæ partibus extenditur, quo fit ut cum ipsa à ventriculo deorsum trahitur, simul etiam summa arteria necessario attrahatur.

*Dejectiones*, & *Subductiones* solet Hipp. vocare, excrementa per alvum exeuntia, 7. aph. 64. *Syncera* autem dejectio est, quæ unum tantum humorem, cæteris impermistum habet, 2. prorrh. 5. ut dejectio biliosa, sola bilem flavam egerit.

*Deleterium*, quod & *Phtharticum*, & *Phthoropæum* dicitur, lethale venenum est, quod ubi in animalis corpus ingressum fuerit, totum id momento temporis immutat, sibi que simili affectione alterat, penitusque enecat, 1. de semin. cap. 16. Id genere duplex est: unum quod omnino corpori contrarium est, & nullâ qualitate à corpore alterari potest, ejusmodi est papaveris succus, siquidem nullâ substantiæ suæ mutatâ parte, sed tota servata integra corpus nostrum afficit: neque enim in eum quicquam agere, ne unâ quidem qualitate potest, multo minus totâ suâ substantiâ possit. Alterum genus est eorum quæ ex nostro calore momentum aliquod mutationis accipiunt, ac deinde in multifarias alterationes vertuntur, quibus naturam nostram corrumpi accidit. Sunt autem hæc genere duplicia: alia potestate calida, ut quæ corporis naturam rodunt, putrefaciunt & liquant: alia verò frigida sunt, ut cicuta, hyoscyamus, mandragora. Hæc enim omnia calido corpori applicata & mutationis momentum aliquod hinc adeptæ partim eorum ad summam caliditatem, partim perveniunt ad putredinem, partim in cor  
dela-

delata calorem nativum suo frigore extinguunt. Tamen et si verò etiam alexipharmacum medicamentum ultra modum exhibitum nos interficiat, moderatâque in dosi assumptum sanet, non ob id deleterium censendum est; propriissimè enim deleterium est, quod quocumque tempore, loco, & quantitate quantumvis minimâ, sumptum aptum est interficere: com. 6. in 6. de morb. vulg. 5.

*Delirium, desipientia, ὁρμησμός*, mentis alienatio, duobus modis dicitur, generaliter & speciatim; generaliter, est motus errans, & depravatus facultatis imaginatricis, aut ratiocinatricis; plerumque in utrâque facultate consistit delirium, tum parùm probè imaginando, tum parùm aptè ratiocinando; aliquando verò in alterâ tantùm facultate, ut exemplo illustrat Galen. libr. de sympt. diff. cap. 3. Theophilo nempe medico contigisse, ut sola ei imaginatio depravata fuerit, similiter & phrenetico cuidam, qui omnia vasa discernens, & suis nominibus appellans perfrigit: huic enim sola vis ratiocinandi depravata fuit, atque tum maximè sine febre est, 1. prorrh. 1. & 4. Insanire omnes dicunt eos, qui citra febrem desipiunt; & subdit, omnes, qui mente læsi, continuè febricitant. *Phrenetici* vocantur, solâ febre ab iis, qui *deliri* appellantur, discrepantes. Speciatim verò significat mentis alienationem cum febre, à phrenitide differens, quòd hæc fiat, Cerebro primario affectu laborante, cum symptomatū magnitudine & vehementiâ: Delirium autem ejusdem febris symptoma est, atque ex subjectis cerebro partibus affectis, in primis verò ex inflammato diaphragmate, originem ducit, sublato in caput acri, & ferventi biliosi sanguinis vapore; neque impetus tantòs habet, quantos Phrenitis, 5. de loc. aff. 4. Accidit autem potissimùm in febrium ardentissimarum vigore: quanquam & aliquando in principiis, pro qualitate scilicet humoris moti,  
& cere.

& cerebri robore aut imbecillitate. Eâ autem qui detinentur, nemo *Φρενιτις* appellaverit, ut ait Galen. libr. 3. de libr. aff. Sed vel *ἡ Φρενιτις* vel *ἡ Φρενιτις*, vide *Phrenitis*, & *Paraphrosyne*.

*Deltoides*, quasi *deltæ* literæ figuram imitans, musculus est multum carnosus, & in longum exprorectus, qui superiorem humeri partem, quâ brachii caput est, tegit, (unde & *ἐπ' αὐτῆς* dicitur, quasi humero instratus & superpositus) qui etiam totius manus initium est, 3. de anat. adm. cap. 3. Græcè *Δελτοειδής* sic dicitur, quod triangularis videatur, ut ad literæ Δ similitudinem efformatus. Cujus basis intelligi potest à mediâ claviculâ ad extremam usque scapulam secundum humeri longitudinem, à quibus scilicet partibus ducit originem: latera verò hinc quidem internum à claviculâ, inde verò externum ab imâ scapulâ ad medium usque brachium, quo loco hujus musculi veluti vertex est.

*Denervationes* (*ἀπνευρώσεις* Græci vocant) sunt nervæ musculorum tenuitates, in quas musculi desinunt, & *Tendones* dicuntur, 1. de motu musc. cap. 1. & 1. de anat. adm. cap. 3. Nervus quidem non est, sed corpus inter ligamentum atque nervum naturâ medium, latum semper & aliquando tam tenue, ut membrana videri posset, nisi fibris quibusdam intercurrentibus ab eâ distingueretur, vide *Tendones*.

*Dentem*, sæpè Hipp. secundam colli vertebra vocat; propterea hunc processum à dentis hominis similitudine, *odontoeidem*, id est, dentiformem appellat, libr. de ossibus, cap. 8. Est autem ea apophysis secundo spondylo propria, perque eam cum primo spondylo, & cum occipitis cavitate inter suas apophyses *ρογωιδής* per diarthrosim jungitur, & valido quodam rotundoque ligamento occipiti alligatur, eque locum cui aptè & tutò affirmetur, & stabiliatur præbet spondylus primus, ipse quoque ligamentum quoddam trans-

transversum producens, quod illi apophysi intus iniicitur. Subit enim dens in cavitationem primi spondyli. Ab hac apophysi totam etiam ipsam secundam vertebra Hippocr. ut Galen. ait, ὀδὼντα appellavit. Alii Pyrenoeidem productionem, à nuclei similitudine nominant. Alii à nuce pineâ καρυοειδῆ. Ab eo caput inflecti & extendi, quod ἐκτρέφειν καὶ ἀνατρέφειν Græci dicunt, Galen. existimavit, 12. de usu part. cap. 7.

*Dentes* in ossium numero reponuntur, mollium Cerebri nervorum participes, ob idque soli sentiendi vim habent evidentem, libr. de ossib. cap. 5. A reliquis ideo ossibus differunt primum, cum reliqua sensu careant: dentium enim radicibus mollis quidam nervus à tertiâ conjugatione utrâque genâ inseritur. Superiore quidem per foramen ejus quod sub oculo est, inferiore verò ad musculum in ore latentem. Hic autem nervus secum venam ad dentium nutritionem, & arteriam ad caloris nativi custodiam, cum meninge tenui in dentes adducit. Inde fit ut dolor in dentibus pulsatorius per inflammationes sentiatur: verumtamen foris & in superficie integros dentes non sentire verum est, quod in eam dentis partem densissimam nervi fibræ non permeant, eamque ob rem cum eâ parte li-  
mantur, secantur, uruntur, punguntur, non dolent. Totâ verò parte interiore quam sint dolori obnoxii dentes, apertè docent qui eos cavos asperius tractant, aut frigidi calidive contactu irritant. Deinde verò differunt ab aliis ossibus quod toto vitæ tempore dentes augeantur. Id enim nisi fieret, prorsus deficerent, cibis commipueudis attriti. Differunt & ab aliis ossibus, quod nudi sint, sine membranâ, sine carne, quodque sint reliquis ossibus, ut ait Celsus, duriores, videlicet ne occurſu mutuo, mandendo frangendoque attenuarentur magis quam reliqua ossa, propterea quod nec cartilagine, nec adipe, ut reliqui articuli, superlinuntur, quibus atteri verentur. Sunt autem dentes

in



in perfectis hominibus utraque gena sedecim. In aliis enim plures sunt vel pauciores, & tam multos fieri potius, quam unum expediebat, ne uno aut dolente, aut vi vel vitio pereunte, affectio aliis communis existeret. Quatuor autem incisores unam modo radicem habent. *Κυνόδοντες* singulares sunt radices fortiti. Hi à basi rotunda in acutissimum mucronem fastigiati desinunt. Post hos sequuntur *γέμφιος* sive *μούλα*, hoc est, clavales seu molares, quini ab utroque latere ut plurimum, aliquando autem pauciores aut plures, omnes asperi inæquales, ampli & lati. Hi pluribus radicibus genis infixi sunt, ternis quidem genæ superiori, binis verò inferiori, nonnullis tamen exceptis qui supra sæpè cum quaternis, infra verò cum ternis radicibus deprehenduntur. Sunt enim dentium genæ inferioris, quam superioris radices & pauciores & minores, quoniam genæ inferioris substantia durior densiorque dentes suâ etiam gravitate incumbentes firmius continere potest, quam gena superior rara molliorque pendulos, & velut in casum ob suam gravitatem proclives. Habent autem dentes omnes in pueris epiphyssim, quæ ipsis sæpè excidit sponte, sed relicta dentis radice, alia promte in ejus locum succrescit. Omnes præterea dentes infiguntur, ut ait Galen. *ἐν τοῖς τῶν φατνίων βοθροῖς*. Sunt autem *φατνία*, ossa ipsos continentia: *βόθρα* verò alveoli & cavitates quas subeunt; priores quaterni, quia secant, *Τομί, τομῆς* vel *τομῆγι*, id est, *Incisorii* ad cultri similitudinem, ad eos cibos incidendos, qui molliorem in se habent; hisce utrinque Canini adjacent, quod Canum dentibus sint quàm simillimi, ad dura cibaria non secanda, sed admodum confringenda. Ultra hos, maxillares, & molares ab utroque latere, quòd iis cibi (veluti molis cereales fruges) tenuantur, & atteruntur, ibidem.

*Dentes genuini*, qui omnium novissimi nascuntur,

*Σωφρο-*

Σωφρονισμός, ut plurimum ab anno duodevigesimo, usque ad annum vigesimum sextum; visi aliquando sunt etiam anno octogesimo nasci, aliquando indolenter, sæpè cum magno cruciatu, utrobique singulares, in penitissimâ oris parte oriuntur; ideoque ita nominantur, quod nascentur, cùm homo σωφρονίζεται, id est, sapere incipit; sunt autem è genere dentium inolarium.

*Dentifricium*, medicamentum est, quo utimur ad dentes confricandos, à sordibus abluendos, quin & gingivarum circumsitaram, quando humore fuerint prægnantes, ad depurationem, & absterfionem, 5. de loc. aff.

*Dentitio*, ὀδοντίασις, est dentis jam concreti, extra gingivam eruptio, seu dentium ortus, 8. de placit. cap. 6. Dicitur & ὀδοντοφύια. Primum quidem dentes intra suos alveolos concipiuntur & concresecunt, deinde erumpunt, quorum utrumque magno cum dolore fit. Illud ὀδαξισμός, hoc ὀδοντίασιν Græci vocant. ὀδοντοζα instrumentum est Chirurgicum seu Volsella ad evellendos dentes, cuius usum simplicem nulliusque negotii esse, dicit Hippocrates.

*Depascens ulcus*, idem est ac *Phagedæna*. vide *Hæpes*, & *Phagedæna*.

*Depeditio*, vide *Abortus*.

*Deprehensiones*, vide *Catalepsis*.

*Depressum*, & *oblongum ossis caput* voco, ad cervicem utrumque, cui adnascitur, referens, lib. de ossibus in procæmio.

*Derivationem* appellare consuevit Hippocrat. quando succus aliquis evacuatione indigens, neque per convenientem regionem ferri incipiens, artis auxilio vacuatur per loca proxima. E. G. si per lotii vias exire cæperit, vitiatâ vesicâ, aut renibus, tunc per alvum derivare satius fuerit; veluti, si per ventrem vitiatis intestinis ferri tentaverit, succum evacuandum ad urinarios meatus dirigemus: In mulieribus verò nonnunquam ad uterum; aut è contrario, interdum uteri

profluvium, ad urinæ vias, ac ventrem derivabimus. At, si in aliquâ id genus évacuatione vomitum concitaverimus, *revulsionem* hanc nominant; ut, si vomitus etiam retraxerimus, ad uterum, aut vesicam, aut sedem, com. 2. in 6. de morb. vulg. 7. *Derivatio*, Græcis *παροχέδσις*, ejusdem est generis cum évacuatione, factâ per particulam, quæ fluxionem suscipit; fit autem per aliquam vicinarum partium. *Rivare* igitur est per rivos ducere; *Derivare* autem est, à rivis ad latera divertere. Ex Oribas. lib. de Cucurbitulis, vide *Purgatio*.

*Dermā*, vide *Cutis suprema*.

*Desipientia* est, cum ægri nihil rationi consentaneum dicunt, aut agunt, 7. aphor. 14.

*Desipientia ferina* est, in quâ ægri calcitrant, pedibus feriunt, mordicūs impetunt, & excandescunt, eos, qui ingrediuntur, tanquam hostes suos reputantes, com. 1. in 1. prorrh. 25.

*Desiccatio oculi*, est idem ac spasmus oculi, libr. de ocul. cap. 13.

*Desperata ulcera* sunt, quarum curationem plerique aggressi non absolverunt, sed tamquam ab insana-bilibus destitère, 4. de comp. med. per gen. cap. 5.

*Desillatio*, id est, fluxio quælibet, quæ per venas à capite ad partes inferiores fertur, 3. aphor. 12.

*Desudatio*, ab Hippocrate sumitur, vel pro sudore circa Thoracem, & Caput apparente, vel pro eo, qui ex toto manat corpore, ubi tùm paucus, tùm nihil conferens, fuerit, com. 3. in 1. prorrh. 33. quæ & *Sudamina* dicuntur, vide *Sudamen*.

*Detritio*, vide *Rhacosis*.

*Deurens febrî*, vide *Continua*, & *Synocha*.

*Diabetes*, est urinæ profluvium, Hydrops ad matulam, Hydrops matellæ, Diplosacis, Hydrops in vas urinale, Diarrhæa in urinâ, *Διαβήτης*: *ὑδρῶς ἐς αἰνίδα*; *ἐς ὅρον* *Ἀγέροισι*; *διψαρός*; Synonyma sunt, quæ significant,

fiant, cum continuo & exuberanter per urinam red-  
 ditur id, quod bibitur, nihil planè immutatum, 6. de  
 loc. aff. cap. 3. de sympt. diff. cap. 6. Passio hæc talis  
 est, qualis circa alvum lævitas intestinorum, & buli-  
 mos, extinctio, ut diceret quispiam, utriusque virtu-  
 tis, & retentricis, & alteratricis, 1. de cris. 12. Con-  
 sentit quidem quodammodo vesica, & copia urinæ  
 premitur, at nec ipse morbus nec morbi causa est in  
 vesicâ, sed in solis renibus. Est autem attrahendæ uri-  
 næ inexplibilis cupiditas, & ejus retinendæ impoten-  
 tia. Attractionem tantam excitat vel calida & sicca  
 renum intemperies, vel humor biliosus, acris, salsus, &  
 renes assidue irritans, inque ipso renum corpore impa-  
 ctus, vel, ut ait Aretæus, morbus aliquis acutus in re-  
 nes firmatus, & per crîsim malignitatem suam in eos  
 deponens, vel venenum aliquod deleterium, ex eorum  
 genere quæ vesicam & renes infestant, quale id est  
 quod à Dipsade funditur. Hæc enim omnia sitim in-  
 gentem movent, ob quam assidue æger bibit. Potum  
 autem hunc avidè renes attrahunt, antequam etiam in  
 ventriculo concoquatur, sed eum propter imbecilli-  
 tatem non retinent, sed talem effundunt, qualis sum-  
 ptus est. Quâ in re Diabetes appetentiæ caninæ per-  
 similis est, quam ὀρεξίν κυνώδη vocant. Nec verò id so-  
 lum quod bibitur, protinùs crudum mingitur, sed hu-  
 mor etiam copiosus à renibus colliquato corpore tra-  
 hitur, in eoque Diabetem propriè consistere Aretæus  
 arbitratur, definiens esse στερεῶν καὶ μελέων ἐς ἔξω συν-  
 τηέν, hoc est, carniū & membrorum in urinam col-  
 liquationem, ob quam & summa totius corporis ma-  
 cies est, & copiosior multò urina redditur, quàm po-  
 tus est. Quòd si vel modico tempore à mejendo ab-  
 stinuerint, tument lumbi, testes, & ilia. Rarùm id pror-  
 sus mali genus, & à Galeno bis tantùm visum. Eo au-  
 tem nomine appellatur, quod humor corporis nullo in  
 loco consistat, sed subinde de loco in locum ἀγχομένης,



hoc est, pertransit, non aliter quam aqua per siphonem, quem *Ἀγβήτην* vocant Mechanici, ut scribit Colum. lib. 3. cap. 10. Latini nullum illi peculiare nomen dederunt.

*Diabotanium*, Emplastrum ex herbis factum, 6. de comp. med. per gen. cap. 2.

*Diabrosis*, sive *Anabrosis*, *Διάβρωσις*, καὶ *Ἀνάβρωσις* erosio, est oris alicujus vasis apertio, 5. de loc. aff. 5. à re acri, & mordaci facta, sive intrinsecus à vitioso succo, sive extrinsecus à valentioribus medicamentis, aut igne. Hæc ab effectu *Ἀγβρωστική* appellantur, media quodammodo inter *ἐκφρακτική* καὶ *καυστική*, hoc est, extergentia & adurentia. Sunt enim extergentibus valentiora, urentibus autem debiliora, & periculosa minus, ut scribit Galenus. Hujus generis sunt Auripigmentum, Sandaracha, Asiæ petrae flos, & Misii.

*Diachylon*, *Διαχλῶν*, Emplastrum, quod ex succis est compositum, emolliens, concoquens, 7. de comp. med. per gen. cap. 9.

*Diacodion*, confectio est, ex capitibus papaveris, 7. de comp. med. loc. 2.

*Diadosis*, *Διάδοσις*, digestio, seu distributio alimenti est, cum sanguis alimentarius ex jecore, per venas majores, in minimas, ipsumque in corporis habitum transit, vide *Anadosis*.

*Diæta*, victus ratio, est certa victus institutio, & norma, non in solo cibo, & potione consistens, verum in omnibus aliis sex rebus externis non naturalibus, ut otio, exercitatione, Venere, somno, vigiliis, repletione, inanitione, animi affectibus. ad Thrasib. cap. 35. In diætâ duo hæc potissimum sunt præcepta, in quibus tota ferè vertitur: integram sanitatem similibus esse conservandam, inclinatham autem & in vitium propè ruentem, modico contrariorum usu retinendam esse. Inde *disciplina*, quæ hanc instituit, *Diætica*, *Ἀγιστική* dicta, est pars artis medicæ curativæ, θεω-

ποδικῆς, tùm quæ sanis ad imminentes arcendos morbos, tùm quæ ægris ad præsentès profligandos debetur, II. meth. c. 15. Præter diætā θεραπευτικὴν, alia est ἀναληπτικὴ, quæ convalescentibus à morbo convenit, in quibus quia nulla præter naturam causâ superest, neque affectio morbosâ, sed infirma tantùm sanitas, aut parva admodum vitia, quæ per imbecillitatem vitari vix possunt, eâ diætâ utendum, quæ robur quod deest suppleat, quodque vacuatum est atque dissipatum resarciat, simulque concoquat, evacuet, purgetque excrementa, & ab his absteineat, quæ sanitatem sæpè labefactant, cujusmodi sunt alior, æstus, lassitudo, cruditas, ebrietas, vigiliæ, iracundia, & reliqui animi affectus. Hæc enim omnia τῆς διαίτης nomine comprehenduntur.

*Diagnostica signa* sunt præsentium rerum, causarum morbidarum, & morborum declarativa, lib. de opt. sec. emp. cap. 5. vide *Prognostica*.

*Dialeimma*, est illud intervallum, quo febris ad infestationem venit, antequàm sequens annotatio adveniat, libr. de morb. temp. cap. 3. Dicitur quidem in febribus ἀπυρεξία, in aliis verò morbis ut Cephalæâ, Epilepsiâ, Podagrâ, simpliciter ἀλείμμα ἀπὸ τῆς ἀλείψεως, hoc est, ab intermittendo; significat autem apud Hippocratem, ἐλκεσθῆναι ἀνέστιν, hoc est, remissionem puram & sinceram, ut aphorif. 43. libr. 4. Febres quæcunque non intermittentes, teritiâ die fortiores fiunt, magis periculosæ: si verò quovis modo intermiserint, periculum abesse significatur. Sic enim in Comment. Galenus explicat. Idem verò scribit intermissionem bifariam dici, primum quidem de iis febribus, quæ accessionem perpetuam non habent. Deinde verò de iis, quarum accessio non solvitur integrè, etsi insignes subeat mutationes, & post principium, augmentum atque vigorem manifestam habeat remissionem.

*Diapedesis*, Διαπήδησις, est exiguorum vasorum apertio, vel potius eorundem tunicae extenuatio, adeoque excretio feri sanguinis, 3. de caus. sympt. cap. 2. Fit ergo ex tunica rarefactâ, sanguine verò tenuato, & ex gracilium vasorum ore adaperto; unde transcolatur sanguis, & sudoris aut roris more transmittitur, 5. method. cap. 2. Eumque in modum ex jecinoris renun- que debilitate meitur, ac sæpè per alvum dejicitur sanguinolentum serum. Itaque τὸ Διαπήδησις præci- pua causa est sanguis serofus, tenuis & calidus effluens per vasorum tunicas rarefactas. Quod si contigerit ali- quando Διαπήδησις apertis vasorum osculis, vasa qui- dem omninò exigua sunt, & ex quibus sanguis impe- tu, & copiosus emanare non potest. Differt ab *Ana- stomosi*, in quâ tùm majorum venarum, arteriarumque ora aperiuntur, tùm sanguis impetu, & copiâ erumpit, ex iisdem apertis.

*Diaphanes*, Græcè, Διαφανής λίθος, Latine dicitur, *Lapis specularis*, ex iis est, quæ leniter, ac sine morfu exiccant, qui ustus ulceribus ægrè cicatricem admit- tentibus, non item malignis, ac rebellibus, conducit, 4. de comp. medic. per gen. cap. 1. Significat etiam Perspicuum; Item Candens apud Hippocratem, ut interpretatur Galenus, comment. 1. εἰς τὸ ἀεὶ ἄρῃαν. Quo loco consulit Hippocr. ferramenta quæ ad alam admoventur, candentia esse oportere.

*Diaphoresis*, Διαφύρησις, Latine *Digestionem*, seu *Eva- porationem* dixeris, est, quæ humorem, qui in phleg- mone obsesâ inflammatave parte continetur, per me- tus insensibiles educit, sub specie halitus, 13. method. cap. 16. & medicamenta quæ id præstant, Διαφύρητικα, hoc est, *Discussoria*, & *per halitum digerentia*, appellan- tur. Omnia in universum desiccant, idque duplici ra- tione, aut humores ebibentia, velut & *per cutis meatus exu- gentia*, cum poris quibusdam insunt, aut totam alteran- tia partem, 5. de simplic. med. fac. cap. 5. Ea proxima sunt

sunt attrahentibus : siquidem vicinæ sibi virtutes sunt, eorum quæ in alto latent attractrix, & attractorum digestrix. Nam quæ trahunt, etiam nonnihil omnino discutiunt, & quæ discutiunt, pariter trahunt.

*Diaphrattontes membranæ*, *Διφραττοντες ὑμῶνες* dicuntur membranæ illæ, quæ totum thoracis spatium, à jugulo ad septum usque, in duos sinus, dextrum, sinistrumque dividunt ; vulgò *Mediaſtinum* vocatur ; vide *Hypozocotes*, *Cingentes*.

*Diaphragma*, septum transversum est, quod & *Phrenas*, id est, mentem appellarunt Antiqui ; quia (ut aliqui putant,) eo inflammatione affecto mens lædatur : nam multi quidem, varios ob morbos, delirare solent, sed quæ eo affecto incidunt deliria, non multùm distant à Phrenitide ; nulla enim pars, Cerebro subdita, præter septum transversum, perpetuum delirium excitat ; itaque maximus illi videtur esse cum mente & hujus sede (cerebro) consensus. A Platone *Diaphragma* vocari cœpit, id est, septum transversum : est enim musculus rotundus, obliquus, membranofus, & carnosus, medius inter partes nutritioni servientes, (quas Peritonæum continet,) & inter spiritus organa, (quæ tunica succingente concluduntur :) eamque ob rem *Diaphragma* nominatur, quòd eas partes *Διφραττει*, id est, dividat, quasi septum quoddam medium : quâ ratione Aristot. illud *Succincturam* appellat, 5. de loc. affect. 4. Majores nostri *Præcordia* nominarunt, quia cordi prætenduntur, com. 1. in 1. progn. 24. Hic musculus liberæ respirationis instrumentum, nec situ, nec formâ, ulli alteri musculo respondet : siquidem in medio caput principiumve habet, ex quo fibræ, instar linearum à centro ad circumferentiam excurrentium, in eas partes proficiscuntur, in quas ipse inseritur. Est autem suo capite membraneus, indeque paulatim carnosior efficitur. Totus admodum obliquus est, si quidem antè pectoris ossi, juxta mucronatæ cartilaginis



radicem adhærens, per spuriarum costarum extrema in lumbos duabus aponeurosis longius protenditur, itaque à prioribus partibus deorsum ad posteriora vergit. Duabus membranis tegitur, unâ inferiore à peritonæo, alterâ superiore à tunicâ costas succingente. Dicitur & in naribus *Ἀσφραγμα*, quod narium meatus dividit: *Κλων* & *σπλῆς* à quibusdam dicitur.

*Diaphihora* est corruptio ciborum in ventriculo, 2. de loc. affect. 1.

*Diapymata*, vide *Empyemata*.

*Diaria febris*, *ἐφήμερος πυρετός*, *Ephemera febris* est, quæ unicâ accessione, unoque plurimum die naturali, à solâ ferè naturâ curatur, à causâ manifestâ (ut ex irâ, insolatione, luctu, pugna) orta, 9. method. 1. In spiritibus accensam, excitant causæ, aliis febribus communes (præter spirationem, & putredinem) ira, dolor, vigilia, cura, æstivus Sol, fatigatio, Bubo, pertinax studium, cruditas.

*Diarrhœa*, *Ἀσπρῶσα*, id est, *Profluvium*, copiosior est alvi fluor, sine phlegmone, & ulceratione intestinorum, libr. finit. Per, *Diarrhœam*, vel pituita, vel bilis altera, syncera, aut invicem mista vacuatur, ab humoris copiâ, vel cruditate, quæ aut in toto corpore, aut in certâ quâdam parte sedem habet, exorta: Ventriculus enim multitudine gravatus, quam vel ipse colligit, vel ex aliis sese in eum exonerantibus suscipit, aut pravâ aliquâ qualitate irritatus, quam cruditas (quæ propriè *διάρρησις* dicitur,) invexit, τῇ *Ἀσπρῶσῃ* infestatur, præsertim si ejus orificium, supernæque partes valentes sint, infernæ autem & *πυλῶδὸς* languidæ: nam si contrâ acciderit, vomitiones pro diarrhœâ succedent, ut docet Galenus, 3. de natural. facultat. Uti autem ex ventriculo in intestinâ materiâ diarrhœæ fluit, sic etiam per venas mesaraicas in eadem portio ipsius deferitur. Cæterum humorum cruditatem cum vitiosi cibi potiusque, aëris intemperies, insue-

insuetum otium, cutis adstrictio, tum etiam febres longæ aut acutæ moliuntur, quæ & humores & ipsum corporis habitum vitiant, ut inde facile Diarrhœa excitetur. Verùm sicut ea febribus quandoque succedit, sic illas utique non minimè proritat, ex desurgendi frequentia. Quod si etiam rosio aut dolor aut calor immodicus (quæ pro qualitate humoris fluentis sentiuntur) in ventre atque intestinis sit, huic certè vel longè magis affectio febrilis increscit: sed nec solæ febres diarrhœam movent, sed etiam venena sumpta, & purgantia medicamenta, quæ intemperiem in jecinore ventriculo, aut intestinis reliquerint. Quæ quamdiu manebit alvus descendet, perque eam corrupti & putres humores, non unius quidem generis, sed varii pro ciborum differentiis, & ægrotantis in temperaturâ vacuabuntur.

*Diarrhœa in urinâ, vide Diabetes, & Canina cupiditas.*

*Diarthrosis* dicitur aliquando generatim omnis ossium compositio ad motum voluntarium comparata, apud Galenum: sed nonnunquam speciatim sumitur, estque altera τ' ἀρθρῶν, id est, articulationis differentia, quam definit Galenus esse σύνθεσιν, sive σύνταξιν, hoc est, commissuram naturalem ossium, inter se motum evidentem habentium. Eam alio nomine Hippocrates ὁμοσύνθεσιν appellat. Est autem ea ossium connexio omnino laxior, sic ut evidens, facilis magnusque motus sit, cujusmodi in cruribus, brachiis, manibus & pedibus habetur. Hujus tres differentias Galenus statuit, ἐν ἀρθρωσιν, ἀρθρωδῶν, γήσλυμον.

*Diaffermaton medicamentum* est, quod ex feminibus constat, 7. de comp. med. per gen. 7.

*Diaspoleticum medicamentum* est, cujus compositionem, cuminum, piper, ruta ingrediuntur, 2. de san. tuen. c. 5.

*Diastole*, est motus dilatationis, & elevationis arteriæ, ad substantiam quandam exterius attrahendam, quo natus totius animalis calor, cum primis aëream,

per immisſum ſpiritum refrigeretur ; quemadmodum *Syſtole* eſt arteriæ ſubmiſſio, & contractio, ut id, quod ex humorum deſtione in toto animali contractum, veluti ſumida ſuperfluitas eſt, expellatur, libr. de uſu pulſuum, cap. 3. Ut eundem uſum præſtet *Diaſtole*, & *Syſtole*, totius animalis calori, quem inſpiratio, & exſpiratio, particulatim calori Cordis, ibidem.

*Diateſſeron*, emplaſtrum, quod ex quatuor rebus conſtat, Chalcitide, Miſy, Diphyrge, Chalcanto ; 5. de compoſ. med. per gen. c. 14. *Διατεſſαρον* Græcè. *Διατεſſαρον* nomen quoque eſt potionis, quam antiqui ad coxendicis dolorem inſtituerunt continuandam toto anno. Sic dicta eſt quod quatuor medicamentorum generibus conſtet, hunc in modum : *Chamaedryos* pondo, gentianæ uncia novem, *ariſtoloſchia* rotundæ uncia novem, rutæ ſeminis ſicci ſextarius. Hæc tuſa dantur quotidie ad annum jejuno ex duobus aquæ frigida cyathis. Autor Paul. lib. 3. cap. 77.

*Diatrian piperew*, id eſt, medicamentum, triplici piperis genere conſtans, 4. de ſanit. tuen. cap. 5.

*Diatritos*, id eſt, tridui inedia, ut *Diatritarii*, qui triduanam inediam præcipiunt, 4. meth. cap. 4. cujus primus autor Theſſalus, *Διατρίτης* Græcis. Inventum eſt Empiricorum, totum autem erat in victus ratione, quam ita inſtituebant in omnibus ægris, ut primum in quarto die ipſos cibarent, poſt in ſexto, mox in oſtavo, deinde in decimo. Prima quidem cibatatio poſt primam diatriton, reliquæ alternis diebus. Sed nugæ eas & deliramenta Galenus multis in locis rider.

*Dichophya*, pilorum deſectus eſt, quando bifurcantur, lib. finit.

*Dichroma*, (*Διχρωμ* Græcè) emplaſtra ſunt, quæ & *Gilva* dicuntur, coloris ambigui, 2. de compoſ. medic. per gen. cap. 1. Neque enim particularis aliqujus medicamenti nomen eſt, ſed multorum quæ duplici

plici colore prædita sunt. Horum autem colorum rationem Galen. explicat libr. 2. ad Glauconem, de sinu differens. Ex lithargyro, inquit, & æruginè plurimum decoctis emplastra fiunt *κίρρα ἢ φάρα*, id est, fulva dicta; quibus, ubi statim reponuntur, quædam extrinsecus supereminentia fusca concrefcit, sub quâ pars medicamenti profundior, plusquam ab initio fulva videtur, propterea *dichroma* vocant, id est, bicolora: quidam verò eadem vocant, *Diprosopa*, *διπρόσωποι*, id est, bifacia, 2. ad Glauc. 8.

*Dicrotus pulsus*, *διγγορὸς σφυγμός*, seu bis feriens, est cum in diastole, quæ fit quasi recessio arteriæ non perfecta obitur, sed cunctatur, idque pro subductionis, aut inhibiti spiritus quantitate, deinde repetitio perfecta, debitæ fit contractionis, lib. finit. Estque unus pulsus, non duo (contra Archigenem) qui simulatque omnem distentionem effecit, se paulisper subducit, ac mox pulsât iterum, ut intermittentium quies media, ictus intercipiat, cujus dicroti contractio, congressus, vel reditus dicitur, 1. de differ. puls. cap. 17. qui post absolutam diastolen, antequam perfectè contrahatur, secundò tactum ferit, ut ex malleis incudem percutientibus, & postea resilientibus, apparet. Talis fit nonnunquam propter inæqualem cordis intemperiem, propter quam inter se contendunt calidæ partes cum frigidis, ut subsistere interim necesse habeant calidæ retentæ à frigidis, interim celerius frigidæ moveri à calidis attractæ. Fit etiam & cum collectus est in multis ejus partibus ingens fuliginosorum excrementorum acervus: si namque unâ contingat, ut cordis partes quædam sint præcalidæ, aliæ fumosâ fuligine præfocentur, ad contrarios prosilient motus, ut alteræ distentionem moliantur, alteræ verò ad superfluitatum expulsionem confidant, ex quâ lucta tres numero pulsus hujus differentiæ existunt, ut docet, Galen. lib. 2. de prælag. ex puls.

Didy-



*Didymi*, *ἰδύμοι*, 14. de usu part. cap. 14. dicuntur propriè fratres uno partu editi; dicuntur & testes, honestiore vocabulo, ut ait Galenus; dicuntur & *ἰδύμοι* in Cerebro, de quibus vide *Glutia*.

*Dies* apud Medicos non solùm *lucem*, sed etiam *noctem* complectitur; non id tempus tantùm, quo Sol supra terram fertur, appellantes diem; sed etiam illi tempora noctis adjacentia, 2. de cris. cap. 2.

*Difficultas intestinorum*, quæ & *Δυσεντερία* dicitur, 2. de facult. nat. capit. 9. propriè ulcus intestinorum est, ex mordaci bile flavâ, atrâ & pituitâ falsâ quam sequitur interaneorum abrasio, cùm quibus paulum cruoris secernitur, immitissimis cum torminibus, 6. de loc. affect. cap. 2. In quibus difficultatibus intestinorum, cum adhuc constituuntur, quædam corpora pingua excernuntur; post hæc autem nisi finire anticipaverint, quædam ramenta intestinorum, (ablatâ ipso- rum superficie interiore, quæ membranosa existit, & densa, illi, quæ cutem exterius contegit, Epidermidi, id est, cuticulæ appellatæ, proportionalis) post hæc autem (dysenteriam videlicet jam completâ) aliquid ex ipsâ abraditur substantiâ intestinorum: excernuntur enim partes magnæ intestinorum, quas & *carnes*, & *carunculas* vocare possumus, 4. aph. 26. Consistit autem illa interdum in crassis, aliquando in tenuibus intestinis, id quod ex cruore, & ex ipsis ramenti dijudicatur. Nam si & cruor & ramenta ita mista sunt reliquis excrementis, ut universa misceantur universis, in superioribus: si verò supernatant, in inferioribus intestinis ulcus esse ostenditur. Talis quippe propriè dicta *Dysenteria* est, nomen habens à læsâ particulâ, quam solam plerique *Dysenteriam* nominandam censent: etsi Hippocrates atque alii, non ipsam modo intestinorum exulcerationem, verùm omnem cruoris per intestina vacuationem, *Dysenteriam cruentam* nominent; nomen morbi, symptomati tribuen-

buentes, 4. de art. 40. Sunt autem excretionis sanguinis per intestina sine ulcere tres modi : unus propter boni sanguinis copiam in toto corpore aucti, qui ex venarum orificiis in intestina apertis effunditur, eo tantum differens ab hæmorrhoidum profluvio, quod in hoc venæ ani duntaxat, in illo autem secundum totam intestinorum longitudinem, perque omnes eorum anfractus, longeque ab ano venæ aperiantur. Talis *δυσεντερία αἱματηρά* appellatur, acciditque potissimum iis, quibus aliquod membrum excisum est, aut intermissa exercitatio. Secundus est, cum propter jecinoris imbecillitatem aquosus sanguis dejicitur, loturæ carniū persimilis: quod enim imbecilla sit vis ejus retentrix atque alteratrix, sanguis ejusmodi excernitur, vocatur autem ea *δυσεντερία ὑδαίνεται*. Tertius, est cum sanguis, propter bilis flavæ vel atræ permissionem acrior, venarum orificia aperit, & per intestina fertur. Hæc proprio nomine caret, & à Paulo comprehenditur sub eâ dysentericiæ specie, quam *αἱματηρά* vocant: distinguitur verò à Galeo, libro tertio, de causis Symptomatum: illam propter sanguinis copiam, hanc propter acrimoniam effici asserenti. Itaque quatuor sunt in universum dysentericiæ: una verè & propriè dicta, tres verò impropriè à symptomate, quod omnium commune symptoma sit sanguinis per alvum excretio.

*Difficultas urinæ*, vide *Ischuria*.

*Difflatio, Perflatus, & Difflatus*. Quicumque in Hippocr. placitis legitimè versatus fuerit, is demum didicit difflationem esse quam medici omnes usitato vocabulo, sensum latentem transpirationem appellant, quâ difflantur corpora vaporosa, aliam quidem talem esse, qualis vapor est, aliam autem, qualis aër siccus, atque aliam cum, quæ videri possunt, exeunt humiditates. Adversus Lycum, cap. 2. quæ Græcis, *Δόγμα Γεωργίου Αἰσχροῦ*, & *ἀδελφῶν αἰσχροῦ Αἰσχροῦ*, hoc est, per-

perspiratio, & difflatus, qui ratione comprehenditur, & transpiratio sensu imperceptibilis appellatur. Hæc corporibus omnibus toto vitæ curriculo inest, ejusque autor est calor nativus, etiamsi varia sit pro discrimine ætatum, anni temporum, studiorum, & totius, ut breviter dicam, diætæ. In quibus tamen differentiis commune hoc inest, quod calidioribus temporibus, regionibus, ætatibus, naturis, diætis non parva substantiæ nostræ portio per *Ἀπνοὴν* exhalet, ut contra in frigidioribus pauca propter cutis astringentiam. Est autem necessaria diffusio ad corrigendam qualitatem & intemperiem, quæ retentis fuligionosis & acribus excrementis necessario excitatur; eoque fit ut quibus suppressa est, eos febres facile corripiant. vide *Inspiratio*.

*Digitus*, *Δάκτυλος*, quinque sunt in omni manu. Primus, *Pollex*, quod oppositus cæteris quatuor digitis hisce æquipolleat; *ἀντίχειρ*, hoc est, Promanum, tanquam pro totâ manu esset, vocârunt; Hippocr. *μέγαν*, hoc est, *magnum* nominat, quamvis parvus sit, quia cæteri sine eo ferè inutiles sunt, apud Arist. 4. de part. animal. capit. 10. *Magnus* Galeno dicitur, non solum *viribus*, sed & *magnitudine*; nam principium pollicis, ut ait, propè radium est; adeò ut eum ferè attingat. Celso, & Aristoteli, *viribus tantum magnus* dicitur. Secundus, *λίχωνός*, *Index*. Tertius, *μέσος*, *medius*. Quartus *ὀφθαλμοειδής*, *annularis*. *Medicus* à Medicis appellatur. Quintus, *μικρός*, *minimus*, *auricularis*, omnibus aliis corpore, & viribus inferior; Singuli terna ossa continent (præter pollicem qui duo) mutuo sibi colligata, & ordine sibi succedentia, veluti in acie, unde & *φάλαγξες* à Græcis appellantur, ab aliis autem *Σκυτάλιδες*, à turmâ equitum, quam Græci *Σκυτάλιν*, vocant; Latini communi vocabulo, *digitorum internodia* dicere solent. Græci verò etiam eorum singula suis nominibus distinxerunt, à quibus

quibus primi articuli metacarpio proximi *πρωτόνδυλοι*, medii *μέσωνδυλοι*, postremi *μετακόνδυλοι* appellantur, & ab his unguium principia seu radices *ραζωνυχία*, extremi deinde digitorum fines *ῥαζες καὶ κερυφαί*, ut scriptum est à Rufo in partium hominis nomenclaturâ. Porro ima digitorum ossa metacarpio per diarthrosim alligantur, excepto pollice, cujus os infimum non metacarpio, sed carpo per diarthrosim copulatur. Ex quo quidam censent os illud non ad pollicem, sed ad metacarpium pertinere, ipsumque pollicem, uti & eos qui sunt in pedibus, duobus tantum ossibus constare. *δάκτυλος*, digitus, minima etiam mensura est earum, quibus rerum intervalla dimetimur. Hæc autem non secundum digiti longitudinem, sed secundum ejus latitudinem sive crassitudinem accipi debet. *δάκτυλοι* dicuntur quoque palmæ fructus, quos Græci alio nomine *φοινικοβελάνες*, Latini *Palmulas*, Franci *Dattas* vocant.

*Dignotio* est præsentis morbi, hujus sedis item & causæ effectricis conjunctæ cognitio, Græcis *πικνωσις* dicta. *Præcognitio* verò est futuri morbi cognitio, 3. de cris. cap. 1. *Dignotionem* autem proprio nomine denotationem appellamus, 1. progn. 5.

*Dimotio*, vide *Prolapsiones*.

*Dionysisci*, sunt ossæ eminentiæ, quæ propè tempora nascuntur; dicuntur autem *Cornua*, *Κέρατα*, detorto à cornigeris animalibus nomine. Sic dicuntur à Baccho, quem Poëtæ cornutum fingunt.

*Diplasiasmus*, id est, Duplicatio, quæ est duorum musculorum, qui ab ipsâ scapulâ excipiuntur, ad exteriora, posterioraque membrum circumagunt, quatenus ambo simul agentes, brachii circumductionem efficiunt, lib. de muscul. dissecti. cap. 18.

*Diplœ*, secunda lamina Calvariæ, 6. method. 6. & Meditullium vocatur recentioribus. Sic autem vocatur ossis calvariæ duplicata lamina, & interior ejus  
pars



pars rara & laxa, cavernosa, & mollissima, quâ ossa inter se connectuntur.

*Dipsacos*, vide *Diabetes*.

*Diprosopa*, vide *Dichroma*.

*Discessiones*, magna vulnera solet Hippocrates appellare, quæ lethalia sunt; ut vulnus in cerebro, cum ad aliquem ejus ventriculum pervenerit. 6. aph. 18.

*Discretiva*, Medicinæ pars est ea, quam *Significativam* recentiores vocant, Græci *σημειωτική*, 1. de his quæ in medic. fiunt. 1.

*Dispersus morbus*, vide *Communis*.

*Dissimulare membrum*, *heterogeneum*, seu *compositum* est, cujus quamcumque partem assumpseris animalis, toti communicans non erit nomine, nec definitione, sicut manus, & facies, libr. anatom. viv. vide *Instrumentale*.

*Dissidentias* vocat Hippocr. cùm ossa, quæ naturâ coherant, ac sese mutuò contingunt absque articulo, ob aliquam læsionem dissident à se, ac distant; ut *Cubitus*, & *Radius* in brachio ad gibbum, & ad manum; In *Crure*, *Tibia*, & *Sura*, quâ & *Genu*, & *Calci* committuntur, com. 3. in medic. 31.

*Dissolutiones* vocant, animi defectus, Græci *λειποθυμία*, & *λειποψυχία* vocant, 1. ad Glau. 14.

*Distentio*, idem est, ac nervorum convulsio; quæ est triplex; *Opisthotonos*, id est, tensio ad posteriora, *Emprosthotonos*, id est, tensio ad anteriora, & *Tetanos*, id est, æqualis tensio, 4. aph. 57. Qui *Tetanus* est per universum corpus nervorum convulsio. 3. de loc. assert. 10.

*Distorsiones* sunt, cùm vel à suâ sede dilabitur aliquid in exteriorem corporis partem, vel introrsum in inanitatem aliquam prolabitur, ut in naribus, si in exteriorem partem, aut os, aut pinnula earum abiit: & contrâ memoratæ partes si in foramen descendunt, introrsum distorsio fit, 2. de iis quæ in medic. 33.

*Diure-*

*Diuretica pharmaca*, Διουρητικὰ φάρμακα, medica-  
menta sunt, quæ ad ciendas urinas accommodantur,  
quæ & *Vretica* dicuntur, 11. meth. 16. & 5. simpl. 20.  
Quæ duûm sunt generum; aliqua enim mediocriter  
id præstant, ut *Eccathartica*, id est, poros expurgan-  
tia, quia calida & tenuium partium; alia vehemen-  
tius, ut quæ plurimùm movent urinam, quæ acio-  
ra sunt, multoque magis, siccant, & excalesciunt,  
prioribus. Cujus generis sunt semen apii, petroselini,  
fæniculi, dauci, smyrnii & quæcumque lac augment, &  
menses movent, quod ab his sanguis non modò ex-  
tenuetur, sed fundatur etiam atque secernatur. Si-  
quidem quò facilitè ad se attrahant renes quod in san-  
guine aqueum, tenue & serosum est, hæc duo moliri  
oportet; primum totius sanguinis fusionem, deinde  
segregationem, quorum neutrum absque valido calo-  
re fieri potest. Calori autem adjunctam esse oportet  
siccitatem, quod humiditas acrimoniam retundat in  
ciendis urinis necessariam.

*Diuturnus morbus* est, quicumque acutorum ex deci-  
dentiâ, terminum prætergreditur, quem nunc quadra-  
gesimum, nunc sexagesimum diem Hipp. facit. 2. de  
dieb. dec. cap. 12.

*Dodecadactylon*, sive *Duodenum intestinum*, δώδεκα-  
δάκτυλον, primum est intestinorum fundo stomachi  
alligatum, à longitudine duodecim digitorum sic ap-  
pellatum, 6. de anat. adm. cap. 9. Quod quidam non  
dignantur vocare intestinum, priusquam in anfractus,  
orbisque convolvatur, sed ipsum ἐκφυσιν, id est; pro-  
ductionem simpliciter, vel cum appendice productio-  
nem duodecim digitorum, ἐκφυσιν δώδεκαδάκτυλον no-  
minant, primumque intestinum in ordine dicunt esse  
jejunum, ibidem, cap. 12. Hoc idem Duodenum, vo-  
cant *Portinarium*, sive *Ianitorem*, lib. de anat. viv. In  
id meatus inferitur, à vesicâ bilem continente, per  
quem ea in ipsum expurgatur.

L Dolor,

*Dolor*, ὀδὴν, tristis sensus est, ut voluptas blandus, 2. de loc. aff. 2. Propriè dictus dolor non morbus est, sed symptoma. In sensu omnis consistit: est enim ejus fons & radix sensus, neque potest contingere nisi in partibus sentientibus. Contingit autem omnibus sensibus. Est autem doloris, qui per sensus omnes fit causa duplex, una communis, altera cujusque propria. Communis est violenta & celeriter facta alteratio & corruptio: quod enim sensim & paulatim fit, sensum latet. Propria verò in unoquoque sensu est, in tactu quidem magnæ mutationes à frigidi calidique violento contactu: namque humidum & siccum, si absint calefactio & refrigeratio, citra violentiam corpus contingunt: præterea ab iis, quæ quassandi, secandi, distendendi vel exedendi vim habent: hæc enim omnia vel substantiam divellendo, vel distrumpendi corporis periculum adferendo, dolorum causæ sunt, qui si per inflammationes fiat affectus, atque in corporibus sensibilibus, vel per se, proprio, & primario affectu, in arteriis, vel reliquis partibus sensibilibus omnibus per consensum, eò quod à vicinarum contactu preman-  
tur, *Pulsatorius*, sive *Pulsativus*, σφυγμώδης ἢ σφυγμα-  
τώδης, dicitur, 2. de loc. aff. 3. Si verò in aliquo visce-  
rum, circumambiens membrana, per quam nervus di-  
spergitur, à tumore præter naturam extendatur, ita ut  
gravitas quædam sentiatur, dicitur *sensus*, sive *dolor*  
*gravis*, βαρὺς, aut *gravitatus*, ibid. cap. 4. qualis fit cal-  
culo majore in parte renum carnosâ impacto, aut eâ  
phlegmonem patiente: similiter & jecinoris parte  
carnosâ inflammatâ. Accidit & capiti, humorumque  
copiam simpliciter significat. ὀξύς acutus est & pun-  
gens, finitimus punctorio, cum ceu acu aut terebro  
perforante aut palo impacto, pars divelli videtur, ut  
crassum intestinum in colico dolore Galeni, à pituitâ  
vitreâ facto, & in quibusdam cephalæis, & à calculo  
præcipuè inæquali, acuto. Si autem partes inflammatae  
sunt,

sunt, unico doloris modo vexantur, tensivo, *τενάζων*, sive extensionis. Qui verò in membranis sit ipsius affectus veluti radiæ, eo loco fixa, ubi membrana pun-  
gitur, qualis est in morbo laterali, *dolor punctorius* *ρυγματοειδής* dicitur; ibid. cap. 5. Si nervis ipsis primò accidat, dicitur *dolor νευρικός*, *stupidus*, 2. de loc. affect. cap. 2. Quod si in lateribus spiritus quidam flatuosus procreatur, qui tùm extenuatus, tùm discussus dolo-  
rem sedat, deinde rursus procreatus alter, dolorem au-  
geat, *dolor ξηρός*, *rarus* dicitur, com. 1. in 1. prorrh. 22. Dolores autem ulcerosos, tum Medici, tum Gymnastæ vocant, eos, per quos, inter movendum, vel tangen-  
dum, lassatas partes, sensus veluti ulceratarum partium *ἐλκώδης*, percipi solet, 2. de loc. aff. 7.

*Dorsum*, quod Græci *Νῶτον* & *Αντίστεγον*, & *Μετέ-  
σπον*, appellant, est omnium vertebrarum, quos *Spon-  
dylos* vocant, compactarum basis velut & fundamen-  
tum. Nonnulli tamen ex recentioribus Medicis, non  
totam vertebrarum structionem, *spinam* appellandam  
censent, sed circa thoracem tantum, & lumbos, non  
circa collum, 3. de art. 1. Aristoteles verò, 1. de hist.  
animal. *Dorsum* dicit esse totam posteriorem corporis  
partem, ab occipite usque ad extremum Coccygem,  
triginta quatuor vertebris (si modò ossis sacri partes,  
vertebris annumerentur) compactam; quod dorsum  
conficiunt, collum, thorax, lumbi, os sacrum, & coc-  
cyx, in quo costæ, velut in carinâ trabes, connectun-  
tur, totumque corpus stabiliunt. Sed aliter Galenus,  
lib. de ossib. c. 7. his verbis; Spina est tota connexio,  
viginti & quatuor vertebrarum, à Capite usque ad Os  
sacrum, ita ut septem primæ à Capite vertebræ Col-  
lum, sive Cervicem constituent; duodecim quæ se-  
quuntur, Dorsum, cui à parte anteriori respondet pe-  
ctus, quinque reliqui lumbos, Os in quod omnes ver-  
tebræ finiuntur, *sacrum*, vel *latum* dicitur, sive etiam  
*Os magnum*, 12. de usu part. cap. 12. vide Spina.



*Dothien*, Δοθίων, id est, *Furunculus*, 2. meth. 2. Id nomen, ait Galenus, nec locum affectum repræsentat, nec causam, quæ ipsum efficit. Significat autem tumorem δῶς ημεῶν τῶν, ex crassis humoribus in carnis plerumque partibus consistentem, mitem quidem cum solam cutem occupat, sed pervicacem ac malignum, ubi subter ætis radicibus erumpit. vide *Furunculus*.

*Dracunculus*, Δρακόντιον, est ulcus partis propinquæ, ipsius nervi dilatationis, sic dictum, quod nervus movendo corpori destinatus in id ulcus recedat, in eoque quasi occultetur, lib. finit. Aëtius ex Leonidâ, *Dracunculum* lumbrico similem esse dicit, interdum magnum, aliàs parvum reperiri, & frequentius quidem in cruribus, aliquando verò & in brachiorum musculis oriri & consistere; nasci autem in Æthiopîâ atque Indiâ, maximè pueris, lumbricis latis non absimilem, moverique sub cute sine molestiâ, sed temporis progressu circa *Dracunculi* extremitatem suppurationem fieri, cuteque apertâ *Dracunculum* caput exerere. Quem si quis tentet attrahere, dolorem ingentem moveri, præsertim si eum abrumpi contigerit: quod enim intus relinquitur, acerbissimos dolores excitare: proinde ut ne intro animal recurrat, valido filo brachium constringi oportere, idque quotidie agendum esse, ut *Dracunculus* paulatim progrediens integer excludatur. Verùm Soranus, ut refert ex eo Paulus Ægineta, non existimat animal esse, sed nervosam quandam substantiam, quæ opinionem motus solùm præbeat. Sed quid reverà sit, nemo Medicorum explicare potest, qui Europam incolunt: posse tamen animal esse ratio nobis dictat, cum non modò in ventriculo atque intestinis creari, verùm etiam ex cute erumpere, tum pediculos, tum majora quandoque animalia, comperitissimum habeamus ex historiis.

*Drimea medicamenta*, id est, *Acria*, quæ cacoethiam humo-

humorum extinguunt, libr. de dynam. in procemio. *Δεσμός* acre, id dicitur quod linguam mordet, & cum multâ caliditate erodit: Sunt enim omnia acria valdè calida & tenuium partium: proinde vehementer calfaciunt, incidunt, digerunt, aperiunt, purgant, irritant, atque ad excretionem impellunt. *Δεσμός*, acrimonia, qualitas est gustatilis, iisdem facultatibus prædita.

*Dropax*, *Δροπᾶξ*, est medicamenti forma quædam, interdum liquidioris, in modum malagmatis, interdum siccioris, emplastri modo, prout usus exigit; cuius materia eadem est, quæ *Acopis*, & *Emplastris* debetur. Est autem *Dropax* duplex, simplex alius, qui & *πίσσωσις*, hoc est, *Picatio*, appellatur, solâ pice aridâ, oleo liquatâ constans; quæ dum calet cuti illinitur, & prærasis locis agglutinatur, & antequam omnino refrigescat, avellitur. Deinde rursus ad ignem calfacta reponitur, & similiter priusquam frigescat, avellitur, & tertio quartoque vel sæpius etiam id repetitur. Convenit frequentibus vomitionibus, & cruditatibus, & cæliacis affectionibus, & reliquis partibus alimentum non sentientibus. Maximè verò antè synapismum adhibetur ad corporis præparationem, & post synapismum etiam, ut reliquiæ morbi evellantur. *Dropax* verò compositus est, cui præterea adjiciuntur alia ad diversos usus, ut ad excitandum calorem, piper, pyrethrum, semen rosmarini, bitumen: ad desiccandum verò, sulphur vivum, sal, cinis sarmentorum: ad lancinandum verò *Limnestis*, quæ & *Adarce* vocatur, aut *Euphorbium*. Hæc enim trita liquefactæ pici insperguntur, aut alia etiam ejusdem facultatis. Si vires ægri imbecillæ sint, liquidior fieri debet in formam malagmatis, & præradi pili in loco cui adhibebitur, & paulatim postea avelli. Sin valentes sint, emplastri, modò præparandus est, & non derafis pilis admovendus, confertimque avellendus, nisi fortè

capiti aut mento, aut pubi applicandus esset. Sic enim plus habet efficaciam, spiritumque remissum magis firmare potest, & ad superficiem magis revocare, humoresque attrahere ac discutere. Sed & medicamenta depilatoria *ψιλάωρα* propriè dicta, Dropaces appellantur, ut constat ex versibus Martialis, lib. 10.

*Lævis Dropace, tu quotidiano,  
Hirsutis ego cruribus genisque.*

Fortè quod solâ pice constarent in oleo liquatâ, ut & Dropaces.

*Duodenum*, vide *Dodecadaetylon*.

*Dura mater*, vide *Membrana dura*.

*Dura ulcera*, quæ Græci *ὀχράδα*, id est, *Verrucosa ulcera*, vocant, sunt, quæ callum contraxerunt, & prætumidas ac duras oras habent, 4. de comp. med. per gen. cap. 12.

*Durum*, *σκληρόν*, Medicis est, quod repletionem largitur, & superfluo humore, aut vapore in partem aliquam affluente, tactui renititur, nec cedit spontè (aliter ac Philosophis) & propterea quod ita durum est, propriè *ἀντίτυπον*, hoc est, *renitens*, appellatur.

*Durum pulsus*, vide *Mollis*.

*Dysæsthesia*, id est, sensus difficultas, est vitium actionis sensitivæ, diminutæ, lib. de symptom. diff. cap. 2. *δυσαισθησία*, sed *δυσκίνησία*, non modò difficultatem motionis, sed etiam immobilitatem significat, ibid.

*Dyscrasia*, Intemperies, est mistio inæqualis quatuor primarum qualitatum; ubi enim illæ ita coierint, ut earum pares sint vires & portiones, temperamentum emergit exquisitissimum, quod cæterorum omnium norma est; ab eo quodcumque desciscit, intemperies dicitur; tunc enim aliqua qualitas exsuperet, necesse est, vel duæ. Itaque cum quatuor sint ex quibus temperamentum illud exquisitissimū, & ut ita dicam temperatissimum absolvitur, singulorum excessu simplices qua-

quattuor intemperaturæ sunt, calida, frigida, humida, sicca: & totidem compositæ, calida humida, calida sicca, frigida humida, frigida sicca. Nec verò singularum modus unus est, & una ratio, sed immensa omnino latitudo, adeò ut intemperaturarum infinitæ propemodum habeantur differentiæ. Nec tamen omnes ejusmodi intemperies morbosæ sunt, sed plurimæ contra salubres, quæ videlicet intra limites sanitatis consistunt. Quum enim omnis actio à partis temperamento proficiatur, & varii prorsus generis actiones esse oporteat, multiplices quoque temperaturas esse oportuit, quæ non simpliciter, sed ad justitiam temperamenta appellantur. Non aliud autem ad justitiam significat, quàm prout cuique parti expedit. Itaque in singulis partibus primarum qualitatum etiam inæqualis mixtio, quoniam secundum naturam est, non dicitur intemperies, etiamsi reverà intemperies sit, sed temperamentum, quamdiu scilicet naturæ modum non excedit: cùm verò excessit planè absolutèque, intemperies est, & jam morbus aut morbi causa evadit. Est & præter istas alia intemperiei differentia, per quam æqualis aut inæqualis dicitur. Æqualis quidem est, quæ in omnibus intemperanter affecti corporis partibus æqualiter solaque inest. Ea enim ita inducitur, & occupat corpus, ut depulsâ naturali temperie sola in corpore dominetur: neque enim ea in fieri est, ut ajunt, sed in facto esse. Itaque in habitum transit, & evadit, veluti altera natura acquisiticia, & priori contraria, neque ullo dolore molesta est. Ejusmodi intemperies in febre hecticâ esse perhibetur. Sicut autem in toto corpore, sic & in unâ certâ parte corporis contrahi potest. Intemperies verò inæqualis dicitur, cùm idem corpus simul & calidius, & frigidius, aut humidius, simulque siccius quàm pro naturali habitu redditur. Ea in fieri est, eamque ob rem dolore non vacat, & aliàs in toto animalis corpore sit, aliàs in unâ



quâlibet parte, idque vel cum fluxione, vel absque materiæ affluxu. Galen. Dicitur etiam inæqualis intemperies quando singulæ corporis partes non sunt similiter intemperatæ, sed varias sortitæ sunt intemperaturas. Cumque corpus totum interperatum sit, non tamen unicâ intemperies dominatur in toto corpore, sed plures in singulis partibus.

*Dysenteria*, vide *Difficultas intestinorum*.

*Dysepulota*, vide *Cacoëthe*.

*Dyspathia*, hoc est, ad patiendum difficultas, 1. de usu par. cap. 15.

*Dyspepsia*, est depravata alimenti concoctio, sive alimentî corruptela Symptoma est actionis naturalis coëctricis depravatæ: quam libuit eo nomine appellare, sicut debilem *βραδυψία*, prorsusque abolitam *ἀνψία*; depravatur autem cum alimenta in qualitatem à naturâ alienam alterantur. Ea gemina statuitur, *κνισαδύς* & *ὀξυαδύς*, hoc est, nidorosa & acida: hæc frigidis, illa calidis de causis provenit, vide *Concoctio*.

*Dysphonia*, id est, vocis difficultas, ut *Aphonia*, ejusdem abolitio, de sympt. differ. cap. 3.

*Dyspnœa*, difficultas spirandi, vel inordinata spiratio, 2. meth. 2. & 1. de differ. respir. cap. 1. *Δύσπνοια* symptoma est læsæ respirationis, commune orthopnoicis, pleuriticis, peripneumonicis, synanchicis, & aliis plerisque malè affectis, à quo ægri *δυσπνοῖν* appellantur.

*Dyslherapeuta ulcera*, id est, curatu difficilia, 6. de comp. med. per gen. cap. 1.

*Dysstichia*, est alterius pilorum ordinis in genæ margine exortus, præter naturam, lib. finit.

*Dysthymia*, id est, mæstitia melancholica, sive animi mæror, 6. de loc. aff. cap. 1.

*Dysuria*, *δυσουρία*, est urinæ vel difficilis saltem & debilis, vel cum dolore solo, sive dolorosa simul & languida excretio, 7. aph. 48. Hujus quæ cum dolore fit causas,

fas, recenset Galen. inflammationem, abscessum, exulcerationem, inæqualem intemperiem, & spiritum flatulentum. Illius verò quæ cum difficultate, aut facultatis imbecillitate, aut tumorem præter naturam. Ab his enim causis fit, ut cum mejere æger cupiat, non statim urinæ excretio sequatur, sed magno cum conatu atque etiam aliquando dolore. Iis autem duobus exceptis symptomatis urina naturalem excretionis modum servat, neque intercise fluens, neque guttatim, neque maturius, quam naturæ, conveniat, vide *Ischuria*.

*Dytrachifis oculi* morbus est, cum pilis naturalibus alii subnascentes, ipsum pungunt, fluoremque concitant, lib. Introd. cap. 15.

## E.

**E**CBOLIA, Εκβολή, pharmaca, id est, abortiva medicamenta, quæ abortum faciunt, quæ & φθελια appellantur; eadem & foetus demortuos extrahunt, vide *Abortus*.

*Eccathartica*, quæ & *Ecphractica*, vide *Rhyptica*.

*Ecchymoma*, Græcè Εκχύμαμα ἢ Εκχύμωσις, id est, fugillatio, est affectio circa cutem, cum, tenuibus in ipsâ venis contusis, sanguis per fissuras effunditur, nondum in grumos coactus, sed postquam per Persultationem, 1. Diapedesin, effusio ipsa facta est, contingit sanè aliquando, ubi ita coierit temporis progressu eundem livescere, & denigrari, parvis nimirum grumulis, ex disperso in multas cutis partes sanguine, coactis, 2. de comp. med. loc. c. 1. & 4. meth. 1. Eandem vocat *Ecchymosin*, solutionem continuitatis cum contusione, & ruptione conjunctam. Generatim verò Hip. solitus est vocare *Ecchymoses*, ex vasculis sanguinis effusiones, & inanitiones, & alio nomine ναυσίωσιν, com. 2. in 9. de morb. vulg. 9. Quæ effusio, in phlegmone quoque fit à causâ internâ, ubi sanguis è vasis effunditur,

1. 2. 3. 4. 5. 6. 7. 8. & tu-

& tumor excitatur, tactu mollis & cedens; distinguit tamen Galen. 6. aph. 20. *Phlegmonen* ab *Ecchymosi*, quod in phlegmone sanguis per musculorum cavitates, solâ ratione contemplabiles secundum minimas sui partes effunditur; In *Ecchymosi* verò in spacia effluit, quæ venis adjacent. Species *Ecchymomat*is sunt, *Hypopion*, & *Hyposphagma*, ὑπόπιον καὶ ὑπόσφαγμα, & sanguinis ad ungues concursus ex plagâ. Atque id quidem propriè significat ἐκχρημασις, vide *Unionis* solutio.

*Eccope*, ἐκκοπή, *Excisio*, divisio est Calvariæ, quæ os offensum refractum est, libr. finit. Inde *Εκκοπευτικά*, medicamenta imbecillia sunt, quæ movendi tantum stercoris, & ea, quæ in spaciis intestinorum primæque regionis viis continentur, dejiciendi vim habent, non etiam ex alto attrahendi, & humores evacuandi. In eo genere Galenus aloën collocavit. Dicitur δὲ τὸ τῆς κόρης.

*Eclegma* (Gæcis ἐκλειγμα, ἢ ἐκλεικτὸν φαίγραμμα) medicamentum est per sputum evacuans, quæ in faucium partibus, phlegmone obsessis, uti etiam in aliis partibus spiritalibus, continentur, 4. de rat. vict. 20. ori enim inditum, sensim liquefcit, & deglutitur, ad pectoris, & pulmonis vitia; quod & alio nomine vocatur *Arteriacum*, ἀρτηριακόν, diciturque δὲ τὸ τῆς λείχης, id est, à lingendo. Arabes vocant *Looch*, Paulus verò, lib. 4. cap. 57. nomen hoc tribuit medicamentis, quæ devorantur ad lumbricos enecandos, vide *Arteriace*.

*Ecpbraxi*, id est, pororum apertio, & reclusio, ri. meth. cap. 13. Inde *ἐκπρηκτικά* medicamenta vocantur, quæcunque obturatione & obstructione ægrotantes liberant; facultate nitrosâ, & amarâ; opposita emplasticis medicamentis, quorum est meatus obducere, & obturare, 4. de comp. medic. loc. cap. 1. quæ dicuntur alio nomine *Eccathartica*, ἐκκαθαρτικά.

*Ecpbysis*, id est, exortus, seu processus alicujus ossis, *Eclisis* virium. i. *Syncope* vel

vel intestini, vel visceris, 2. de anat. adm. cap. 5. sed sine adjectione prolata. Ecphysis est illud spacium, quod est medium inter intestinum jejunum, & fundum ventriculi, carens circumvolutione, lib. 1. de usu part. cap. 3. Sunt verò & qui non totum eum processum ἐκφυσιον appellandum censent, sed ipsius tantum orificium, quo dependet à ventriculo. Cæterum ad hoc intestinum meatus deferitur, qui bilem ipsam ex hepate in ipsum dimittit. In osse autem dicitur idem quod ἐπίφυσις. Vide Dodecadactylon.

*Ecphysesis, Efflatio, sive Exsufflatio*, est exspiratio copiosissimi aëris confertim facta, 2. de motu mus. Græcis ἐκφύσεσις, ἢ ἀπρόα τῷ πνεύματι ἐξω φερεῖ; Ejus opifices sunt musculi omnes intus inter costas siti, adjuti etiam iis qui ad thoracem perveniunt ex scapulis & dorso, atque aliis etiam magnis, qui in epigastrio habentur: efflationis enim gratiâ eos factos esse Galenus docuit, lib. 4. de usu part. Propria est vocis materia, neque vox citra eam fieri potest; differt à simplici exspiratione, tum violentiâ, tum musculis, à quibus efficitur, 4. de usu part. nam & paulatim exspiratio fit à solo septo transverso, 4. de loc. aff.

*Eclipsis*, est subitus & vehemens timor, ἐκπληξις, cujus oppositum *Pericharia* dicitur, περιχάρειαν Græci vocant, quasi *excessum gaudii* dixeris; Scimus autem amborum occasione, plures subito periisse, 12. method. cap. 5. Multi syderationem & tabem interpretantur, Galen. comm. aph. 14. libr. 7. ἐκπληξιν esse scripsit, cum quis ex morbo nec loquitur, nec quicquam agit, sed apertis oculis quietus manet, veluti præ timore attonitus, quo loco obstupescencia ab interprete vertitur.

*Eclipsma, ἐκπίσµα*, calvariæ in multas partes fractio, simul ubi intrusæ ossis partes in imum decubuerint, ac meningem membranam innixu suo premant, lib. finit. Est, inquit, affectio, in quam profundius



dius fracta officula descendunt, & membranam Cerebri comprimunt. Significat & ἐκπίεσμα apud Medicos rei cuiusque retribuentum, quod expresso ab eâ succo superest, nec id tantum, sed etiam sæpenuerò succum ipsum, ut cum dicitur μυροβαλάνς ἐκπίεσμα, sive quod idem est, μυροβαλάνς πίεσμα, quod & ἀπόθλιμμα & μείγμα appellatur. Sumitur in eâ significatione apud Diosc. lib. 4. de glande unguentariâ. Unde *Ecpiesmus*, ἐκπίεσμός, est totius oculi prolapsus extra suam cavitatem, ut prominens appareat. Differt à *Proptosi*, πρόψις, hoc est, à procidentia, quod in hac Uvea tantum tunica, in illâ totus oculus foras erumpat, præsertim iis, qui strangulantur, Athleticis, & fœminis, quæ præ dolore partûs vehementius distenduntur, aut fluxionibus à capite in oculos tentantur. Avicenna oculi exitum & egressionem vocat. Id malum intellexit Celsus, cum ait, nonnunquam ingentem inflammationem tanto impetu erumpere, ut oculos suâ sede propellat.

*Ecpyema*, ἐκπύημα, dicitur ab Hippocrate, copiosissimi puris collectio, tumore aliquo, p. n. phlegmonoso, pleuræ cumprimis suppurato, & hinc concocto, ἐκπύειν, ad suppurationem perducere significat.

*Ecrhythmus* pulsus est pulsus arrhythmus, qui nullius ætatis, naturæ, temporis, aut reliquorum rhythmum retinet, vel, ut ait Paulus, qui omnem prorsus eurythmiam evertit. Tertia species est pulsus arrhythmi, 1. de diff. puls. cap. 9.

*Ecstasim melancholicam* mentis motionem, aberrationemque intelligimus vehementem, & ferinam, quæ irrigante Cerebrum astatâ flavâ bile oritur, com. 1. in prorrh. 14. Vigiliis habet conjunctas, atque ideo comati contrariam esse, Galenus scribit. Ea non est, quam plerique interpretantur abstractionem mentis à corpore, ad contemplanda cœlestia, quam alio nomine

mine ἀναγωγὴν appellant. hæc enim morbus non est. ἀνασταλὴ δύναμις dicitur facultas quæ vim habet abalienandi animum, qualis est in hyoscyamo, coryandro viridi, & ephemero.

*Echlimma*, est exulceratio, quæ in summâ cute ex compressione violentâ nascitur, 2. de fract. Græcè item ἐκθλίμμα dicitur.

*Echymata*, ἐκχύματα, cutis velut efflorescentiæ, papulæ sunt per summam cutem erumpentes, ab humoribus superfluis, falsis, & tenuibus, ideo in cute leviter extuberant, quod tenues humores exulcerationem potius, quam tumorem insignem procreant. Dicuntur & alio nomine Græcè ἐξαιθήματα, ejus generis sunt, tum quæ per febres ardentes exeunt, tum Variolæ vulgò dictæ, & Morbilli. Sic autem dicuntur διὰ τὴν ἐκθύειν, quod significat ἐξορμαίν, hoc est, impetu ferri, & erumpere.

*Ectrosis*, ἐκτρίσις, luxatio, hoc est, ossum à propriâ sede amorio, & divulsio, citra fractionem; nec verò id modò significat, sed etiam, ἐξάρθρωσις, sive ἐξάρθρωμα, apud Hipp. ut notat Galen. in initio libri de articulis; cujus luxationis causa alia est externa, id est, vis omnis quæ articulum loco dimovere potest; alia interna, estque humoris defluxio articulum præcopia, vel mollitiæ loco propellentis. Est autem duplex omnis luxationis differentia, una sursum, cum à musculorum contentione articulus ad supernum locum trahitur: altera extrorsum, cum in partem anteriorem aut posteriorem, dextram aut sinistram emotus transit. Omnis autem ejusmodi luxatio aut simplex est aut composita. Simplex quidem est cum luxationi nihil insuper accessit, non ulcus, non osis denudatio aut fractio. Composita verò est, cum præter luxationem aliquid eorum accessit.

*Ectropion*, est suppullulatio carnis in genâ, quæ genam ipsam suâ gravitate foras convertit. Causa est genæ

genæ evertendæ, vel caro adnascens, vel resolutio, vel cum cicatrix inducitur, libr. finit. Sed alibi Ectropion, inquit, est, inversio, palpebrarum vitium, cum exulceratis oculis, plûs extrâ feruntur, libr. Introd. cap. 15. Est autem affectus solius inferioris palpebræ oculum contegentis, ita inversâ, & retractâ deorsum, ut parum sursum attollatur, sed pendeat, & hiet, neque ex toto oculum integat. Quod vitium, si palpebræ superiori acciderit, *καταφθλμον* dicitur, quod vitium naturaliter contingere potest; Ectropion verò non nisi à causâ præter naturam, à cicatrice, carnis excrescentiâ, relaxatione, medicamento, futurâ, vel uestione inartificiosâ, vel à senectute summâ dependet.

*Ectrosmos*, apud Arist. 7. de hist. animal. sunt abortus, & imperfectorum fœtuum corruptiones infra diem quadragesimum factæ; quæ verò intra septimum diem fiunt, non *ἐν τρωσμός*, seu abortiones, sed *ἐκρῶσις*, id est, effluxiones vocat idem Philosophus.

*Eczemata*, sunt pustulæ ardentes, & fervidæ, dolorem cientes, citra saniem; ingens enim fervor, omnem materiam absumit, Græcis *ἐκζεμα*, & *ἐκζέματα*, Latinis *Carbones*.

*Efflationes*, sunt magnæ, & vehementes spiritus expulsiões, quæ per eadem instrumenta fiunt, per quæ tussis, & tussiendo efficiuntur, quæ & *efflatu* dicuntur ab expiratione, quæ sine strepitu fit, copiâ & velocitate motûs differentes, 2. de motu musc. cap. 8. & 2. de sympt. caus. cap. 4. vide *Ecphysefis*.

*Efflorationes*, sunt ulcerationes factæ in superficie & corporis ambitu, subrubræ, & asperæ, de medic. fac. part. cap. 5. quas, si noctu enascantur, *Epinyctidas* vocant, libr. de tumor. cap. 15. & 2. meth. 2. quas Celsus vocat pustulas pessimas, colore sublividas, & subnigras, albas, suo humori similes, magnitudine fabam non superantes, cum vehementi inflammatione, & dolore, ex quibus adapertis sanies effluit, & exulceratio mucoſa

mucosa intus retenta: Paulus, & Aëtius dicunt esse ulcuscula sponte nascentia, phlyctænis similia, subrubra, ex quibus cruenta sanies effluit; utrumque verum est, & pustulas, & ulcuscula esse.

*Effulgescentia*, quas Græci *ἐπιλάμψιας* vocant, Hipp. præsertim significant morbum puerorum proprium, aut certè perquam familiarissimum, id est, Epilepsiam, com. 1. in 6. de morb. vulg. 5. Nonnulli hoc nomen interpretantur mutationem temperamenti ad calidius & siccus: hoc enim ætatis progressu velut flamma effulget. Alii verò interpretantur corporum perfectionem, quod juvenes per ætatem evadant canosiores, magis adulti, colore formæque gratiores, & viribus ingenioque præstantiores, ut quodammodo fulgere videantur. Verum lib. 6. τῶν ἐπιδημ, alii non *ἐπιλάμψιας*, sed *ἐπιλήψιας* scribunt, aut *ἐπιλάμψιας αἰτὶ τῶν ἐπιλήψεων* interpretantur, ut annotat Galen. comm. 1. in eum librum.

*Effusio*, vide *Contusio*.

*Effusa* & *Nigrores* fiunt, sanguine à venis effuso sub cutem, nunc per tunicas contusas, nunc verò in finibus referatas, lib. de tumor. cap. 10.

*Elcos*, Latine *Ulcus*, solutio continuitatis est in omnibus corporis partibus, (præterquam in solo osse) ab internâ causâ, humore scilicet vitioso, acri, & erodente, particulæ, cui incumbit, continuitatem (sive ea caro sit, sive cutis, sive cartilago, sive membrana) solvens. Id autem vitii, ubi in os incidit, *πρηδὼν*, sive *Caries* appellatur. Aliquando verò Hippocr. ulceris nomen ad omnem morbum dolorificum extendit, continui solutionem eo nomine significans. Neque enim ut arbitror, indita adhuc fuerant nomina *θεαύματος ῥήγματος*, *θλάσεως*, *ῥαγμῆς*, *ῥήξεως*, & reliqua quibus recentiores Medici solutæ continuitatis differentias designaverunt.

*Elementa*, *τοιχῆα* Græcis, apud Medicos sunt calidum,



dum, frigidum, humidum, siccum, ex quibus, homo primis velut, & simplicibus, minimisque ex corporibus est constitutus, & in quæ ultima apparentia, & simplicissima, ac minima, resolutionem capit, libr. finit. Adhuc *elementum* appellatur minima pars ejus rei, cujus est elementum; omnium autem corporum, quæ gignuntur, & corrumpuntur, quatuor sunt elementa, Ignis, Aër, Aqua, Terra; ut minimum intelligatur id, quod minimè divisionem suscipere potest, 8. de placit. cap. 2.

*Elephas*, (qui & *Elephantiasis* dicitur) morbus est, in quo naturalis facièi figura mutatur, resimatur nasus, labra crassa fiunt, extenuantur aures ad Satyrorum effigiem, libr. de caus. morb. cap. 7. ex sanguine melancholico primam generationem habens, quam affectionem cum incipit, *σαλυσίασιν* nominant, tum à genarum rubore, & facie Satyris persimili, tum propter inexplebilem & impudentem coeundi libidinem. Aliqui verò osseas eminentias, quæ in temporibus fiunt, sic vocant. In aliis autem partibus quoque fiunt tales ossium eminentiæ, quas *exostoses* vocant, libr. de tumor. cap. 14. *ἐλεφας καὶ ἐλεφαντίασις*, universi corporis cancer est, qui nullam omnino admittat curationem. Id nominis nactum est hoc malum, quod in eo cutis corio Elephantum persimilis videatur; nam maculis quibusdam ad atrum colorem vergentibus inficitur, atque inæqualiter aspera, crassa, ac veluti squamis foeda, livens, ferinaque redditur; Nec Elephas quidquam (apud aliquos) à leprâ Arabum differt. Vocarunt & veteres morbum hunc *ἡράκλειος*, hoc est, Herculeum, quod nullus eo major sit & violentior. Nam morbo ingravescente, primum quidem stupet cutis, deinde sensum prorsus amittit, ut ne acu quidem compuncti dolorem sentiant, aut fervente aquâ affusâ urantur.

*Elminthes*, *ἐλμυνθες*, *lumbrici*, animalia sunt in humano

mano corpore genita, cum primis in intestinis, five in auribus, five in vesicâ, five in ventriculo, interdum etiam in sordidis ulceribus, quos Græci σφάλῃες vocant; sunt autem trium generum; primi generis sunt *teretes*, seu *rotundi*, à figurâ, quæ est secundum crassitudinem, longitudine aliquando palmares, sæpè longiores, quos vocant ἑλμινθας στρογγύλους, in gracilibus plerumque intestinis consistunt, & ventriculum subeunt, ideoque sæpè per os ejiciuntur, quibusdam & naribus redduntur, ut plurimum consistunt cum febriculâ, atque hoc genus pueris infantibus, & pueribus peculiare est. Alterius generis sunt qui *lati* vocantur, ἑλμινθα πλατέϊαι, aliquando *κειρίαι*, hoc est, *Insitias*, à similitudine, quam cum insitis obtinent; insitar enim harum lati sunt, & longi, aliquando *τανίας*, id est, fascias vocant, quod fasciarum effigiem suâ latitudine, & longitudine, referant. Plinius lib. 11. cap. 33. tradit tricenûm pedum *tænias* ventris aliquando *vi-fas*, interdum plurium. Tertiî generis lumbrici sunt, qui *Ascarides* nuncupantur, breves ac tenues, parvis vermibus similes, qui in extremo intestino reperiuntur; & musculi spinâteris initio, qui glomeratim in multas phalanges compacti, per sedem dejiciuntur. Omnes lumbrici in intestinis nascuntur ex crassâ lentâque pituitâ frequentibus cruditatibus collectâ. Animantur autem à plurimo calore nativo. Itaque pueri quam adulti lumbricis sunt magis obnoxii.

*Elythroides* membrana, quæ & *Erythroides*, ἐρυθροειδής dicitur, testium est tunica, & vasorum spermatocorum, ubi extra ventrem processere: quamdiu enim intra ventrem sunt, eorum tunica, quod illic nihil habeat eximium, nullo proprio donatur nomine: posteaquam verò extra ventrem processit, quia rubet, ἐρυθροειδής incipit appellari. Rubet autem tum à calore rubro musculi testium gracilis, tum à vasis multis quibus implexa est, Vaginalis etiam dicta, 2. de semin.

cap. 5. qua tunicâ, (ut & scroto) foeminarum testes carent, vel tam exigua est & obscura, ut oculis videri non possit, lib. de vulvâ, diss. cap. 9.

*Embroche*, Græcis ἐμβροχή ἢ ἐμβρογμα, medicamenti genus est, cum locis affectis, liquore aliquo humiditatis, perfusisque, lanam deinceps aut linteum, eodem liquore imbutum imponimus, imbecillius cataplasmate. Sed tamen ubi commodè aptari id non potest, ut in capite, ibi ἢ ἐμβροχή aptè adhibetur, & illis similiter qui propter imbecillitatem ferre non possunt cataplasmatum gravitatem: item præcordiis inflammatis, per initia morborum, quo tempore intempestivus est cataplasmatum usus: præterea fracturis & contusionibus, cum Emplasticeis uti non licet.

*Embryon*, est animal utero gestatum, 6. de usu part. cap. 13. licet non antea Embryon dici debeat, quàm duos menses in utero absolverit, vide *Cyema*.

*Emmota*, ἐμμοτα, medicamenta, id est, linamenta sunt humidæ consistentiæ, similia iis, quæ linamentis, vel linteolis excipiuntur, cerati specie, 13. meth. 5. *Emmotos* verò vocat Hippocrates eos, qui ulcus cavum & exesum contraxerunt ex suppuratione, quod curationem per linamenta desideraret, 3. art. 55. Sic dicuntur quod ἐν τοῖς μοτοῖς adhibeantur. Ipsa enim linamenta μοτοὶ καὶ μοτὶ appellantur.

*Emollientia*, vide *Chalastica*.

*Emphraxis*, ἐμφραξις, Obstructio, est meatuum, aut cavitatum naturalium stipatio, ex copiâ, vel vitiosâ qualitate (ut lentore, & crassitie) succorum proveniens, cujus species Galen. 12. method. ponit τέττατον. & πύκνωσιν. Unde medicamentum quod suo lentore obstruit, ἐμψραστικόν: huic contrarium est medicamentum ἐμψρακτικόν, quod obstructione liberat, 5. simpl. 12. Est autem obstructio morbus organicus, pertinetque ad formam organicæ partis corruptam, amissis videlicet meatibus aut cavitatibus parti alicui debitis, vel propter

propter succorum abundantiam, vel propter vitiosam qualitatem, quod ii nimium lenti vel crassi sint. Hæ enim duæ esse possunt obstructionis causæ, quæ morbus est instrumentalis eorum quæ obstructa sunt corporum. Hanc symptomata multa consequuntur, & maximè quidem ipsa transpirationis retentio, atque rursus putredo, aliorum morborum antecedens quædã causa. vide *Rhyptica*.

*Empirici* sunt, (Græcè *ἐμπειροί*) qui à solâ experientorum notitiâ procedunt, nomine ab *ἐμπείρα*, hoc est, experientiâ deducto, lib. de sect. cap. 1. unde *Empirica medicorum secta*, accidentium concursus, qui ægris accidunt, respicit, illorumque curationem ab experientiâ solâ deducit, idque nec morbo, nec causâ cognitâ, in *Introd. capit. 3.* Illius sectæ primus author *Heraclion* extitit, qui naturæ cognitionem rationalemque disciplinam nihil ad medicinam pertinere professus, in usu & experimentis eam posuit. Quem *Apolodorus* & *Glaucias*, & aliquantò post *Heraclides Tarentinus*, & aliqui non mediocres viri secuti, ex ipsâ professione se *ἐμπειροὶς* appellarunt. Erant autem *ἐμπειροὶς* generâ tria *πειρατικόν*, *αὐτοχρίδον*, & *μημητινόν*. Primum quidem dicebatur cùm aliquid experirentur, in quod fortè fortuna nihil tale cogitantes incidissent. Secundum, cùm ad alicujus rei experientiam deditâ operâ venirent, sive per somnia, sive aliter admoniti. Tertium verò, cùm ea quæ profunt vel nocent, sive naturâ, sive fortunâ, sive aliquo consilio, in morbis iisdem experirentur, alios qui eadem priùs experti essent, imitantes. Quicquid autem juvat aut nocet, hoc est, causarum omne genus, dicebant vel naturale vel fortuitum esse, vocantes naturale quod casu fieret, neque haberet manifestam causam: fortuitum verò quod sine electione quidem nostrâ fieret, sed evidentem causam haberet. Tribus autem his theorematibus utebantur, *μηδὲν, ἰστέον, τῇ τ' ὁμοίᾳ μεταβάσει*.



Appellabant *πύρετον*, quicquid aliquando observassent, quorum cum magnam habebant copiam, eam omnem *ἀγροισμοί* nuncupabant, atque id rursus *αὐτοψίαν*, quæ est eorum memoria, quæ frequenter & eodem modo visa sunt: quæ cum didicissent, *ιστορίαν* appellabant. Quâ in re diligenter considerabant quæcunque simul acciderent symptomata, eorumque omnium observationem *συνδρομήν* appellabant, hoc est, concursum & congeriem symptomatum omnium, quæ in affecto essent loco. Quod si in morbos nondum visos inciderent aut eò loci essent, ubi inventorum remediorum facultas non suppeteret, transibant ad consimile, quod *μετάβασιν* & *ὁμοίε* vocabant, eamque triplicè faciebant, de affectu in affectum, de loco ad locum, de remedio ad remedium. Eam autem observationem quam per illam & *ὁμοίε* *μετάβασιν* habebant, *πύρετον* *τρίβικην* appellabant.

*Emphysema*, inflatio, quæ Græcis *ἐμφύσημα*, *ἐρεπιδέμειψις*, *κρήνη* *πνέμεντος*, est spiritus flatuosi collectio, in inanibus corporis partibus. Ejus principium, inquit Galenus, malè concoctus cibus est, à calore videlicet debili, & à quo flatus excitati, resolvi nequeunt. vide fusè, infra *Physis*.

*Emplaston*, sive *Emplasticum*, *ἐμπλαστικόν*, pharmacum est, quod meatus obducit, ut picatio, quæ imponitur pilis in totum abrasis, i. de comp. med. loc. c. i. Atque hoc pharmacorum emplasticorum genus, substantiâ terrestre est, citra refrigerationem, aut caliditatem manifestam, aut in primo ordine refrigerantium, vel calefacientium, 4. de comp. med. loc. c. i. suntque sine mordicatione siccantia, 5. simpl. c. 5. & lib. 5. cap. 11. Duplex est Emplasticum natura, altera exquisitè terreâ & sicca, altera tenax omnino: mista verò ex aquâ & terrâ, & plerumque etiam aëre, ut oleum dulce salis experts. Ovi quoque album ex iisdem quodammodo mistum est, magis tamen terreum est quam oleum. Quin etiam caseosa lactis pars emplastica est,

tener.

tenerque ac recens caseus, & suilla pinguedo, & cæteri quoque adipēs, qui nondum acrimoniam contraxerunt, eoque magis quo sicciore magisque terrei fuerint. Eadem medicamenta etiam ἐμφρακτικὰ appellantur. His contraria sunt ἐκκαθαρτικὰ, quæ & ἐκφρακτικὰ vocant.

*Emplattomena*, medicamenta vocant, quæ exiguis totius corporis meatibus hærentia, prohibent, ne quid per urinas, vel universam cutim diffusetur, & effluat, 8. method. cap. 2.

*Empyothoronos*, vide *Difflentio*.

*Empyemata*, quæ & *Diapyemata*, ἐμπύματα, suppurantia omnia sunt; aliqui, cum in viscere phlegmone in pus conversa est, πύημα, id solum Empyema nominant, & qui sic affecti, *Empyos*; alii eos solos *Empyos* dicunt, quibus inter Thoracem, & Pulmonem, pus aggregatum est, libr. de tumor. cap. 3. ἐπύος ἢ ἐμπύκος Græci vocant, suppuratos, & purulentos, qui multum puris in capedine inter Thoracem, & Pulmonem collectum habent, 4. de caus. puls. capit. 9. Tandem omnes quibus inflammatum viscus aliquod suppuratum est, Suppuratos vocant, ubi pus universum confliterit, concocto tumore quoque præternaturam, com. 1. in 1. progn. 40. & 2. progn. 59. & 69. Symptoma est peripneumoniæ vel pleuritidis, si digeri vel per sputa vacuari non potuit. Succedit etiam interdum anginæ, Hippocr. aphor. 10. libr. 5. Rupto namque internè abscessu, pus in vatum thoracis locum effunditur, ibique fluctuationis cujusdam sensum movet, cum æger è latere in latus convertitur, inde verò per occultos meatus in alvum, intestina vesicamque subit, vel aliquando ad cutem erumpit, sibi que foràs viam uno aut pluribus ulceribus aperit. Cæterum non semper inflammationi succedit empyema, sed quandoque nullâ febre præcedente serofus aut pituitosus humor ex reliquo corpore eò loci delapsus putrescit, & Empyema movet, ut Aëtius testatur.

*Empyreuma*, reliquiae sunt caloris febrilis post solutam accessionem. Dispositio quaedam est neutra, mediaque inter febrem, & febris intermissionem. Intermittentium & putridarum febrium propria, ut soluta accessione superfit nonnihil caloris, vel in ipsis humoribus relictis, vel adhuc solidis etiam partibus impressi, quem aliqui *febris fomitem* appellant; huic contraria est ἀπυρεξία, sive infebrecitatio.

*Emulgentes venae & arteriae*, quae sint, hinc patet; vena cava ubi ex hepate primum emergit, vicinis partibus praetenuis impertit surculos: Deinde ramum maximum in utrumque renem subjectum mittit. Similiter, alia duo vasa aequè magna à maximâ arteriâ, quae spinæ incumbit profecta, non aliter quàm venae in renes inferuntur, quae venae & arteriae vulgò *emulgentes* appellantur, per quas renes urinam à sanguine secernunt, & trahunt, simul etiam multum bilis, ac propemodum omne id, quod ipsae continuerint, attrahunt, lib. de venar. diss. cap. 5.

*Enarthrosis*, species est Diarthroseos, cum cavum excipientis ossis altum admodum est, caputque quod in id inseritur, oblongum, lib. de ossibus in procemio. Ejus pauca sunt exempla, ut cruris cum ischio, & fortè tali cum osse navis speciem referente. vide *Arthrodia*.

*Enaemon*, ἐναυμον, est medicamentum quod glutinat, 6. meth. 2. imponiturque maximè cruentis vulneribus sistendo sanguini, 1. de comp. med. per gen. c. 14. cum cruor, qui αἷμα dicitur, ex cute ipsâ vulneratâ, vel etiam ex carne in roris speciem distillat; atque ideo, & *sanguinarium*, & *cruentis opitulans*, & *glutinatorium* dicitur, 3. de comp. med. per gen. cap. 2. His emplastris, inquit Celsus, nulla majorem usum praestant. Nam reprimunt inflammationem, nisi magna vis eam cogat, atque illius impetum minuunt: tum glutinant ulcera, & cicatricem iisdem inducunt. Constant autem, inquit, ex medicamentis non pinguibus, ideo-

ideoque αλίπωμα nominantur. Quæ enim hujus generis sunt, siccare debent, & citra absterfionem leniter adstringere. Hæc maximè ex bitumine componuntur, cumque varii sint generis; duo tamen habentur præstantissima, unum βάρεβαρον, alterum κυζικηρόν appellatum. Hoc tamen paulò plus quam cruenta exsiccat, ideoque nisi diluatur, nocet magis quàm profit, contrahens membra, atque dolorem inducens. vide *Glutinatorium, & Sanguinarium.*

*Enæorema*, εναιώρημα, quod & *Appendiculum* quidam vocant, est portio urinæ crassa, candidaque in ejus medio sublimis. Partem quidem urinæ esse patet, ex eo quod omnes vias emensa sit, & mutationes sortita quas & urina, attracta primum per emulgentes venas à renibus, deinde demissa in vesicam, & concoctionem iis in locis sortita, non aliter quam urina. Sed nulla etiam urina est, quæ eam non habeat vel secretam, vel in se confusam, ut & *Hypostasin*. Differt autem ab eâ solâ crassitie & gravitate. Unde fit ut *Hypostasis* matulæ fundum petat, *Enæorema* autem in mediâ urinâ pendulum sit, aut si fortè exquisitè medium non est, paulò magis deorsum quàm sursum vergat. Est enim corpus urinâ paulò crassius & gravius, multò tamen levius quàm *Hypostasis*. Ac quamquam quod optimum est, eo loco situm esse oporteat, & in imum magis inclinare, (quantò enim magis deorsum subsidet, tantò meliùs haberi, Galen. author est) sæpè tamen in adversâ valetudine supra medium fertur, atque ipsi etiam urinæ supernatat, pendetque in eâ, veluti nubes in aëre, propter flatuum copiam, atque ab eâ similitudine ab Hippoc. etiam νεφέλη nominatur. Sic enim putavit Galen. εναιώρημα & νεφέλην apud Hipp. idem significare: quanquam ipse comm. 2. in progn. dubitare videatur, num Hipp. τὸ εναιώρημα genus faciat τῆ νεφέλης καὶ τῆ γυνοειδὸς εναιώρημα. Ita ut duæ *Enæorematis* species sint, una nubeculæ similis, altera geni-



turæ. Cæterum quod pertinet ad colorem quem candidum esse decet, ejus ratio posita est in perfectâ concoctione, uti albus color lactis, seminis, atque ipsius etiam sedimenti. vide *Sublimamentum*.

*Encanthis*, ἐγκανθίς, id est, Inangularis, immoderatum est augmentum angulorum oculi, ut Rhoeas, ποῖας, immoderata diminutio, de differ. morb. c. 9. est etiam quidam præter naturam tumor, in magnis Hirquis oculorum, quod tuberculum non est omnino præter naturam, lib. de tum. c. 17. estque ut plurimum in majori angulo: quam carunculam quidam chirurgici rescindentes, effluxum excrementis eâ parte aperuerunt, quem affectum *Roeada* quidam appellarunt, 10. de usu part. cap. 11. Aliàs, *Encanthis* propriè angulum oculi significat; major autem *angulus* qui naso est proximus, proprio nomine *παρὰνθε* dicitur; *minor*, qui est ad tempora, *παρὰνθας*: Inde verò ejus nomen, morbo inditum est. Malum hoc in canibus frequens est, & homines minùs corripit, sed eos magis qui in mari versantur. Cujus duæ differentiæ observantur: siquidem aliquando hoc carnis incrementum benignum est tenerum, laxum, & sine dolore, quod medicamentis siccis consumendum est: aliquando verò malignum durum, inæquale & cum dolore punctorio, quod manu curare & scalpro evellere oportet.

*Encathisma*, ἐγκάθισμα, est sessio in aquâ medicatâ, ab imis pedibus, vel feminibus, usque ad umbilicum, ita ut supernæ partes non madescant, 5. de compos. medicam. per gener. cap. 13. Quod quidem auxilii genus cum plerisque morbis conveniat, iis tamen solis adhibetur qui partes intra peritonæum conclusas infestant. Itaque inflammatis renibus federe convenit in decocto fænigræci, malvæ hortenſis ac sylvestris, & feminis lini. In calculosis affectibus convenit ἐγκάθισμα in iisdem propter inflammationem, & præterea artemisiæ decocto, & rosmarini, & petroselini, & spicæ-

Spicænardî, quibus etiam in vesicæ morbo utendum est adjectâ rutâ. Ad uterum verò artemisiæ decocto, salviæ, lauri, & similium: Ad sedem meliloti, papaveris & rosarum. Ad hæmorrhoidas & fluxiones uteri, plantaginis, polygoni, malicorii, rosarum, ruborum, & eorum quæ similes vires habent. Ad vulnera verò, ex quibus nervorum distentio timeri potest, aqua & oleo. Quod si ad alios præterea affectus convenire potest, id accidit vel ob balnei penuriam, vel ob imbecillitatem ægroti, qui totius balnei usum non possit admittere, vel ob supernæ aliqujus partis debilitatem, vel affectionem cui aquæ perfusio inutilis sit, aut aliquod aliud impedimentum. Cæterum qui in talibus decoctis sessuri sunt, omnes sunt illinendi & immergendi in aquam usque ad infimum umbilicum. Oportet autem partes quæ non madefient prius inungere, sed præsertim caput quod tegi debet ne repleatur. Qui Medicinam nunc faciunt, id genus remedii Semicupium appellant.

*Encephalos*, ἐγκέφαλος, Cerebrum, vide *Cerebrum*.  
*Encharaxū*, ἐγχάραξις, scarificatio, est cutis & subiectæ ejus carnis, per scalpellum sectio, non punctum, sed cæsum facta, multis foraminibus differt à Phlebotomiâ, quod hæc uno vulnere venam adaperiat, illa multis sectionibus cutem, carnemque dividat. Divisio autem ipsa cum multas habere possit differentias, in treis tamen referri potest secundum Galen. libr. 2. ad Glauc. aut enim tenuis & superficialis est, aut è contrario magna & profundior: aut longitudine & profunditate inter eas media. Quibus omnibus Galenus se usum fuisse prodidit in abscessuum curatione. Quæ in superficie fiunt, non attrahunt è longinquo, non revelunt, non derivant, sed in summâ modo cute hærentem humorem, quâ ulcuscula facta sunt, educunt, nec magnis morbis opitulantur. Quæ longæ sunt & profundæ plurimum sanguinis exhauriunt (cujus rei Ori-

bafius teftis locuples eft, qui fcarificato fibi crure, cum peftilentia laboraret, duas fermè fanguinis libras inde detraxit) adeo ut animi deliquium aliquando inducant; & è partibus etiam remotiffimis, & à capite in crura, à crure in manum revellant: & quia in carnem altius adaftæ funt, propriam curationem in modum vulnerum efflagitant. Quæ ambarum mediæ funt, earum pariter incommoda declinant; ideoque aliis præferri debent, fi quando fcarificationis ufus inciderit. Ea autem tribus de caufis fufcipitur, ad revulfionem, ad derivationem, ad vacuationem, humoris tum corpore toto redundantis, tum eâ in parte quæ fcarificari debet, impacti. Quæ omnia quamvis per phlebotomiam confequamus, quia tamen (ut ex Apollonio refert Oribafius) multum nocere folet corporibus venæ feftio sæpius repetita, ideo eâ omiffa tutius eft fcarificationes moliri, quod eâ citra validam totius molis corporeæ commotionem, eadem quæ & venæ feftio commoda præftare valeat. Itaque fi crura fluxione vexentur, fi phlegmone laborent, manus fcarificare conveniet, ut è contrario crura, fi manus malè affectæ fuerint: fimiliter fi dextrum crus doleat, aut dextra manus finiftrum crus aut finiftram manum fcarificare poterimus, quod revulfio non tantum à fummo deorfum, aut ab imo furfum, fed etiam à dextris ad finiftra, & contra fieri rectè poffit, uti & fecundum alias fitus differentias.

*Encheridæ*, grumi funt ceræmodo facti in emplaftris, dum liquida illis infunduntur, 4. de com. med. per gen. cap. 5.

*Enchymoma*, eft fanguinis, & humorum in partem aliquam naturalis effufio, per quam, & partis ejus venulæ replentur fanguine, & color vividus rubens ac naturalis parti inditur, ut in irâ, verecundiâ, gaudio, fomno fit, diciturque Græcè ἐνχύματα ἢ ἐνχύματα; quæ effufio fi fiat præter naturam, ut in vulnere contingit,

tingit, abscessu, aut phlegmone, dicitur *Ecchymosis*, vel *Ecchymoma*, vide *Ecchymoma*, 2. de morb. vulg.

*Enchysa*, medicamenta sunt, quæ oculis instillantur, ut scœnugræci decoctum, candidum & tenue ovi, lac muliebre, & quæ in hunc usum præparantur collyria, de remed. par. fac. cap. 10.

*Encope*, ἐγκοπή & ἀγκοπή, incisio, dicitur propriè in capitis ossibus, inquit Galen. soluta continuitas ab aliquo acuto occurrente & abscedente, vide *Hedra*.

*Encranion*, vide *Cerebellum*, & *Paracephalû*.

*Enema*, id est, infusum, quod per inferna in alvum infunditur, dicitur quoque ἐγκλυσμα, κλυστήρ, libr. de ren. aff. cogn. cap. 4. ἀπὸ τῆς ἐνέτης, quod infundere significat, *Enema* appellatur.

*Endemius*, & *Endemius morbus*, ἐνδημος, ἢ ἐνδημῶν, appellatur, quasi patrium dixeris, & *Vernaculum*, qui morbus communis est multis, eandem regionem incolentibus: ut *Epidemius*, & *Epidemius morbus* est, qui cum perniciosus non sit, tempore tamen statim in regione aliquâ sævit, & insolescit; si enim perniciosus sit, *pestis* dicetur, 1. de vict. rat. 9. Morborum itaque alii *sporades*, hoc est, dispersi, (Σποραδεις, qui singulos separatim corripiunt, non ab aëre; sed potiùs à victûs ratione cuique propriâ exorfi.) Alii *communes* sunt, quos Græci κοινῆς, παγκόινους, ἢ πανδημοῦς vocant, qui sunt certi morbi, & singulares, qui alicubi vagantur, & multos æquè simul corripiunt, causamque habent communem, ut aërem, quem omnes inspiramus, vel depravatæ aquæ potum, aut gravem, & vitiosum cibum, quem omnes pariter absorbuerint, vel tetram exhalationem, vel quid simile, quod vitari nequeat. Qui morbi communes *Pancœni*, & *Pandemi*; si patrii sunt, *Vernaculi*, & alicujus regionis familiares, *Endemi*, & *Endemii* vocantur, causamque communem agnoscunt, & communem insultum, de quibus Hippoc. lib. de aquâ, aëre, & locis; si verò à communi causâ nati, com-



communes quidem sunt, non tamen patrii & familiares, sed potius externi, & adventitii; sin autem perniciosi, & contagiosi, *pestilentes* dicuntur, Græcè *Λοιμώδεις*; si verò non pestilentes, sed pestilentibus mitiores sunt, *μὴ Λοιμώδεις*, carent proprio nomine; quanquam Galenus, quasi oblitus eorum, quæ in proœmio, libr. 1. epid. scripserat, asserat, eos, qui pestilentes non sunt, vocari *Epidemios*, mutuato scilicet generis nomine.

*Endeixes*, *ἐνδείξεις*, Indicationes sunt, id est, communitates, scopi, & auxiliorum fontes, velut & loci. *ἐντελείδεις* verò his opposita sunt, 9. meth. c. 7. Indicatio est ejus, quod fieri in singulis rebus debet, significatione sumptâ à propriâ cujusque rei naturâ. Cum enim in singulis rerum generibus quæri possit quid sequendum quidve fugiendum sit, ejus cognitio ab ipsâ rei, de quâ quæritur, naturâ pervestiganda est, quodque illa faciendum insinuaverit, id ejus indicatio dicitur. Ut si quærat de sanitate quid sentiendum sit, primum perpendere oportet sanitatis naturam, quæ quia bona omnibus mortalibus videtur, facit ut judicemus eam à nobis servandam esse. Quamobrem sui custodia, sanitatis indicatio est. Idem verò in morbo agendum, qui quoniam totus præter naturam est, & toto genere malus, indicat & ostendit se tollendum esse. Itaque ut duo sunt summa rerum omnium genera, bonum & malum, ita duæ sunt primæ & generales indicationes Custodia & Ablatio, illa quidem boni, hæc verò mali. Singula enim de se ipsis alterum eorum necessario indicant.

*Engisomata*, instrumenta sunt, quibus in calvariae fracturis utimur; vel ut alii, est ossis pertusio, cum pars affecta in profundum descendit, ac super illæsum os corruit, lib. finit. vide *Camarosis*.

*Engonios*, id est, angulosa brachii figura, quæ illi membro naturalis est; omnis enim cujusque partis figura

figura rectissima, maximè est à dolore aliena, 6. method. 5.

*Enrhythmus pulsus*, commune quoddam genus est, ad *Eurhythmus* pulsus, & *Arythmus*, 1. de differ. puls. cap. 9. qui enim naturalem, & optimum servat rhythmum, *εὐρυθμῶς* dicitur, unusque est & indivisus; qui verò non servat, *ἀρρυθμῶς* in tres divisus differentias; omnis autem pulsus, qualiscunque ille sit, modò servet Rhythmum, *εὐρυθμῶς* appellatur.

*Ensisiformis cartilago*, vide *Cartilago ensiformis*.

*Entera*, *έντεροι*, intestina; sunt corpora cava, rotunda, membranosa, ab imo ventriculo ad anum protensa, distribuendi ad jecur chyli, & continendi, expellendique stercoris instrumenta, in orbem involuta, fibris circularibus, & transversis contorta, ad chyli, & stercoris expulsionem; Quorum tria superiora tenuia sunt, *ἐκφυσις*, sive *δωδεκαδάκτυλον*, *ἡ σίς*, *εἰλεον*, *ἡ λεπτόν*, hoc est, *Ecphysis*, jejunum, *Ileon*, sive tenue; tria inferiora crassa, *τυφλόν*, *κῶλον*, *ἀπὸ θυσιμέρον*, *cæcum*, *colon*, & *rectum*; atque inde patet, etiam unum, & continuum numero sit intestinum, loco tamen, magnitudine, numero orbium, & anfractuum evariare, senariumque resultare numerum. & 5. de usu part. & 6. de anat. adm. Ubi verò *έντερον*, in singulari numero, id est, Intestinum ab Hipp. profertur, docente Galen. com. 4. in 6. de morb. vulg. ipsum significatur Colon, per excellentiam, ratione suæ magnitudinis, quod solum ex intestinis in scrotum descendit, & *Enterocelen* efficit, id est, *Herniam* intestinalem, apud alios verò *Cæcum*, 4. de usu par. cap. 17.

*Enterocèle*, *Epiplocele*, & *Hydrocele*, sunt species, herniarum, in quibus rumpitur is meatus, qui à Peritonæo ad testiculos pertingit, libr. de caus. morb. c. 10. cùm articuli suis sedibus excidunt, aut loco tantùm moventur, aut cùm omentum, vel intestina, ad inferiores testiculorum tunicas devolvuntur, alterum mor-

bum

bum Græci *Epiplocelen*, alterum *Enterocelen* appellant, de differ. morb. capit. 10. Præter hæc ex am-  
 bobus etiam morbis compositum affectum, *Entero-  
 epiplocelen* juniores medici appellant, libr. de tumor.  
 cap. 15. vide *Cele*.

*Enthusiasmus*, id est, fanatica percussio, seu numi-  
 nis afflatio, est, velut cùm quidam in sacris faciendis,  
 mente capiuntur, si quæ viderint, aut si tympana, vel  
 tibias, vel signa audiverint, lib. finit.

*Epacnastica*, 9. meth. 4. vide *Continua*.

*Epapheresis*, ἐπαφύρεσις, id est, repetita sanguinis  
 missio, de cur. rat. per sang. cap. 1.

*Eparmata*, præter naturam tumores secundùm au-  
 res, in agrotantibus exortos, vocat Hippocr. com. 4.  
 in 6. de morb. vulg. 1. Ea etiam ὀδύματα communi  
 significatione appellat. Sed Galen. 3. de comp. med.  
 loc. cap. 2. dicit Eparmata (quæ & *Parotides* sunt,)   
 è genere esse inflammationum, quæ fiunt glandulis,  
 circa aures p. n. affectis; Paulus verò ait: tumor om-  
 nis, sive œdematosus, sive scirrhusus etiam citra in-  
 flammationem, glandulas sub auribus occupans, πα-  
 ρωτῆς dici potest.

*Ephææon*, pubes, & *pecten*, aqualiculus Latinè, Græ-  
 cè ἐφῆαιον, ἐπίσειον, ἥδη, id totum est, quod est ab  
 Hypogastrio, seu imo ventre (quem & *sumen* vocant)  
 usque ad pudenda, Introd.

*Ephelus*, id est, ramentum, seu cruoris exigua gut-  
 tula, quæ interdum tussi in hæmoptoicâ passione, reji-  
 citur, 4. de loc. aff. 5. aliquando generalius, ἐφελῆς,  
 crustula est, quæ ulceri obducitur, diciturque de inter-  
 nis; quandoque enim crustulæ & per tusses è pulmo-  
 nibus, & per dejectiones ex intestinis, dejiuntur.

*Ephelus*, ἐφελῆς, est aspreo, & nigrities, in facie ex  
 ardore Solis progenita, ἀπὸ τοῦ ἡλίου, id est, Sole, no-  
 men inditum, non quod à Sole tantùm vitia illa in cute  
 contrahantur, sed quod à reliquis inducra causis, si-  
 milem

milem asperitatem & colorem habeant. Quæcunque enim causa ea excitarit, cutis ceu multo Sole exusta, candorem & lævorem amittit, contrahitque nigritiem & aspredinem. Plinius aliquando discolorem à Sole cutem, aliquando à Sole usta, vel à Sole adusta interpretatur, eoque vitio deformes Solatos appellat. Alii, vitia cutis simpliciter Latinè reddunt.

*Ephmera febris* est, quæ à causâ procathartica, sive præincipiente fit cum urinæ coctione, primâ die apparente, suavi caliditate, pulsu ad magnitudinem, & celeritatem effatu dignam ascendente, systole pulsus parùm à naturali tenore mutatâ, æquali atque incompresso ascensu in caliditate, etiam consistente febre, sudore adhæc aut rore, aut omnino cum aliquo optimo vapore integrè judicari solita, 1. de diff. febr. cap. 7. *Ephmera febris*, ait, in spiritibus citra humorum putredinem accensa est, ibid. cap. 5. vide *Diaria*.

*Ephialtes*, affectus Græcis dictus, est nocturna corporis oppressio, & quædam quasi suffocatio, cùm quis somni ab initio, supinus jacens, grandi se mole opprimi, atque ab alio invadi imaginatur, cum difficili respiratione, immobilitate, ac voce præpeditâ, propè suffocari, æger videatur; Græcis quoque dicitur *ἐπιβολή* & *πνιγλίον*, Latinè verò *Incubus*, vel *Incubonus* dicitur; fortè quia ex veteribus quidam *Dæmonem*, alii *cupidinem*, alii *incubantem vetulam*, aut *externam quandam vim*, quæ quiescentes invaderet, & pondere oppressos, gravaret, esse voluerunt; quamvis tota mali causa, intra corpus esset, in libello de utilitate respirationis, Galeno ascripto. Ea autem causa non est humor, sed crassus & frigidus vapor, ut scripsit Posidonius, ventriculos cerebri implens, & prohibens spiritus animales per nervos ferri. Per somnum tantùm fit, eoque laborantes per nervos ferri. Per somnum tantùm fit, eoque laborantes per ipsam accessionem eadem patiuntur, quæ & apoplexia correpti, sed tamen mitiora. Quia enim vapor in causâ est, non in totum opplentur ventri-



ventriculi cerebri, nec tam difficulter excitantur, qui eo laborant. Manent tamen aliquandiu immobiles: deinde verò multo labore & conatu tenuato & discusso spiritu, & meatibus obstructione solutis, derepentè è somno excitantur. Læditur illis potissimum ithaginatio: ex quo verisimile est in priori potissimum ventriculo morbum consistere. Ex his intelligi potest incubi differentia ab Apoplexiâ & Epilepsiâ. Præledium tamen præmiumque eorum morborum est, atque etiam insanix. Diuturnior enim & frequenter repetens, crudo humore in ventriculis cerebri paulatim cumulado, in eos faciliè degenerat. Præcedunt incubum suffocatio, vocis amissio, gravitas & immobilitas, & hæc rursus crapulæ & cruditates, ex quibus crassus ille frigidusque vapor suscitatur. Proinde quidam morbum hunc rectè quidem, sed imperfectè definierunt, vaporum in caput discursum ex nimio cibo & cruditate.

*Ephidrosis*, ἐφιδρωσις, duo significat, vel sudoris circa thoracem, & caput exortum, vel in universo corpore sudoris proventum, tum paucum, tum inutilem.

*Epialm*, vide *Febris Hepiala*.

*Epicauma*, est velut ex igne facta crustulosa ulceratio, quæ oculi nigro advenit, nec permanet, lib. finit. id morbi ἐπίκαυμα, & ἑγκαυμα vocant Græci, Latini *Ustionem*, sive *Inustionem*. Sed advertendum est duo ulcerum genera hoc uno nomine apud Paulum & Aëtium designari. Scribit enim Paulus ἐπίκαυμα ulcus esse oculi sordidum, impurum, crustosum, quod dum repurgatur, sæpè humores oculi effluunt. Id verò ab Aëtio non ἐπίκαυμα, sed ἑγκαυμα appellatur. Vocat enim ἐπίκαυμα ulcus superficialium, cum videlicet nigrum oculi in superficie exasperatum inustum fuerit, & coloris cinerei evaserit, cujus ulceris non meminit Paulus.

*Epiceraistica*, ἐπικεραστικά, medicamenta sunt, quæ &  
tem-

*temperata* dicuntur, quæ si valentiora evaserint; humoribus mordicantibus morsum eorum retundunt, 2. simpl. 12. veluti uva passa mordentes mediocriter stomachum humores obtundit apud Galenum, lib. 2. de aliment. Idem medicamentorum genus etiam *καταρρηκτικόν* appellatur.

*Epicrasis*, *ἐπικράσις*, est vitiosi succi seu cacochymiae curatio, cum indicationes sibi adversantur, in quâ paulatim, quod vitiosum est, vacuatur, & paulatim, quod salubre est, pro eo reponitur, 9. meth. 10. Est enim in universum duplex omnis curationis ratio. Aut enim in totum summovetur vitium, si & vires valent, & humor concoctus se faciliè educi patitur: aut si vires imbecillæ sunt, ut confertim factam vacuationem admittere nequeant, vel humor propter cruditatem non sit futurus obediens medicamento, tunc ubi eum attemperaveris, tenuaveris, mitificaveris, paulatim educere oportebit, inque locum ejus benigniores sufficere. Quanquam non sit necesse *ἐπικράσι* vacuatione perfici. Nam quæ etiam in corpore manent, alterari, mitigarique possunt, permixtâ soli naturæ vacuatione, quæ eorum partem vel convertat in corporis alimentum, vel per alvum, urinas, sudorem, aut aliter expurget.

*Epicrasis*, id est, Adjudicatio, ad Thrasyb. cap. 6. Quæ mutuò inter se dependentia colligantur, per appellatam Epicrisim à Græcis, à nostris *Adjudicatio* dici potest, judicanda sunt.

*Epicrusis*, certa quædam est percussio, quâ mango-nes puerorum, hoc ipso præsidio succurrunt iis, quibus à natali die, gracilia sunt membra, 14. meth. c. 16.

*Epicryema*, *ἐπικύημα*, est secundus fœtus, conceptus gravidâ jam existente muliere, id quod fit, ut scripsit Hipp. cum fœtu jam concepto non clauditur exactè uterus; sed semen aliud etiam postea intro admittit; Arabibus *Superimprægnatio* dicitur, & *Superfœtatio*.

*Epidemmi*, vide *Ἐνδῆμι*, & *Κομμηνί*.

N

Epi-

*Epidermis*, summa cutis corporis, seu *Cuticula*; 3. method. 4. solâ sensatione à verâ cute differt; hæc enim à nervorum extremitatibus dilatatis fit: *Epidermis* verò à cutis excremento vaporoso, ambientis aëris à frigiditate, provenit: itaque vel sensu caret, vel exigui sensus est, proinde citra dolorem facilè à subjectâ cute separatur. Sic dicitur quod suprà cutem nascitur, quodque ejus veluti quædam efflorescentia fit: sicut Ἡ ἐπιθυσμὸς τῆς ὕμης, καὶ Ἡ ἐπιθυσμωδὸν τῆς ὕμης.

*Epidesmus*, sive *Hypodesmidas*, id est, Fascias, Subfasciaciones, & Subligamina, sine ullâ distinctione, Veteres vocaverunt; Ac Hippocrates Fascias, quæ ipsi corpori circumdantur, Subligamina, seu Subfasciaciones appellat, quæ plagulis extrinsecus superligantur, 3. de his, quæ in medic. 6. vide *Plagula*.

*Epidesis*, genus ligationis est, ad sanguinis profluvium fluentibus vasis injecta; quamquam ipsum vas circulo non completatur, sicut vinculum; verùm cum ex parte suo complexu committat quodammodo vulnerati membri labra dissidentia, & quæ superimposita sunt contineat, meritò inter claudentia remedia numeratur, 5. method. 3.

*Epididymis*, ἐπιδιδυμῖς, id est, supergeminalis tunica, & parvus quidam quasi testis, testium involucrum simul est, & appendix; est enim pars quædam animalis gemini, hoc est, testis capiti superimposita; id quod nomen ipsum præ se fert, ex quâ multæ fistulæ, seroso quodam humore plenæ, ad testem permeant, 1. de semin. capit. 15. Est autem propria & intima testium tunica, & illis omni ex parte contigua, dura, crassa, & admodum valida. Huic alia tunica superposita est ἑγερτοειδὴς dicta, non eam modò, verùm totum etiam testem comprehendens. Malè quidam eo nomine testiculi quoddam caput, & veluti efflorescentiam significari putant, nominibus manifesto abutentes, (id enim ὀφθαλμῶν vocatur) & ob id in errorē lapsi, quod existiment,

nient τὸ ἐπιδιδυμίδει eâdem ratione dici, quâ τὸ ἐπί-  
θυμον (flos qui suprâ thymum) & τὸ ἐπίθυμβρον, id quod  
suprà thymbram sive fatureiam provenit.

*Epigastrium*, vide *Abdomen*.

*Epigenema*, ἐπιγένημα, quasi superveniens, vel fu-  
pergenitum, idem est ac Symptoma, de sympt. differ.  
cap. 1. Quanquam aliqui ita distinxerint, ut Sympto-  
ma esset quicquid præter naturam animali accidit :  
ἐπιγένημα verò, quod solos morbos necessario sequi-  
tur, ὡς τὸ ἐπιγενεῖσθαι. vide *Symptoma*.

*Epiglottis*, ἐπιγλωττῖς, id est, Superlingula, est mem-  
brana cartilaginosa, rotunditatis oblongæ, in interiori  
gutturis parte collocata, 1. de loc. aff. 1. quæ à radice  
linguæ exoritur, lib. de vocal. instr. diff. cap. 4. quæ  
& *Glotis* dicitur, 7. de usu part. cap. 13. Dicitur etiam  
*Lingula*, *Ligula*, id est, Laryngis lingua; est enim cor-  
pus quoddam simile linguæ alicujus fistulæ, ubi arte-  
ria, & larynx inter se connectuntur, 7. de usu part.  
cap. 13. velut operculum omni tempore, quo animal  
respirat, apertum stans, quo transglutit, laryngi ac-  
cumbens, ibid. cap. 17. Cujus ligulæ nisi tanta esset  
magnitudo, figura, substantia, & litus, quem nunc ha-  
bet, vomentibus nobis non pauca in asperam arteriam  
deferrentur, ad laryngis cavitatem acervata, ibid. Est-  
que hæc proprium vocis instrumentum, 1. de loc. af-  
fect. 6. Vergit autem ad stomachum, positionemque  
habet tertiæ cartilagini aritænoëidi contrariam, ut  
quæ ex adverso etiam loco exoriatur.

*Epigonatium*, ἐπιγονάτις, vel ἐπιγονίς, est os cartilagi-  
nosum, latum, rotundum, intus læve & cavum, toti  
genu suprâ positum. Duabus constat substantiis; unâ  
ossea, interiore, altera cartilaginea, quæ exterior su-  
perficiariaque est, sic ut cartilagine quodammodo in-  
crustatum videatur internâ præsertim parte, quâ arti-  
culum respicit. Verùm à lateribus asperum est, quo  
commodius ei tendines tibiam extendentes, ipsūque



femori atque tibiæ alligantes aptarentur : propter quos etiam iis locis cartilagosum videri cum Galeno possit, maximè in juvenum corporibus : at grandioribus, abrais cultello, aut cocturâ abscedentibus tendinibus, manifesto osseum apparet. Contegit femoris tibiæque articulum, alioqui nimis patentem, prohibetque ne antrosum laxetur. Formam propè orbicularem habet, fastigio ad tibiam acuto. Umbonem imitatur, medio corpore crassiore, orisque tenuibus. vide *Patella*.

*Epilepsies*, vide *Effulgescentiæ*.

*Epilepsia*, (quæ & *Epilepsis* dicitur,) id est, Morbus Comitialis, de diff. morb. cap. 5. estque totius corporis convulsio, non perpetua, cum mentis & sensuum oblæsiōe. Eam molestæ rei sensus invehit, & cerebro noxiæ, tùm quantitate, tùm qualitate. Quantitas quidem cerebro gravis est, ejusque vim expultricem excitat, consistitque in humore vel pituitoso vel melancholico, sed ferè semper frigido, crasso & viscoso. Quem tamen non aded multum esse oportet, ut penitus obstruat, vimque ipsius cerebri exuperet, alioqui non Epilepsiam, sed Apoplexiam potius pareret, sed quantitate mediocrem, ut ad ejus depulsionem, quam natura totius corporis concussu molitur, cerebro adhuc vires suppeditet. Qualitas verò maligna ac venenata, & virtuti animali infesta est, sive à veneno sumpto, sive ab ulcere cacoëthe cerebri vel subjectarum partium, sive ab aliâ affectione, ut ventriculi cruditate, & largo meri potu proficiat. Itaque ubi eorum aliquid in cerebro præter naturam fuerit, ipsum movendi sentiendique principium in sese recurrit & contrahitur, atque ita totius corporis convulsionem inducit, quin etiam eam à se amoliri contendit crebrâ & inæquali cerebri totiusque corporis concussionem. Apparent enim manifestò in eo morbo hæc duo symptomata, convulsio concussioque tanta, ut spumam etiam eliciat. Valido in motu humor qui in cerebro

conti-

continetur exagitatus, non aliter quàm ovi candidum, spumam creat. Sunt autem (quamvis loci affecti nullum signum appareat) cerebri ventriculi, anterior maxime & posterior, hujus mali sedes, in quibus spiritus gignitur atque continetur, primum animæ instrumentum, tùm in sensilibus actionibus omnibus, tùm in iis quæ à consilio & voluntate prodeunt. Spiritus igitur cùm laboret, & veluti attonitus in depellendâ morbi causâ versetur, alias interim functiones deferat, necesse est. Quare non imaginari, non ratiocinari, non meminisse potest. 2. de sympt. caus. cap. 2. vide *Comitiali*.

*Epilogismus*, communis est quædam ratio, & omnium assensu comprobata, 1. prorrh. 6. vel est ratio apparens, nec recedens ab his quæ manifesta sunt, sed illa semper usurpans, ut idem Galen. ait, lib. de sectis. Hujusmodi rationes multæ habentur apud Hippocratem in progn. ut quæ à facie ægri & signis aliis evidentibus sumuntur.

*Epinyctides*, vide *Efflorescences*.

*Epiparoxinestai*, id est, superacui, & superexacerbari dicimus, cùm paroxysmus plures habet insultus, ac veluti reduplicaciones, ut in semitertianâ, quæ tertio die duplicatam habet accessionem tertianæ intermittentis, cum quotidianâ continuâ, & ἀναδιπλώσεως quædam. Est & ἐπιπαροξύνουσαι irritari, & de abscessibus ad aures subortis dicitur, in prorrh. sicut & pulsuum Thlipsis, id est, compressio; sic enim nominant, quando incipiente accessione satis parvi, atque inæquales pulsus sunt, 1. de diff. febr. cap. 7.

*Epiphora*, ἐπιφορὰ, tùm inflammationis magnæ, universo illatæ corpori, tùm largorum fluorum, & fluxionum commune nomen est; propriè verò, de oculis profertur, ubi cum maximâ inflammatione, etiam humoris copia in illos influxerit, lib. Introd. cap. 15.

*Epiphysis*, ἐπιφύσις, est ossium quasi adnata appendix, lib. de ossib. in præmio: differt autem ab *Apophysi*,

ut idem Galenus annotat, quod *Apophyfis* sit totius ossis extrema pars, *Epiphyfis* verò non est ossis pars, sed aliquid ossi adnatum.

*Epiphyfis vermisformis*, ἐπίφυσις σπυλκηχείδης, idem est ac Conarium, sive Conoëides corpus, & Turbinatum, vide *Conoëides*.

*Epiplasma*, idem est ac Cataplasma; ut cùm tritici farina, ex hydrelceo decoquitur, ac vulneribus imponitur, 3. de com. med. per gen. cap. 2.

*Epiplocene*, vide *Celas*.

*Epiplocomiste*, plerique homines pingues & obesi dicuntur, quasi dicas Omenti gestores, dum in magnam molem omentum iisdem excreverit, 6. de anat. adm. cap. 5.

*Epiplomphalon*, omenti est in umbilicum prolapsus, lib. finit.

*Epiploon*, sive *Epiplan*, vide *Omentum*.

*Episarcidium*, vide *Anasarca*.

*Episemasia* est ipsum principium, sive insultus accessionis febrilis; in quo ægri solent horrere, refrigerari, oscitare, pandiculari, dormire, aut aliud quid simile pati: dicitur Græcis, ἐπισημασία, Significatio, (aliàs, ἐισβολὴ παροξυσμῶν, id est, Annotatio paroxysmi, tempus indivisibile, exactè jam primum, quo ista ferè quæ retuli, solent oboriri: horum si quod ægri senserint, jam accessionem adesse, quasi eo signo præsentiant. Ac ejusmodi quidem accessionis significatio, quæ scilicet cum talibus signis invadit simpliciter ἐπισημασία appellatur, estque febrium putridarum propria. Verum habent & suam ἐπισημασίαν hecticæ febres, sed ab illâ differentem: eâ autem est unâ ferè horâ vel duabus post assumptum cibum, quo tempore qui hecticâ febre laborantem tetigerint, quandam febris veluti accessionem deprehendent, calorem & pulsuum magnitudinem atque celeritatem intendi sentientes, nec quicquam tamen eorum observantes acci-

disse,

disse, quæ solent in putridis febribus evenire, hoc est, non horrorem, non extremitatum refrigerationem, non dormitionem, non aliquam pigritiam, aut aliquam omnino inæqualitatem in calore aut pulsu, sed neque parvitatem, neque debilitatem, neque aliud quid simile. Idèd hæc quia ἐπισημασία non est, non absolute, sed cum addito, ἐπισημασία ἀδλιπῶ nominatur, quod careat iis angustiiis molestiisque, quibus alii graviter premuntur per initia accessionum. Est autem hæc februm hecticarum propria. Galen. lib. i. de diff. febr. cap. 9. vide *Annotatio*.

*Epision*, vide *Aqualicus*, sive *Aqualiculus*.

*Epispasticum*, ἐπισπαστικὸν φάρμακον, quod & ἑλπκὸν, & ἐξυπωπικὸν dicitur, vide *Astrahens*, est medicamentum aridum inspersile, ad malignorum ulcerum curationem, non inefficax, 4. de comp. med. loc. cap. 5.

*Epithemata*, ἐπιθέματα, pharmaca sunt, ceratis valentiora, quæ tum ex unguentis, tum ex iis, quæ similem vim obtinent, medicamentis componuntur, 7. meth. 4. *Epithema* quoque Operculum est, 2. de usu part. cap. 9.

*Epneumatosis*, vide *Physis*.

*Epoche*, est suspensa sententia, nihilque definiens: ut cum quamdiu humores sunt in nutu, de nullâ re pronunciamus, nec asseveramus quicquam certò, lib. de optimo docendi gen.

*Epomida*, id est, superhumeralem, superiorem humeri partem dicunt, 1. de anat. adm. c. 11. vide *Ala*.

*Epulis*, ἐπυλῖς, est tuberculum, & carnis excrescentia in gingivis proveniens, & ad intimos molares dentes sese extendens, ita ut æger aliquando os aperire nequeat, 5. de compos. med. loc.

*Epulotica*, ἐπυλωτικά φάρμακα, medicamenta sunt, quæ non detrahare, neque liquare carnem, sed indurare, desiccare, & cicatricem inducere apta sunt; ut alumen, galla, omphacium, æs combustum præsertim locum, 5. simplic. cap. 15.



*Equus*, (qui Græcè ἵππος dicitur, lib. finit.) oculorum affectus est, insitus quibusdam, quibus oculi nullo tempore manere possunt requieti, sed tremuli subinde nistant, & instabiles, 1. progn. 21. Hanc oculorum affectionem Galenus comparat stridori dentium naturali & congenito, patetque ex eo non esse morbum, præsertim cum nemo Medicorum ejus meminerit.

*Erratica febris*, sive *Inordinata*, est, quæ extra horas consuetas, vel tardiùs, vel celeriùs invadit, & inordinatè tum movetur, tum consistit, lib. de Typis, c. 4. sunt enim (ait) in erraticis, inordinata principia.

*Errhina*, medicamenta sunt, quæ naribus, quas Græci *Rhinas* vocant, capitis purgandi gratiâ infunduntur, aut induntur, 5. simpl. cap. 20. Quicquid autem eam habet facultatem, extergens & acre sit oportet: sic enim & commodissimè attrahit, & vim expultricem irritat. Ejusmodi est betæ succus, cuminum, medulla cucumeris sylvestris, staphisagria tum oleo aut unguento, aut lacte, aut alio liquore excepta, & naribus inuncta, tum in pulverem trita tenuissimum & per arundinem insufflata. Quod ubi actum est, æger deorsum pronuere debet, quo videlicet coactus humor distillet.

*Erythroïdes*, est intima testiculorum tunica, de caus. morb. cap. 10. vide *Elythroïdes*.

*Eruptionum*, sive, ut Græci dicunt, *Exanthematum* nomen, quidam in communi usurpant, de affectionibus videlicet ulcerosis, & asperis, in mento, & corporis universi ambitu suâ sponte provenientiibus, 5. de compos. medic. loc. cap. 6.

*Erysipelas* est tumor præter naturam non altè descendens, sed in cute consistens, à bilioso humore obortus, colore pallido, 14. method. 1. Si verò ipsius color non sit omnino pallidus, sed mixtus ex pallido, & rubro, erit etiam mixta affectio, ex phlegmone (in quâ

quâ sanguis peccat, coloris rubei) & ex Erysipelate, utique ab eo, quod in mixturâ superat, nomen ipsi inditur, ac dicitur vel *Phlegmone erysipelatosa*, vel *Erysipelas phlegmonosum*, 14. meth. 1. & 2. Habet quidem doloris aliquid, sed longè moderatiùs quam phlegmone, neque ut illa pulsat, premit aut distendit. Verùm multò calidior est & aspectu flavior, & si tetigeris, sanguis facilè refluit, rursusque affluit valdè tenuis & rubens. Nominant autem Erysipelas, *Vicinitrahā*, vel *Vicinirubiam*, quòd incensum quidem atque inflammatum est semper, cum tumore & rubore partium circumpositarum, libr. 3. de his quæ in med. 30. & 2. ad Glauco. 1. *Exactum* autem *Erysipelas* est, quod à biliosâ fluxione ortum ducit, 7. simpl.

*Eschara*, crusta est, quæ ulceribus veluti septum, vel suâ sponte, vel arte pyroticorum medicaminum usu adnascitur, 5. meth. cap. 3. Crassa nigraque est: quæ autem leuior, non *ἐσχάρα*, sed *ἐφελκίς* dicitur. Propriè verò *ἐσχάρα*, quæ ab ardenti ferro, aut medicamento caustico inducta est, appellatur. Ejus generatio, inquit Galenus, ex subjectis circumpositisque corporibus, ut sic dicam, semiustis, sic ut cuiusmodi rem in hyemem extinctos hos carbones parant, ejusmodi ipsæ crustæ carnis exustæ sint reliquiæ. Quare quantum particulæ adustum ad crustam est, tantum ipsi de naturali carne deperditur.

*Escharoticum*, medicamentum est, quod perinde ut causticum, in crassâ essentiâ est, & cuicunque inhæserit partì, stipitis ritu infixum eam, comburit & excruciat, 5. simpl. 15. Est autem duplex τὸ ἐσχαρωτικόν, ignitum ferramentum, & crustificum medicamentum: hoc autem calidum & siccum est, quarto gradu: id carnes colliquat & adurit, sicque crustam facit. Ejus usus imprimis necessarius est, ubi ex erosionē putrescentis alicujus profluvium sanguinis excitatur, atque ubi quod computruit sublatum, est ad adurendam ipsius

ipsius veluti radicem. Est autem incrustantium medicamentorum materia non utique solus calor, sed cum quo adstringendi facultas sit conjuncta, qualis in chalcitide & misii, & atramento sutorio, sive ustis, sive inustis. Quæ verò ex calce non extinctâ conficiuntur, ea utique valentiora his sunt: cæterum calx adstringendi vim non habet. Excidunt igitur citiùs quæ ab his fiunt crustæ, hærent autem corporibus diutiùs quæ ab astringentibus: quod utique longè est utilius in profluvio sanguinis, quando ita priùs nascitur in imo earum caro, efficiturque profluenti vasi velut operculum quoddam: unde nec nosmet præcipites esse ad crustas, ubi hæmorrhagiæ periculum imminet, detrahendas oportet nisi in illis tantum affectibus, in quibus propter putredinem candens ferrum admovere coacti sumus: tunc enim celerrimè crustam excidere expedit.

*Ephriomenos herpes*, ἐφρίομενος ἕρπης, est inflammatio ex syncerâ flavâ bile ad cutem decumbente acriori, & mordaciori quàm ea est, à quâ oritur herpes miliaris; in hoc enim suor pituitâ mistus videtur, in illo exacta bilis totam exulcerans, & corrodens cutem, libr. de tumor. cap. 9. vide *Herpes*, *Phagedæna*, *Nomæ*.

*Ethmyodes platysma*, id est, latus ille musculus, sive musculosa dilatatio, quæ cuti subnascens, λεπτεν, id est, buccam, sive maxillam movet, libr. de nerv. diff. cap. 6.

*Evacuationem omnem*, sive fiat inediâ, sive sanguinis missione, sive purgante medicamento, solitus est vocare Hippocr. vasorum inanitionem; *Evacuatio* autem pressius dicta est humorum, qui suâ quantitate molestant, purgatio: ut purgatio est humorum, qui suâ qualitate molestant, evacuatio, 1. aph. 2.

*Euchymia*, id est, succorum in corpore bonitas, 2. de simpl. 13. unde *Euchymon* nutrimentum est boni succi, 6. de san. tuen. cap. 7. Id autem duplex est, cum quod portio-

portionem quandam boni succi continet ad nutriendum habilis, sed plurimum habet recrementi, tum quod plurimum habet, quod nutrire potest, minimum autem quod sit inutile, Galen. lib. 9. meth. med.

*Eucrasia*, est medium omnium temperamentorum, 1. de sanit. tuen. cap. 4. ex optimâ, & convenienti cuique naturæ, corporique misto, mixturâ quatuor primarum qualitatuum consurgens. Unde ejus magnâ est latitudo, quam qui adeptus est *εὐκρασία*, sive *Eucrasion corpus*, id est, optimè temperatum corpus nâctum esse dicetur; secus *dyscraton*, sive intemperatum, 2. de temper. 1.

*Eucratica* medicinæ pars, quam alii *Gymnasticam* vocant, est, quæ optimum habitum corpori inducere studet, de part. art. med. cap. 5.

*Euxia*, est bona corporis habitudo, 1. de sanit. tuen. cap. 8. ut huic opposita *Cachexia*, id est, pravus corporis habitus, *ευξία καὶ κακία*, illam complent bona omnium partium temperies, actionum robur, *Euchymia*, sanguinis, carnis, totiusque corporeæ molis *Symmetria*. Est autem duplex ἡ *ευξία*, una est ἡ ἀπλῶς *ευξία*, quæ in optimâ corporis constitutioneprehenditur: altera verò *μετὰ σωδότης* *ευξία*, quam habent singulæ corporum naturæ propriam & in comparatione dictam. Itaque ἡ ἀπλῶς *ευξία* nihil aliud est quam τῆς ὑγιαίνουσας ἕως ἡ τελείους, hoc est, perfectissima & absolutissima sanitas. Et quia species & ipsa τῆς ἕως est, non facile à causis insalubribus offenditur, sed firma constansque in corporibus perseverat. Quæ autem ab hac deficit, modò nondum vitiosa sit, non jam *ευξία*, sed ab omnibus ὑγίεια, hoc est, Sanitas nuncupatur, quæ eadem est cum τῇ μετὰ σωδότης *ευξία*. Tunc enim non simpliciter, sed hujus vel illius *ευξία* dicetur. Sic ἡ τῶν ἀθλητῶν *ευξία* non simpliciter dicitur, quoniam optima non est, quam periculo proximam esse Hippocrates pronunciavit, & negavit



gavit naturâ esse comparatam : nam ut reliqua habeat optima, attamen sanguis, & præcipuè carnosum genus in eâ suprâ modum excrevit.

*Evidentes causæ, vide Continentes.*

*Euochon*, ἔυχον, vinculum vocat Hippoc. quod benè gestat, & sustinet, hoc est, firmiter, & sine ullâ compressionem continet. 3. de artic. 22.

*Eupathia*, id est, patiendi promptitudo, 4. de usu part. 14.

*Euphyian*, vocat Galenus, bonam habitudinem, 1. de usu part. 9.

*Eupnoea*, εὐπνοία, proba spiratio, quæ secundum naturam fit, opposita dyspnoeæ quæ est difficilis spiratio, apud Hippocr. ut annotat Galen. in commento prog.

*Eurhythmus* pulsus est cuique ætati, loco, tempori, temperamento, naturalis & conveniens pulsus; cum suum rhythmum quoque servat in diastole pariter & systole, 1. de differ. puls. cap. 9.

*Eusarcon*, vide *Quadratum*.

*Eufemacrisis*, quæ cum bonis signis à suâ indicatoriâ die fuit indicata, ut quæ undecimo die coctionem in urinâ, noctem gravem, quæ accessionem præcedit, insultus, cum concussione pulsuum, decretoriam commotionem, & sudores bonos, citra horrenda pericula habuit, 1. dier. decr. cap. 7.

*Eustomachus* cibus est gratus stomacho, ventremque roborans, 6. de tuen. san. cap. 9.

*Euthyporos*, id est, in rectum procedens, alterum ex instrumentis, & organis est, quæ fractis, vel luxatis cruribus supponuntur, (σάλιονες, Græci vocant) quod quidem Euthyporos per unicum axem; qui in fine machinæ ad infimam ejus partem est collocatus, contrarium nixum toti membro, geminâ tensione efficit; quod verò prius sursum, mox deorsum, illud *Metalepticum* dicitur, quasi translativum dixeris, 6. meth. cap. 5.

*Eutro-*

*Entrophia*, id est, bona, & uberior nutritio, 3. de sanit. tuen. cap. 8.

*Exanastomosis*, vide *Osculorum apertio*.

*Exangues corporis partes* sunt, ut ossa, & cartilaginee, quæ mucoso quodam humore naturæ suæ analogo aluntur, lentore quodam, & albedine prædito, 3. de art. 65.

*Exanthematum* nomen, quidam in communi usurpant, de affectionibus videlicet ulcerosis, & asperis in aliquâ corporis parte provenientiibus, quæ & *Pustulæ*, & *Bothor* dicuntur, 5. de comp. med. loc. cap. 6. Sunt autem *ἑξανθήματα*, sive *Papulæ*, quædam leves eruptiones humorum per cutem efflorescentium; rubræ, pallidæ, flavæ, nonnunquam & nigræ, & lividæ, pro humorum ratione, nunc indolentes, nunc prurientes cum scalptu, interdum sine pruritu, nunc ulcerosæ, nunc ad ulcus non devenientes; harum generum sunt *φλυκταίαι*, *ψυδράκια*, *ἱππινύκιδες*, *λειχήνες*, Variolæ, Morbilli, quæque in lue Venereâ etiam gignuntur, & quæ in febribus pestilentibus, vide *Pustulæ*, *Eruptiones*.

*Exarthrema*, luxatio est, non omnis, sed ea tantùm, in quâ totus articulus à suâ sede naturali excidit: nam parvam luxationem, non *ἑξάρθρωμα*, sed *ὑπόάρθρωμα*, quidam vocari contendunt, 2. meth. 2. Alii per *ἑξάρθρωμα* intelligunt positionem articuli depravatam & præter naturam. Ea fieri potest sursum, deorsum, intro, foràs, antè, retro. Sex enim istis differentiis in articulo ossa à suâ sede transponi possunt. Est autem luxatio morbus ossis, non quâ os pars similis est, sed quod partis organicæ portio sit. Sic enim & in multis aliis partium organicarum morbi partibus similibus per accidens tribuuntur, & contra similiarium morbi organicis.

*Exarticulatio*, est alicujus membri luxatio, lib. de morb. differ. cap. 13. *Exarticulationes* interdum vocat

*exar-*

*exarticulata*, id est, ossium è propriâ sede excessus, sine fractione com. 1. in 1. de fract. 1. vide *Luxationes*.

*Ex aegritudine senectus*, sive *ex morbo senium* (quod & *Tabes*, seu *Marasmus*, & *Marcor*, febrisque à quâ proficiscitur, *Tabida*, vel *Marasmodies* dicitur) est extinctio summave imminutio nativi caloris, ad quam totum corpus contabescit, instar arboris cujusdam supra modum arefactæ, aut ob longitudinem temporis, aut flammæ viciniam, aut vehementem, atque immoderatum squalorem. Cumque hæc qualitas senibus, annorum multitudinis ratione compareretur, tabidis tamen à febrili caliditate, §. de sanit. tuen. cap. 9. & 1. de diff. febr. cap. 8. Fitque ex defectu nutrimenti, ubi quis vel ex electione famem tolerat, vel præ ciborum inopiâ, fame conficitur, lib. de marcore, cap. 1. vide *Marasmus*.

*Excavatio*, vide *Lordosis*.

*Excidentia*, apud Hipp. nunc sine adjectione luxationem ossium à propriâ sede significant, 1. de fract. 1. nunc articulorum tantum luxationes, com. 3. de iis, quæ in med. 31. vide *Luxationes*.

*Excrementum*, id omne dicitur, quod in alendo corpore, nec confici, nec assimilari potuit: Cumque corpori non adnascatur, nec adcreseat, propterea per ipsius laxiora intus spatia supervacaneum errat, unde nomen quoque rectè à majoribus ei rei *περίτρωμα*, id est, pererrans est inditum, 1. de sanit. tuen. cap. 3. vide *Attraxatrix*, & *Lotium*.

*Excitationes*, id est, ossium extra cutem ejectiones, de ossibus enim extantibus est sermo, 4. de art. 34.

*Exelcismus*, est ossis, vel ossium deductio à superficie in profundum, lib. finit.

*Exercitatio acuta*, cujus celeres motus sunt, est, quæ corpus extenuat, & consumit, contraria crassum reddit; multa corpus siccant, mediocris obesum præstat, §. de sanit. tuen. 3.

*Exipo*

*Exipotica*, digerentia sunt medicamenta, 7. de comp. medic. per gener. 9. ἐξιπωτικὰ φάρμακα eadem sunt quæ & ἐπισπαστικὰ.

*Ex morbo senium*, vide *Ex ægritudine senectus*.

*Exomphalos* dicitur, cui umbilicus foras prominet, quod malum, alii *rupturam* vocant, alii *egressionem umbilici*, quod accidit, vel Peritonæo rupto, aut procidente Omento, aut intestino, vel humore ibidem collecto, vel carne subnatâ, vel sanguine in locâ hæc irumpente, per *Diapedesim*, vel *Aneurisma*, vel solo aliquando spiritu irruente, vide *Bubonocèle*. Ipsum autem malum ἐξομφαλον πᾶσι appellatur. Si omentum procidit, circa umbilicum tumor concolor, mollis tactu indolens, & inæqualis apparet. Si intestinum, præter hæc tumor magis inæqualis est, digitis cedens & evanescens aliquando cum strepitu, balneisque & distentionibus magis increfcit. Humorem denotat mollis tumor qui compressu non cedit, nec decrefcit, neque tamen augetur. Si præter superiora signa lividior tumor est & durior, adnatæ illic carnis signum est. Introductorii author tres tantum causas videtur novisse, scribens omnes ἐξομφάλους tribus differentiis comprehendi, alios appellans πνευματιμφάλους, alios ἐντερομφάλους, alios υδρομφάλους. Non est autem malum hoc peritonæi solius, sed oportet omnino transversorum quoque musculorum epigastrii nerveas appendices affectas esse.

*Exostosis*, ἐξόστωσις, ossis eminentia & extuberatio, quâcunque corporis parte præter naturam contigerit. Peculiari tamen nomine ossium tubera, quæ in genis contingunt, πτερυγισμοὶ appellantur. Non dubium est hujus tumoris, qui præter naturam est materiam crassam esse & melancholicam. Sunt autem hujusmodi tumores Gallico morbo laborantibus frequentes.

*Expansa*, ἐκπεπληγία, vide *Abscedentia*.

*Experientia*, est ejus, quod sæpius, & eodem modo visum



visum est, observatio, atque memoria ad Trasibul. cap. 11.

*Exspiratio*, est motus, quo spiritus per respirationem ad interiora latus, ad exteriora cum fuliginosis excrementis propellitur, 4. aphor. 68. quâ in cordis compressionibus, id, quod fuliginosum est in eo, ac fumidum, per læves arterias, extrâ funditur, 7. de usu part. 9. vide *Inspiratio*.

*Exspiratus*, species quædam est respirationis ex convulsione proveniens, quæ musculorum, qui exspiratum efficiunt, convulsionem sequitur, quam appellat Hipp. spiritum inter exeundum offendentem, 2. de sympt. caus. cap. 2. & 4. aph. 68.

*Expulatrix facultas*, vide *Attratrix*.

*Exquisita tertiana*, vide *Tertiana simpliciter*.

*Exsuccatio*, id est, sugillatio, 2. de fra. & 24. vide *Contusio*.

*Exsudare*, est circa frontem, & claviculas parùm sudare, com. 2. in 1. de morb. vulg. 75.

*Exsufflatio*, est multi spiritus extra animal ex thorace per guttur affatim facta emissio, agentibus ad id intercostalibus musculis, contractoque Thorace, 1. de loc. affect. 6. Quæ duplex est, altera citra sonitum & strepitum, cum ex utrisque thoracis partibus nihil omnino exspirat animal; altera cum unâ tantùm thoracis parte respirat animal, ita ut semispirans, vel semivocale reddatur, diciturque *exsufflatio strepens*, vel *cum sonitu*, 4. de loc. aff. 6. Illa hiantibus, hæc constrictis fit faucibus.

*Exstasis*, id est, mentis amotio, insania est, quæ brevi finitur, libr. finit. *ἐκστάσις* & *ἐκστασις* dicuntur, apud Hippocr. de vehementi motione & aberratione mentis, eadem prorsus significatione quâ *μανία* & *ἐκμανία* usurpat, ut annotat Galen. comm. 3. in libr. 3. Epid. fit à flavâ bile ustâ per cerebrum diffusâ, vide *Ecstasis*.

*Exten-*

*Extensum intestinum*, vide *Rectum*.

*Extergentia*, vide *Rhyptica*.

*Externa causa*, vide *Procatartica*.

*Extubratio*, est vertebræ alicujus ab interiori, ad exteriorem regionem facta luxatio, 9. de placit. 4.

*Exustio*, quæ & *Deustio* dicitur, sive ipsa Solis operatio, talem fortiatur appellationem, aut qui ab eâdem fit in corpore affectus, sive ille jam effectus sit, sive adhuc fiat: ubi sæpius adest calor quidam præternaturalis, nondum tamen febris, nisi cor quoque simul sit ultra modum calefactum, 1. de diff. feb. cap. 2. 3.

## F.

**F**ACIES, Græcè *ὤψων*, est quidquid à prioris capitis parte, sub totâ fronte, auribus, oculis, naso, & ore ad mentum usque, à superciliis incipiens, circumscribitur, lib. Introd. cap. 10.

De homine tantum dicitur *ὤψων*, quod cum unus animantium erectus sit, solus antrorsum prospectet, vocemque antè versus emittat. In brutis autem *ὤψων* appellatur, in avibus *ῥάμφος*.

*Facies Hippocratica*, quam mortiferam vocant, est, cujus nasus acutus, cavi oculi, adstricta tempora, aures frigida, & contractæ, & fibræ earum visæ, cutis circa frontem dura, intenta, arida, color totius vultus viridis, aut niger est, 1. progn. 7.

*Fætus*, (quo tempore in utero semen seminis speciem refert, ut in abortu & dissectione visum est) ab Hippocrate appellatur, ubi semen in uterum injectum, sanguine repletum fuerit, & Cor, Cerebrum, & Jecur, indistinctam quidem, & informem, quandam tamen coagulationem, & magnitudinem præ se tulerint, & carnea fætus substantia, & non amplius seminalis apparet, tunc non *Genitura*, ut priùs, sed *Fætus* ab Hippocrate appellatur talis forma, 1. de sem. cap. 9.

*Fames, vide Sensus indigentia.*

*Fatuitas* (quæ & *μωρωσις*, Stultitia, & Stoliditas dicitur) symptoma est citra delirium, ægros naturalibus fatuis similes reddens, quales etiam ex iis, qui consenescent, nonnullos fieri novimus, cui pathemati simile quidem est, quanquam non idem, quod vocant *ἄνοϊαν*, id est, *ignorantiam*, de quâ Thucydides scripsit, in his, qui ex peste servati sunt, hoc pacto, ignoraverunt, tùm seipfos, tùm familiares, com. 2. in 1. prorrh. 60. Deficiens est seu infirma motio facultatis ratiocinatricis.

Ad eam quidem facultatem propriè pertinet fatuitas, non tamè reliquæ principis facultatis actiones integræ sunt, sed pariter imperfectæ: nam & parum aptè imaginantur, nec probè meminisse solent fatui, quippe qui cerebrum non habere vulgò dicantur. Quæ eam inducunt in prorrh. sect. 2. dicuntur *μειωρωμένη*, hoc est, *τὴν μωρωσιν ἐμποιοῦν τῇ Ἀλγοίᾳ*, sicut Gale. explicat. Ejusmodi sunt vel minus idonea, decensque cerebri conformatio, vel frigida intemperies, aut frigidus aliquis & pituitosus humor in cerebro collectus, vel medicamenta, quæ foris imposita, caput modicè refrigerant. Neque enim *μωρωσεως* causa tam magna ac vehemens est quàm *ἄνοϊας*, quæ ejusdem facultatis abolitionem privationemque significat. Eo enim discrimine *ἄνοϊα* & *μωρωσις* distinguuntur. Jam verò differt *ἡ ἄνοϊα* ἀπὸ *τῆς ἀφροσύνης*, quod ut scribit Galenus, illa quidem abolitio sit, hæc verò functionis ratiocinatricis, aut imaginatricis etiam depravatio, quodque ut ait Aëtius, stultitia consentanea dicit & facit: delirium autem, quod & *ἄληθ* & *ἀφροσύνη* vocatur, non servatâ rerum consequentiâ, alium alii sermonem implicet, qui nihil ad rem faciat, & delirium quidem ut plurimum senibus, *μωρωσις* autem & pueris & adolescentibus & reliquis ætatibus à morbo accidat.

*Fauces*, sunt internus oris locus, ubi simul conveniunt, & gulæ, & gutturis partes extremæ, 4. de loc. aff.

aff. cap. 3. quas Fauces *Pharynga* vocant, id est, præ-jacentem gulæ, & gutturis sedem, quâ apertâ videmus evidentem amplitudinem, in quâ gemina ostiola visuntur, tum gulæ, tum etiam gutturis, 3. progn. 16. vide *Isthmum & Pharynx*.

*Favus*, quî & *Κηρίον*, & *μαλινηοίς* dicitur, vide *Achares*, & *Cerion*.

*Febrire* existimamus, non eum modò qui in cute corporis exteriori igneam habet caliditatem, verùm eum cumprimis, qui eam, in corporis imo, & visceribus continet, com. 1. in 1. prorrh. 7.

*Febris*, secundùm communem omnium hominum consensum, est caliditas præter naturam, maximè quidem in totum animal effusa: sin minus, at omninò vel in plurimis partibus, vel in nobilissimis accensa, com. 1. in 6. de morb. vulg. 29. cùm is calor adeò auctus est, ut & hominem offendat, & actionem cordis lædat, 8. meth. cap. 1. sive idem calor ipsum cordis corpus occupaverit, sive eos, qui in ejus ventriculis continentur humores, 1. de diff. febr. cap. 1. & 3. de cur. per sang. cap. 5. *Febrē* autem dicit Hippocrates à fervore, & igne dictam; uti nomen *πυρετός* dicitur *ἀπὸ πυρός*; id est, ab igne; siquidem Febris essentia calorem igneum habeat, 3. de fract. 8. de caus. morb. c. 2. Genere quidem intemperies est, habetque substantiam in calore præter naturam positam, non modò intensiōe, sed genere etiam diverso à calore nativo: Solâ quidem intensiōe in hecticis & diariis videtur differre, sed in putridis toto genere. Hic in corde primùm concipitur, tanquam in primo febrium subiecto, indeque per arterias in corpus universum facillè spargitur. Neque enim cor solum febris subiectum est, sed reliqui pariter corporis spiritus, vel humores, vel solidæ partes. Sunt autem febrium multiplices differentiæ, quas omnes Hippocrates, ut ait Galen. breviter complexus est, lib. 6. & *ἐν τούτοις* his verbis: *Febrim hæc quid-*



dem manu sunt mordaces, hæ verò mites: hæ autem non mordaces quidem, sed post insurgentes: aliæ verò acutæ, sed quæ manui succumbunt: aliæ sunt statim exardentes, quædam semper pusillæ, siccæ, quædam salsuginosæ, quædam statibus plenæ, aspectui graves, nonnullæ ad tactum humectæ, nonnullæ vehementer rubidæ, aliquæ vehementer pallidæ, aliæ lividæ, & alia ejusmodi. His enim verbis præcipuas febrium differentias comprehendit.

Febrî ab apostemate (quam febrem phlegmonoden vocat, 14. meth. cap. 9.) est, cùm aliqui, vel ob inflammationem obortam, abscessum, dolorem, vel erysipelas, lateris, pulmonis, vel alterius partis febricitant; licet Veteres eos non simpliciter febricitare, sed vel pleuriticos, peripneumonicos, lienofos, simpliciter dicerent, 4. aphor. 73. Eadem etiam febrî accidens dicitur, si post sensibilem alicujus membri adveniret affectum; alioquin ægritudo, & passio censenda est, de diff. morb. cap. 5. & com. 1. in 6. de morb. vulg. 29.

Febrî accidens, vide Febrî ab apostemate.

Febrî Acmaistica, Anabatica, Epacmaistica, Paracmaistica, Homosona, Causon, ardens, deurens continua; ἀκμαστικὴ καὶ ὁμογενὴς, ἀναβατικὴ καὶ ἐπακμαστικὴ, ἐπαρμαστικὴ καὶ καὶ συνεχὴς καὶ συνεχὴς Græci vocant, vide Continua febrî.

Febrî Amphimerina, ἀμφιμέρινη, vide Amphimerina febrî.

Febrî Cathemerina, vide Cathemerina febrî.

Febrî Colliquativa, κολλητικὴς πυρετός, ex genere est febrium, quas Marasmodos vocant, hoc solo excepto, quod quæ portio carnis in his colliquatur, ea semper vaporis vice digeritur, adeoque evaporat, in illis in ventrem defluit; in ardentissimis enim febribus, si carnes humidæ, ac molles cum adipis copiâ fuerint, eas sensu liquari deprehendas, unde postea in Marasmodos febres transeunt, in quibus sicciore carnes redduntur, & corii ritu durantur, nec defluit in ventrem ulla

ulla ex his sensibilis liquatio, 10. method. 11. Idque fit, cum corporis humores tenues fuerint, & febris calor acris; nam evaporantur, qui ita extenuantur, per insensibilem evacuationem, 2. de rat. viſt. 47. Præcedit ferè semper colliquans febris, deinde Marasmodus, exhaustis jam prorsus humoribus, consequitur.

*Februm confusio*, vide *Complexio februm*, ἐπιπλοκή.

*Febris Diaria*, vide *Diaria febris*.

*Febris diurna, & nocturna*, quam Græci *Cathemerinam*, & *Methemerinam* vocant, est Febris quotidiana, quæ nocte, vel die remittit quidem, sed non intermit- tit; quæ verò remittit, & ad infebricitationem ve- nit, *Amphemerina* dicitur, com. 3. in 1. de morb. vulg. 2. & 9. vide *Amphemerina*.

*Febris Ephemera*, vide *Ephemera febris*.

*Febris facta & fiens*, vide *Febris schetica*.

*Febris focus*, est ea animalis particula, quæ prima, so- lidâ suâ in substantiâ immodicè fuerit calefacta, quod in Ethicâ febre primùm est Cor, tùm Jecur, tùm Ven- ter, tandem quæcunque aliæ in consensum Cor abri- piunt; lib. de Marcore, cap. 7. *Focus febris* est parti- cula, quam vel obstructio, vel putredo, vel phlegmo- ne obsederit, 11. method. 20.

*Febres Hæcticas* appellant, quæ solidas animalis par- tes occupant; sic dictæ, vel quoniam firmæ, ac solutu difficiles sunt, (quemadmodum habitus) aut quoniam ipsum corporis habitum, comprehendunt, 1. de diff. febr. cap. 7.

*Febris Hæctica exquisitè* est, quæ nullum particularis accessionis, aut principium, aut incrementum, aut vi- gorem, aut denique remissionem habet; à solo autem cibo assumpto, Hæcticæ febres effervescent; quo in- cremento ablato, aliàs ex toto æquales semper perse- verant, lib. de marcor. cap. 8. *Ἐκτική*, geminam ha- bet significationem. Una quidem dicitur omnis fe- bris solutu difficilis, sive sit pituitosa, sive melancho-

lica.

lica. Opposita est τῇ χενῇ, hoc est, febris solutu facili. Ut enim χείρ qualitas est à subjecto facilè mobilis; χείρ verò ægrè mobilis: sic χενῇ & ἐνική in vicem opponuntur, ut scribit Galenus lib. 8. method. med. Alterâ verò significatione speciatim magis dicitur, quæ & putridæ & diariæ opposita sit. Retinet tamen eandem nominis rationem: sicut enim χείρ ægrè separatur à subjecto, sic Hæctica curatu difficillima est; vel ἐνική dicitur, quod in habitu corporis, ut supra dictum, quem χείρ appellant, tanquam in subjecto consistat.

*Febrū Helodes*, quæ & *Typhodes*, & *humida* dicitur, est, cū à primâ statim die ægrotantes sudant, sudoreque ipso, aut parū, aut nihil levantur; E contrâ sicca, in quâ sitis urget vehemens, ac scabra visitur lingua, duraque tanquam Corium cutis, plurimusque adest in corpore squalor. adversus Lycum, cap. 2.

*Febrū Hemitritæum*, vide *Febrū semitertiana*.

*Febrū Hepiala*, ἡπαλός, ex genere est quotidianæ, quando simul ægri rigent, & æstuant, atque eodem tempore in toto corpore utrumque sentiunt affectum, 2. de differ. febr. cap. 6. quæ & *Epialæ* appellatur, lib. de inæqu. intemp. cap. 2. De genere autem quotidianarum esse non potest esse obscurum, quod à pituitâ vitreâ & acidâ oriatur. Nam ubi ea moderatè, aut potius dimidio sui putret, febrem excitat Epialam. Febris quidem oritur à portione vitreæ pituitæ incensâ & putrente, frigus verò à reliquâ ejus parte non putrente nec incensâ, sed frigidâ manente. Siquidem non putris pituitæ pars per omnes venas vel universum corpus dispersa, rigorem concitat: quæ verò jam putruit, febrem accendit, non aliter quàm si pituita vitrea & bilis flava simul abundarent, & per partes sentientes moverentur. Frigoris ergo calorisque sensus in Epialâ febre eodem tempore eâdemque parte contingit, eoque à lipyriis & reliquis febribus differt, in quibus

quibus vel interna uruntur, cùm extrema frigeant, vel ardor summus in visceribus est, cùm extremæ partes algeant. Nam quod in his majoribus portionibus accidit, hoc in Epialis contingit exiguis portionibus, eoque universum corpus pariter ambo perferentiscit. Quidam ajunt sic vocatam hanc febrem ἀπὸ τῆς ἡπίας καὶ ἀλγος, quod mare in summâ etiam tranquillitate perpetuò agitetur: vel ἀπὸ τῆς ἡπίας ἀλευμεν, quod molliter & moderatè incalescat.

*Febris homotona*, vide *Continua*.

*Febris horrida* est, in quâ magna accessionis pars horrore consumitur, 2. de diff. febr. cap. 8.

*Febris humida*, vide *Febris Helodes*.

*Febris hyemalis*, ea est apud aliquos, quæ hyeme fit; apud alios ea, quæ hyemis tempori est peculiaris, 4. rat. viſt. 61.

*Febres livida*, à colore cognomen adeptæ sunt; ægri enim cutis tota livida, & labia, qualia exesis moris esse solent, & oculorum album livescit; quæ sanguineum succum deficere nunciant, & cum ipso itidem ingenitum calidum summè exhaustum, atque idcirco mortiferæ sunt, ex quibus nonnullæ syncopas etiam efficiunt, com. 1. in 6. de morb. vulg. 29.

*Febris lipyria*, λειπυρία, est, in quâ intus in ipsis visceribus calor sentitur urens, adeo ut neque valdè subtilium vestimentorum, neque linteolorum velamenta, neque aliud quidquam præter nuditatem ferre possint; in externis autem partibus, frigus adest, libr. de inæquali intemp. cap. 8.

*Febrem magnam*, aut *parvam*, consueverunt Medici appellare, non propriè quidem rei quali, nomen quanti accommodantes; hoc tamen facere assueti, non in febribus tantum, sed in mille aliis rebus, quæ licet in qualitate subsistant, magnæ tamen, ac parvæ dicuntur, 1. de differ. febr. cap. 1.

*Febris marasmodes*, sive *Febris marcida*, est, in quâ omnes



omnes corporis partes æqualiter marcescunt, libr. de marcor. cap. 5. vide *Marasmus*.

*Febris marcida*, apud Philippum idem est, ac *ex morbo senium*, quanquam eam Galenus non vult febrem dici, cum in eâ frigidius, quàm natura postulat, cor sit factum, ostendunt id, pulsus parvus, & rarus redditus, respiratio parva, tarda; ac per longa intervalla, quæ & ipsa cordis, & partium ad cor pertinentium frigiditatem indicat, lib. de marcore, cap. 5. *Senium* igitur *ex morbo*, quoniam in illo frigiditas siccitati adjuncta est, febris non est; sed istantum febris dici potest marcor, qui & torridus dicitur, & marcor syncopticus; his enim ambobus est pulsus frequens, & parvus, ægrique, dum oscitant, spiritum efflant calidum, ut jure ipsum ardori, & æstui assimilare possis, qui marcor torridus, ex caliditate, ardentissimisque febribus, præsertim in sicciori corporis habitu, fit; frigidus autem marcor, senilis, fit ex permutatione febrium, quæ tùm per aquæ frigidaë potionem, tùm per ea auxilia, quæ refrigerandi gratiâ Hypochondriis, ac Thoraci imponi solent, fuerint secus, ac oportet refrigeratæ. lib. de marcor. cap. 5. vide *Ex ægritudine senectus*.

*Febris Methemerina*, μεσημεριανὸς πυρετός, vide *Febris diurna*.

*Febris mitis* est, quæ Medici manum non mordicat, neque exurit, aut ferit admodum, sed vaporem adeo minimè mordacem exhalat, hujusmodi est Diaria febris; *mitis* autem dicitur non simpliciter quidem, sed per comparisonem cum febribus ardentibus; si quidem febrilis omnis calor, sit igneus, acer, & mordax, sed hic magis, ille minùs; vide *Febris simplex*.

*Febris modos*, nonnunquam *mores* vocant, nonnunquam *differentias*, vel *essentias*; cum E. G. dicimus, febrim boni vel mali moris, esse benignam, vel malignam, 1. de morb. vulg. 10.

*Febris Pemphigodes*, πεμφιγώδης est, quæ per caloris inten-

intensionem ; pustulas in ore, quæ Græcis *φλυκτῖδες* dicuntur, generat, lib. finit. Insuper *Pemphigodes febres*, per spirituum effluvium evanescentes interpretantur : sentimus enim plerumque per febricitantium cutes, aërium quendam halitum effluentem. Dicitur quoque *Pemphigodes*, flatulenta febris vel flatuosa ; sed hanc plerique vario modo interpretati sunt. Quidam *Diariam febrem* intelligunt, natam ex spiritibus accensis, quæ & *πνέσμα πύδης* ; alii, *febrem madentem*, & *humidam*, ab effluvio quodam vaporoso, per cutem erumpente ; alii, *eam febrem* sic vocant, quod veluti exiliens, & manui occurrentium scintillarum opinionem præbet ; vel ita appellatur *pestilens* ἡ μὲν περιφύων, id est, quæ cum pustulis efflorescit. Quanquam possit etiam per *pemphigodem febrem* intelligi *synochus non putris*, quam ob id *inflativam* vulgus medicorum vocat, quod sanguinis calore febrili ferventis copiâ, venæ omnes plurimum sint inflatæ, & sanguine flatuoso, & bulliente, plenæ. Verùm Galenus in eam sententiam inclinat, ut *diaria* intelligatur, quæ in spiritibus accensis, & rarerent putrentibus subsistit, com. 1. in 6. de morb. vulg. 29.

*Febris pestilens* est, quæ à calidiori ambientis aëris constitutione (qualis maximè circa Canis ortum contingit,) vel à putrescibili vaporatione manifestè cor calefaciente, excitatur. In febribus omnibus simul cor affici, est necessarium, & cùm supra modum incaluerit, ipsum primùm atque potissimùm febrilem calorem suscipere, atque ad universum corpus transmittere, 1. de diff. febr. cap. 4. vide *Endemus*.

*Febres putridæ* sunt, quæ ex humorum putredine accenduntur, cum rigore, extremorum frigore, vel horrore incipientes, inæqualitatem pulsum habent & calorem, sive in principio, sive in augmento acrem, & mordacem : Systole est velocior ipsâ diastole, urinæ crudæ, ejusdem febris declinationem integra non

subsequitur quies , 1. de diff. febr. cap. 7. Generantur autem à præcedentibus causis , non à præincipientibus , quæcunque enim in ipso animali sunt , vel dispositiones vel motus præter naturam , ægritudinum præcedentes causas nominant ; quæ verò extrinsecùs adveniunt , & alterant corpus , atque transmutant naturam vehementer , præincipientes appellant , de caus. morb. cap. 2.

*Febr̃ putrida intermittens* est , quæcunque ad sensibilem infebrecitationem pervenit , ortum habens ab humore putrido , qui per omnes corporis partes expultrice vi defertur , 2. de differ. febr. cap. 1. cujus tres sunt omnino differentiæ , *quotidiana* , *tertiana* , *quartana* ; *quotidiana* , quæ ex pituitâ putredine est ; ex utriusque verò bilis , flavæ quidem *tertiana* ; nigrae autem *quartana* ; 2. de differ. febr. cap. 2.

*Febr̃ quartana* , vide *Febr̃ putrida*.

*Febr̃ quintana* , *sextana* , *septimana* , est , cùm ægri non prorsus ab affectione morbosâ sunt liberati , sed semen aliquod retinuerunt ; his usu venit ad victum convenientem negligentioribus , sæpè sexto die à principio febricitare , sæpè septimo , non rarò octavo , vel alio ; & cùm febris statâ periodus cessaverit , putantibus , se prorsus esse liberatos ægris , eodemque omnino victu utentibus , ex semine morbi reliquo , totidem diebus affectio febrilis prima redit. Non igitur ex vi morbi hic circuitus datur , sed ex residuo affectionis , & inordinato infirmorum victu , comm. 2. in 1. de morb. vulg. 7. De quintanâ quidem Hippocr. scripsit , lib. 1. de morb. vulg. Negat tamen Galenus visam à se , nisi obscuram valdè & difficilem. Hippocratis verba de eâ habentur : *Quintana pessima est omnium ; etenim & ante tabem , & jam tabidâ superveniens , perimit.*

*Febr̃ quotidiana* , vide *Febr̃ putrida intermittens*.

*Febr̃ remissio* , sive *Infebrecitatio* , totum illud tempus est , quod accessionem sequitur ; quod tempus alii

*inter-*

*intervallum*, alii, *declinationem*, *submiffionem*, vel *ablacionem* nominant, de morb. temp. cap. 6.

*Febris reverfiva* eft, non acuta, fed diuturna, imperfectas habens folutiones, quæ poftèa rurfum exoriuntur.

*Febris fanguinis* eft *Febris fimplex*, *Synochus non putrida* dicta, in quâ fanguis fecundùm naturam fe habens, accenditur quidem, fed non putrefcens generat febrem fimilem ephemeris, & quæ ex inflammationibus inguinum accidit: nam & inguinis inflammatio, ex bono fanguine, fed accenfo, fit, 2. de crif. 12. Putrefcit quidem interdum fanguis, fed ex eo fimpliciores fiunt febres, quàm ex aliis humoribus; fimilem verò accelfionum proportionem affumunt, qualem tertianæ febres oftendunt. Quod fi fanguis fuprà modum affetur, pars ejus subtilior, ac pinguior, in flavam omnino convertitur bilem, quæ autem craffior, in atram; ut in carbunculis contingit, in quibus fanguine fuprà modum effervefcente, ad melancholicum humorem fit tranfmutatio, 2. de diff. febr. cap. 9. Præfentem itaque febrem videtur reponere in ordinem februm Synocharum non putridarum, quo etiam numerat febres diarias, 9. method. 2.

*Febris fchetica*, quæ facilè difcutitur, oppofita eft *Feбри heftica*, quæ difficulter folvitur; ut enim illa fit, ita hæc facta eft, 8. method. 1.

*Febris femitertiana*, five *Hemitritæus*, *ἡμιτρίτης*, eft, quæ ex quotidianâ, continuâ, & tertianâ intermittente, complicatis confunditur, 2. de differ. febr. cap. 7. Fit ex pituitâ, & flavâ bile fibi proportionè refpondentibus, & æquipotentibus, ibid. cap. 8.

*Febris fignificatio*, quæ Græcè *ἐννομενός* dicitur, eft primus infultus, acceffionis tempus indivifibile, exactè jam primùm, lib. de morb. temper. cap. 6. in quo ægri folent horrere, refrigerari, ofcitare, pandiculari, dormitare, aut alia quædam his fimilia pati, quæ



quæ & *Annotatio* dicitur, 2. aphor. 1. vide *Insultus*.

*Febris simplex* dicitur, quæ à primo statim die, etsi acuta est, non tamen supremè, sed simplicissima, & cum tutissimis signis invadit, quam Hippocrates *διήγη*, id est, *mitem*, nominat, seu *boni moris*, 1. de cris. c. 16.

*Febris singultuosa* est, in quâ ægri singultiendo, rodentem, acerrimumque humorem vomunt, à quo singultu non liberantur, nisi febris in totum soluta sit, vel propè, 4. acut. 69.

*Febres spirituosas* quidam nominant (quas *Pemphigodes* aliter appellant) ob difficilem anhelitum, in quibus siquidem magnus creberque spiritus redditur, com. 1. in 6. de morb. vulg. 29.

*Febris syncopalis*, *συγκοπὴς πυρετὸς*, est, ubi propter maximam crudorum succorum copiam, unâ cum oris ventriculi offensione, præcordia instantur, totum corpus ampliore mole, quàm pro naturæ modo, cernitur, tum color ad albidius, vel lividius, vel nigrius, seu plumbei coloris tendit, pulsus minores, obscuri, & inæquales, & syncope etiam solet apprehendere ægros stomachica, 12. meth. 3. Est & aliud syncopalis febris genus, quod non ex crassorum, & crudorum succorum copiâ fit, sed ex tenuibus succis, qui ocysimè exhalant, in quâ ægri syncope similiter opprimuntur, 12. meth. 6. Priorem vocat *Avicenna syncopalem humorosam*; posteriorem, *syncopalem minutam*.

*Febrem Synochon* Græci Medici eam appellant, in quâ una similisque ferè accessio ab initio ad finem perpetuò manet: cum enim accessionis remissio ex ferventium humorum transpiratione contingere soleat; non transpirant autem in vehementi stipatione, qualis est in synocho; necesse est igitur multorum dierum febrilem fieri accessionem, 9. meth. 2. Vel ea est *febris synochus*, quæ omni magnâ mutatione usque ad iudicationem caret; hæc Latinis *continens* dici potest. Cæterum etsi una sit idea hujusmodi febrium, à quâ Synochos

nochos eas nominant: natura tamen earundem minime simplex, unaque est; quædam namque earum manifestam habent putredinis notam, quædam verò prorsus non habent: quæ ex diariarum febrium genere sunt, illas vocamus *synochos putridas*, has, *synochos non putridas*; Barbari hanc vocant *synocham*, illam, *synochum*. Gal. 9. meth. & 2. de diff. feb. indiscriminatim, utrâque voce utitur, & *Synochi*, & *Synochæ*, utrasque sub *Synochi* nomine comprehendens. Atqui *Synochus febris*. & *Synoches*, Græcè *σινόχου*, & *συνόχης*, hoc est, *Continens*, & *Continua*, differunt, quòd in *Synocho* nulla sit fervoris remissio, in *Synochis* autem singulis, accessiones in remissionem sensibilem terminentur; neutra tamen ad infebriationem pervenit, 2. de cris. 6. vide *Synocha*.

*Febris tabida*, vide *Marasmus*.

*Febris tertiana exquisita* est ea, quæ tertio quoque die accessionem faciens, intermittit, cum brevi accessionis tempore, cum frigore invadens, sudore, bilis vomitu, & biliosis excrementis terminatur in infebriationem à bile putrescente fit, cui si aliquid horum deficit, non exquisitè, sed simpliciter *tertiana* dicitur; quòd si intermissio sit minor, & accessio longior, dicitur *tertiana extensa*, 2. de diff. feb. 8. & com. 2. in 6. de morb. vulg. 25. vide *Febris putrida intermittens*.

*Febres Tritæophyes*, *τρίτηιοφύεις*, hoc est, tertianarum naturam referentes sunt, quæ tertio die invalescunt, 2. de diff. febr. cap. 2. vide *Tritæophyes febres*.

*Febris Typhodes*, *τυφάδης*, vide *Febris Helodes*.

*Fellis folliculus*, est *Vesica fellis*, 5. de loc. aff. 7. vide *Cystis*, & *Choledocos*.

*Femen*, vide *Interfemineum*, & *Perinaeon*.

*Femur*, à *Ferendo*, quod totius corporis reliquum ferat, & sustineat veluti onus, idem ferè quod *Crus*, os, magnitudine cunctis animantis ossibus præstat, supra coxendici, infra tibiæ ossi alligatur, cujus cervicis duo sunt exigui processus, quos *Trochanteres* vocant, quorum

quorum exteriorem, qui longè major est, *Gluton*, hoc est, *Natem*, appellant, lib. de ossib. cap. 21.

*Fermentatio*, vide *Fervor*, & *Zymasis*.

*Ferina desipientia*, vide *Desipientia ferina*.

*Fervor*, sive *Fermentatio*, affectus est, ab atrâ bile proveniens, ubi ampliùs incaluerit, aut propter putredinem aut febrem phlegmonodem, quam nullum animal, ne ipsi quidem mures gustaverint: terra quoque raditur ab eâ, ac partes, quæ ab atrâ bile raduntur, omnes in altum attolluntur, 14. meth. cap. 9.

*Fibræ*, seu *Villi*, sunt tenues quædam, & subtiliores nervorum, & ligamentorum propagines, aponeuroses, & denervationes, quibus opitulantis (perindè ut manus digitis) nervi & muscoli actiones suas obeunt, 9. de usu part. 2. & 1. de placit. cap. 10.

*Fibula*, vide *Cneme*.

*Ficatio*, vide *Sycosis*.

*Ficatum*, id est, *Jecur*, sic dictum est, quòd omnium animalis partium compactissimum ad coquendum difficile, tardèque permeet, propterea mactandi animalis jecur, multarum ficuum siccarum esu præparatur, ut evadat seipso melius; cùm animal ipsum caricas affatim comederit; quâ solâ ratione factum est, ut hanc appellationem sortiretur, 3. de alim. fac. cap. 12.

*Ficosus tumor*, est tumor in mento natus ex crassiori humore, & serosiori tenuitate, quàm *Varus*, 5. de compos. med. loc. cap. 4.

*Ficus in oculo*, est tuberculum quoddam à crassiori humore oculi partibus affectis adhærescente, com. 3. in 3. de morb. vulg. 48. Græcis, *ὄψα καὶ οὐκὼς*; eruptiones ulcerosæ sunt, rotundæ, subduræ, rubicundæ, quas dolor comitatur; fit hoc malum magnâ ex parte in capite, sed & reliquo etiam in corpore; fit etiam in ano, & *Marisca* dicitur: in palpebris adhuc fit, & dicitur etiam *ὀψακὼς*; quòd scilicet ficus granorum referat similitudinē, unde *ficosam* appellant *palpebram*.

*Fistula*,

*Fistula*, *Σύεσις*, est angustus, & longus sinus, libr. de tumor. cap. 5. per translationem dictus à Musicis instrumentis, quæ oblonga obtinent cava, & *Fistula* nominantur, 2. progn. 64. Nascitur ut & sinus ex abscessu. Præcipua ejus substantia callus est, materia autem humor melancholicus, qui discussis & per halitum digestis tenuioribus humoribus remanet. Itaque in genere tumorum præter naturam continetur, quamvis ob manifestam continui solutionem, inter ulcera potius quam inter tumores numeretur à præstantissimis etiam Medicis. Duæ ejus produntur differentiæ, cæca, quæ osculum in profundo, sinum ad superficiem habet: occulta, quæ & os & sinum obtinet in profundo.

*Fistula Vrinaria*, quæ *Vrethra*, *ὑέθρα* dicitur Græcè, est meatus urinæ reddendæ accommodatus, qui in pene est, à cervice vesicæ ad extremam usque glandem porrectus. Hic in viris longus, angustus, & S Romanæ literæ modo obliquus est. In mulieribus verò brevis, latus & rectus. Ex nervosâ tunicâ contextitur instar coriaceæ fistulæ, 4. aphorif. 76.

*Fistulosus*, seu *flatusus nervus*, vide *Cavernosum*.

*Flatusus morbus*, vide *Hypochondriacus*.

*Flatusus spiritus*, qui & *Flatus* dicitur, tumorem excitans flatusosum, crassus ac vaporosus est vapor, neutiquam tenuis; ille enim aëri, qui Austrinis constitutionibus fit; hic verò, qui Aquilonaribus regnat, assimilatur: estque hic is, qui in nobis secundum naturam est, spiritus, & proin conservandus, ille verò ceu crassus, extenuandus, ac corrigendus, 2. ad Glaucl. 6.

*Flava bilis*, vide *Amara*.

*Flexus variciformis*, est plexus ille venarum, & articularum in testibus multipliciter flexarum, in cujus primis flexuum partibus sanguis syncerus continetur, qui certè in ultimis ejusdem flexûs vasis ad ipsos testiculos non ampliùs ruber planè est, sed jam quodammodo albicat succus is, qui in ipsis continetur, exiguum adhuc



adhuc requirens ad perfectam substantiæ seminis generationem, quod ei à testiculis ipsis accedit, 9. de usu part. cap. 4. vide *Glandulosi assistentes*.

*Fluctuatio cum sonitu*, Græcè κλύδων, symptoma est facultatis concoctricis, & retentricis, nec arctè satis, nec sufficienti tempore complectentis, eamque ob rem insufficienter etiam concoquentis alimentum; unde eò diutius in ventre gravitas ex alimento manet, quò tardiùs concoquitur, præsertim cùm nihil in eo continetur, quod verti in flatum possit, aut cum ventriculus vehementer fuerit perfrigeratus. Nam si quid in eo hæsit quod possit in flatum converti, flatus non κλύδων excitebit, nisi sit admodum refrigeratus. In flatulenta enim materiâ flatus fiunt à debili calore: à nullo autem calore nullus flatus est. Itaque rationabiliter ventris imbecilli symptoma creditur. Interim enim cùm minimum ciborum assumpsimus, non fiunt eiusmodi fluctuationes, complectente prorsus eos ventre, ac undique constringente. Interim plenus cibo venter est, sonitus tamen fluctuantis in eo humoris veluti ex vacuo exaudiuntur. Cùm enim pro suâ naturâ se habet, ac constrictoriâ vi ritè utitur, quamlibet exiguum sit quod in se continet, totum id undique complexus, nullum vacuum relinquit locum. Cùm imbecillus est quâcunque parte complecti exactè assumpta non valet, ibi laxum quoddam spatium efficiens permittit ea quæ in se continet humida, pro figurarum varietate ex alio loco in alium transire, ac fluctuationum sonitus edere. Itaque qui hoc symptomate laborant, non possunt concoquere sufficienter, & eò diutius in eorum ventre gravitas manet, quo tardiùs concoquunt.

*Fluxio*, quædam est inflammationum causa, nempe quæ perindè ut inflammationes, non admodum occulta, tamen quandoque nullâ sensibili fluxione præcedente, membrum confestim patitur inflammationem. Affectio inflammationem, quæ generat, *Rheuma*, id est,

est, Fluxio vocatur: ipsa verò passio, dispositio Rheumatica, 2. ad Glaucon. 2. Fluxio adhuc simpliciter dicitur, pilorum defluuium, quod tabescentibus magnâ ex parte, atque ex diuturno morbo convalescentibus, evenit, lib. finit.

Fluxiones ventrû, vocat Hippocrates, cùm semper, & assiduè humida dejiciuntur excrementa, sine tenesmo, & lenteria, 1. de morb. vulg. 36.

Fluxus, est tenuium humorû delatio, quam cohibere nequeas, non ex nostrâ voluntate proveniens, lib. finit.

Fluxus hepaticus est, in quo ob imbecillitatem hepatis, ab intemperie frigidâ inductam alvi sedimenta, aquæ, in quâ nuper macerata caro abluta est, redduntur simillima, 5. de loc. aff. 7.

Fluxus muliebrû est sanguinis albi saniosi ex utero profluvium, 9. simplic.

Focile majus, & minus, vide Cubitum.

Focus febris, vide Febrû focus.

Fœtus, (quo tempore in utero semen, seminis speciem refert, ut in abortu, & dissectione visum est) ab Hippocr. vocatur, ubi semen in uterum injectum sanguine repletum fuerit, & Cor, & Cerebrum, & Jecur, indistinctam quidem adhuc, & informem, quandam tamen coagulationem, & magnitudinem alicujus momenti præ se tulerint, carneaque appareat fœtus substantia, & non ampliùs seminalis; unde neque genituram ampliùs talem formam appellat Hippocrates, sed fœtum, 1. de sem. cap. 9.

Folliculus fellû, vide Fellû folliculus.

Fomenta, & Fotus, sunt qui per spongas calidâ aquâ decoctionis alicujus simplicis imbutas, & expressas, alicui corporis parti fiunt, 2. de loc. aff. 1.

Foramen cœcum, id est, Auditorius meatus, vide Auditorius meatus, & Cœcum foramen. Cœcum verò dicitur, non quòd reverà cœcum sit, sed ob flexuosam meatus auditorii obliquitatem, quæ causa est, cur funi-

culum, aut setam porcinam in hoc ipsum foramen immissam, transmittere non possis, 9. & 11. de usu part.

*Foraminulenta ossa*, vide *Cavernosa*.

*Foratio*, est idem quod *Perforatio*, sive *Trepanatio*, quâ utimur in fracturis capitis, cùm usque ad *Cerebri* membranas, *Calvariam* dividimus, 6. de comp. med. per gen. cap. 2.

*Formatrix virtus*, est quæ jacto in uterum semine, sive in terram, statis temporibus universas & singulas conflat partes ejus, quod gignitur; quæ est optima, & summa ars, quæ omnia alicujus gratiâ molitur, sic ut nihil otiosum sit, aut supervacaneum, 1. de natur. fac. cap. 6.

*Formica*, quæ & *Myrmecia*, & *Sessilis verruca* dicitur, 2. meth. 2. vide *Myrmecia*.

*Formicans pulsus*, vide *Vermiculans*.

*Fornices*, seu *Testudines*, quas Græci *Ψαλιδία* vocant, est forma, & figura concava, figurarum omnium ad patiendum difficillima, quâ formâ multa ædificia configurantur, ad cujus similitudinem, pars *Cerebri* intrinseca quædam efformata, *Fornix* dicitur, 11. de usu part. cap. 15. vide *Camarion*.

*Foveola*, est cavum ulcus, sed parvum in nigro oculi, lib. finit.

*Fractura*, vide *Unionis solutio*, & *Rhegma*.

*Fractura caulatim*, sive ad instar disruptorum caulium, & in medio perfracti raphani facta. vide *Abductio*.

*Fricatio* (quæ *τριψις*) *secca* est, cùm corpus universum solis manibus vel linteolo, nullo admisso humido aut pingui corpore, fricatur; cui opponitur *Fricatio humida*, quæ fit per aquæ, & olei admistionem; ubi enim cum oleo aqua confunditur, haud facilè solubili mistione coit, ita ut quibus corporibus ita inungitur oleum, necesse sit, & plusculum inhærere aquam: sola enim aqua, quæ foris circumfunditur, facilè defluit, & quæ in poros ingressa corporis, nullam habens ansam,

prom-

promptè effluit, nisi oleum admisceatur, 3. simplic. cap. 25. Frictio duobus modis usurpatur: uno quidem pro omni motu qui extrinsecus tam sanis quàm ægris adhibetur ad cutem, quovis tempore: altero verò vel pars est exercitationis, vel potius, ut ait Galenus, exercitationi subservit. Hanc Gymnastæ, ut ait Galen. duplicem fecerunt, *παρασκευαστικὴν καὶ ἀποθεραπευτικὴν*, hoc est, præparatoriam & recuratoriam. Tota frictio præparatoria, quæ corpus ad exercitationem præparat, ne quid in ipsâ vel rumpatur, vel obstruatur, huc spectat, ut corpus molliat: quod tamen non omnes præstant frictiones. Nam cùm sex omnino sint frictionum differentiæ, mollis, dura, & inter eas media, multa, pauca, & in eo genere mediocris, dura ligandi, mollis solvendi, multa minuendi, mediocris carnem augendi vim habet, ut scripsit Hippocrates. Altera frictionis species, quæ & ipsa exercitationibus subservit, *ἀποθεραπευτικὴ* dicitur. Recentiores gymnastæ, ut ait Galenus, eam etiam *ἀποθεραπείαν* vocaverunt, quod totius apotherapiæ præcipua portio sint frictiones, quæ post exercitationem adhibentur. Earum usus est ut quæcunque excrementa per exercitationem calefacta extenuataque in corpore adhuc manent, foras evocentur, ipsæque partes solidæ per exercitationem tensæ & induratae emolliantur, & lassitudo præterea tollatur. Id quod fit tum frictionibus cuique corpori convenientibus, unà cum partium ipsarum quæ fricantur tensione, & spiritus cohibitione, tum plusculo etiam oleo.

*Frigus, χλὴν*, non eodem modo in sanis, & ægris sumitur: in ægrotantibus enim aliud est rigere, aliud horrere, aliud algere; sæpè enim accessionis insultus cum rigore, alteri cum horrore, alteri cum solâ frigiditate suboritur. Quod si quis cum nullâ concussione, & agitatione corporis perfrigescit, nec corpus, nec omnino cutis inæqualiter, & præter voluntatem ei-



dem moveatur, *Perfrictio* dicitur, non hic tamen riget, nisi motum concussionis inæqualem, & cutis, & totius corporis sentiat, isque *Rigor* εἶναι, dicitur; si autem cutem quidem perturbet, & per quosdam insultus quatiat, corpus autem totum non commoveat, *Horror*, & *Horripilatio*, Græcè φεῖν nominatur, & proin horror affectus solius cutis talis existit, qualis totius corporis passio existit *Rigor*, lib. de trem. & palp. c. 6.

*Frons*, Μέτωπον, est pars faciei supra oculos sita, & ad tempora usque protensa, substantiâ musculosâ, & ossi subiecto (quod *Coronale* vocant) constans, superposita superciliis, pilis nuda, inter utramque aurem sita, *Introd.* cap. 10.

*Fugaces fructus*, qui & *Horarii*, & *Horæi* dicuntur, sunt, qui nascuntur eo tempore, quod *Horam* vocant; Est autem *Hora* Græcis id anni tempus, in cuius medio Caniculam exoriri contingit; Tempus autem id, est dierum quadraginta, quo tempore *Horarii fructus* constant, nonnulli jam declinantes, alii incipientes, alii in suo vigore, aut ultra vigorem, aut citra consistentes. Vocant autem ipsos *Horarios*, non solum quod dicto fiant tempore, sed (ut mea fert opinio) ut ita ab his, qui ad reponendum sunt idonei, distinguantur, quando, & triticum, & hordeum, semina cerealia, & omnia æstivam quidem atque anniversariam habent generationem, sed non citò corrumpuntur; uti propriissimè *Horarii* dicti *fructus*, ut Cucurbitæ, Mora, Pepones, Melopepones, Persica, & alia id genus; quæ si quis in hyemem servare volens, exsiccata, reposuerit, eo etiam modo veterem naturam, in contrarium imitabuntur, 2. de aliment. fac. cap. 2.

*Fuliginosus vapor* est, qui ex deustione assatorum elevatur, lib. de usu puls. 7.

*Fuligo*, vide *Fumus*.

*Fumus*, & *Fuligo*, vapores sunt, qui elevantur, ille quidem ex materiis semiustis, hic verò ex immodicè assis,

affis, uftisque. Est namque fuligo, vapor terrestris, fumus, mistio quædam ex terrestri, aqueâque substantiâ, 8. meth. 5. utrumque materiæ, ex quâ oritur, adustum excrementum, quod in sublime fertur, significat, non secus ac in febribus fuliginosum excrementum, exspiratione, & contractione arteriarum, natura ex corpore expellit, 3. de præfag. ex puls. cap. 7.

*Fulva*, vide *Dichroma*.

*Funn brachii vena*, est pars venæ humeralis, quæ pro- tenditur, secundum diversas adjutorii, id est, ossis hu- meri partes, lib. de anatom. viv. & de ratione cur. per sang. cap. 16.

*Fungos* vocant crassas palpebrarum eminentias, item ex capitis vulneribus quæ nascuntur, *πλάσῃματα σαρ- κώδη*. Galen. com. 3. in 3. de morb. vulg. 49.

*Furcula superior, & inferior*, vide *Claves*.

*Furfuratio*, quæ & *furfur*, & *πιτύρις*, est cùm quibus- dam se scalpentibus furfuribus similia, ex capitis cute decidunt, à vitiatis succis nutritiis provenientia, 1. de comp. med. loc. 6. quæ & *Pityriasis* dicitur, & *Porri- go*. Hæ quasi squamulæ interdum madent, multò sæ- piùs siccæ sunt: idque evenit modò sine ulcere, mo- dò ex ulcerato loco, huic quoque modò malo odore, modò nullo accedente. Id malum ferè in capillo fit, rariùs in barba, aliquando etiam in supercilio, vel reli- quo etiam corpore. Provenit à vitioso corporis hu- more, salsâve pituitâ, aut bilioso & melancholico san- guine caput subeunte, ut ait Paulus, vel à vitiosis se- rosis humoribus, ut Galenus & Aëtius scripserunt. Nomen morbo inditum à similitudine,

*Cùm caput immensâ pexum porrigine ningit,*

*Copia farrû uti frendentibus edita jaxû.*

ut Quintus Serenus Poëta cecinit.

*Furor*, vide *Melancholia*.

*Furor ἐρωτικός amatorius*, qui ex amore fit, perinde atque is, qui ex Musis *αἰσθητικός* dicitur.

*Furunculi*, Δοθήνες Græcis dicti, tumores sunt præter naturam, ex genere phlegmonum ex similibus humoribus quibus Vari geniti, per universum corpus, duplices sunt, aliqui, ut ita dixerim, variosi, duri, & agrè concoctiles: aliqui inflammatorii, adnexas habent febres, ubi tumor in magnitudinem excrescit, & in pus transmutatur, 5. de comp. medic. loc. cap. 7. Estque furunculus *mith* quidem, cùm in ipsâ solâ cute constituitur; *malignus* verò, cùm altè exoritur, Phymati, id est, Tuberculo similis, à quo solâ duritie differt, lib. de tumoribus, cap. 15.

*Fusaneus morbus* est, qui omni loco, & tempore fit, libr. finit.

## G.

**G**ALIANCONES, γαλιάνκωνες dicuntur ab Hippocrate, ut scribit Galenus, qui ob humeri caput in alam prolapsum dum adhuc crescebant, humerum breviores habent. Hujus autem rei ille duplicem assignat causam, vel quod dum in utero sunt, humeri luxentur, vel quod post ortum tenerâ adhuc ætate juxta humeri caput in intimis partibus atque suppurationes oriuntur, sive secuntur, sive urantur, sive per se pus aperiatur, ut ab eo scriptum. Idem verò scribit sic appellari eos qui parvum & gracile habent brachium, partes autem circa cubitum tumenciores in modum mustelæ, quam γαλῆν appellant, à quâ deductum hoc nomen esse videtur.

*Ganglia*, γαγγλίον, quæ Avicenna & Paulus vocant *Glandulas*, apostemata sunt glandulosa, sicut avellana, & nux accidunt super manus, talos, & frontem, quæ si comprimantur, digitos effugiunt, & mox redeunt, & aliquando multiplicantur, sæpèque impositione, & forti alligatione laniinæ plumbeæ curantur, & discutiantur, passiones has etiam *Contractiones* vocat Galen. 5. de

5. de comp. med. per gen. cap. 7. Paul. libr. 4. c. 14. Vocantur etiam, & *Gangilia*, quasi concrectiones, & contortiones quædam, ex lento & mucoso humore accrescente, & conglomerato, quod proprium nervorum alimentum est, 2. de art. 56. His ferè notisprehenditur: tumor est parvus, inæqualis, nullo præter naturam colore, dolorisque expers, nisi validè comprimatur. Verùm ne tum quidem vehemens, sed stupidus dolor movetur. Plerumque ex plagâ aut lassitudine, raro sponte provenit, nec in alto, sed sub cute radices agit, neque in orbem vel ad interiora posterioraque transferri potest, sicut Melicerides & Atheromata, sed si vim facias, ad latera tantum, hoc est, ad dextram vel sinistram pro nervi situ, moveri & flecti potest.

*Gangrena*, γάγγραινα, est alicujus membri mortificatio, ex magnitudine inflammationis, quæ jam fit, non quæ facta est, 2. ad Glauc. 9. Nam cùm omnino membrum effectum est demortuum, ita ut punctum, vel sectum, vel ustum non sentiat, quæ patitur, statim rescindere oportet, quâ sanam partem vicinam attingit, sed quod ita affectum est, denigratur; quod verò in medio est constitutum, ita ut tendat ad mortificationem, *Gangrena* nominatur, ibidem. vide Syderatio. Hippocrat. *Gangrenas* quoque emortuarum venarum torporem nominat, qui ex nimia inflammatione consequitur, 2. de fract. 24.

*Gargareon*, sive *Gurgulio*, *Cion*, *Columna*, *Curgulio*, est ea gutturis pars, quæ Faucibus adjacet, cùm secundum naturam se habet; cùm autem morbo afficitur, ita ut ejus extremitas phlegmone laborans sit similis Acino uvæ, dicitur *Vva*; quando tota hæc pars afficitur, *Cion*, *Columna*; dicitur & ἰκμὸς. Γαργαρέων, στερφύλη, κίων, & Κιονίς, 4. de loc. aff. cap. 3. Id ipsum *Gargareon* quia ad vocis modulationem fit, ideo à quibusdam *Plectrum*, πλῆκτρον, id est, vocis refractorium appellat.



pellatur. 7. de usu part. cap. 5. Hanc eandem partem; Columellam, Staphylen, & carnosam particulam summo ore dependentem vocant, 6. de com. loc. cap. 3. vide Columella, Pharynx, Staphyle, Epiglottis.

*Gastrocnemion* est posterior carnosae tibiae pars seu tibiae venter, siquidem extuberat, propter musculorum eam tibiae sedem occupantium crassitiem, (ut anterior tibiae pars carnis experts, dicitur *Anticnemion*, ἀντικνήμιον,) Græcè Γαστροκνήμιον, & Γαστροκνήμια, *Sura* appellatur, libr. de musc. diff. cap. 32. & 2. de anat. adm. cap. 4. Ea uni homini inesse dicitur, cum reliqua omnia animalia crura habeant sine Suris. vide *Sura*.

*Gastrophia*, id est, abdominis futura, 5. de anatom. adm. cap. 6. γαστροφύα, ventris vulnerati connexio.

*Gemelli*, vide *Nates Cerebri*.

*Genæ*, faciei pars sunt, quæ inter nasum & aures sitæ sunt, quæ benè coloratis, & ingenuis, pudore suffusis, rubent, quæ & *Malæ* dicuntur, Introd. c. 10. Γένος significat Maxillam, tam superiorem quam inferiorem; additur autem ad distinctionem ἡ ἄνω, vel ἡ ὑπότω. Dicitur & alio nomine γνάθος, sed ambiguâ pariter significatione. Vocatur ἡ ἄνω γένος, hoc est, Gena superior, pars faciei fronti proximè subjecta, auribus utrinque, ab imo autem gingivis terminata. Non unico osse, sed pluribus solidis, duris & levibus constat, ἡ ὑπότω γένος dicitur pars faciei infima & mobilis, dentes inferiores continens. Constat osse non simplici, ut plerique putant, sed gemino, sicut Hippoc. & Galeno visum est, quorum distinctio medio in mento est, ubi Sutura apparet, in pueris quidem evidenter, in adultioribus autem paulò obscurius, quæ etiam in provectis tamen cocturâ fatiscit. Aliter namque ea duo ossa separari vix possunt, adeò inter se τῇ συμφύσει coaluerunt.

*Geneion*, lib. de musc. diffec. cap. 2. vide *Mentum*.

*Genitalis meatus*, quem *varicosum* assistentem vocant, maxima illa via est, quæ genituram à testibus haustam, ad Co-

ad Colis radicem defert, 1. de semin. capit. 15.

*Genituram* appellat Hippocrates illud, quod in abortu rejectum, vel dissecto utero exiens, feminis speciem repræsentat, non autem animal constitutum: id quod primis duobus mensibus solet accidere, quo tempore neque *Fœtum*, neque *Embryon* vocat, sed *Genituram*, 1. de sem. cap. 9. *Genituram* etiam aliquando appellat, Membra genitalia, in fœminis quidem uterum, in maribus verò feminaria vasa quæ nuncupantur, 3. de art. 41. vide *Cyema*: frequentius autem *Genitura* sumitur pro semine recenter emisso, vel in suis vasis adhuc contento, Græcè γένη, Hipp. lib. de naturâ pueri.

*Genu*, Græcè γόνυ, est femoris & tibiæ dearticulatio, & artificiosissima connexio, in quâ sinus est quidam prominens, alterius caput excipiens, quod anteriori parte, quò firmitus fieret, Rotulâ, seu Patellâ munivit, quam μύλκω, & ἐπιγναπῶν vocant, quæ prohibet, ne femur curvatis, aut per declivia currentibus loco excidat, & dilabatur, libr. de ossib. cap. 21. & 22. & lib. Introd. cap. 10. Est autem ea dearticulatio omnium expeditissima iustissimæque, ut scripsit Hippocr. libr. de fract. præterea firmissima, magnoque naturæ artificio comparata, ut quæ in eâ epiphyses & cavitates ita construxit, & ad amissim fabricata est, ut neque laxior sit epiphyseôn in cavitates ingressus, neque etiam adstrictior. Continentur autem & firmantur extrinsecus superciliis quibusdam ipsorum ossium & ligamentis, aliis quidem in profundo positis, aliis autem in circuitu totam dearticulationem comprehendentibus.

*Gerocomica*, γηροκομική, est ea medicinarum pars, quæ senes regit, iisdemque convenientem vitæ ac victus rationem præscribit, de part. med. cap. 5. Incertum an ad γένη, an ad Γεροντοπικὴν, pertineat, cùm senum corpus neutrum sit, & senectus non exacta planè sanitas, sed vel morbi & sanitatis affectio quædam media,

vel omnino ejus generis non est, quæ firma constansque sit, quam καὶ ἰσχυρὰ appellant, sed potius fallax & incerta, quæ καὶ ῥέσις dicitur. Plures tamen eam salubris medicinæ partem esse statuunt.

*Gibba Hepatidis*, vide *Sima*.

*Gibborositas*, quæ Græcis Κύφωσις dicitur, est distortio spinæ in posteriorem partem, 3. de artic. 2. vide *Cyphosis*, & *Incurvatio*.

*Gibbus* est, ubi inter distractas vertebrae, vel una, vel plures illæ sæpermanferint; accidere solet, ubi unica duntaxat vertebra, aut etiam duæ, aut tres, sese deinceps consequentes distrahuntur, eâ parte quatenus spinam cavari contingit, 4. de loc. aff. 5.

*Gilva emplastra*, vide *Dichroma*.

*Gingivæ*, Οἷλα, carnes sunt, quæ sunt circa dentes, 9. de usu part. cap. 15. ubi primum è locellis suis & alveolis emergunt, 5. de comp. med. loc. cap. 8. quarum connexio χαλιδὸς dicitur. In iis nuper natorum dentes latent, & veluti in præsepiolis conditi sunt, & ut siccioribus adstrictisque continentur, ita redundante humiditate laxioribus decidunt. Nervos habent à tertio pari, ut & dentes, per quos sentiunt & dolent, sæpèque in iis dolor est, qui in dente putatur esse.

*Ginglymos*, species est Diarthroseos, quâ ossa sese invicem ingredientia, conjunguntur; ut vertebrae inter se, ac cubitus, humerusque colligantur, lib. de ossib. in procem. ita ut unius caput in alterius cavitatem condatur, & vicissim hujus caput in illius sinum excipiatur. Est enim hæc Ἀλέθρωσις plerisque ostiorum cardinibus similis, in quibus ferramenti utriusque (quod propriè à Græcis γίνγλυμος appellatur) tum ejus quod parieti infixum est, tum alterius, quod ostio adhæret, pectines mutuò implexu sese subeunt. Quæ quidem compositionis ratio non videtur, ὅτι τὸ ῥαφῆς, id est, à suturâ valde differre. In quibus verò ostiis clavus crassior parieti affixus ostii verticillum subit, non

non γίγγλυμος, sed verius γρόφως dicitur:

*Glabrities*, vide *Madarosis*.

*Glacialis humor*, vide *CrySTALLINUS*.

*Glandium*, vide *Thymus*.

*Glans*, est finis, & extrema totius *Colis* pars, cujus cutis, quæ eam vestit, *Præputium* dicitur, 5. method. cap. 13. Aristoteles verò 1. de histor. animal. cap. 13. dicit cutem, quæ Glandem integit, carere nomine, & totum quod ex eâ cute, glandeque constat, *Præputium* appellat. Dicitur etiam alio significato glans, *Suppositorium*, quod clysteris loco sedi inditur, 6. de comp. medic. loc. cap. 3.

*Glandula*, corpus quoddam carniforme est, laxum & fungosum, quod utique velut cunei quidam, vasorum divisionibus incubantes, fulcimentum ipsis suggerunt, ut à nullo violento casu afficiantur, 4. de usu part. cap. 20. *Glandulam* etiam *Suppositorium* vocat, com. 2. in 1. prorrh. 6. *Glandulam* etiam *Thymum* dicunt, 3. de alim. facult. cap. 6. Sunt autem propriè sic dictæ *Glandulæ*, (quas etiam *Adenes* vocant) imbecilliores corporis partes, ad quas valentiores corporis partes, supervacuâ sibi tum quantitate, tum qualitate, & præsertim ad eas, quæ rariores naturâ sunt, transmittunt; quippe valentius est arteriarum, venarum, nervorum, muscutorum robur; imbecillius autem, aut prorsus nullum corporum, quæ glandularum sunt naturâ, 13. meth. cap. 5.

*Glandulæ laryngis* sunt corpora laxiora, & fungosiora cæteris *Glandulis*, laryngi utrinque adjacentes, factæ à naturâ, ut partes omnes, quæ tùm ad laryngem, tùm ad fauces pertinent, humore ad ipsas largiter decumbente perfunderent, 7. de usu part. 17.

*Glandulosi assistentes*, vel *astites*, vel *parastatæ*, vasa *seminaria*, vasa *spermatica*, *plexus* seu *flexus variciformis*, *plexus capreolaris*, & *bederarius*, 1. de semin. cap. 12. homonyma sunt, significantia duo vasa, venam scilicet, eique



eique cui subjacentem arteriam, flexus multos numero æquales, instar Capreolorum quorundam, variè complexorum efficientia, quo in implexu sanguis, & spiritus, qui ad testes feruntur, diutissimè coquantur, ipsumque semen elaboratur, eidem flexus postremi in testes terminantur, qui testes, laxi & cavernosi, chymum, qui in vasis incepit concoqui, excipientes, exactius percoquunt, & perfectam seminis formam ubi adeptus est, id ipsum per aliud vas, quod ad pudendum porrigitur, semen ejaculantur, (quod *varicosum assistentem* vocant, 1. de semin. 15. vulgus *vasa deferentia*, ut priora, *vasa preparantia* appellat) quod vas spermati cum maribus latum & longum, fæminis angustum & breve natura concessit, 14. de usu part. 10. & 11.

*Glandulosa corpora*, quæ primus Herophilus, ἀδηνουειδὲς προσώτους, quasi glandulosos præsidēs, aut prostates appellavit, utrâque parte colli vesicæ sunt locata. in quibus humor quidam spermati similis, crassus, viscosus, verùm longè tenuior continetur, qui in coitu repente, ac simul unâ cum semine elabitur, reliquo autem tempore omni paulatim congeritur: cujus usus est, ut ad venerium coitum excitet, & in coitu deleat; denique ut ad instar olei meatum urinarium humectet, & inungat adversus urinæ rosionem, & ne exsiccatus confideat, prohibeatque, quod minùs per se lotium, ac semen faciliè feratur; in masculis glandes hæ (aliàs *vesiculæ seminariæ* dictæ) notabilis magnitudinis sunt, 14. de usu part. & 1. de semin.

*Glaucosis*, γλαυκώσις, *glauco*, est oculorum affectus, qui ex immodicâ siccitate, vel concretionē humoris crystallini, vel ex largiori ejus evacuatione, (quæ fit in compunctionibus) solet progigni, quique cæcitatem præ omnibus maximè, qui oculis accidunt, morbis, inferre solet, 10. de usu part. cap. 6. *Glaucoma* verò (γλαύκαμα) est naturalium humorum,

rum, in glaucum colorem mutatio, libr. finit. Diciturque id oculi vitium, quod ortâ priûs suffusione, & humore circa pupillam valde concreto, & resiccato contractum est; unde *Glaucedo* à siccitate est, ut *Glaucoma* ab humiditate; & propterea Gal. 3. aph. 31. dicit *Glaucoma* speciem esse *ὑποχύματoς*, id est, suffusionis, non tamen docet esse eundem morbum; differt enim suffusio tum à *Glaucedine*; tum à *Glaucomate*; est enim *suffusio* extranei humoris, & aliunde influentis concretio; *glaucedo* verò ipsius humoris crystallini, densatio, & resiccatio. Nec omnes suffusiones tantæ sunt, ut toti pupillæ prætendantur, & visum ex toto adimant; *Glaucoma* verò crystallini universi est, atque siccitas, per ipsum totum ex æquo diffusa, & ex siccitate concretio. Adhæc, ple-ræque *suffusiones* curationem recipiunt, cùm tamen nullum *Glaucoma* curetur, uti nullus alius morbus ab immodicâ siccitate proveniens, facillè & plenè curatur.

*Glaucedo*, vide *Glaucosis*.

*Glaucoma*, vide *Glaucosis*.

*Glene* est, quod in superficie extremi ossis tùm capitum, tum sinuum situm est, ab ocularis sinus similitudine, sic dicta, libr. de ossibus in præcæm, *γλήνη* pupilla oculi. Cavitas ipsa oculi. Ab eâ facta metaphora est ad alias ossium cavitates. Siquidem apud Hippocratem *γλήνη* significat cavitatem ossis in quam alterum os inseritur, quæ & *ὀστέλη* appellatur. Inter quæ tamen posteriores Medici distinxerunt. Nam auctore Galeno libr. de ossibus, ex cavitatibus ossium capita suscipientibus quæ profundior est *ὀστέλη* dicitur: quæ verò superficialia, ut ambigere possis an cavitas sit nec ne, *γλήνη* nominatur. Id verò quoniam in latitudine quâdam dicitur, idcirco *γλαυοειδής* appellatur sinus qui obscurus est. Nec tamen sinus *γλαυοειδής* & *γλήνη* differunt, sed idem sunt omnino.

*Gle-*

*Glenotides*, sunt duo sinus leviter cavi, in inferiore summæ vertebræ parte (quos ab ocularis sinus similitudine sic appellant) similes superioribus; sed sinus superiores, (cùm caput ipsum excipiant) non abs re sunt majores; infrà verò minores sunt, qui vertebram secundam admittunt, lib. de ossib. cap. 8.

*Glossocomion*, quod & *Glottocomion* dicitur, machina quædam est, in quâ extenduntur, & vinciuntur fracta membra laqueis, ad justam eorundem distentionem, 7. de usu part. cap. 14. γλωστοκόμιον ἢ γλωττοκόμιον, nomen est Atticum ut scribit Galenus, & propriè significat arculam, in quâ homines recondunt res pretiosas, & quam multi iter facientes portant; est autem oblonga & angusta. Ab ejus similitudine Medici Hippocr. posteriores (nam Hippocratem id genus instrumenti non novisse Galenus author est) machinam quandam chirurgicam, fracto femori vel cruri, ubi callus circumdatur accommodatam γλωστοκόμιον nominarunt. Est autem machina cava oblonga, & ad femoris proportionem arcta supernâ parte trochleas utrinque singulas habens ad latera fitas, & infernâ parte transversum axem, ad quem alligati laquei contrarium nixum toti membro geminâ tensione efficiunt.

*Glutia*, Græcè γλέπια, id est, parvæ nates Cerebri sunt tenues, ac prælongæ Cerebri eminentiæ, ex utraq; parte illius meatus, qui spiritum ex medio Cerebri ventriculo, in Parencephalidis ventriculum transmittit, quarum concursum, hominum conjunctis inter se femoribus, sive natibus, rectissimè comparaveris; sunt autem qui Didymis, hoc est, testiculis, ea assimilantes, malunt vocare *Didymia*, sive *Testes*; quæ verò his proxima, *glutia*, 9. de usu part. cap. 14. Producta sunt ex Cerebri substantiâ duriore, supraque & ante conarium sustinent, posterius verò epiphyssim σπωλη-  
νιδι inter latus dextrum & sinistrum constituunt meatum, qui à medio ventre ad postremum fertur. Eorum  
autem

autem usus est, ne meatus ille à supernis cerebri partibus comprimatur & intercludatur.

*Glutinatorium medicamentum*, quod & *sanguinarium*, *cruentum opitulans*, & *enamon* dicitur, est, quod vulneris oras committere, & glutinare molitur, 3. de comp. med. per gen. cap. 2.

*Gluton*, hoc est, natem appellant, alterum ex duobus processibus cervicis ossis femoris, qui major, & exterior, & gibbus est, lib. de ossib. cap. 21. γλῦτος autem ea apophysis (quam & προχλῦσις μέγαν appellant) dicta est, vel à similitudine quam habet cum natibus, vel quod musculi, quibus nates constant, ei præcipuè inferantur. vide *Femur*.

*Glycea medicamenta* sunt, quæ aliquando purgant, & interdum acres humores indulcant quasi & alterant, lib. de Dynamid. in procemio.

*Gomphos*, affectus oculi est, qui Latine dicitur *Clavus*, cum pupilla egrediens pelliculas Uveæ, superficie tenus operit; unde ejus forma fit quasi *Clavus*, lib. de ocul. cap. 11. vide *Clavus*. Γόμφιοι, clavales seu molares dentes, sunt dentes asperi, inæquales, ampli, lati, molendis atterendisque cibis comparati, à caninis ad extremam usque mandibulam pluribus radicibus affixi. Dicuntur γόμφιοι, quod clavorum modo genis infigantur, unde & γόμφωσις dentium ferè propria.

*Gomphosis*, Synarthroseos species est, cum ad instar clavi os ossi infigitur; vel cum os unum, alteri penitus est infixum, ita ut ne tantillum quidem (veluti dentes suis alveolis) moveatur, lib. de ossib. in procemio. Per γόμφωσιν quoque juncta quædam ossa dici possunt in carpo, metacarpo, tarso, pedio, & aliis quibusdam partibus, synarthroses enarthrosi, & arthrodiaæ similes, solâ motuum magnitudine ab eâ differentes.

*Gonorrhœa*, est seminis invita, & assidua excretio, colore non extenso. *Gonorrhœa* autem nomen planè compositum.



positum est, *δατὸ τῆ γένεως*, & *γένεως*, quasi feminis genitalis fluor, ob imbecillitatem retentricem continentium ipsum corporum, 6. de loc. aff. 6. Quæ verò intento pudendo fit, propter convulsionem accidit, inque eâ duo morbi conjunguntur.

*Gracilis*, sive *tenuis pulsus* est, in quo longitudinis dimensio, quodammodo duabus reliquis dimensionibus præstat; in quo autem duæ reliquæ superant longitudinem, *pulsus* hujusmodi *turgidus*, sive *crassus* appellatur, 1. de diff. puls. cap. 5.

*Grando*, est tumor crassus, in partibus interioribus palpebrarum coagulatus, ut quasi grando videatur, lib. de ocul. cap. 9.

*Graphioeides*, aut *Belenoeides processus*, id est, *graphio*, seu *stylo*, & *acui similes*, qui & *styloeides* dicuntur, à Columnæ specie, quæ partibus hujusmodi sese offert, *tenuis ossium capituli processus*, appellentur, 10. de usu par. cap. 4. Adhuc *graphioeides* & *styloeides* processus, est *Cubiti* processus, quem è directo parvi digiti porrectum, à graphii, seu styli modo, Græci *dissectores*, sic vocant, 1. de anat. adm. cap. 10.

*Gravativus dolor*, vide *Dolor tristis*.

*Gravedo*, sive *Coryza*, est tenuis & incoctus humor, qui per nares secernitur, 2. progn. 49. Quem Galenus docet non esse pituitæ speciem, ut quidam falso asserunt, sed excrementum, quod à Cerebro destillar, tenue, aut crassum, quod tùm in senibus, tùm iis, qui ratione quâvis sunt perfrigerati, plurimum acervatur, 2. de natural. fac. cap. 9. vide *Coryza*.

*Graveolentia*, vide *Beneolentia*.

*Gravis*, seu *gravitivus dolor*, vide *Dolor tristis*.

*Gressuram* *γλισσάδα*, vocat Hippoc. totum id, quod inter inguina utriusque cruris est, cujus mediam partem *αἰνέουρον*, nuncupat, hoc est, *interfemineum*, eò quod duobus feminibus interjaceat. Est intestinum, seu intercapedo, quæ ab exortu pudendi, usque ad anum

anum pertingit, ubi etiam vesicæ collum, collocatum est, 4. de artic. 45.

*Grumus*, Græcè *ῥόμβος*, est concretus sanguis, lib. de atrâ bile, cap. 2. estque aggregata concretio sensibilis sanguinis, lib. de tumor. cap. 2. Propriè quidem significat continuæ rei fragmentum & frustum. Inde ad lac & sanguinem Medicis translata vox est, qui *ῥόμβωσι* dixerunt, in lacte quidem quoties à puerperio foeminis lac fluere desinens in mammis densatur, & in exigua frusta conrescit: in sanguine verò, cùm à venis suis effusus, & in vicinâ spatiâ abscedens, sive per diapedesin, sive eroso aut rupto quomodolibet vase similiter coit atque condensatur, non in vesicâ modo, verùm etiam in stomacho, in renibus, in intestinis, in utero, in naso, in omni denique corporis cavitate. In quâ quoniam præter naturam inest, calorem nativum amittit, indeque niger evadit & cogitur, tandemque putrescit, ut & reliqua omnia quæ extra naturalem locum sita sunt.

*Guidex venæ*, vide *Apoplecticæ*.

*Gula*, vide *Oesophagus*.

*Gurgulio*, vide *Staphyle*, & *Gargareon*.

*Guttur*, vide *Larynx*.

*Gutturifos*, id est, *ἰεχέβρογχος*, quasi *gutteremilos* vocat Hippocrates eos, qui prominentia in anteriorem partem, guttura habent: guttur enim, (Græcis *βρόγχο*) vel totam asperam arteriam nominat, vel fauces tantùm, 3. de art. 8.

*Gynaiceia*, id est, mulierum passiones, lib. de Gynaeciis.

*Gynecomastion*, muliebris mammæ, & subjectæ aditæque mammis pinguedinis, auctio est, præter naturam, libr. finit. *γυναικομαστίον*, muliebrium mammarum summum incrementum: τὰ δὲ γυναικεία, muliebria sunt, & mulierum menstruæ purgationes.

## H.

**H**ABITUS est partium nostri corporis structura, constitutio, & compositio: quâ ratione dicimus; hujus corpus esse habitus solidi, compacti, rari, cujus ratione etiam corpus rarum faciliè evaporatur, & syncopen incurrit, habitus verò densiores in morbis cunctanter, diutiusque laborant, 2. de ratione vict. 47. Præterea *habitus* nomine de omni re uti solemus, quæ constans est, ægrè que amovetur; unde & sanitatem *bonam habitudinem* dicimus, lib. de bonâ habitudine, & 4. de rat. vict. 25.

*Hæmalopa*, est oboriens cruenta suffusio ad plagas oculi illatas, 4. de compos. med. loc. cap. 8. & proin fugillatio in oculis, ex plagâ, aut ictu, vel effusio, sub contusum locum, sanguine. Unde Archigenes dicebat *Hæmalopa* idem malum esse cum *Hypoſphagmate*, atque etiam in omni aliâ corporis parte posse contingere, præter quàm in oculo. Dicitur autem *αἱμάλωψ*, quasi *αἷμα ἐν ὀπῇ*. Dioscorides verò etiam cruorem per adipem sparsum *αἱμάλωπα* nuncupavit, scribens lib. 2. capite de hircino & ovillo sevo: tere paulatim aquam affundens, donec ne ampliùs quidem cruentum virus excernatur. Galenus etiam *ἐν τῇς γλῶσσας* annotavit *αἱμάλωπας* vocari rubentes quosdam in cute circulos, qui alio nomine *αἱμῆλικες* appellantur.

*Hæmatosis*, id est, *Sanguificatio*, vide *Hepar* & *Sanguificatio*.

*Hæmodia*, est affectus qui dentes, gingivasque infestare solet, cùm quispiam & austeros, & acidos cibos ingesserit, adeoque dentium quidam quasi stupor, cui portulacam manducatam mederi experientia probat, 2. de loc. aff. 6. Eum affectum oratione quidem explicare impossibile est, sed cùm quis ejusmodi cibos manducavit, ut iis dentes & gingivæ malè afficiantur, affectum hunc in eo & omnibus similem esse credimus,

mus, qualem in nobis ipsis experimur. Sunt autem qui <sup>τ</sup> *αἱμοφθίας* nomine omnem simpliciter dolorem dentium intelligant.

*Hæmophobus*, id est, sanguinis mittendi timidus, 9. metib. 5. vide *Psychrophobus*.

*Hæmoptoicus* is est, qui sanguinem sputo ejicit, lib. 7. de comp. med. loc. cap. 4. sive vomendo, sive tussiendo, sive screando, sive simpliciter exspuendo rejiciatur, 4. de loc. aff. 5.

*Hæmorrhagia*, id est, sanguinis eruptio, & abundans effusio, quæ si per magnum vulnus fiat, per largum obitur fluxum; sin angustum, per jaculationem, ut in venis secandis: differt autem *Hæmorrhagia*, ab *Hæmorrhoidæ*, quod illa sit abundans effusio sanguinis ex venis, indifferenter qualibuscunque, hæc verò effusio sanguinis, ex ani, sedisve venis per dissultationem, ac paulatim facta, ut quæ ut plurimum per vasorum erosionem fiat, lib. de finit. unde *Hæmorrhoidas*, sanguifluas venas, in ano existentes appellant, 4. de artic. 40. Sanguinis è venâ vel arteriâ vacuatio interdum critica, ut plurimum verò symptomatica est, & tribus de causis contingere potest, tunicâ earum divisâ, aut reserato earum ore per *ἀναστόμασιν*, aut transcolatus sive transmissus per *διεπήδησιν*. Dividitur tunica vulnere, contusione, ruptione, erosione. *ἀναστόματος* accidit propter tum vasis imbecillitatem, tum sanguinis, qui ad os ejus impetu ruit copiam, adhæc acrem quampiam, quæ illi extrinsecus incidat qualitatem. *διεπήδησις* ex tunicâ quidem ipsâ rarefactâ, sanguine verò tenuato oritur: accidere præterea interim potest & ex gracilium vasorum ore adaperto. Cæterum à partibus ferme omnibus profluere sanguis potest, naribus, ore, thorace, pulmone, ventriculo, jecinore, intestinis, & hæmorrhoidibus: atque earum partium ἡ *αἱμορραγία* dicitur, à quibus ille profluit. Verùm apud Hippocratem cùm simpliciter *αἱμορραγία* dicitur non addito par-



tis nomine, quæ sanguinem fundit, id modò sanguinis profluvium intelligitur, quod è naribus manat, ut annotavit Galenus 1. Epid. Cùm autem τὸ αἰμορρῳαγίας nomine omne sanguinis profluvium intelligi possit, eo tamen propriè dicitur quod confertim fit ἀπὸ τῆς ραγῆ-  
 ray, quod apud Hippocr. significat αἵματος ὀρεγῶν, hoc est, impetu & confertim prodire, ut Galenus in gloss. explicavit.

*Hæmorrhoides*, vide *Hæmorrhagia*.

*Halituosa*, seu *vaporosa* sunt quæcumque per cutem foràs exhalare apta sunt; *humida*, quæ per vesicam; *secca*, quæ per alvum; quippe à vincenti in singulis eorum substantiâ, nomina ipsis imponuntur. *Contra-ria halituosis*, & *diureticis* dicuntur *Emplattomena*, quæ exiguis meatibus cutis, & vesicæ inhærentia obstruunt, & ea detinent, quæ per cutim, & urinas expurgantur: quæ verò opponuntur *solutivis*, dicuntur *Stryphna*, quod valenter adstringant, 8. meth. 2.

*Halituosus vapor & spiritus*, est alicujus corporis partis humiditas, quæ ad summum concocta, in tenuem halitum, virtute infiti & validi caloris soluta, insensibili transpiratione in ambientem effluit; qui halituosus spiritus in animalis corpore ex succis, qui lentè, sensimque excalescunt, nascitur; ubi verò calor imbecillior est, vel naturalis humor, tùm semicoctus, tùm crassus, tùm glutinosus, atque particula densior, ibi crassior excitatur halitus, quàm ut transpirare possit, 14. meth. cap. 7.

*Harmonia in ossibus*, species συναρθρώσεως est, in quâ ossium structura, per simplicem lineam fit, non autem, ut in futurâ anfractuosa. Sunt autem maxillæ superioris, adhæc narium, & quædam etiam capitis ossa, ad hunc modum inter se juncta, lib. de ossibus, in pro-  
 cæmio. Eo modo & pars occipitis infima, & ossa nasi, carpi, tarli secum connectuntur. Galenus etiam ad finem comment. 3. ἐπὶ τὸ κατ' ἰσχυρὸν scribit capitis ossa,

ossa, ubi se tangunt, propriè dici *ἀρμονίας*, sed translato vocabulo *ῥαφῆς* appellari. Calvariae enim ossa ait, inter se *ἡρμωται*, id est, committuntur : atque idcirco ipsorum contactus, καθ' ἀρμονίαν committi meritò dicuntur : verùm à similitudine eorum quæ suuntur, *ῥαφῆν* nuncupantur. *Ἀρμονία* etiam medicamenti nomen est in catapotia coacti, & perutilis ad sistendas destillationes. Galen. lib. 7. τὴν κατὰ τόπους. Est etiam medicamentum ἀνάδινον βηχικόν, hoc est, ad tussim comparatum doloris expers. Cujus descriptio est apud Aëtium, lib. 8. Est etiam *ἀρμονία* emplastri nomen, quod describitur ab Aëtio.

*Hebetudo visus*, quæ & *offuscatio visus* nominatur, est summa offensio visionis, sine causâ manifestâ, lib. Introd. c. 15. Græci vocant *ἀμαύρωσιν*, Arabes *Guttam serenam*, differtque ab *Amblyopia*, (*ἀμβλυωπία*) in eo, quòd magis in illâ, quàm in hac læditur visio. Si paulatim *ἀμαύρωσις* conflata est, causas habet easdem, quas etiam ἡ ἀμβλυωπία : si verò repente unoque impetu incidit, in causâ est nervi visivi obstructio, à crassis & viscosis humoribus subitò illapsis, aut ejusdem nervi resolutione. Habet & plures alias latentes & internas causas, habet etiam externas : ut frequentes cruditates, crapulas, insolationem, capitis inustionem, atque ardorem aut refrigerationem, aut multam lectionem à cibo, aut balnei usum post cibum, vomitiones, & concubitus immoderatos intempestivosque, spiritus violentam cohibitionem, à quibus omnibus caput valdè repletur. Hæc quidem atque his similia, si minora imbecillioraque sint, ἀμβλυωπίαν : si verò & magnitudo, & vehementia ipsis accesserit, ἀμαύρωσιν efficiunt.

*Hectica febr̃*, duplicem habet significationem ; sic enim dicitur omnis febris solutu difficilis (sive sit pituitosa, sive melancholica, opposita τῇ χρεπῇ, hoc est, febris solutu facili.) Alterâ verò significatione, speciatim magis dicitur *Hectica febr̃*, quæ & *putrida*,

& *diariae* opposita sit, diciturque *Hectica*, quòd in habitu corporis, *ἡ* appellat, tanquam in subiecto consistat; est enim *hectica* febris, calor præter naturam in solidis partibus ipsius cordis accensus. vide *Febris hectica*.

*Hecticus pulsus*, ita ut Febris *hectica* vocatur, qui non magnoperè ullo modo variat, cæterùm manet in perpetuum sibi similis, cohæretque, nec solvitur unquam, quòd totus corporis habitus morbum induat, in ejuscemodi febribus, & pulsibus, libr. de pulsib. ad Tyrones, cap. 8. *Ἐκτικός σφυγμός* est species inæqualis pulsus in unâ pulsatione, & diversis arteriæ partibus, confinis forficanti, qui Græcis *μυγμακίζων* dicitur, sed eo adhuc minor. Pthisi, empyemati & febris *hecticæ* proprius est, & sicut hæc, ita nec ipse magnam mutationem sustinet, sed perpetuò est gracilis parvusque, quia propter siccitatem in longum & latum diduci nequit arteria: & debilis ob facultatis vitalis imbecillitatem, & præterea frequens: quia cùm propter auctum calorem pulsus velox esse deberet, nec tamen talis esse *hecticis* possit propter virium infirmitatem, necesse sit frequentiam magnitudinem & velocitatem suppleri.

*Hecticus spiritus* seu *insitus*, & naturâ partium substantiæ complantatus, *spiritui influenti* opponitur *naturali*, & *animali*, cum primis solidis corporis in partibus continetur, ex quo quippe compositæ sunt, iidemque in universo corpore, nec divisis, nec condensatis, nec è loco suo motis conservatur; resolvitur autem spiritibus influentibus intensis: ut in phreniticis; vel dissolutis: ut in lethargicis, vel iis, qui cardiaco affectu laborant, lib. Introd. cap. 13.

*Hederarius flexus*, vide *Glandulosi assistentes*.

*Hedra*, sedes, anus, *podex*, dicitur & Græcis alio nomine *δαιτύλιος*, & *πρωκτός*; est autem meatus ventris inferior, continendis, transmittendisque excrementis

mentis destinatus. Cùm enim venter totus peritonæo undique conclusus sit, duo tamen in eo sunt meatus, superior quidem ad stomachum, *πυλωρὸς* dictus: inferior verò hic, de quo sermo est, ad rectum intestinum, cujus oræ ultimæ incumbit. Est autem instrumentum vacuandis excrementis comparatum. Cujus generis instrumenta cùm sint duplicia, aliis excrementorum effluvium intempestivum cohibentibus, aliis verò tempestivum incitantibus, ea quidem ne intempestivè & præproperè labantur, muscoli sedem ipsam constituentes non sinunt. Sunt autem duo ad sedem muscoli, quorum unus rotundus est, solutus, & sine pari sive opposito musculo, per transversum ipsi circumfusus, adeò ut rectum intestinum exactè & firmiter occludat, & excrementa intus contineat. Alter verò sedis musculus est geminus, vel etiam tergeminus (eum namque in duos vel tres dividere possis) qui obliquè supra rotundum musculum situs sedem sursum retrahit. Quo fit ut si quando resolvatur aut reddatur imbecillior, sedem ipsam prociduam & prolabantem, ut in magnis contentionibus corporis fieri aliquando solet, sursum retrahere & revocare non possit, sed ea omnino eversa maneat, nisi manu reponatur. Adhuc *Hedra* apud Hippocratem, lib. de vulneribus capitis, est ossis fracturæ species talis, ut in eo teli vestigium remaneat, atque appareat, quâ telum infederit. Quem quidem affectum à telo acuto fieri necesse est, autore Galeno.

*Hedysma*, id est, Unguentum odoratum, 1. de compos. medic. loc. cap. 2. *ἡδύσματα* dicuntur unguenta ipsa, quibus ad suavitatem odoris aromata adjuncta sunt. Unguenta autem ea, quæ *ἡδύσματα* olim vocabantur, succus tantum erant, hoc est, liquida, ut quæ solis ferè constarent oleis, eoque differebant, *ἀπὸ τῆς συμμετρίας*, ut Plinius scribit, quod hæc corpus haberent, hoc est, solidiora essent: utrisque tamen eadem



odoris gratiâ. Dicuntur ἀπό τῆς ἡδύνης, quod est suave & odore gratum facere: unde & ἡδύσμεται generaliter dici possunt quæcunque rem aliquam jucundiores gratioremque reddunt. In quâ significatione Galenus lib. 3. de alimentis, pinguedinem & adipem carniū ἡδύσμεται esse dixit. Cibis enim suavitatem potius conciliant, quàm in alimentum vertuntur.

*Hegemonice*, ἡγεμονικῇ, id est, principes animæ virtutes, sunt rectrices, & animales, quæ in capite collocantur, videlicet facultas imaginatrix, ratiocinatrix, & recordatrix, lib. de sympt. diff. cap. 3.

*Helcydria*, id est, pustulæ ulcerosæ in capite genitæ, 1. de comp. med. loc. cap. 9. Ἐλκύδριον dicitur omne ulcus parvum, nec eo nomine certa ulla species ulceris designatur.

*Heliosis*, Ἡλιώσις, *Insolatio*, est corporis in Sole apertio. Remedii genus est veteribus Medicis usurpatum variis modis, quo alii ad Solem ejusque radios exponebantur, sive stantes, sive ambulantes, sive jacentes; quo remedio præmissâ per alvum evacuatione juvabantur Hydropici, Ischiadici, Nephritici, Paralytici, Elephantici, Cæliaci, Hystericæ mulieres, & alba uteri fluxione laborantes, & Cephalalgici, ubi ex eo auxilio, corporis perspirationem uberiores, sudores, alvi adstrictionem, adipis consumptionem, tumorum laxorum, tum maximè hydropicorum detumescientiam, facilem respirationem, omnisque superflui humoris absorptionem fuissent consecuti.

*Helos*, sive *Clavus*, est callosum tuberculum, album, rotundum, capiti clavorum simile, toto in corpore proveniens; sed pedum plantis, digitisque potissimum, & calcaneis accidit, & oculis, vide *Clavus*.

*Helodes febris*, vide *Febris Helodes*.

*Helosis*, est curva ac reflexa palpebræ everfio, utroque oculi musculo convulso, partemque Tarsi sibi continuam, ad se ipsum trahente, quod in magnis morbis

bis magnum malum significat. Hanc ipsam palpebrarum contorsionem Hippocr. vocat *Campylon*, 10. de usu part. cap. 9.

*Helminthes*, vide *Elminthes*.

*Hemitritæos febrîs*, ἡμιτεριτῆος πυρετός, *Semitertiana febrîs*, vide *Febrîs semitertiana*.

*Hemicrania*, affectio est dolorosa, circa dimidiam capitis partem, aliquando dexteram, aliquando sinistram (quæ juxta futuram sagittalem terminatur) ut plurimum per circuitum exacerbatur, plerisque circa temporum musculos dolentibus, quibusdam in vertice capitis; quidam verò adeò vehementer dolent, ut ne manuum contactum facilè ferant, in quibus pellicula *Calvam* ambiens, læsa est. dicitur etiam aliquando *Heterocrania*, Græcè ἡμικρανία, & ἑτεροκρανία, 2. de comp. med. loc. cap. 3. Estque & aliud *Hemicranie* genus, quod *Sphacelodes* nominant, estque convulsorius dimidiæ partis capitis dolor, 2. de loc. affect. 7. Causa doloris tanti est vaporum, aut humorum, aut utrorumque vel multorum, vel calidorum, vel frigidorum, vel acrium salforumque influxus sive per venas, sive per arterias. Affluunt autem hi vel quod à cerebro, ejusque membranis foras pellantur tanquam redundantes aut vitiosi, vel quod à subiectis partibus sursum mittantur. Ac vapores quidem tensivis doloribus afficiunt: biliosa excrementa mordaces inducunt: plenitudo gravitatis sensum adfert: rubor & calor calidos humores significant. Ἡ μὲν ἡμικρανία φάρμακα dicuntur medicamenta topica, curandis hemicraniis convenientia. Ea non sunt unius generis: alia enim magis, alia minùs calida sunt: omnia tamen calida esse oportet, multùm quidem, ubi non est multus calor, moderatiùs verò si multa caliditas in dolore percipiatur: tunc enim ad reprimendum caloris excessum, calidis pharmacis aliquid refrigerans miscendum. Omnia etiam aliquid habere oportet, quod firmitatem & robur

robur addat, quod astringentem scilicet habeat facultatem.

*Hemiplexia*, ἡμιπληξία, Paraplegiam significat, vide *Paraplegia*.

*Hepar*, quod & *Iecur*, est membrum princeps in dextro hypochondrio collocatum, venarum omnium principium, & primum sanguificationis, (quam hæmatosin vocant) officina, & instrumentum est, & nutrientis virtutis fons, 4. de usu part. cap. 12.

*Hepatica vena*, vide *Axillari*.

*Hepaticus affectus*, (quæ & *hepatii* nominatur, de symptom. diff. 5.) est Jecoris imbecillitas citra phlegmonem, cum nutrimentum per vasa, quæ in mesenterio sunt, veluti per ora quædam semicoctum attrahit, rursusque per eadem semicoctum ablegat in intestina; unde oritur excretionis species, maximè similis loturæ carniū cruentarum, ac recenter enectarum, sive, quod idem est, aquosi sanguinis. Atque hoc quidem symptoma semicoctorum ciborum, vomitioni ob p. n. affectum ventriculi quæ excitatur, proportionatum est, 3. de sympt. caus. cap. 2. Eos igitur, qui sic affecti sunt, & quibus visceris ipsius vires fuerint imbecillæ, *Hepaticos* vocat, affectumque hunc, *Hepaticum fluxum*, alium à *Dysenteria* facit, 5. de loc. aff. 7. Affectio igitur *Hepatica* appellata, veluti etiam & *Cæliaca*, & *Stomachica*, citra tumores præter naturam, circa ipsas partes contingit; inflammatum enim esse *hepar*, aut abscessu laborare, aut induratum esse Medici dicunt, aut aliud quippiam tale; non tamen *hepaticum* vocant hominem ipsum, cui tale quid accidit, 8. de comp. med. loc. cap. 6.

*Hepiala febris*, ἡπιάλα πύρετος, vide *Febr̃ hepiala*.

*Hepsēma*, id est, *Sapa*, vide *Apotherrum*.

*Herculeus morbus*, vide *Comitiali*.

*Hermaphroditon*, Ἑρμαφρόδιτον, est vitiosa membrorum genitalium conformatio, præter legitimum pudendum.

dendum, alterius etiam sexus pudendo apparente. Huius vitii quatuor differentias esse, Leonides memoriae prodidit, tres quidem in viris, unam in mulieribus. In viris quidem aliàs juxta τὸ ἀνδρῶν, aliàs in medio scroto pudendum muliebri pilosum apparet, aliàs verò, quæ tertia differentia est, per id ipsum quod in medio scroto pudendi formam habet, urina emittitur: in mulieribus autem supra pudendum juxta pubem virile frequenter genitale reperitur, tribus quibusdam extantibus corporibus, uno tanquam cole, duobus autem veluti testiculis. Sed ferè fit ut è duobus pudendis alterum iners sit & invalidum, nec nisi rarissimè utrumque ad Venerem idoneum habetur. Pluribus verò etiam utrumque imperfectum est, ut nec maris nec fœminæ opus exercere possit. Quod Ausonius hoc Epigrammate indicavit.

*Mercurio genitore satus, genitrice Cythere,  
Nominis ut misti, sic corporis Hermaphroditus,  
Concretus sexu, sed non perfectus utroque,  
Ambiguae Veneris, neutro potiundus amoris.*

Nomen huic malo datum est ab Hermaphrodito, quem Mercurii & Veneris filium fuisse, & ἀνδρόγυνον, hoc est, virum & mulierem perhibent. A quo qui utrumque similiter sexum habent, ἑμιαφρόδιτοι καὶ ἀνδρόγυνοι appellantur.

*Hernia, vide Ramex, & Celes.*

*Herpes*, qui & *Serpigo* nominatur, est repens inflammatio, ex syncerâ flavâ bile, suam servante naturam; quæ ipsa bilis flava si cum sanguine per totum corpus deferatur, morbum facit, qui *Icteros*, id est, Regius appellatur; sola verò quando ab aliis succis secreta est, & in aliquo externo membro consistit, *Herpes* vocatur, quæ si crassa sit, totam exulcerans cutem, usque ad suppositam carnem, *Herpes exedens*, sive *Esthionemos*, sive *Phagedæna*; si verò tenuior fuerit, id quod in superficie est tantum veluti deurens, generis sorti-

tur



tur appellationem, ac simpliciter, & sine adjectione *Herpes* vocatur: Altera *Herpetis* species *miliaris*, Græcis *Cenchria* vocatur, quoniam parvæ pustulæ, ac multæ per summam cutem, similes miliis, in eâ excitantur, quæ non protinus ulcus faciunt, quemadmodum alter, sed interposito tempore in ulcus abeunt, 2. de Glauc. 1. & 6. aphorif. 45. Est autem omnis *Herpes* ejusdem generis cum *Erysipelate*, atque hujus quoque magis cum eo, quod exulceratum est: differunt autem humoris tenuitate: est enim admodum tenuis, qui *Herpetem* excitat, adeo ut non solum interiores partes, quæ utique carnosæ substantiâ sunt, transeat, sed etiam cutem ipsam, ad summam usque cuticulam tum erodat, tum exedat, quando si hanc quoque sudoris vice transiret, haudquaquam ulcus exciteret, 14. meth. 17. & 2. meth. 2.

*Heterocrania*, vide *Hemicrania*.

*Heterogeneum*, vide *Dissimilare*.

*Heterorhythmum pulsus* vocamus, qui alterius ætatis habet rhythmum. lib. finit. vide *Pararhythmus*.

*Hexis*, habitus, varia significat. Primum quidem eo nomine in re omni uti solemus, quæ stabilis est, & ægrè movetur à subjecto. Quomodo & Aristoteles usurpavit in Logicis, distinguens ὁπὸ τῆς ἀσθενείας, id est, à dispositione. Hic comparatur à multâ longâque ἀσθενείᾳ. Proinde secundum eam significationem, id quod est, εἰς ἀσθενείαν ἀσθενείᾳ, sive sanitas, sive morbus, sive aliud quodlibet, καθ' ἑξῆς ἀσθενείᾳ dicitur, ut scribit Galenus libr. 2. method. med. Huic contrarium est κατὰ κράτος, sive εἰς κράτος, ut idem docet lib. 8. idem significans quod simpliciter εἰς τὴν ἀσθενείαν. Sic autem simpliciter dictus habitus neque bonum neque malum significat: sed eum in hominis valetudine designare volentes, illum εὐσθένειαν, hunc καχεξίαν nuncupamus. Sunt enim hæ duæ τῆς ἰσότητος differentiæ Medicis supra cæteras usurpatæ. vide *Affectus*, qui & *Schesis*.  
Hia-

*Hiatuli*, qui & *Hyatuli* dicuntur, & *συνόδοντες* Græcè vocantur, ii sunt, quorum venter inter comedendum in ore invenitur, quod accidit in vehementiore appetentiâ, & fame nimia, in quâ venter quibusdam animalibus sursum procurrit, adeo ut nonnulli cum primùm incipere cum affectum sentiunt, foràs repere sibi ventrem dicant: aliis verò cibos, quos adhuc mandunt, nec dum satis ore confecerunt, famelicus ventriculus eripit planè invitis, 3. de anatom. facult. 8.

*Hidroa*, *ἰδρῶν τὴν*, pustulæ quædam genitalium partium sunt, summam cutem occupantes, & exulcerantes, 3. aphor. 21. Oriuntur, ut ipsum nomen ostendit, ab earum partium sudore acri, bilioso, & mordaci, qui perfacile iis in partibus putrescens, pruriginem movet, cutemque velut ulceribus exasperat. Dicuntur & *Intertrigines*, 6. de simplic. cap. de Balauftio, Græci vocant *ἰδρῶν*, & *ὠδρηστικὰ*; Plinius vocat *Atrita*. vide *Sudamina*.

*Hidros*, *Sudor*, *ἰδρῶς*, est humidum tertiæ concoctionis excrementum, per cutem in aquæ speciem erumpens. Et cum tenuissimum quidem sit huiusmodi excrementum, facile sanè ejicitur, partim in speciem halitus ab insito calore solutum, & per transpirationem vacuatum: partim violento motu confertim in aquæ speciem erumpens. Appellant autem Medici quod ita excernitur, sudorem: quod aliter erumpit, non sudor, sed *ὑγρασις*, & *ὑγρασία*, & *ἰδρῶς*, hoc est, mador, à plenisque appellatur. vide *Sudor*.

*Himas*, affectus est Gurgulionis, à corrigiarum similitudine sic dictus, cum longior, gracilior, sicciorque evaserit: (talis enim Loro non ineptè comparari potest, quod Græci *ἰμῶς* nuncupant) differt à *Cionide*, quod in hac Gurgulio non extenuatus est, sed crassitiem ex fluxione solito majorem ut plurimum adeptus esse

esse videtur. Provenit, inquit Aëtius, cùm ex suffitu-  
nium ignescit: tunc enim gracilescit, & secundum  
omnem dimensionem comminuitur.

*Hippocratica facies*, vide *Facies Hippocratica*.

*Hippocraticum scamnum* est machina quædam, quam  
Hippocrates consulit præparandam iis, qui in aliquâ  
magnâ urbe curaturi sunt, 1. de artic. 4.

*Hippos*, vide *Equus*.

*Hirqui*, vide *Anguli*.

*Homiomeres*, & *Homæomeres*, ὁμομερῆς *Homogeneæ*,  
id est, Similares, Elementares, & primæ corporis no-  
stri particulæ, 6. de sanitat. tuend. cap. 2. quas etiam  
prima corpora vocat, 8. de placit. 8. Sic autem di-  
cuntur partes, quæ in similes dividuntur particulas, id  
est, omnes earum partes tum sibi mutuò, tum toti si-  
miles habentur, quæ & simplices etiam & primæ, &  
incompositæ nonnunquam appellantur, quod ex illis  
constitutæ sint particulæ, quæ organicæ, id est, instru-  
mentales, sive officiales vocantur. Sunt autem hæ:  
os, caro, vena, arteria, nervus, ligamentum, tendo,  
membrana, adeps, unguis, cutis. His adduntur humo-  
res, ut sanguis: & qui in oculo sunt, crySTALLINUS &  
vitreus humor.

*Homonyma* duplicia sunt, aliqua quidem nullo pacto  
inter se communicantia, & convenientia, ut cùm Cā-  
nem dicimus terrestrem, & marinum, atque hæc *æqui-*  
*voca* dicimus: alia verò, quæ cum synonymis, id est,  
*univocis* aliquatenus conveniunt, quatenus ab uno fa-  
ctam appellationem habuerint, lib. 4. de vict. rat. 13.

*Homoplatæ*, aut *Omoplatæ*, quas opertas scopulas  
vocant, partes sunt, quas ii, qui toto thlorace respirant,  
attollunt sensibiliter, & notabiliter, ex difficultate re-  
spirationis, præcordia sursum variè & inæqualiter tra-  
hentes, 10. meth. cap. 8. vide *Omoplatæ*.

*Homotona*, vide *Continua*, & *Epacnastica*.

*Horam* vocat Galenus, id tempus anni, in cuius me-  
dio

dio caniculam exoriri contingit, 2. de aliment. facult. cap. 2. vide *Fugaces*.

*Horarii fructus*, vide *Fugaces*.

*Horectica medicamenta*, quæ fastidium cibi auferunt, & appetentiam ejusdem cient. & intendunt. de *Dynamid.* in procemio.

*Hordeolum*, est apostema nascens in extremitate palpebrarum, lib. de ocul. cap. 9. appellaturque *Crishe*. *Hordeum*, sive *oculorum tuberculum*, lib. de remed. part. fac. cap. 10. vide *Crishe*.

*Horrida febris*, *φειρώδης πυρετός*, dicitur apud Hippocratem, 1. de morb. vulg. non simpliciter ea febris, quæ cum horrore invadit (id enim innumerabilibus accidit febribus) sed exquisitus hemitritæus, in quo videlicet magnam accessionis partem horrores sequiunt, eo maximè die in quo tertiana, & quotidiana continua simul concurrunt, 2. de differ. febr. vide *Febris horrida*. Eam biliosus pituitosusque humor ex æquo misti committunt, itaque confusi horrorem movent, non per initia modò accessionis, sed etiam per totam propè accessionem. Tunc autem duobus modis horror iste commovetur, per reduplicationem, & per inæqualem incrementi motum. Hoc brevioribus horroris intervallis, illud longioribus distinguitur. Utrumque autem febris semitertianæ proprium est propter humoris, à quo gignitur, inæqualitatem, ut docet Galenus.

*Horror*, est inæqualis concussio totius corporis, & punctio quædam quasi, seu ulceratio summæ cutis, & ipsius carnis sensibilis, ab humore tenui, & acri, per illam transeunte, 3. de sanit. tuen. cap. 5. & 10. meth. c. 4. Fit eodem modo, & ab iisdem causis, à quibus rigor. Sed horroris causæ mitiores, pauciores, quiescentes, & minus motæ sunt quam rigoris. Nam excrementum mordax, erodens, nitrosum, salsum, amarum in cute vel subditâ illi carne motum ut intensione qualitatis & motus rigorem vel maximum, vel medium,  
vel



vel minimum excitat, prout causæ magis vel minus erodunt, abundant, moventur, ita paucitate, tenuitate, & motionis impetu inferius, horrorem tantum movet. Ut autem horror minus quiddam est quam rigor, sic majus quiddam est refrigeratione & inæqualitate. Qui enim refrigerationem committit, humor frigidus est, crassus & immotus. Qui verò inæqualitatem, minimum calidus, tenuis, motusque, ut in eâ ferè non motus, sed sensus tantum, qualis in ulcerosâ lassitudine, vel pruritu sentiatur. Qui corpore sunt robusto, & vix patiente, horrore vel rigore minus tentantur, quam qui sunt corpore imbecillo, & sensu facili præditi. vide *Frigus*.

*Humeraria vena* est, quæ in superficie brachii exteriori collocata, juxta interiorem superficiem musculi Deltocidis ad extremum ipsius protenditur, 3. de anatom. adm. cap. 5. Hanc *Omicæam* Græci vocant, 1. de anatom. adm. cap. 11. Dicitur autem *Humeraria*, vel *Humeralis*, quòd obliquior à Claviculâ sensim recedens se porrigat ad humerum, libr. de venar. & arter. dissect. cap. 6. Eadem *Vena capitû*, *Cephalica*, & *Vena cubiti externa* dicitur. vide *Cephalica*.

*Humerus*, totum illud est, quod apparet in eâ dearticulatione, quâ superior humeri pars, quæ *Epomis*, & *Superhumeralis* dicitur, ad Collum vergit, & à posteriori parte, ossi scapulæ; ab inferiori autem, ei ossi, quod, dum totum brachium attollitur, manifestum fit, & *Ala* nuncupatur, 1. de artic. 4. & 62.

*Humilis pulsus*, vide *Latus*.

*Humor*, & *Succus*, non idem est; *Humor* enim est humiditas quædam, quæ in corpore animantis est; *Succus* humiditas est, quæ in fructibus, quibus vescimur, continetur, & ex medicamentis vegetabilibus exprimitur, lib. de humor. comm. 1.

*Humor urinæ*, est id, quod re ipsâ urina est, sub quo nomine, & substantia & color urinæ continetur; præter

ter hæc, quod in urinâ reliquum est, *inharens* dicitur, & ejusdem contentum, lib. de urinâ, cap. 1.

*Humorem mucosum*, eum appellare consuevit Hippocrates, qui lentore quodam & albedine præditus, ad exangues partes, id est, ossa & cartilagine, pro nutrimento cogi consuevit; cum imbecilla ita natura est eorum, ut benè conficere alimentum in ipsis nequeat, sed quasi semicoctum relinquat, 3. de artic. 65.

*Hyaloeides humor*, Ὑαλοειδὲς ὕγρον, est humor oculi tertius, in posteriori illius sede collocatus, qui & *Vitreus* dicitur, & *Hyalinos*; qui quanto crassior & albior est sanguine, tanto à crystallino humore, humiditate secedit atque albedine, 10. de usu part. cap. 1. Hic non ambit universum crystallinum, sed dimidium tantum posteriore parte, ut qui ejus diâmetrum non excedat, qui à dextrâ ejus parte in sinistram ducitur. In eum usum à naturâ comparatus est, ut crystallino humori alimento esset, eamque ob causam inter eum & sanguinem propè medius factus. Vitreus hic humidus est instar vitri, à quo nomen habet, igne liquefacti, & tam albus, quàm cum minimum nigri multo albô permixtum est. Sed cum neutri horum humorum vena insit, per Diadosim crystallinus à vitreo, & vitreus à tunica ipsam ambiente, quam ἀμφιβληστροειδῆ vocant, nutritur, quæ non est aliud quàm nervi optici substantia in mucum cerebro similem soluta. vide *Crystallinus*.

*Hyatuli*, vide *Hiatuli*.

*Hyboma*, *Curvamen*, *Gibbositas*, Ὑβωμα, idem est ac κύρτωμα, vox generalis est apud Hippocratem, significans omnem vertebrarum eversionem, & luxationem, præter naturam, 3. de art.

*Hydarn*, *Aquila*, substratæ superiori genæ pinguedinis extimâ parte augmentum est, quâ fluunt præter naturam oculi, lib. finit. Sunt autem *Hydaridæ*, humiditates illæ, quæ circa unctuosâ, & viscosa corpora per medium spatium, inter duas portiones tunicæ Pe-

riostii adnascuntur, quæ corpora molliendarum suâ pinguedine palpebrarum gratiâ, à naturâ fuerunt creata, 10. de usu part. cap. 7. Pinguis autem ea substantia palpebræ cuti naturaliter substrata in aliquibus, & præsertim pueris, ceu natura humidioribus, augescens supra modum ὑδατῶδες parit, quæ oculum pondere suo gravans, fluxionem in eo excitat, facitque ut ab oculis humor præter naturam stillet. Palpebræ igitur hoc vitio detentis infra supercilia aquam intercutem repræsentant, nec sursum attolli possunt: si verò digitis ipsas deprimamus, inde digitos quod medium intercedit inflatur. Horis autem antelucanis potissimum defluxione tentantur, neque contra Solis splendores cernere sustinent, sed illacrymant, continuisque lippitudinibus infestantur. Si magna ὑδατις est, non nisi manu curatur: quæ parva est, siccantibus remediis iuvatur.

*Hydatodes vinum*, Ὑδατῶδες οἶνον, est quod multâ aquâ dilui potest, vel jam dilutum est, 5. de san. tuen. cap. 12. vinum autem *Oenodes* vocant, quod multam sustineat aquæ misionem, & imbecilles vires feriat: cui opponitur ὀλιγόφορον, id est, *aquosum vinum*, quod paucam sustineat aquæ misionem, 7. meth. 6.

*Hydatocides*, ὑδατοειδὲς ἢ ὑδατῶδες ὕγρον, aqueus humor, unus ex oculi humoribus, crystallinum anteriore parte circumdans, & medium complectens. Hic totum illud spatium, quod inter crystallinum humorem & pupillam intercedit, replet, sectâque corneâ tunicâ primus effluit. Censetur autem verus humor, ut qui aquæ modo effluat, & pellucidus sit. Inde ὑδατῶδες dictus est. Alii verò ipsum ὀροειδὲς, hoc est, ovo similem sive albugineum nuncuparunt, ut Aëtius, l. 7. cap. 1. quod magnam gerat cum ovi humore similitudinem albo ac tenui. Cæterum cùm eo humore permixtum etiam spiritus inest, qui oculi tunicas ita distendit, ut nullâ usquam parte laxæ aut corrugatæ videantur.

deantur; magno usui est non modò replens spatium inter corneam & crystallinum medium, sed vetans etiam ne ab externo aëre & ipse crystallinus humor, & uvea tunica exsiccentur, simulque colorum discrimina primus excipiens, ne primo statim eorum objectu crystallinus perculsus læderetur.

*Hyderici*, qui & *Hydropici*, & *Vtricularii* dicuntur, libr. de atrâ bile, cap. 9. Sunt laborantes aquâ inter cutem, 5. de loc. affect. 7.

*Hyderos Phlegmaticus*, vide *Leucophlegmaticus*.

*Hyderos*, est species Hydropis, quæ *Anasarca* dicitur, 3. de sympt. caus. cap. 2.

*Hydragoga medicamenta* sunt, quæ aquam Utriculariis, Hydropicisque educunt, libr. de atrâ bile, cap. 6. Inde *Hydragogia*, Latinis *Aquæ ductus*, sanguinis lationem per venas (nomine à similitudine fluminis, ad rivos translato) significat; qui fit spiritu, unâ cum caliditate per ventrem exeunte, ac deinde secum confractas nutrimenti particulas deferente, Galenus in Timæum Platonis, fol. 578.

*Hydrelæum*, est compositio ex aquâ & oleo, Ὑδρῆλαιον, incerta autem & multiplex mixturæ ratio est. Refrigerat, ideoque à Galeno adhibetur ad dolores capitis ex febre, & ciendis vomitionibus convenit, si tepida detur, 2. simpl. 25.

*Hydrenterocele*, Herniæ species est composita, quando videlicet, unâ cum intestino, aquosus humor in Scrotum descenderit, libr. finit.

*Hydrocele*, vide *Cele*, *Enteroccele*, & *Sarcoccele*.

*Hydrocephalon*, est humoris aquosi, vel sæculenti sanguinis collectus tumor, in parte aliquâ corporum eorum, quæ caput concinnant, libr. finit. Est autem is humor piger & deses, tribusque in locis colligitur: aut inter Cutem & Pericranium, aut inter Cranium, & Pericranium, aut inter Cranium, & Cerebri membranas; aliqui addunt ex Aëtio quartum locum, inter



Cerebrum, & ejus membranas, sed tunc nullam recipit curationem. Puerulis maximè familiaris morbus est, & eorum proprius. Multis autem de causis aqueus ille humor colligitur, quarum aliæ evidentes, aliæ internæ sunt. Interna quidem est, cum spontè suâ vasa capitis rarescunt, & aquosam illam substantiam, quæ sanguini mista est, in locum aliquem effundunt, unde totum caput intumescat. Externa verò evidentique causa est plaga, aut contusio, non omnis quidem, sed quæ infantibus præsertim ab obstetrice infertur in puerperio, rudiùs contracto, appressoque eorum capite.

*Hydromphalon*, coitio & concretio in umbilico est lentis humoris, qui sub tunicâ ibidem congeritur, & continetur, lib. finit. Græcè Ὑδρομφαλον.

*Hydrophobus*, id est, aquæ timidus, Ὑδροφοβος is propriè dicitur, qui ex morsu canis rabidi, aquam reformidat, 9. method. 5. inde *Hydrophobia*, id est, aquæ timor, ex rabidi animantis mordicatione prognatus. Aliis statim, aliis quadragesimo die, aliis etiam seriùs supervenit. Sed nemo eorum qui à rabioso cane demorssi fuerint, immunis ab eâ affectione est, qui neglexerit, aut malè subierit curationem, idque maximè si corpore fuerit cacochymo & melancholico. In tantum autem aquam (nec eam modò ut fertur, sed omne etiam liquoris genus) metuunt, ut eâ visâ animo vehementissimè perturbentur. Res quidem admiratione digna, cum ita affecti canibus ferè similes evadant non modò rabie, latratibus & morsibus æquè pestiferis, quibus obviam factos petunt, sed calidâ etiam siccâque intemperie & siti. Hujus causas qui investigarunt, existimant eos aquâ tantoperè averfari, quod in eâ tanquam in speculo, intueantur se rubenti facie, torvis oculis, & supra humanum morem efferratis. Unde non aquam modò, sed quicquid etiam pellucidum est, abhorrent. Alii dicunt fieri in iis hydro-

drophobiam quo canis, à quo demorſi ſunt, imaginem in aquâ cernere ſibi videantur. Nam ut fertur, cùm Philoſophus quidam eo affectu laboraret, & falſo, ſicut cæteris, canis ſpecies ante oculos obverſaretur, & propterea à bibendo deterreretur, animum fortiter recolligens, ſecumque reputans, quam abſurdum ſit canem in balneo verſari, aquam intrepidè bibiſſet, ſitimque expleſſet, curationem eſt conſecutus. Alii metum aquæ gigni docent ab immodicâ ſiccitate, quaſi in contrarium habitum mutata penitus humidâ eorum ſubſtantiâ. Sunt qui vanam eſſe huius rei cauſæ inquisitionem dicant, ipſamque *ὕδρωφobia* nihil aliud eſſe, quam inſaniæ ex atrâ bile genus. Eſt enim magna huius veneni cum eo humore ſimilitudo, notumque eſt valdè differentes eſſe melancholiæ differentias, cùmque omnium melancholicorum communis ſit metus, alios tamen alia timete.

*Hydropici, vide Hyderici.*

*Hydrops*, *ὕδρωψ*, eſt aqua inter cutem, in quo per cutem extentam, ſive aër & flatus, ſive humor aliquis in profundo concluſus, locatur; ſi igitur in membranâ abdominis interiore, *Peritonæo* Græcè dictâ, aër recludatur, ſit *Hydropis* ſpecies, quæ ſicca ab Hippocrate vocatur; ſi verò humor, ſit *Ascites*, qui & *Hydrops aquoſus* ab eodem dicitur, 4. aphor. 11. Ejus tres ſunt ſpecies; prima, *Ascites*, *ἀσцитες*, quæ ſit, cùm inter membranam *Peritonæum*, & inteſtina, pluriſmus aquoſus humor coacervatur, qui locus, aquoſo humore, utriſ modo impletus videatur, unde & *utricularem* appellant, Barbari corruptâ voce *Asclitim*. Altera *Tympania*, *Τυμpanία*, καὶ *Τυμπανίτις*, dicitur, qui ſit, ubi flatus, ac ſpiritus copioſus, in iſdem ventris locis congregatur; Hoc nomine à *Tympano* omnibus notiſſimo inſtrumento, appellata eſt; ſi enim pulſetur venter inferior, inſtar *Tympani*

sonum edit. Tertia *Anasarca*, *Ανασάρκη*, *ὑπέρταρξη*, καὶ *Λόκρῳ φλεγμονή*, dicitur, fitque quoties per totum corpus humor pituitosus diffunditur, adeo ut instar spongiarum, aut papyri, universa caro permadida appareat, ideoque in eâ totum corpus intumescit, ac mortuo simile evadit. Sed omnium ferè communia ista sunt, quod jecinore vehementer refrigerato oriantur, sintque depravatæ sanguificationis symptomata, sive primario propter phlegmonem, aut scirrhum, aut aliud vitium jecur malè affectum sit, sive lege consortii, quod illi cum aliis partibus intercedit, quodque omnis à cachexiâ initium sumat. Fieri quidem non potest ut hydrops ullus citra hepatis refrigerationem gignatur: id quod illi contingit tum per se, tum etiam liene aut ventriculo refrigerato. Compatitur præterea alvo & intestinis, maximè jejuno, pulmone, renibus, & septo transverso. Sed & immodica per hæmorrhoidas, aut uterum, aut dysenteriam, sanguinis evacuatio, hydropem gignit, sicut & consuetæ vacuationis suppressio. His enim de causis refrigeratur hepar, post verò aliquando & durum fit. Quamvis autem frigida intemperies hydropem pariat, omnes tamen hydropici & febricitant & sitiunt, quod humor circa viscera defes nec perflatus falsedinem putredinemque colligat. Sed febris quamvis assidua, lenta tamen est, cum pulsu parvo. Adhæc omnes spirandi difficultatem, tumorem, gravitatem, colorem vitiosum, cibique fastidium incurrunt.

*Hydrops aquosus*, & *siccus*. vide *Hydrops*.

*Hydrops matellæ*, vide *Diabetes*.

*Hydrops in vas urinale*, vide *Diabetes*.

*Hyeloides*, vide *CrySTALLINUS*.

*Hygieia*, id est, *Sanitas*, est affectio, constitutioque partium, cujus ope, functiones secundum naturam edimus, i. meth. 9. Inde ὕγιεινὴ salubris medicinæ pars est, quæ sanitatem tuetur, & imminentes morbos præcaver,

cavet, lib. Introd. cap. 7. *ὕψιλον* (per syncopen *ὕψιλον*) emplastrum etiam cephalicum est : quod & Panaceam, & Trium fratrum vocant : Heras *ὕψιλον* facit ad nomas, & omnia ulcera maligna. Valet ad plurima ad quæ commendat ipsum Aëtius, lib. 13. cap. de emplastr. cephal. *ὕψιλον* verò cæteras medicinæ partes dignitate antecellit, duobusque summis continetur præceptis : Optimè valentia corpora similibus esse conservanda : quæ parum ab optimâ constitutione desciscunt, aut quodammodo ad neutrum statum accedunt, modico contrariorum usu ad mediocritatem revocanda esse. Itaque ad eam pertinent aëris, cibi, potus, exercitationum, somni, vigiliarum, excretionum, atque affectuum animi discrimina : de quibus Galenus copiosissimè differuit. *ὕψιλον*, salubre tripliciter apud Medicos dicitur : ut corpus, ut causa, ut signum. Salubre autem corpus tripliciter dicitur : aut simpliciter, quod ab ipso naturæ ortu bonam habet temperaturam in simplicibus & primis particulis, atque in his quæ ex ipsis componuntur, est commensuratum, aut, ut nunc, quod in præsentī est sanum. Est verò & hoc ipso tempore quo sanum existit, si non optimam, at sibi propriam habens temperaturam, ut multum autem, quod à constitutione optimâ non admodum deficit, ut explicat Galenus in art. med.

*Hygrocyrsocele*, id est, aquosus simul, & varicosus ramex, est dilatatio vasorum testem nutrientium, & lenti humoris copiosissimi in Scroti aliquâ parte collectio, lib. finit.

*Hymen*, *Hymenæon*, vide *Colliculum*.

*Hyoëides*, sive *Hyphiloeides*, sive *Lambdoeides*, à similitudine, quam cum  $\gamma$ , &  $\Lambda$ , (quæ inversa non est valdè dissimilis ab  $\psi$ ) Græcis litteris obtinet, dictum est os capiti gutturis incumbens, rectum secundum colli longitudinem, & leniter cavum, pluribus ossibus contextum, & ad radicem linguæ situm, firmamen-



mentum est linguae & laryngis musculorum. Os namque ejus maximum, quod totius ossis velut basis est, anteriore parte ad securitatem gibbum est, posteriore linguam spectante cavum, ad continendum. Huic autem alia duo utrinque officula, velut duo cornua uniuntur: unum brevius & inferius, osse unico constans, in thyreoeidis (est autem laryngis cartilago) apophysim praelongam inserto: alterum gracilius, longius, rotundius, ossiculis tribus vel quatuor colligatis invicem, ad styloeidis radicem ascendentibus conflatum. Quo loco quibusdam praesertim mulieribus ligamenta sunt tantum sine ossiculis, ab osse hyoeide ad styloeidem ascendentia. Est autem os hyoeides quadrupedibus multum diversum ab humano, libr. de muscul. dissect. cap. 13. quod & *Pharyngethron*. vocant, lib. de vocal. instr. dissect. cap. 6.

*Hypelata*, *Catotherica*, sive *Dejectoria medicamenta* sunt, quae renes, vesicam, & gibbam jecinoris partem, cum multo vitioso succo sunt referta, expurgant, 7. meth. 13.

*Hyperbolica figura corporis* est, quoties quatuor membra, Graece κῶλα, id est, crura, ac manus, aut summè extenduntur, aut immodicè inflectuntur, ipsa item spina, cujus partes vertebrae quoque in cervice existunt, cum plus nimium incurvatur, aut extenditur, 1. prognost. 13.

*Hypercatharsis*, ὑπερχαρσις, *Superpurgatio*, immodica est ex medicamento violentiori epoto purgatio, in causâ ergo est vis nimia medicamenti, quod vasa ad ventrem attinentia mordens, aperiens, & continenter irritans, atque convellens, corpora tota, eorundemque omnes vires naturales cumprimis enervat ac dissolvit. Sed cum initio vasa modicè pateant, nec multum imbecilla sint, non nisi quod tenuissimum est, minimèque naturæ familiare excernitur. Tandem verò vasis tum multum dehiscens, tum imbecillioribus redit

ditis succedit eorum vacuatio, quæ sunt naturæ charissima. Quamobrem in ὑπερκαθάρσις primùm flava bilis, deinde pituita, demùm atra bilis, postremò sanguis, (quippe quem sanguinem natura habet familiarissimum) excernitur, initio tenuissimus, demùm crassissimus. Itaque medicamento dato pituitam ducente, si immodica fiat purgatio, primum flava bilis, mox atra, ultimo loco sanguis excernitur. Si verò quod flavam ducat bilem exhibitum sit, pituita sequetur, tertia atra bilis, quartus tandem sanguis. Quod si medicamentum datum sit atram bilem purgans, eam quidem primùm vacuabit, deinde flavam, postea pituitam, postremò sanguinem, tanquam ex inanitis jam vasculis effluentem. Cùm enim ea non ampliùs in se continere alios succos præ imbecillitate possint, eorum verò ora aperta fuerint, nec irritare medicamentum desinat, nec familiarem præterea succum possit attrahere, necesse est reliquos eo ordine, quem diximus, excerni. Si verò humoris vel sanguinis evacuatione, sponte fiat, à naturâ, vel sanguinis, vel humorum multitudine aggravatâ, & ad ipsorum quæ onerosa sunt, evacuationem excitatâ, & modum obtinere nequeunt, *Hypercrisis* dicitur, seu *supervacuatio*, 3. prior. 5.

*Hypercrisis*, vide *Hypercatharsis*.

*Hyperoa*, ὑπερώα, est pars oris superior, modicè concava, foraminulis pertusa, per quæ à cerebro pituita ad os descendit. Extenditur à faucibus ad dentes usque, & in fornicis aut cameræ modum concava est, sed leniter nec supra modum, ut iis accidit qui sunt acuto capite, ut lib. 6. Epid. Hipp. annotavit. Latine *Palatum* & *Basis cerebri*, osse *sphenoeide firmata*; quod propterea Gal. τὸ πρὸς τὴν ὑπερώαν ὀστέον aliquando appellat.

*Hyperfarcion ulcus* est, cui caro supercrescit, veluti *Hyperfarcosis*, carnis excrescentia, ὑπερσάρκωσις Græcè, 2. meth. 2, & 3. meth. 6. Neque in ulceribus solum,

verum etiam in oculis, auribus, gingivis, naso, testiculis, & aliis plerisque partibus caro supercrescit. Est igitur morbus in incommodatione magnitudinis, siue ex eo genere quod in quantitate, magnitudinève partium spectatur. Itaque vel excindi debet, vel medicamentis cathæreticis absumi. Huiusmodi incrementi præcipua causa est boni sanguinis in carnem uberior affluxus. Quare curatio ejus perficitur iis quæ contrariam sarcoticis habent facultatem: vocantur autem ea *καταρκτηστικὰ*.

*Hypozocotes membranæ*, siue *Subcingentes* sunt, quæ telæ araneorum similes, naturâ simplices, internam utramque thoracis regionem subcingunt; quæ verò rectæ ad jugulum usque perferuntur, *Diaphrattontes*, id est, *Intercipientes*, siue *Intersepientes*: ubi autem pulmonem cohærescunt, hujus *operimentum* dicuntur, 5. de anat. adm. cap. 8. Has ipsas pleuræ tunicas, omnium spirationis instrumentorum communes esse, communemque iis largiri tunicam, scribit Galenus, 7. de anat. adm. cap. 2. vide *Cingentes*.

*Hypnoticum medicamentum* est, quod somnum conciliat, *ὑπνοτικόν*, soporemque & Cataphoram, epotum molitur: refrigerat enim corpus, & sensum eò usque stupefacit, ut, si paulò liberaliùs ebibatur, mortem quoque afferat, 5. simpl. cap. 19. vide *Narcoticum*.

*Hypocaumata*, id est, *caloris nostri fomites*, alimenta nominant juxta omnium philosophorum dogma, qui eorum, quæ animalia constituunt, elementorum, ignem maximè vitæ esse causam existimarunt, qui rursus suis pabulis, tanquam alimentis alitur, ut lucernæ flamma, oleo, 1. aph. 14.

*Hypocheomenis*, id est, *Suffusi*, 6. de sanitat. tuend. cap. 9.

*Hypochondria*, id est, *Subcartilaginea*, aut quasi dicas, *sub cartilaginibus posita*, sunt partes illæ, quæ sub ventriculi ore, ad partem exteriorem apparent, cujusmodi sunt

sunt musculi, qui expansi, membranæ prætenui, veluti Araneæ, quam *Peritoneon* vocant, incumbunt, extrinsecus verò cute conteguntur. Æquivoco autem cum his vocabulo, etiam interiora viscera vocamus *hypochondria*, quoniam & ipsa sub cartilaginibus notharum costarum ab interiori parte existunt, lib. Intr. cap. 10. In priori significato, dictum: *febres ab Hypochondriis moderatæ*, id est, omnium febrium acutarum, quæ ab Hypochondriis proficiscuntur, sunt mitissimæ: in posteriori significato, quando voce Hypochondriorum complectimur, ventrem, jecur, lienem, & septum transversum, quædam *malignæ*, quædam *mites* sunt, com. 2. in 3. de morb. vulg. Atque in hoc secundo significato, Hypochondrion, ὑποχόνδριον, ab Epigastrio non distinguitur. Ubi Hippocrates Hypochondrium simpliciter nominat; dextrum interpretatur, propter excellentiam, quæ præstat alteri.

*Hypochondriacus*, sive *flatuosus affectus*, qui & simpliciter *Melancholia* dicitur *Hypochondriaca*, morbus est ex tertio melancholiæ genere, à ventriculo & finitimarum partium ex affectu p. n. ortum ducens, pravis symptomatibus stipatus, imprimis metu, & mæstitiâ. Idem alvi dejectione, vomitione, probâ concoctione, & ructibus levatur, 3. de loc. aff. cap. 7. Græcè ὑποχονδριακὴ μελαγχολία dicitur.

*Hypochyma*, (quæ & *Hypochyfis*,) est crassi humoris coalitio, in corneâ membranâ, vel inter corneam, tunnicam, & crystallinum humorem, juxta pupillam concretio. Quâ in re, Hypochymatos, & Glaucomatos differentiam recentiores posuere, dicentes, τὸ ὑπόχυμα, non aliud esse, quàm humorem illic concretum; Γλαύωμα autem alterationem esse humoris crystallini, in glaucum colorem ab humiditate quâdam intra ipsum congestâ, cùm tamen veteribus Medicis, idem esset uterque affectus: nec tamen hoc solo differunt, sed etiam, quod omnes suffusione laborantes, lucem videant



videant multam, aut paucam: qui verò Γλαυκωμα, quique *αμύωρον*, patiuntur, lucem omnino nullam cernant. Est autem *suffusio* duplex, una propriè dicta, quæ est oculorum per se suffusorum morbus, ab humore crasso pupillam obscurante; altera verò impropriè, in quâ oculi non primò, & per se patiuntur, sed visâ quædam visis propriè suffusorum similia repræsentant, quæ est per consensum suffusio, (ut illa per essentiam) sive à ventriculo sursum ad oculos ascendendo, sive à cerebro deorsum, sive à toto corpore, ut in febribus, crisi instante per sanguinis fluxum è naribus. vide *Glaucofis*. Alia etiam suffusio recens est, & quæ nondum radices egit, alia verò confirmata est, & ex toto concrevit: quas quomodo ab invicem distinguere oporteat, Paulus libr. 6. hoc modo explicavit: Oculus suffusione tentatus concluditur, & palpebra magno digito ad oculum premitur, eique adducitur, simulque hâc illâc exprimitur, deinde oculo aperto perattentè suffusionem contemplamur: in iis enim in quibus humor nondum coaluit, fusio quædam ex digiti impressione oboritur, ac primum latior apparet, rursus in suam & figuram & magnitudinem recurrit. At in confirmatis suffusionibus nulla immutatio nec latitudinis nec figuræ ex impressurâ obvenit. Quoniam verò commune hoc est signum, & eorum in quibus modicè, & illorum in quibus supra modum humor concrevit, colore ipsas discernemus. Nam si ferri, aut marinæ aquæ, aut plumbi colorem suffusio habeat, moderatè coaluit, & ad educationem idonea redditur: si verò gypso aut grandini similis color suffusionis est, supra quâ par est, concrevit.

*Hypogastrium*, vide *Abdomen*.

*Hypoglossis*, medicamentum est, leniens, lævigans, & corrigens asperitates asperæ arteriæ, quin & omne, quod in viis spiritalibus inflammationis reliquum est, concoquit, & perlanat; quod medicamentum, quia  
linguæ

linguæ subditur, eoque paulatim liquefcente, asperæ arteriæ summum madescit, & irrigatur, ob id *ῥινο-γλωσσις* dicitur, de quibus sub linguacibus præsidis Galen. fusè, 7. de compos. med. loc. Ejusmodi phar-maca parantur ex passo, gummi, tragacanthâ, glycyrrhizâ, quibus si libet addere detergentia, convenient mel despumatum, amygdalæ, resina terebinthina, ficus, uva passa, semen iridis, & alia hujusmodi. Oportet autem reniti tussi, & ne excitetur cavere. Obluctantes autem ut ne tussiant, quod ex pharmaco defluit, in asperam arteriam excipient. vide *Arteriace*. Hypoglossis etiam dicitur inferior linguæ pars, quæ subjectam attingit maxillam.

*Hypophora*, sunt fistulæ, & vitia profunda, quæ dehiscunt, ut sinus, ulcera, aliaque hujusmodi omnia, quæ ex defectu repletionē desiderant, atque indicant, l. intr. c. 3.

*Hypophysis*, seu *Hypochysis*, id est, suffusio, 3. meth. 2.

*Hypopyos* vocamus, quibus pus in oculis congregatum est, quod vacuari solet, divisâ eâ tunicâ, quæ cornu est similis, paulò supra locum quo committuntur inter se tunicæ oculi universæ, quem alii *Irim*, alii *Stephanon*, alii *Coronam* vocant, differtque ab *Hypochymate*, in quo non pus, sed levis quædam nebula, tunicis oculi interponitur, 14. method. cap. 19. Quod autem Hypopyon sub oculis fiat, nomen ipsum indicat, idem enim est, veluti si quis *Hypophthalmiam* dicat, quod ipsum sub oculis sonat. Est autem ex genere effusionum, & Ecchymomatum appellatarum; Appellant ita Hippocrates, & alii multi Medici, circa cutem affectionem, cum tenuibus in ipsâ venis contusis, sanguis per fissuras effunditur, non uno loco acervatum, ac statim ita excretus in grumos coit; sed postquam per Diapedesim, effusio ista est facta, tunc enim temporis progressu, contingit livescere & denigrari oculum, parvis nimirum grumulis, ex disperso in multas cutis partes sanguine coactis, 5. de compos. medic. loc.

loc. cap. 1. & libr. de Virtute Centaureæ, cap. 4. ὁ πόνος καὶ ὁ πόνος Græci vocant. Sunt autem τὰ ὑπερπύς symptomata dolor pulsatorius vehemens, rubor oculi totius, & temporum dolor.

*Hypophthalmia*, & *Hypophthalmium*, vide *Hypopyum*.

*Hyposarca*, quæ & *Hyposarcidium*, & *Episarcidium* dicitur, species hydropsis est, in quâ habitus totius corporis pituitâ plenus redditur, 4. de rat. vict. 11. vide *Anasarca*.

*Hyposphagmata*, plagas oculi illatas, & obortas ex eis cruentas suffusiones, appellant, 4. de comp. med. loc. cap. 8. species τῆς ἐκχυμώσεως. Fit autem cum ruptis aut contusis ex plagâ vasis, quæ in oculorum tunicis habentur; sed iis maximè quæ sunt in adnatâ membranâ, sanguis sub eam subit. Ac primum quidem is rubet, postea verò livescit. Eorum qui sic affecti sunt hoc unum symptoma esse dicitur, quod quæcunque videant, rubra esse putent, ut Gale. lib. de sympt. caus. annotavit, sed præsertim recente malo: ob id etiam ab Archigene ἀμφάλωτα dictum esse putant. Sed tamen ἀμφάλωτα generalius dicitur, quam ὑπόσφαγμα.

*Hypospadiæi*, ὁ ὑποσπιδιῶν, ii sunt, quibus ob vinculum, quod ad finem virgæ habent, meatus seminalis est contortus, & ob læsâ genitalia steriles sunt, non quod semen sæcundum non habeant, sed quod in virgæ flexibus hærens ferri prorsus nequeat, rectâ in uterum, quam rem curatio ipsa comprobat, vinculo enim abscisso, generant, 15. de usu part. cap. 3. Κύμα sive κυνοδίσμιον, hoc est, canem, vel caninum vinculum vocant id, quo cutis membri genitalis, cum glande colligatur, Vitium id à primâ origine contrahitur. Et quia glans non rectâ forata est, sed sub eo vinculo, qui sic affecti sunt, urinam quoque antè facere nequeunt, nisi pudendum ad pubem reflectant. differunt δὲ τῶν ἀνδρῶν. Quod ἀνδρῶν dicantur tam viri quam

mul,

mulieres, quibus anus aut genitalia perforata non sunt, sive id ex naturâ sit, sive ex morbo acciderit, carne vel membranâ supercrescente, & meatum obstruente.

*Hypostasis*, sive *sedimentum*, est id, quod in urinâ residet, tanquam crassior urinæ portio, & in sanis quidem tertiæ concoctionis excrementorum, in ægris verò morbidi succi pars, ab urinæ liquore secreta, & in fundo subsidens, libr. de urinis, cap. 16. Licet generaliter quidquid subsidet, atque in imo cujusque liquidioris excrementi subsistit, *hypostasis* sit; quæ crassior urinæ pars, si ad supremam superficiem terminatur, dicitur *Nubecula*, si ad mediam regionem, *Suspensum*, si profundiore parte inferiorem locum occupet, dicitur *Hypostasis*, ibidem, cap. 21. Quæ si divulsa non sit, sed continua, apud Hippoc. dicitur *plana*; quod si per omne tempus sui similis est, ita ut, si primo die sit cocta, sit etiam postero die, & insuper quæ *sedimentum*, & humorem urinarium habet non distantem à se, sed totum sibi æqualem, quæque continuo sibi similis perseverat, *æqualis* apud Hippocratem dicitur, ibidem cap. 38. Optima urina vesicæ (cui maximè facultas inest urinam concoquendi, sicut & renibus attrahendi) optimè se habentis indicium primò est, secundò renum, tertio sanguinis & vasorum quibus ipse continetur, quarto jecinoris, deinde verò ventriculi. Sic enim urinæ concoctio procedit, nec potest subsequens præcedentis vitium omnino corrigere & abolere. Quamobrem si optima est hypostasis è vesicâ prodiens, omnibus iis in partibus optimam factam esse concoctionem testatur, & proinde partium solidarum robur, vimque caloris nativi ostendit, sicut & contrario mala, partium solidarum, & caloris imbecillitatem, à quo certum est omnia naturæ opera perfici; Ad hunc modum in mammis lac, in testibus semen, in abscessibus pus album evadit, ex continuâ vasorum, nervorum, ligamentorum, membranarum, cartila-



tilaginum, ossium, & reliquarum solidarum partium, quæ sunt in sede affectâ, alteratione. Quod ad ejus substantiam quoque pertinet hypostasin & consistentiâ & copiâ mediocrem esse oportet, præterea, quæ omnium maxima laus est, albam, lævem & æqualem. Horum enim trium signorum in hypostasi tanta vis est, ut iis tantum tribus optimam urinam Medici definierint. Si enim hæc adsint, reliquorum nullum omnino defuturum videtur. Sunt namque perfectæ concoctionis indicia, ex quâ reliquæ omnes notæ dependent. Nec tamen ulla hypostasis perfectè cocta est, sed cum sit ex genere excrementorum, aliquid præter naturam in se contineat, necesse est. Quicquid enim alimenti in sanguinem converti non potest, subsidet in urinâ. Itaque prout concocta apparet, sanguinem etiam unde manavit, tantum decoctum esse declarat. Crassa enim crassum, sublimis flatulentum, flava biliosum, livida vel nigra melancholicum aut corruptum significat. Ex consequenti verò caloris nativi, à quo concoctio perficitur, vim aut imbecillitatem denotat.

*Hypsiloeides*, vide *Hyoeides os*.

*Hypothenar*, id est, *subvola*, pars ea manus est, quæ opponitur *vola manus*, quæ *Thenar* dicitur, libr. Introduct. cap. 10.

*Hystera*, id est, uterus, vulva, matrix, fætus gestandi sive generationis organum; foris nervosum, intus carnosius, diciturque à Græcis *ὑστερα*, quod postrema sit partium omnium, lib. finit. Unde *hysterica mulier*, id est, ab utero suffocata, sive hunc affectum *uteri suffocationem*, sive *spirationis ob uterum ablationem* vocites, quo interdum mulieres, sine sensu immobiles jacent, cum nullo, aut parvo, aut quàm obscurissimo pulsu, interdum mitiori existente malo sentientes, & moveri potentes, atque integrâ ratione; tamen animi defectuone, & difficili spiratione laborantes, etiam crura, & brachia contrahunt, §. de loc. aff. 5. *Præfocatas* etiam

*utera-*

*uterarias* vocant, id est, utero laborantes, com. 1. in 6. de morb. vulg. 2. unde *Hysteralgia*, uteri dolor: *Hystericus typus*, & *morb*, accessionis est retardatio, cum posterior accessio seriùs invaserit, quàm præcedens.

## I.

**I**ANITOR, vide *Pilæros*.

*Ianitrix vena*, id est, *Vena porta*, 6. de placit. cap. 5.

*Ichor*, est tenue excrementum ulceris, ut sordes crassum, 3. meth. 3. Vocat etiam *Ichores* Hippocrates tennes, acres, aquosas, & mordaces sanguinis humiditates, sanguinis veluti vehicula, 4. de rat. viâ. 2. Appellat adhuc *Ichores* superfluas sanies, quas corpus acervat, ex quarum vapore, non solum capitis dolores nonnullis oboriuntur, sed etiam suffusorum, symptomata; aliquibus verò & Comitialis convulsio concitatur, 6. de sanitat. tuend. cap. 9. Dicuntur adhuc *Ichores*, fluentes humiditates ex *Coryzâ*, & *Catarrho*, 2. de rat. viâ. 44. Græcè *ἰχὼρ* dicitur, ex Latinis quidam vertunt, *serosum humorem*, quidam *aquosum*, quidam *tenuem*, alii verò saniem interpretantur. *Ichoroeides* autem *sanguis* non simpliciter tenuis, & aquosus ab Hippocrate vocatur: sed qui venenosus aliquâ, & malignâ facultate præditus sit: unde Galenus ex Platone: *Ichor* autem, sanguinis quidem serum, mitis; nigræ verò bilis, acris, & ferus. *Ichoroeides* quoque sanguis vocatur, in seipso pravam ac tenuem humiditatem continens, mordacem, & erodentem, non aqueam, & morfu carentem, comment. 2. in 6. de morb. vulg. 38. Celsus lib. 5. cap. 26. *ἰχῶρ* dicit saniei speciem esse tenuis, subalbidæ, & ex malo ulcere exeuntis, maximèque ubi nervo læso inflammatio secuta est. Ego verò sic dijudicandum cenfeo, ut intra corpus quidem *ἰχὼρ* aquosa vel serosa humiditas,

S

five

sive sanguinis, sive alterius humoris Latine reddi possit, extra corpus verò sanie verti debere. Sic Plinius inflati jecinoris sanie appellavit, eum humorem significans qui à jecinore, dum assatur, emanat. Itaque apud Galenum tenue in ulceribus excrementum non absurdè sanies exponitur. Et in capitis vitiis, quæ *αἰχμηές* vocantur, *αἰχμηές* sanies non ineptè verti possunt. vide *Sordes*.

*Icteros*, est discoloratio ex flavâ bile, sui servante naturam, unâ cum sanguine per totum corpus delata, 2. ad Glauc. 1. Sic dictum hoc malum, vel ab Ave, quæ Græcis *ἰκτερός*, Latinis verò *Galbula* dicitur; hæc enim si spectetur, sanari malum dicunt, & avem mori; vel ab Ave, quæ *ἰκτινος*, *ἰκτινός* Græcis, *Milvus* Latinis appellatur; oculi siquidem, hoc vitio laborantium, milvinis oculis similes, hoc est, auricolores videntur; vel à mustelâ sylvestri, quæ auricolores oculos habet, & Græcis *ἰκτίς*, Latinis *viverra* nominatur. Etiam *Regius morbus* dicitur, quoniam mulso, (quod genus potionis in Regum delitiis erat) curabatur, rebusque omnibus hominis mentem exhilarantibus. *Aurigo* quoque nominatur à Celso, ab auri colore, quem bilis, per universum diffusa corpus, refert. *Argutus* denique nuncupatur, quòd ejusdem coloris respectu referat cœlestis arcus similitudinem. Oritur propter causarum diversitatem. Aliquando enim fit ab obstructione illius vesicæ, quæ bilem excipit. Tunc autem bilis non patentibus illis meatibus, per quos secerni & evacuari debet, regurgitat in jecur & venas, & sanguine permistâ effunditur in universum habitum. Inde tota cutis flavescit aureo colore, sed inprimis oculi, in quibus vitiosus color propter ingenitum illis candorem magis conspicuus est. Et quia destinatis à naturâ locis non potest excerni, maximâ sui parte propellitur à naturâ in renes unâ cum urinâ, eamque colore suo inficit, & crassam impuramque reddit; è contrario autem

autem intestina bile vacua sunt, & eorum excrementa candida; deijciendi autem cupiditas nulla vel segnis admodum. Alia Icteri species est, quam nulla parit obstructio, sed vel calida & sicca totius corporis, maximeque hepatis intemperies, vel facultatis secreticis imbecillitas: illa quidem quod multam bilem gignat toto corpore, hæc verò quod genitam secernere à sanguine non possit. Ea hoc uno argumento maximè deprehenditur, quod intestina, & quæ in his continentur excrementa multâ bile, perinde atque reliquæ corporis partes, perfusa sint. Ad hanc speciem referri poterit is Icterus, qui à venenatorum morsibus aut potu pharmacorum deleteriorum solet contingere, quique nascitur ab omni alio jecinoris vitio quo sanguis depravatur, & flavus vel porraceus, vel pallidus, vel plumbeus evadit, sive id inflammatio sit, sive durities, sive compositus ex utroque morbus. Tertia autem Icteri species est, qui fit per morborum biliosorum crises. Natura enim aliquando bilem quæ morbum fecit ad cutem propellit, unde color biliosus universo corpori inducitur. Cæterum quæ dicta sunt omnia, communia sunt tam flavo quàm nigro ictero: nisi quod icterus niger non fit obstructione illius vesiculæ bilem continentis, sed lienis, quodque in eo non flava bilis, sed nigra effusa sit in corpus, & proinde color non flavus, sed niger appareat.

*Ictus*, est arteriæ motus, tactui occurrens, *intervalum* autem, est tempus interpositum inter duos ictus, quo distenditur, contrahiturque arteria, de puls. ad Tyrones, cap. 4.

*Idea morbi*, id est, *Morbi essentia*, 3. de cris. 4.

*Idiopathia*, ἰδιοπάθεια, proprius affectus est, qui & *αὐτοπάθεια*, id est, primarius affectus dicitur, ex adverso distinctus ab *affectu per consensum*: seu per viciniam, & secundarium, seu posteriorem; Ei verò, qui per consensum infestat, qui *συμπάθεια*, quod *δούλο-πάθεια*



*πάθεια* dicitur, proprium opponimus, 1. de loc. aff. 3. Per consensum autem affici tribus modis membrum aliquod dicitur, vel propter viciniam, vel propter familiaritatem generis, vel operis: *generis*, ubi nervosum nervoso, venosum venoso consentit; *operis*, cum mammae, & thorax, partibus genitalibus condolet, com. 3. in 3. de morb. vulg. 4. vide *Sympathia*.

*Idiosyncrasia*, id est, corporum proprietas, & convenientia, ac cujuslibet peculiaris temperatura, 3. method. 2. & 7.

*Iecur*, vide *Hepar*.

*Iecoraria vena*, vide *Cava vena*.

*Iecorā vena*, vide *Choledocos*.

*Jejunum* intestinum, secundum est intestinum in ordine, quod à Duodeno intestino (quod vocant) multifariam in orbis convolvitur, vasorum complurium serie contextos: dicitur autem *jejunum*, quod semper cibo vacuum reperiatur, 6. de anat. adm. cap. 9. Quapropter *Νῆστις*, hoc est, jejunum appellatur, quod semper inane permaneat, nec tantillum quidem in se ipso alimenti contineat, 5. de usu part. cap. 3.

*Ignem*, suo more Hippocrat. *febrem vehementissimam* appellat, com. 3. in 1. de morb. vulg. 19.

*Ignis sacer*, id est, erysipelas, 8. de plac. 4. & lib. de purg. med. fac. cap. 5. vide *Sacer ignis*.

*Ile*, alias, *Κερεὼν*, locus appellatur, qui est inter thoracem, & os coxæ, propterea quod *Κερεὼν*, id est, cavum, & vacuum, depressumque est, 2. de his quæ in medic. 16. Tota ea regio inanis videtur, si tam cum inferis quam superis partibus, utrisque ossibus conferatur. Quem locum etiam Græci *Δαπνίχην* appellant, qui inter thoracis & iliorum ossa subsidet, propterea quod eo loco cingulum circumdatur, unde & *Δαγῆρας ἰεῦών* etiam nominant, secundo de fract. 70.

*Leon*, *εἰλεὼν*, intestinum est ordine à ventriculo tertium, quod incipit ubi jejunum desinit; eo scilicet loco,

loco, in quo chylus jam crassior effectus incipit confidere: chylus enim admodum liquidus è ventriculo prodiens, facilè per ecphysim & jejunum intestinum effluit: exuctus verò à venis quæ jejunum circumstant, attractaque liquidiore ejus parte, paulò crassior redditur, & in ileo diutius cunctatur, præsertim obtusâ jam bilis acrimoniâ in ecphysim excretâ, ileoque ab eâ minus demorso atque irritato, diciturque εἰλεὼν, à multis anfractibus, & circumvolutionibus; idem verò & λεπλὼν, hoc est, *tenuis*, simpliciter dicitur, nomine duobus etiam superioribus communi. A quâ parte affectâ, obstructâ, & inflammâtâ, nomen desumpsit is morbus peracutus, qui *Ileos*, Græcè εἰλεὼς appellatur, sed nihil verat in crassiori intestino colo, eundem affectum progigni, sed mitiorem, & minùs mortiferum, com. 2. in 3. de morb. vulg. Licèt aliqui eundem in pleniore intestino factum vocent εἰλεὼν, in tenuiori εἰλεὼς, (cùm prius χορδαψὼς diceretur) quòd per eum intestina ἐλκιδῶν, id est, convolvi videantur; unde quidam Latine *Volvulum* dixere; *Chordapsum* autem quòd qui manum loco dolenti admovent ex tensione, τῆς χορδῆς ἅπτειν, hoc est, chordam attingere videatur, 3. aph. 22. & 6. aph. 44. Sunt autem hujus morbi symptomata signaque ventris tormina, stomachus multâ humiditate perfusus, exolutiones animi, ructus inanes, vomitus pituitosi & biliosi, & inde aliquando desipientiæ & convulsiones. Morituris verò sudor frigidus, urinæ difficultas, podex ita strictus, ut vel specilli extremum nequeat admittere, & vomitio stercoreis. Verum hæc omnia non omnibus pariter contingunt: unum tantum est huic morbo proprium inseparabile, quod nihil ad inferiora descendat, nisi forte liquida quædam pauca & serosa. Vomitus non semper adest, sed morbo tantum exitiali. Quod si vehementiùs æger laboret, stercus in os usque ascendit, & singultus oritur. Cum enim intestina, quæ hoc malo tentan-

tur, appetant à se expellere quod nocet, quodque jam longo tempore cepit esse molestum, nec se propter obstructionem exonerare possint, concitant violentius noxiam materiam, & in partes superiores contra naturam propellunt. Obstructionis autem causæ sunt cruditates, & continua ciborum corruptio, lethalia medicamenta, enteroccele, inflammatio, colicus affectus, & aliquando stercoris nimia resiccatio.

*Ilingus*, ἐλινγός, est tenebricosa vertigo, quæ fit, cum humor crudus, cum statuofo crasso spiritu, in capite movetur, & idcirco præcedit Epilepsiam, & Apoplexiam, 3. aphor. 17.

*Illegitimæ costæ*, quæ *Nothæ*, *Spuriæ*, & *Mendosæ* dicuntur, 5. de anatom. adm. cap. 1. cartilagineæ admodum existentes, sunt quatuor ultimæ costæ, quæ ad pectoris os non pertingunt, 8. de anat. adm. cap. 1.

*Illisio*, vide *Collisio*.

*Illosis*, ab ἵλας, oculus, & *Strabismus*, seu *Strabilismus*, sunt invitæ, musculorum palpebras moventium, concussionis, 2. de sympt. caus. cap. 1.

*Ilium*, λαγώνιον ὀστέον, est apophysis ossis sacri superna, & ampla, continens intus ventris imi partem plurimam, tangensque ilia. Os enim sacrum tres habet apophyses rectas, nec deorsum, nec sursum repentes, *ilium*, *coxæ*, & *pubis os*: tamen *os totum*, sæpè *os ilium* vocamus, quod id magnitudine, & crassitie præpoleat reliquis.

*Imès*, vide *Gargareon*.

*Imbecilla corporis pars* est, vel quæ à primo ortu suo, & naturâ est intemperatior, vel quæ ex præcedente aliquo morbo intemperiem contraxit, vel quæ ex præfenti affectu intemperata reddita, promptius verò in iis partibus imbecilibus supervacaneum, qualecunque id sit, & morbidum congeritur, & suscipitur, quam in membris fortioribus, 11. meth. 20.

*Immutatus morbus* est, cujus longior est accessio, & minor

minor satis remissio ; quo genere antiqui *Typum quotidianarum*, & *semitertianarum* reponebant, lib. de *Typis*, cap. 3.

*Impetigo*, *Δειχῶν*, est summæ cutis asperitas cum multâ prurigine, squamis, & furfuribus, lib. finit. *Agrestes* verò *impetigines* nominant, quæ à medicamentis imbecilliter siccantibus, nihil juvantur, à validis irritantur, 6. de comp. med. per gen. cap. 2. Ea autem *impetigo*, quæ cum pruritu fit, etsi non aspera, sed lenior, quàm vel *Pfora*, vel *Lepra* est, adeò ut si sola salivâ quotidie defricetur, sanescat : sed ubi increverit, extremam cutem in furfures resolvens, in *Pforam* transit, atque deinde in *Lepram*, ubi pro furfuribus, piscium quasi squamulæ concresecunt, & per frictionem decedunt, 5. de comp. med. loc. cap. 3. & cap. 7. (nec tamen est is morbus, quem *Gallicum*, seu *Neapolitanum*, seu *Hispanam scabiem* vocant, ut alibi mihi fortè ostendendum erit.) Cæterùm *Δειχῶν*, *Lichenis* nomine, illum etiam *impetiginosum* morbum, *Mentagram* Romanis appellatum, multò magis ferum, & agrestem, Plinius comprehendit, non squamis, ut *Lepra* ; sed sædo cutis furfure, totos primùm vultus, deinde verò, & collum, pectusque, & manus occupans, oculis tantùm immunibus. Fuit autem, ut idem author est, novus morbus, & ante Tiberii principatum penitus incognitus : nec verò in iis tantùm notis feritas ejus erat, sed quod admodum contagiosus esset soloque osculo vel contactu non humilem aut mediam plebem, sed solos proceres invaderet. Celsus *Lichenem*, non *Impetiginem* interpretatur, sed *Papulam* ; cujus duas, quas habet & *Lichen*, differentias statuit, *feram*, & *miorem*. Nam quæ ab eo describitur *Impetigo*, *Lepra* est.

*Impetum facientia*, vide *Continentia*.

*Implicatus affectus* est, in quo multæ sunt affectæ partes ; nam potest idem homo, non solum laborare



ex Thorace, sed etiam ex pulmone, capite, ventre, jecinore, com. 2. in 3. de morb. vulg.

*Imum ventrem* vocat Hippocrates regionem ventris imam, quæ umbilicum ac pudenda interjacet, ita ut in hæc tria totum abdomen dividatur; in Hypochondrium, & loca ad umbilicum attinentia, & imum ventrem, 2. aphor. 35. Aut, sicuti Anatomici faciunt, in Epigastrium, Regionem umbilicalem, & Hypogastrium.

*Inæqualis*, & *Inordinatus pulsus* est, cujus circuitus nullus prorsus aut ordo servatur; Est verò *æqualis*, & *ordinatus*, quando pari pulsum æqualium numero intercurrit pulsus unus impar, qui æqualitatem corrumpit, proportionem circuituum observatâ, de puls. ad Tyron. cap. 6. *Inæqualis* autem *deficiens pulsus* est, in quo nulla servatur æqualitas, motûque ipso semper deficit, 1. de differ. puls. cap. 12.

*Inanes* illæ corporis partes vocantur, quæcunque inter extremam Thoracis costam, & femoris *Δαγόν* ossa habentur; inanis siquidem videtur omnis talis sedes, si eam cum supernis, infernisque partibus, utrisque ossibus conferas, 2. progn. 1.

*Inensiones*, Hippocrates vocat, Inflammationes, unde etiam nomen calidis tumoribus impositum est, 3. de his quæ in medic. 30.

*Incidentes dies*, vide *Decretorius*.

*Incisio*, vide *Vnionis solutio*.

*Incisorii dentes*, vide *Dentes*, & *Tomi dentes*.

*Incoctionem* vocat Gal. non coctionis tantum in ventriculo frustrationem, sed in vasis quoque, & jecore, & universo corporis habitu, lib. de med. art. const. c. 15.

*Incrementum morbi*, vide *Ascensus morbi*.

*Increscens*, vide *Continua*.

*Incubus*, vide *Ephialtes*.

*Incurvatio*, quæ & *Gibberositas* dicitur, est distortio spinæ in posteriorem partem, ex Panis, & Tuberculis im-

immaturis in spinâ exortis magnis, & duris, & diuturnis, ut nonnulli arbitrantur, 3. de art. 2.

*Index digitus*, est proximus à Pollice, qui nomen ab usu sortitus est, lib. Introd. cap. 10. Dicitur, & *Index* dies contemplatorius, qui eam habet naturam, ut qualisnam dies, cujus est index, sit futurus decretorius, prænunciet velut, & indicet, 1. prorrh. 1. & 2. aphor. 24.

*Indicatio*, est juvantis comprehensio, simul cum comprehensione nocentis eveniens, sine observatione, & ratiocinatione; ad Thrasib. cap. 11. Quippè ipsam sequentis, sive agendi & ejus, quod fieri debet, *Indicationem* dicimus. Ergò, *ex ipsâ rei naturâ exordiri; atque ita, quod sequens sit, circa experientiam invenire, idem est, quod indicatione invenire.* Ut si quæretur de sanitate, quid sentiendum sit; primum perpendere oportet sanitatis naturam, quæ, quia bona omnibus mortalibus videtur, facit, ut judicemus eam à nobis servandam esse; quamobrem sui custodia, sanitatis indicatio est. Idem verò & in morbo agendum, qui, quoniam totus præter naturam est, & toto genere malus, indicat, & ostendit, se tollendum esse.

*Indicatoria, vide Prognostica.*

*Indices, & spectabiles dies* consueto more appellat Hippocrates, in quibus signum aliquod judicationis apparet, alio quopiam ex diebus decretoriis futuræ, quos ipse, 3. progn. 4. per quaterniones digessit, singulis septimanis bipartito sectis, 2. aphor. 24. qui Græcè ἐπίδηλοι, & θεωρητικοί, hoc est, *Indices, & Contemplabiles* nuncupantur, quòd majorem vim, & potestatem habeant, ad præfagiendam, contemplandamque futuram crism, quàm ad judicandos morbos; licet in eis, aliquando perfecta crisis possit accidere, ut dies quarta, undecima, decima septima. Nulla crudi humoris excretio critica est; ut crism igitur concoctio præcedat omnino necesse est, quòque perfectior con-

S;

coctio

coctio fuerit, eò melior futura est crisis. Itaque ubi concoctionis signa videri incipiunt, spes est prope diem futuram crism: ut si quarto appareant, futuram septimo: si undecimo, futuram decimoquarto: si decimoseptimo, futuram vigesimo: atque ita deinceps aliis septimanis. Hippoc. aphor. 24. lib. 2. Si igitur quarto die cujusque septimanæ signa mortifera appareant, certa pernities septimo exspectanda: contra, si illo die salutifera signa se prodant, salus die septimo promittitur. Quod cum in omnibus morbis verum sit, in acutis tamen omnium manifestissimè apprehenditur, in quibus mutationes majores magisque subitæ contingunt. Adeò verum est quod scripsit Hippocrates, septenorum semper quartum diem esse indicem. Quod si fuerit aliter aliquando observatum, sciendum id non ex diei ipsius naturâ, sed aliâ de causâ contigisse. Ex suâ namque naturâ, hoc est, si nihil rarum magnumque vel extrinsecus, vel ex ipsâ morbi specie moreque, vel etiam ægrotantis habitu acciderit, quartus omnino septimum, qualis futurus sit, declarat, ut Galenus lib. 1. cap. 11. de diebus criticis apertissimè demonstravit.

*Indicia, & signa certa, Prognostica*, illa sola nominantur, ex quibus licet certo colligere aliquid de salute, & internecione infirmi, quæ comprehendens uno capite dicet aliquis esse significationes virium gubernantium corpus, quo pacto robore valeant, aut deficient, in quibus scilicet cruditatis etiam, aut coctionis signa continentur, 3. progn. 39.

*Inflammationis* nomen propriissimè dicitur de tumore partium carnosarum, conjuncto cum renitentia, tensione, feбри, calore, dolore, & rubore, libr. de tumor. capit. 2. Phlegmone fit vel propter concidentiam, vel propter impactionem, obstructionemque omnium vasorum, sive ob circumstantiam quandam mollium, vicinarumque partium molestias, quæ meatus

occu-

occupant. Tandem etiam ex abundantia sanguinis inflammatio oboritur multoties, libr. de totius morbi temp. capit. 3. Dicitur verò *Inflammatio*, *Phlegmone*, multoties esse nihil aliud, quàm *Phlogosis*, sive *Inflammen*. Est igitur inflammatio omnis, genus si spectes, immoderata caliditas; in specie autem est cum, sanguine optimo, ac mediocrem crassitudinem obtinente, ad particulam aliquam universim fluente, atque ob multitudinem edomari nequeunte, vehemens dolor arripit hominem (nisi membrum sensum omnino hebetem habuerit) pulsusque in profundo molestus accidit, tendique omnino, ac contundi membrum apparet, & vehementem calorem persentit, adeò ut comburi videatur, & refrigerari desideret; talisque rubor per summa viget, qualis ex balneis accidit, aut ex igne, aut quovis alio modo calefactis. Multæque sunt hujus species; nam aut affluente sanguine, aut flavâ bile altera, ambobusque simul humoribus, alia tertia oritur *Phlegmone*, 2. ad *Glauc.* 1.

*Inflammata lassitudo*, & *Lassitudo contusiva*, *Phlegmonodes*, musculorum est affectio, quæ manibus, cruribus, lumbis, spinæ, musculis. Ac ubi plurimum laborem pertulerint, accidit, iisque, qui ex vehementi clamore, organa vocis, id est, arteriæ asperæ caput, laryngem, & fauces oblæsas habent, vocemque raucam effecerunt, 7. de comp. med. loc. cap. 1.

*Inflammen*, vide *Inflammatio*.

*Inflatio*, vide *Physis*, 14. meth. 7.

*Infundibulum*, vide *Choana*.

*Infractiones oculorum*, affectus est, in quo palpebræ invertuntur, com. 5. in 6. de morb. vulg. 2.

*Inion*, est ea capitis pars, quæ *occiput* dicitur, principium medullæ spinalis, ad stipitis modum in multos ramos divisæ, in sexaginta ferè, juxta numerum nervorum, 2. de compos. med. loc. cap. 1. τὸ ἰνὸν terminatur futurâ *Ἀποσφενδαίνῃ*. Quinque videtur lateribus con-



constare. Est autem valdè inæquale: siquidem parte posticâ admodum crassum est, internâ quâ musculos excipit, aut emittit, asperum, tenue, solidum. Duæ illi sunt acutæ apophyses, quæ in cavitates duas primæ vertebræ inseruntur. Intus quidem læve, minimèque asperum est: internis autem partibus, & ubi non minimam capitis basis portionem constituit, valdè asperum & inæquale, ut commodius inde ligamenta & muscoli nascerentur, quibus caput collumque vel extenderetur, vel flecteretur. Sic quidem Medici anatomes periti *ινόν* describunt. Sed à quibusdam Grammaticis definitur tendo cervicis, quo concidente ad inferiora, & contracto ad humeros *ιδνέον*, hoc est, incurvari dicitur, qui id patitur. Plerisque placet *ινόν* sic dictum esse *Αἰγ. τὸ νεύονδες ἔνευ*, quia nervosum sit: quod Græcis *νεῦν* nervi dicantur à capite in collum descendentes, quos alii *νεύοντες* vocant.

*Initiatrix*, vide *Antegressa*.

*Innominatus morbus* est, qui medio loco, inter *Lethargum* & *Phrenitim* collocatur, aliàs dicitur *Coma pervigil*, in quo ægri connivent oculis, somnolenti stertunt, oculis fixis intuentur, difficiles & tardi ad respondendum, stultè loquuntur, & temerè nugantur, lib. de Puls. ad Tyron. cap. 11. quem affectum, cùm longo tempore perduraverit, *Typhomaniam* vocant, 1. prorrh. 1.

*Innominata cartilago*, vide *Cricoides*.

*Innuens, circumnuens pulsus* est, qui inæqualis est in unâ distentione. 1. de diff. puls. cap. 20. & 4. de caus. puls. cap. 10.

*Inordinata febris* est, quæ omni periodo, & certo circuitu caret. 5. de placit. cap. 2. Aliàs *Erratica* dicitur, 8. de placit. cap. 6. vide *Erratica*.

*Insanire*, est desipere citra febrem.

*Inspiratio*, est externi aëris intra thoracem facta attractio, 4. de loc. aff. 7. ad nativi caloris conservacionem,

nem, & spiritus animalis nutritionem, 7. de usu part. cap. 9. Duplex est, lenis, & coacta. *Lenem*, & non coactam appellant, quæ in bene valentibus, nullâque vehementi agitatione motis cernitur, ac solo peragitur Diaphragmatis motu. *Coactam* verò, quæ tùm in morbis nonnullis, (imprimis in Apoplexiâ forti) tùm in exercitationibus paulò vehementioribus accidit, in quâ protinus omnes etiam scapularum partes simul attolli conspiciuntur, 2. de placit. cap. 4. *Inspiratio*, & *Exspiratio*, ἐκπνοὴ & ἐμπνοὴ, oppositi motus sunt; ille est, quo distensus Thorax per asperam arteriam, necessario in pulmones aërem exteriorem attrahit, tribus de causis, ut refrigeret, ut ventilet calorem nativum, & ut spiritum animale gignat; *Hic* est, quo thorax contractus eundem aërem exprimit, ut quicquid in ipso fuliginosum, fumosumque ex humoribus creatum fuerit, id exprimendo elidat. Utrique nomen *Respiratio*, & *Respiratus*, ἀναπνοή, 4. de loc. aff. 7. Per *inspirationem* autem attrahit in se homo exteriorem aërem, per os, in pulmonem; per raritatem autem cutis, & carnis, in arterias. Horum motuum uterque tam ille, quo per os, quàm is, quo per cutim fit aëris attractio, uno nomine *inspiratio* appellatur. Per *expirationem* verò, per eisdem meatus, per quos aërem recipit, eundem remittit; qui cùm per os remittitur, *exspiratio*, cùm per cutis meatus *transpiratio*, *perspiratio*, *diffusio*, *transpiratus*, *perspiratus*, *diffusus*, ἀναπνοή dicitur, 8. de plac. c. 8.

*Instrumenta prima* censentur, quæcunque ex similibus partibus simplicis alicujus operationis gratiâ sunt constituta; quæcunque verò rursus ex his componuntur, etsi uni totius instrumenti actui quàm maximè inserviant, tamen inter secunda connumerantur; musculus enim & vena, & arteria, inter prima instrumenta numerantur, digitus verò inter secunda, atque hoc magis pes, & pede magis crus, lib. de morbis temp. cap. 4. Unde *instrumentales corporis partes* sunt,

sunt, Cerebrum, Cor, Pulmo, Hepar, Venter, Splen, Oculi, Renes, ibid. cap. 3. *Instrumentales* autem morbi fiunt, vel naturali harum partium formatione permutatâ, vel non servato numero partium ea componentium opportuno, aut unicuique parti convenienti magnitudine sublatâ, vel quodd non ut naturalis positus expetebat, ipsæ cohæreant, ibid. cap. 6. vide *Similare*.

*Insultus accessionis*, est indivisibile illud tempus, quo accessio primùm invadit, quod alii *febrû significationem, annotationem, & Epifemasiâ* vocant, lib. de morb. temp. 6.

*Intemperies morbose*, Græcis Νοσώδης διασπορά, partium simularium morbus est, fitque, ubi qualitates primæ, seu elementa ipsa à naturali symmetriâ & commoderatione deflectunt. Non autem citra rationem adjectum est *Morbose*; duplex enim existit intemperies, ex Galen. 2. de temperam. Alia enim est naturalis, seu sanitatis, & alia morbi (ut nos tetigimus in nostrâ Synopsi medicinæ, quam anno superiori typis dedimus, tab. 5. *Sanitatis* sive *naturalis* est, quæ à mediâ temperie paululùm abest, citra evidentem interim functionis noxam; vel in quâ nulla functio animalis adhuc manifestè læditur, licet imbecillior reddatur; tunc etenim intemperatio sanè erit, sed non ægrotabit homo. Quod si quis hoc denegaverit, horum alterum fateatur necesse est, vel omnes homines ægrotare semper, vel unam esse omnium intemperiem; utrumque verò absurdum est. *Morbose* verò *intemperies* est, cum animal naturalis temperamenti vitio ægrotat; quæ si omnibus corporis partibus æqualiter insit, ut in Hecticâ febre, æqualis intemperies appellatur, & dolorem non efficit; secus verò doloris sensum efficit, & inæqualis dicitur, ut docet Galenus de inæquali intemp. 1. de sanit. tuend. lib. de constit. art. & cap. 8. artis parvæ.

*Inter-*

*Interceptiones venarum*, ἀπολήψεις τῶν φλεβῶν, sunt opplecciones vasorum à copiâ sanguinis; venæ enim cū supra modum oppletæ fuerint, premi virtutem, gravarique est necesse, atque in extinctionis agi periculum nativam caliditatem; quippè quæ ob multitudinem, copiamque, suffocationi quippiam simile patitur, 4. aph. 23. Ubi verò intercipiuntur, quæ sunt in animali arteriæ, & ita oppletæ sanguine fuerint, ut nullus in ipsis vacuus relinquatur locus, in quem dum attolluntur, aërem externum attrahere possint, tunc strangulatur, atque extinguitur calor innatus: & qui ita affecti sunt, subito sensum & motum totius corporis amittunt, libr. de caus. morb. cap. 3. nequeuntibus spiritibus naturales pertransire meatus, atque ob id ab Hippocrate, *interceptiones spirituum* nuncupantur, 4. de rat. vict. 27.

*Intercidentes*, vide *Decretorius*. *Intercidens* autem *pulsus* est, cū inter duos ictus, qui ordine proprio inferuntur, ictus medius intercurrit, libr. finit.

*Intercidentia*, vide *Coincidentia*, & *Parempsis*.

*Intercipientes membranæ*, vide *Cingentes*, & *Hypocotes*.

*Intercostales muscoli*, μεστωστέοι μύες, sunt musculi inter medias costas siti, quorum bini sunt in singulis costarum intervallis, alter externam partem spectans, alter internam; *externi* thoracem dilatant, ad inspirationem; *interni* contrahunt, ad expirationem, 5. de caus. respir. 8. de anat. adm. & 7. de usu part. Hi numero sunt quadraginta quatuor, utrimque videlicet duo & viginti. Horum autem undecim interni, & totidem externi sunt. Externi quidem singuli in singulis costarum intervallis oriuntur, & fibras habent ex superiore costâ in inferiorem obliquè deductas. Interni verò contrario & oriuntur, & procedunt modo, originem quidem ex inferiore costâ ducentes, & obliquè sursum in superiorem protensi, & externos ubique in



literæ formam interfecantes. Cùm autem ejusmodi fibras eoque modo protensas habere hi musculi dicuntur, intelligendum est de spuriarum quidem costarum intervallis totis: verarum autem costarum non totis, sed ad eam tantum costarum sedem, ubi in cartilagine degenerant. Siquidem inter verarum costarum cartilagine, utrique musculi intercostales villorum situm prædicto contrarium sortiuntur, ut propterea unus idemque musculus inter verarum costarum cartilagine situs, non unus sed geminus plerisque existimatus fuerit.

*Intercurrens pulsus* est, qui inæqualis est, inæqualitate crebritatis, 1. de diff. puls. cap. 12.

*Interfemineum*, quod *Perinaeon* Græci vocant, est media illa pars corporis, quæ inter totum id, quod inter inguina utriusque cruris est, (quod *Gressuram* solet Hippocrates appellare) interjacet, quod duobus feminibus sit interpositum. Sive est intercapedo, quæ ab exortu pudendi usque ad anum pertinet, ubi etiam vesicæ collum collocatum est, 4. de artic. 45. 2. de fract. 43.

*Intermissionem febris*, vocat Galenus, cùm febris in quietem desierit, 1. de cris. cap. 3. & ad infebriationem devenerit, Græcis ἀνωγέλια, 3. de cris. cap. 4.

*Intermittens pulsus* est, qui inæqualitate constat raritatis, & parvitat, alio atque alio utrobique modo. Habet raritatis inæqualitatem, quod quies sit longissimè producta; parvitat, autem quod distentio minimùm dilatata, 1. de differ. puls. 12.

*Internodia*, vide *Phalanx*, & *Digiti*.

*Intersepientes*, vide *Hypozocotes*.

*Interseptum*, ea est pars narium, quæ alas seu pinnulas narium nominatas, internamque illam cavitatem in duas partes discriminat, lib. Introd. cap. 10.

*Interstitium* est duodecim horarum spatium, in quo febris terminatur, 2. cris. 9.

*Inter-*

*Intertrigines*, vide *Hidroa*.

*Intervallum*, vide *Ictus*, *Ablatio*.

*Intestinum*, vide *Entera*.

*Intestinum cæcum* τυφλόν, est intestinum à ventriculo, ordine quartum, quod parvus quidam velut venter est, unde figurâ à reliquis differt; nec enim, ut reliqua, oblongum est, sed in modum ventriculi rotundius; ex quâ figurâ efficitur, ut unâ tantùm parte pertusum videatur, & uno foramine tanquam oculo præditum esse; pervium tamen est, quodque ad ipsum ex tenui intestino ileo descendit, faciliè in Colon delabitur. Principium est crassi intestini. Ubi enim tenue intestinum desinit, illinc ad dextram quidem cæcum, ad sinistram autem colon emergit, dextra priùs ilia præterver&um. Cum avibus ferè omnibus cæcum intestinum duplex sit, homini tamen unicum est. Et gibbosum cùm sit, unum foramen habet à latere, cui junguntur duo foramina duorum proximorum intestinorum, quorum unum infra, alteri suprâ continuum est. Id propter magnitudinem aliquando absolutè έντερον appellatur, ut scribit Galenus, comment. 4. in lib. 6. Epid. Quamvis alii eo nomine absolutè posito, τὸ κᾶλον intelligi velint. Cùm autem reliqua omnia intestina lactibus alligentur, solùm cæcum omni vinculo solutum est, ideoque descendit in scrotum per Enterocelen.

*Intestinorum difficultas*, est velox exitus eorum, quæ comeduntur, & bibuntur, quæ talia dejiciuntur, qualia fuerunt devorata, 4. aph. 12. Propriè *lienteria* dicitur, 6. de loc. aff. 2. quæ duabus potissimùm notis à *Cœliacâ dispositione* discernitur, siquidem lientericis alimenta prorsus cruda, protinus ut sumpta sunt infernè prodeunt, tantâ, tamque manifestâ cruditate, utimenti assumpti genus apertè dignoscatur; verùm in *Cœliacis* jam adepta sunt aliquam coctionem, & diutius in ventriculo morantur, neque tam citò per alvum descendunt. Cruda tamen sunt, & aliquando fætida,

T

non

non mordacia, sed quod sæpiùs excreta, animi deliquium inducant.

*Intumescencias*, quas οἰδηματῶν Græci vocant, Hippoc. omnes tumores præter naturam vocare consuevit; cùm cæteri posteriores, in inflammationes, & durities, & intumescencias, eos distinguant, 3. de his quæ in medic. 30.

*Inviolata membrana*, vide *Membrana dura*.

*Inviscario oculi*, est quædam viscositas, palpebram cum pupillâ jungens, sive in ejus albedine, sive in ejus nigredine; vel utrasque palpebras simul jungens, qualis fit propter vulnera in oculis, lib. de ocul. cap. 9.

*Involucrum cordis*, vide *Membrana pericardios*, lib. de ven. & art. diff. cap. 2.

*Involutum intestinum*, quod & *Ileon*, & *tenuë* dicitur, vide *Ileon*, & *tenuë*.

*Inustio in ventre*, oritur, propter acrem eorum, quæ ingesta sunt, caliditatem, ob quam & febrile contingit: *Colliquatio* verò fit, febrili à caliditate absumptâ pinguedine, colliquatâque molli carne, 4. acut. 112.

ὀνθῶν Græcè, Latinè *Varus*, tumor parvus & durus, in faciei cute ortus, à crasso videlicet succo nullius ferossæ tenuitatis particeps, 5. de comp. med. loc. cap. 3. Eam ob rem pruriginosus non est, neque ad scalpendum invitat. Ex iis quæ scribuntur à Paulo, lib. 3. cap. 25. apparet, duplex esse Vari genus: unum duriorum & veluti callosum, alterum verò minùs durum. Aëtius scribit ὀνθῶν, alio nomine ἄκνυς vocari.

*Iris oculi*, quem alii *Stephanon*, alii *Coronam* vocant, est medius ille oculi locus, quo committuntur inter se tunicæ universæ, 14. meth. 19. sive *Iris* est oculi tunica mollissima, alba, desinens in circulo, ubi & aliæ omnes subiectæ sunt tunicæ, & album nigro conjungitur, 10. de usu part. cap. 2. Inditum ei fuit nomen, ab arcus cœlestis similitudine. Hujus partes quæ pupillæ proximæ sunt nigræ, *μυοει* dicuntur; circulus verò qui

qui candido proximus est, ἄλως. *Iris* herba etiam est, folia ferens gladioli, sed majora, latiora, pinguiora. Flores in summitate cujusque caulis æqualibus inter se spatiis distant, incurvi, varii, siquidem candidi, pallentes, lutei, purpurei aut cærulei conspiciuntur: quâ diversi coloris specie, quædam cœlestis arcus imago in cavo caliculi sinu repræsentatur. Radices subjacent geniculatæ, solidæ, odoratæ: quæ frustratim dissectæ in umbrâ secantur, & tractatæ lino reconduntur. Melior est Illyrica & Macedonica; atque est sativa & sylvestris. *Iris* nomen quoque est pastilli croco, myrrhâ, & alumine constantis, ut refert Aëtius. Est etiam gemmæ nomen, quæ non est aliud quàm crySTALLUS candida, lympida, sexangula, quæ exposita Solis radiis per rimam aut aliter subeuntibus, angulorum percussu arcus cœlestis speciem in proximis parietibus imprimit. Sed in ipsâ in se arcus illius imaginem habere videtur in uno aut altero sui angulo, si luci obversa conspiciatur.

*Isarodes bilis*, vide *Bilis pallida*.

*Ischias*, & *Ischion*, vide *Coxa*, & *Arthritis*, 2. meth. 2. & 15. de usu part. 8.

*Ischiadica vena* est, quæ supernè descendens, ad partem cruris intimam tendit, & occultatur, quousque ad Malleolum veniat exteriorem, libr. de anat. viv. Quæ vena, *externa Malleoli* dicitur, & *Ischiadica*, quod secta Ischiadicis conferat.

*Ischæmon*, medicamentum est ad sanguinem fluentem continendum, 5. de compos. med. loc. cap. 14. Græcè ἰσχάμων, paulò diversum ἀπὸ ἰσχυμῆ; hoc enim non sanguinem modò suppressit, sed & inflammationem arcet; illud verò rationem habet tantum sistendi sanguinem. Hujus cùm aliquot formulæ descriptæ sint apud Galenum, omnes constare reperias urentibus, crustamque inducentibus medicamentis.

*Ischuria*, ἰσχουρία, est urinæ suppressio, & retentio,



*Dysuria*, in quâ urina fertur cum difficultate; *Stranguria*, cum guttatim defillat, quam & *urinæ stillicidium* appellant, de const. artic. 6. & 8. de placit. 6. Fit autem urinæ suppressio, vesicâ, vel excernere non valente, vel ejus collo ocluso; vocat autem vulgus Medicorum, non secus *Ischuriam*, (quanquam *Ischuria* non sit,) illud quoque symptoma, cum urina in vesicam omnino non venit, perditâ scilicet renum actione, & permittendi profectio sunt ita nominare, cum propriam appellationem non habent; Collum siquidem vesicæ clauditur, vel propter obstructionem à sanguine concreto, tum crasso pure, tum calculo, tum topio, tum aliquo germine carneo ibidem enato. vel propter conniventiam, ab aliquo tumore præter naturam, aut cum immodicè est repleta. 3. de symptom. caus. cap. 2.

*Isis emplastrum*, est *Cephalicum emplastrum*, 2. de compos. medic. per gen. cap. 18. Ad cruenta vulnera efficax, præsertim capitis, ad glutinandum, carnem inducendum, purgandum, & reliqua multa, ut habetur apud Aëtium, libr. 15. quo loco descriptionem ejus habet, & dicit à quibusdam referri ad *Hermonem Sacerdotem*, & appellari *Hermonis viride*. Habetur & apud *Scribonium Largum*, cap. 206. (sed *Viride Glyconis* nominat) diversâ quidem ratione compositum, quam sit ab Aëtio & Paulo, sed magnâ ex parte iisdem medicamentis constans. Est & *Isis alterum emplastrum*, quod *Epigono* inscribitur apud Aëtium eodem loco. Est igitur hujus nominis emplastrum triplex; Ἰσὶς Γλῶκωνος, Ἰσὶς Ἐρμωνος, Ἰσὶς Ἐπιγόνου.

*Isthmus*, est regio communis gulæ, & gutturi, in quâ utriusque osculum ascendit, angusta & longa; corpus verò hunc locum ambiens, *Pharyngâ*, id est, Fauces, vocant, lib. de musc. diff. cap. 15. *Isthmus* ea pars corporis est, quæ os, & gulam interjacet, quæ per metapho-

taphoram quandam ita nominatur ab iis, qui propriè dicuntur *Isthmi*; sunt autem angusti quidam terræ processus, inter duo maria siti. Unde *Paristhmia*, id est, *Tonsillæ*, sunt inflammationes locorum, & partium, ad hunc Isthmum pertinentium, 2. aphor. 26. quâ ratione ἰσθμὸς καὶ φάρυγξ, idem erunt, hoc est, quæ inter stomachum, & laryngem, id est, guttur, interjacet latitudo & capacitas.

*Isthmoeidea ossa*, vide *Cavernosa*.

*Iudicium*, sive *Judicatio*, vide *Crisis*.

*Indicatoria signa*, ab Hippocrate vocata sunt, sudores, rigores, sanguinis fluxus, multum alvi profluvium, multus vomitus, dolor capitis repenti invadens, vehemens spirandi difficultas præter rationem, cordis morfus, quædam in Hypochondriis citra dolorem tensio, vigilæ vehementes, delirium, nox absque ratione molesta, accessio anticipans, lacrymæ involuntariæ, nihil patientibus oculis, neque ex tristitiâ provenientes, rubor faciei, labrum inferius agitaturn, livida, vel obscura, & tenebrosa quædam ante oculos obversantia, hallucinationes quædam, genæ vel nares repenti rubefcentes, parotides, aut denique abscessus alicujus in articulum decumbentis generatio, & similia, quæ secundum eorum substantiam Casus vel Symptomata nominata, quatenus subitam mutationem ostendunt, *Indicatoria signa* appellantur; ita enim morbum judicant, ut cocto morbo futuram sanitatem; crudo autem, vel perniciem, vel morbi longitudinem decernant, 1. aphor. 12. vide *Decretorius*.

*Jugale os*, vide *Zygoma*.

*Jugulares venæ*, Σφαγιῆς φλέψ, sunt duo rami magni venæ cavæ à gibbis hepatis exortæ, qui postquam ad dextram Cordis aurem sanguinem tulerint, ab eo, tanquam ab initio progressi, ad collum recto tramite festinant. In quo fiunt duæ magnæ, & insignes venæ, quæ ob id *Jugulares* vocantur, 2. acut. 10. & lib.

de ven. & art. diff. cap. 7. Dicuntur etiam *externæ, superficialiæ, Apoplecticæ, Guidæ, manifestæ*, à quibus quippè *superficialiæ* ferè omnes colli, & capitis partes nutriuntur, 2. acut. 10. Interna jugularis gracilior secundum latum asperæ arteriæ ascendit ad fauces, & inde in cranium, venulis exilibus obiter missis in asperam arteriam, & membranas vicinas, & nervos sexti quidem paris in collo, septimi verò in faucibus. Ubi autem cranium attigit, bipertita majore ramo per cranii basin reflexo, ubi furculum dedit musculo colli interni longo, per foramen paris sexti cum minore carotide arteriâ sibi conjuge cranium ingressa coit in vas commune. Minore autem ramo, ubi ramulum auditus organo dimisit per foramen transversum sibi commune, & portioni nervi quintæ conjugationis crotaphiten petenti, cranium intrat per foramen sæpè geminum, sed exiguum propè latum externum foraminis tertiæ & quartæ conjugationis, in crassam meningem ramose absimitur. Externa verò jugularis sæpè simplex, interdum etiam divisa multipliciter, idque nunc initio sui, nunc in collo medio ascendit sub colli latum, sub cute & musculo lato, furculis obiter in vicinos musculos, cutim, membranas dimissis. Est autem notandum externas jugulares nullas habere adjunctas arterias, etiamsi quandoque motu aliquo pulsui cuidam non dissimili agitari videantur, ut à se observatum esse, Galenus prodidit.

*Jugulum*, vide *Claves*.

*Iuleb*, vide *Zulapium*.

*Iuxtagina*, id est, *Cynanche*, 1. aphor. 12.

*Ixiæ, Varices*, sic dicuntur, ab Aristotele, οἱ κίβοι; sunt tamen qui differre putent, vocantes κίβοις venas omnes dilatatas, in quâcunque corporis parte, ἰξίαις vero, eas modò, quæ in cruribus habentur: sed discrimen nullum censendum est.

LABOR,

## L.

**L** A B O R, ab Hippocrate sapiens consuevit sumi pro *exercitatione*, interdum pro *dolore*, aut absolute pro *quâlibet noxâ*, & *læsione*, com. 5. in 6. de morb. vulg. 10.

*Labrum*, sive *Labium*, χῆλον, est oris extremitas musculosa, ipsum vicissim claudens, & aperiens; quod in labiis prominet οὐχὶλλον dicitur, II. de usu part.

*Labyrinthus*, vide *Cæcum foramen*.

*Lactes*, apud Hermolaum Barbarum, & Plinium, significant potissimum molliora intestina, & sunt in homine, & ove, per quæ cibus & chylus labitur; sed apud Aristotelem, Gazam, Budæum, & Galenum, 5. de loc. aff. cap. 7. *Lactes* sunt, & significant omentum reti aucupario simile, seu pingue illud, quod intestina superiora ambit; quod nostrates in piscibus *lactantias*, & *lactumas* vocant.

*Lacuna*, vide *Choana*.

*Læves arteriæ*, *Arteriæ venosæ*, & *Venæ arteriosæ*, per pulmonum substantiam propagatæ, & dispersæ propagines sunt, quas omnes natura per anastomosin, ad unum principium applieuit, sinistro cordis ventriculo, in quo siquidem nativi caloris est principium, ut per eas refrigeratio continua cordi comparetur, 7. de usu part. cap. 9. vide *Arteria*.

*Lævitas intestinorum*, quæ Λειντεία dicitur, quasi λείότης ἢ οὐπέρων, est velox, & sine ullâ omnino transmutatione, ciborum dejectio, eveniens, aut propter exulcerationem in superficie ventriculi, & intestinorum, aut propter potentiæ retentricis eorundem imbecillitatem; quorum primum ex mordacibus substantiam tenuem habentibus humoribus fit, quæ in pueris etiam Græco vocabulo Ἀφθαι, id est, *oris ulcera* nominantur; alterum verò ex magnâ ventriculi, atque intestinorum provenit intemperie, 3. aphor. 22. Ex quâ-



cunque autem causâ lienteria orta sit, ægri cibum non sentiunt, & in cachexiam incidunt, cruda assidue excernunt, colore subalbida, inæqualia atque aquosissima, nullo prorsus sanguine aut bile perfusa. Ardor præterea tota præcordia occupat, cibique fastidium consequitur. vide *Intestinorum difficultas*.

*Lagochilos*, vide *Lagophthalmos*.

*Lagonas*, vide *Ile*.

*Lagophthalmos*, id est, *Leporinus oculus*, est, cùm superior gena adeò retrahitur, ut oculum, dum clauditur, totum non contegat, estque affectus in partibus instrumentalibus, non magnitudine, sed defectu, non ut supervacaneum, sed veluti deficiens, cujusmodi mutila, & curta omnia, sicut in labris, sic & in oculis cernitur; sic etiam *Lagochilos* dicitur, qui leporina habet labia, libr. Introd. capit. 3. & libr. finit. Id vitii aliquando naturaliter provenit: aliquando à causâ præter naturam, ut ustione, cicatrice, futurâ latiore, & malefactâ: interdum etiam senectute. Idem si inferiori palpebræ contingat, *ἐκλεόπιον* appellatur.

*Lambdoeides*, futura capitis posterior est, & transversa, quâ occiput incipit, quæ à lambdæ literæ Græcæ similitudine ita nominatur, lib. de ossib. c. 1. Sunt autem hujus futuræ extremæ partes, quæ propter occipitii humiliora non ampliùs exactam futuræ compagem exprimunt, & versus capitis basim protenduntur, sensimque sibi mutuo appropinquant. Cæterum *λαμβδοειδῆς* futuram Galenus deesse scribit, quibus eminentia occipitis nulla est. *Λαμβδοειδῆς* etiam appellatur ab Actuario divisio venæ cavæ inferioris, quâ in duo crura abit paulò supra initium ossis sacri non dubium quin à formâ literæ Λ. Eandem divisionem Galen. lib. de anat. venarum elemento, comparat.

*Lambdoeides os*, vide *Hyoieides*.

*Laminas* communi vocabulo Anatomici appellare consueverunt, instrumenta ad secanda corpora accom-

commodata, cujusmodi etiam sunt scalpella, spathomelæ, amphismelæ, spicilla, oricularia, melotidæ, quæ & ex ligno densiori, & aliquando ex buxo, confici solent, 6. de anatom. adm. capit. 10.

*Lana succida*, id est, non lota, quæ & *œsypus* dicitur, 14. meth. cap. 7. *ὀϊστυπ*, propriè dicuntur ovium sordes earum lanis adhærescentes: deinde verò pro ipsâ etiam lanâ adhuc sordida & illota dici cæpit. Sordes autem eæ pecudum ex sudore feminum & alarum colliguntur, adhærentque lanis, quæ quod *ὀϊστυπος* habeant, *ὀϊστυπηαί*, *ῥυπαραί*, & ab Hippocrate *πυροσσαι* & *πιδεί* appellantur. Est enim *πίν* idem quod *ῥύπ*. Latini Sordidas & Succidas vocant, quod tales sint, quales ubi primum succisæ detonsæque sunt. De œsypo sic scripsit Ovidius.

*Œsypa quid redolent, quamvis mittantur Athenæ,  
Demptus ab immundæ vellere succus ovium?*

Dioscor. œsypum appellavit succidarum lanarum pinguetudinem, ejusque extrahendi parandique rationem lib. 2. explicavit. Ex eo conficitur pharmacum à Paulo descriptum lib. 7. & ab Aëtio lib. 15. quod Græci aliàs *ὀϊστυπον φάρμακον*, aliàs *ὀϊστυπον κηρωτήν*, aliàs *ὀϊστυπον κηρώσειδι*, alias, *ὀϊστυπον ὕγρον* nuncupant, ejusdem prorsus cum ipso œsypo facultatis, adeò ut promiscuus sit amborum usus, ut tradidit Galenus, libr. 14. method. med. Habet autem vim non simplicem, sed mixtam ex contrariis qualitatibus ac viribus, adstringendi scilicet, & modicè calfaciendi. Ex quo constat vim illi inesse leniendi, digerendi, & repellendi. Dicitur non tantùm *ὀϊστυπ* gen. masc. sed etiam *ὀϊστυπον*, & *ὀϊστυπή*.

*Laparon*, Græcis, molle & vacuum; *Hypolaparon* autem subvacuum & submolle significat, 3. de diff. respir. cap. 12. Sumitur & pro ventris dolore, com. 3. in 6, de morb. 32. vide *Ile*.

*Lapidum os*, vide *Lithotides*.

*Lapis specularis*, vide *Diaphanes*.

*Lapis in vesicâ*, propria passio est ferè puerorum, qui ob edacitatem non paucos crudos humores coacervant; ex quibus pars crassior, unâ cum urinis ad vesicam perveniens, fit lapidum generationis materia; acervatur verò hic crudus humor sæpè ob edacitatem, & ingluviem, ut in pueris, sæpè etiam ob potentiae concoquentis imbecillitatem, ut in senibus, 3. aph. 26.

*Larynx*, sive *Guttur*, est superior bronchii terminus, seu bronchii caput, prima asperæ arteriæ pars, primum vocis instrumentum, summo ori continua, lib. de vocal. instrum. diff. cap. 2. ex cartilaginibus, musculis, nervis, & substratâ membranâ constans, cap. 4. quæ larynx in collo extare apparet, tangentibusque dura sentitur, sursumque nobis transglutientibus fertur, 7. de usu part. cap. 5. *Λάρυγξ* Græcè. Componitur ex tribus cartilaginibus. Una *θυρεοειδής* dicitur, quæ anterior veluti scutum quoddam aliis præposita est; alia *ἀρυτæνοειδής* ori vasis olearii adsimilis cartilagine tamen duas fortita: tertia verò innominata, infima os cœnophori (quod *Brochum* Galli vocant) referens: harum autem *ἀρυτæνοειδής* & *θυρεοειδής* mobiles sunt, sola autem innominata immobilis est. Ob eam causam in eâ firmantur aliarum duarum musculi. Nam cùm duodecim sint musculi laryngis proprii, duo quidem prædeunt à thyreoide mediâ internâ in anteriorem arytænoeideam quam claudunt; duoque similiter ab arytænoeidis posteriore basi in ejusdem basim anteriorem quam comprimunt: reliqui verò octo omnes ab innominatâ, partim anteriore, partim posteriore parte, partim etiam lateribus. Cæterum horum musculorum beneficio totus larynx præcipuum vocis organum est, quam tamen acutam vel gravem præcipuè facit arytænoeides adjutâ cartilagine epiglottide, arytænoeideam magis minusve claudente, laxatis aut con-

contractis duobus musculis ipsam relevantibus, adjutâ quoque gargareone, vocem ipsam plestri ritu modulante.

*Lassitudines*, κόπης, Græci homines vocant affectus, ex multo, vehementive motu corporibus vel totis, vel particulis, quæ ampliùs laborârunt, oboriri soliti; unde *Acopa medicamenta*, quæ talem lassitudinem tollunt, appellantur. 7. de comp. med. per gen. cap. 11. Cujus lassitudinis species tres sunt; ἐλκώδης, τενώδης, φλεγμονώδης, *ulcerosa, tensiva, inflammatoria*; quæ notis & signis propriis distinguuntur; in ulcerosâ partes lassitudine, ulceris sensus, cùm moventur enim se exhibet; in tensivâ, incendi, tendique sibi videntur, qui laborant; in inflammatoriâ, accensâ, inflammata, contusaque apparent membra.

*Lateralis morbus*, vide *Pleuritis*.

*Latum os*, vide *Dorsum*.

*Latus musculus*, sive musculosa natura, vel substantia, μυῶδες πλάτυσμα, apud Galenum, lib. de muscul. diff. cap. 1. est latus ille musculus, qui sub cute in collo habetur. Incipit in priori quidem parte ex labrorum, ac buccarum; in posteriori verò, ex spinæ regionibus toti cuti, quæ circa collum est, in orbem subtensus, & membranofus, ut interdum membrana potius, quàm musculus videatur.

*Latus pulsus* est, qui pulsu naturali, in latitudine major est; *longus*, qui in longitudine; *altus*, qui in profunditate; è contrâ, *angustus*, *brevis*, *humilis*, de puls. ad Tyron. cap. 2.

*Laxius intestinum*, id est. Colon, 2. aphor. 40.

*Lea*, seu *Lenia medicamenta* sunt, quæ partes asperas leniunt. de Dynam. in procemio. Λείον læve, id dicitur quod continuum est, nullâque ex parte divulsum, sed sibi undique cohærens æquabili superficie. Contrarium est τὰ τερχεῖ, hoc est, aspero. Λείον etiam apud Hippocratem Galenus interpretatur ἄτερον.

*Lem-*



*Lemmata*, sunt propositiones per se credibiles, quas vocare consuevit Aristoteles, *dignitates*, vel *prologia*, vel *postulata*, 2. acut. 20.

*Leno*, sive *Linon*, Græcè *Λινός*, est regio in summo vertice Cerebri, ubi duæ venæ, invicem congregiuntur, à torcularis similitudine propter tenuem membranam. Est & aliter leno, id est, exilium in superficie venarum sibi incumbentium congressus, propter crassam membranam, similiter factus, 9. de anatom. adm. cap. 1. vide *Torcular*.

*Leporinus*, vide *Lagophthalmos*.

*Lepidooides suturæ*, *Λεπιδοειδές*, vel *conglutinationes*, (quas Galenus *suturas juxta aures* vocat) sunt duæ lineæ à mediâ sagittali quæ rectâ in longitudinem fertur, æquè distantes, per capitis longitudinem à posteriore in priorem partem, super aures feruntur, quæ in ossibus ad squamæ similitudinem structis, habentur, quæ sunt duobus inter se ossibus cohærentibus, non per suturam quidem, sicuti *Coronalis*, & *Lambdaoides*, sed paulatim syncipitis os, instar squamæ attenuatum descendit, atque in id os, quod infrâ ab auribus ascendit, subintrat, lib. de ossibus, cap. 1. quæ & *squamosæ agglutinationes* nuncupantur, 9. de usu part. capit. 18. *Mendosæ* adhuc, & *temporales* dicuntur.

*Lepra*, *Λέπρα*, est cutis mutatio, in habitum qui præter naturam est, cum asperitate, & pruritibus, & doloribus, nonnunquam & squamis decidentibus, interdum secùs, pluresque corporis partes depascuntur, lib. finit. *Lepra*, & *Psores*, seu *Scabies*, affectus sunt valdè affines & congeneres, ita ut non aliud *Psores* sit, quàm mitior *Lepra*: est enim *Psores* ad *Lepram* quædam quasi via, ut *Lepra* ad *Elephantiasim*, si magis humor uratur, malignior evadat, & morbus diutius protrahatur. Uterque affectus pruritus habet inseparabilem, sed in *Leprâ* tantus est, ut æger etiam vehementissimè scalpendo, nullo modo juvetur, sed omnis potius generis

neris ulcera, & phlegmonas accersat, quod cutem exasperet, & subjectam illi carnem, multo quam in Psorâ profundius depascatur. Unde & squamulas procreat, quales in Psorâ non generantur, quæ fursuracea tantum corpora ex se remittit, ut quæ à minori gignatur intemperie, & humore minus crasso, terrestri assato, & maligno. Dicitur *Λέπρεα*, ab his squamulis, quasi *Λεπρός*, id est, squamosa; Ab Avicennâ dicitur *Albaras nigra*, & *Impetigo excorticativa*, quod cutis in cortices quasi squamasque resolvatur. *Lepram* hanc Cel- sus vocat *Impetiginem*, non eam quidem quam superius nos *Δείχλω* appellavimus, sed quam ipse declarat lib. 5. quam in quatuor species distinguit, quæ à superiori Impetigine plurimum distat. Ejus causa melancholicus humor est multus, viscosus, crassus, sed tamen acris & immotus sub cute & subjectâ carne latens, sensumque eum doloris excitans, qui Pruritus dicitur.

*Lethargus*, Græcè *Λήθαργος* καὶ *ληθαργία*, passio est Phrenitidi contraria, si quidem in eâ inexpugnabilis dormiendi necessitas adest, perinde ut perennes vigilie phreneticos infestant. Dicta autem *Lethargus*, quod ea correptis omnium rerum oblivio accadat. *Somnus*, siquidem si in longius producat, difficilemque habuerit expergefactionem, *Coma* dicetur; si verò solo tempore naturæ modum convenientem excefferit, & non habuerit difficilem expergefactionem, *somnus longus* rectè nominatur, qui fit refrigerata primâ parte sensitivâ, hoc est, Cerebro ipso; quæ refrigeratio cum fortis fuerit, mista quidem humiditati facit *lethargicas passiones*; cum siccitate verò eas, quæ Græco vocabulo *Καταλήψεις*, id est, *Deprehensiones*, vocantur, 2. aph. 3. Lethargicorum alii unam continuamque habent lethargi accessionem, alii per circuitus quosdam in somnum ruunt, & rursus revocantur, ut excitati audiant, moxque in somnum relabuntur. Sunt autem

tem omnes obliuioſi, ſtupidi, mente capti, crebrò oſcitant & hiant, ac ſæpè hiantè ore perſiſtunt, velut os claudere obliiti. Urinam reddunt jumentorum lotio ſimilem, ac ſæpè in manus ſumptâ matulâ, eam ſe tenere non meminerunt.

*Leuce*, Λεύκη, id eſt, Alba vitiligo, 2. meth. 2. ſeu corporis, & pilorum in album colorem mutatio præter naturam, libr. finit. & 1. de compoſ. loc. 1. Neque verò ad ſolam cutem, ſed ad ſubditam quoque ejus carnem vitium hoc pertinet. Fit porro cutis, & caro alba, & pituitoſa, qualem Polypodes, & locuſtæ, cæteraque cruſtacea, exanguis, & albâ carne prædita obtinent. Idque malum videtur eſſe, quod noſtrate *Lepram albam*, Avicenna, *Albaram albam* nuncupavit; Differt à *Leprâ*, & *Elephantiaſi*, quòd hæc ſint cum aſperitate cutis, roſione, pruritu, & ſquamulis: *Leuce* verò cutem habeat lenem, ſine ullâ aſpreſſine & roſione. Fit errore facultatis nutritoriæ, ſanguinem pituitoſum, lentum & viſcoſum gignentis. Nam cum tali ſanguine caro diutius alta regenerataque fuerit, facillimè albedo in altâ carne contrahitur, talemque habitum accipit, ut omnia facilè in album convertat, & non jam ſimpliciter caro, ſed alba caro ſit. Cùm enim diutius ea affectio perſeuerârît, caro quidem adhuc manet, mutatur tamen ejus forma, & in alteram ſpeciem vertitur, mediam inter ſanguineam carnem &, exanguem, proque naturali habitu cachexia inducitur. Nomen habet λεύκη vel λευκή, vel à quadam ſimilitudine cum populo arboſo, quam itidem λεύκη appellant. Ut enim foliis & cortice candida eſt, ſic & cutis ejus, quem is morbus occupavit.

*Leucoma*, Λόκωμα, id eſt, oculorum albugo, de remed. part. fac. Eſt cicatrix oculorum altior, magiſque profunda; ſicuti quæ ſuperficiaria eſt, νεφελιον dicitur.

*Leucophlegmatia*, id est, alba pituita, quædam aquæ inter cutem, species est; sic dicta, quod sui quidem ratione semper sit alba, sed propter mistionem quorundam aliorum humorum, verum mutet colorem, 7. aphor. 29. quam eandem dicit esse cum eâ Hydro-  
*pis* specie, quæ *Hyposarcidium*, sive *Anasarca* dicitur, ὕδρεος φλεγμονίας, libr. Introd. cap. 13.

*Lichen affectio*, λειχήν dicitur etiam callus in equorum genibus & supra ungulas in flexu earum partium duratus. fertur comitialibus prodesse. Est etiam herbæ species, quam aliqui βέρον appellant: saxis enim adhæret ut muscus. Sunt qui putent esse hepaticam in offic. dictam. Exerit, purgat, siccatur, refrigerat. vide *Impetigo*.

*Lien*, vide *Splen*.

*Lienteria*, vide *Intestinorum difficultas*.

*Ligamentum*, quod Græci σύνδεσμον vocant, est corpus nervosum, ex osse quidem omnino ortum habens, insertum in os, aut in musculum; cui nomen ab usu est inditum, 1. de motu musc. cap. 1. quod & *Copula* dicitur, libr. Tigni, cap. 9.

*Ligatio*, dicitur de obstrictis articulis, & difficilibus artuum motibus, quos Græci *Ancylas* vocant, 7. de comp. med. per. gen. cap. 6. Est & affectus qui interdum naturaliter accidit, membranis linguam continentibus durioribus, & brevioribus statim à primo ortu factis; Interdum ex acquisitio, ob cicatricem quampiam duriozem, ex ulcere contractam; Quam Græci ἀγκυλόγλωσσον vocant: qui hoc malo laborant, tardè sermonem explicare incipiunt; Atque ob id, hoc vitii genus, Latinis *ligatio linguæ* dici potest.

*Lingula*, vide *Epi-glottis*.

*Linon*, vide *Leno*, & *Torcular*.

*Linospermon*, id est, semen lini, 1. de alimen. fac. 32.

*Lipodermus*, defectus est pelliculæ regentis glandem Colis, adeo, ut distrahi amplius non possit, libr. finit.

λεϊπιδ-



*λεποθυμία* dicuntur quibus præputium ex morbo vel sectione deest, aut ita contractum est, ut glandem amplius tegere non possit. Romani Apellas & Recutitos vocarunt.

*Lipopsychia*, id est, animi deliquium, idem quod *Lipothymia*, *Λειποψυχία*, καὶ *λεποθυμία*, solo differunt gradu, quod ex ipso nominis etymo liquet: *Lipothymia*, vitalis facultatis defectum, *Lipopsychia* animalis facultatis exolutionem significat, attamen utriusque facultatis defectu, omnium virtutum exsolutio contingit, ut sensu, motuque destituantur ægri, non minùs quam animo, quale advenit iis, qui nisi frequentius nutriantur; resolvuntur; 12. meth. cap. 5.

*Lipothymia*, vide *Lipopsychia*.

*Lippitudo oculi* est, cum album rubescit, & palpebræ attolluntur, cum dolore connivent, & ægrè manus admotas ferunt, libr. introd. cap. 15. vide *Ophthalmia*.

*Lippitudo dura*, vide *Sclerophthalmia*.

*Lipyria febrilis*, vide *Febrilis lipyria*.

*Liquabilia medicamenta* vocantur, tùm quæ ignis contactu colliquantur, tùm quæ ex humidis quibusdam, velut aquâ, aceto, vino constant. Igne liquefcit propolis, cera, resina, ladanum, sebum, galbanum; *Aceto solo* liquefcunt citra ignem, ammoniacum, sagapenum, opopanaxum, 3. de comp. medic. per gen. cap. 5.

*Liquida alvus*, in quâ liquida dejiciuntur, com. 2. in 2. prorrh. 3.

*Lithiasis*, id est, calculi morbus, renibus & vesicæ familiaris, in quibus ut plurimum calculi generantur, libr. de renum aff. digno. cap. 2. Dicitur & *λιθιασις oculi* morbus, in exteriori parte palpebrarum, in quâ quædam & crassa, callis, aut lapillis similia apparent, oculum pungentia.

*Lithocides os*, *λιθοειδές*, id est, lapideum, petrosum, 9. de

9. de usu part. cap. 10. est, quod utrimque ad aures positum, petræ speciem referens, lambdoeides suturæ finibus terminatur, in quo inest processus columnæ similis, ad acus, stylive similitudinem: unde *Styloides*, *Belenoïdes*, & *Graphioeides*, *στυλοειδής*, *βελενοειδής*, & *γραφοειδής* appellatur, sub quo auditorius meatus continetur, lib. de ossib. cap. 1.

*Lividium*, *πυλιδιον* dicitur color inter planè nigrum & rubrum, aut aliquem alium ex floridis colorem medius: sit autem vel ex ipsis floridis in nigrum abeuntibus, vel ex nigro in album cedente, ut apparet in supurationibus, in quibus quod nigrum erat, livescere incipit, & ex livido ad colorem ignis tendere, & paulatim candidius fieri, proximè accedit ad fuscum. Contrahitur in corporibus à sanguinis & caloris nativi defectu: frigus enim lividum & nigrum colorem inducit. Designat & humorem, veluti viridis, pravâ qualitate præditum, uti rubidus sanguinis copiam.

*Lobi*, id est, Fibræ, quibus tanquam digitis hepar, ventriculum, & pulmo cor ad unguem complectitur, 4. de usu part. c. 8. & lib. 7. c. 10. & 7. de anat. adm. cap. 11. Dicitur & *Lobus*, ima & carnosâ aurium pars.

*Localia medicamenta*, quæ Topica dicuntur, medicamenta sunt, quæ extrinsecus applicantur corporis particulis, quibus non prius utendum, quàm totum corpus purgaveris, venamve incideris, si redundantia in toto corpore subest; alioquin, implebis potius corpus, quàm vacuabis, 13. meth. 22.

*Lochia*, *λόχια* dicuntur omnia, quæ à puerperâ post exclusum fœtum & secundas exeunt, quæ Aristoteles vocat *purgamenta*, sunt autem revera *τὰ καθαρμῆνια*, à quibus etiam solâ ratione differunt, quòd hæc ante partum, illa post partum, sic appellentur, lib. de atrâ bile, c. 8.

*Locus*, à recentioribus Medicis, corporis particula quælibet p. n. affecta appellatur, 1. de loc. aff. 1.

*Longaon*, sive *Longanon intestinum*, vide *Rectum*.

*Longitudinalis sutura* est, quæ à medio posterioris Calvariae, per capitis longitudinem, ad mediam usque anteriorem, extenditur, unde Græcis *ῥεχαια*, id est, recta, vulgò *sagittalis*, & *longitudinalis* appellatur, à Lambdoeide ad Coronalem finiens, libr. de ossibus, cap. 1.

*Longus pulsus*, vide *Latius*.

*Lopidoeides suturae*, quæ & *Lepidoeides* dicuntur, vide *Lepidoeides*.

*Lordosis*, id est, Excavatio facta per vertebrarum luxationem, ad internas corporis partes, 4. de loc. aff. vide *Cyphosis*. *Λόρδωσις*, vitium spinæ, cùm ejus vertebræ loco suo motæ sunt, & in priorem sive anteriorem partem conversæ. Vel inclinatio seu incurvatio in anteriôrâ, cùm homo vitiosâ dorsi spinâ semper capite prono est & cernuo.

*Lotium* est, cùm renes serosum sanguinis excrementum attraxerint, utilem, qui in eo est, sanguinem retinent, & ex eo nutriuntur; excrementum verò ipsum serosum à facultate segregatrice, ceu inutile expellitur per ureteres in vesicam; sed quamdiù in venis atque arteriis hoc cum sanguine currit, *excrementum serosum*, & *serositas* vocatur; ut cùm segregatum est, *lotium* & *urina* dicitur, libr. de ren. aff. dign. cap. 1.

*Luëtuosa respiratio* est, interrupta inspiratio, & quasi duplicata geminataque aëris revocatio, stante interim thorace, deindè rursus id, quod deest adjiciente, qualis infantibus accidit, quo tempore plorant, veluti superinspirantibus, 6. aphor. 54.

*Lumbi*, *ὀσφύς*, propriè pars est totius spinæ infra dorsum, sive thoracem, quinque vertebriis omnium crassissimis, maximisque compacta, inter dorsum, & os sacrum mediis. Breviùs alii ajunt, *Lumbi* sunt dorsi ea pars, quâ cingimur. vide *Dorsum*.

*Lumbrici*, vide *Elminthes*.

*Lupus*, seu *Strangulator*, Græcè *λυγερὸς*, dicitur affectus

fectus iis eveniens, qui sperma diu præter naturam retinuerint; quod veneni naturam induens in venis & arteriis, dum nequivit ejici, anginosam generat passionem in faucibus, & quandam quasi suffocatinem, lib. de spermat. fol. 36.

*Lusciosus* dicitur, qui eo affectu, qui *Nyctalops* dicitur, vexatur, 10. de simplic. *Μύωψ* is dicitur, qui à primo ortu, non nisi oculis propius admota videt, eademque propè oculis contingit, & limis semiclusisque oculis aspicit, etiam si parva sint; remota verò, quamvis magna, videre non potest. Vitium oculorum est congenitum ab imbecillitate visivæ virtutis animalis, & spiritus visivi, eamque ob causam incurabile; differt à *Nyctalope*, quippe qui non naturâ, sed ex morbo talis evasit. *Μύωπος* Græci vocant, Latini *Lusciosos*, & *Luscitiosos*, appellant, ipsa verò affectio *μωψία*, & *μωψιότης* appellatur.

*Lutea bilis*, id est, Vitellina, 8. de placit. 4. vide *Bilis pallida*.

*Luxationes*, quas *ossum ex cavitatibus suis excidentias*, *exarticulationes*, & *exarticulata* interdum vocat Hippocrates, sunt ossum à propriâ sede excessus, sine fractio-  
ne eorundem facti, 1. de fract. 1.

*Lycanthropia*, Græcè *Λυκανθρωπία*, *Λυγανθρωπία*, *Κυανθρωπία*, *Κυανθρωπία*, *Λυγάν*: Arabicè *Carab*, *Cutubut*; Latinè *Lupina*, vel *Canina insania*, species est melancholiæ, ut testantur Aëtius & Paulus, quâ ægri imprimis mense Febuario, quo præsertim humor melancholicus redundat, noctu domo egressi, urbem circumcumeunt, quadrupedum more incedentes, lupos imitantur ululantes, donec dies illucescat, defunctorum monumenta quæritant, adaperiunt, cadaverum frustra arripientes; secumque collo gestantes, fugiuntque die vivos homines, nocte insequentes mortuos. Sunt autem eorum notæ; facies pallida, oculi sicci & cavi, visus hebes, lingua siccissima, saliva in ore nulla, sitis im-



modica, tibiæ perpetuò exulceratæ propter frequentes casus : atque ut canes mordent, ex quo arbitror morbum ipsum etiam *κυνωσπασμίας* vocatū fuisse veteribus.

*Lycoides*, vide *Lupus*.

*Lytheria*, id est, solutoria signa, quæ magni, & vehementis morbi solutionem firmam solent præcedere, 1. de diebus decret. cap. 1.

## M.

**M**ADAROSIS, *Μαδαρώσις* ἢ *Μαδαρότης*, id est, *Glabrities*, *Calvitium*, capillorum æfluvium est, à cacochniâ, & vitiosis humoribus proveniens, quales affectus sunt *Ophiasis*, & *Alopecia*; quæ omnes passiones sanabiles sunt, vitiosis humoribus, qui ad radices capillorum hærebant, vel resolutis, vel aliò translatis & vacuatis, 6. aph. 34.

*Madorem* & *Pladorem*, id est, superfluentes humiditates, appellare consuevit Hippocrates, sive tenues, sive crassiores, cujusmodi & pus est. 3. de fract. 19.

*Magma*, in specie mirobalanorum sæcem vocant, 7. de compos. med. per gen. cap. 7. Aliqui verò omnem unguenti sæcem, quæ expressâ reliquâ liquidiori materiâ utili relinquitur, *μάγμα* vocant; extenditur quoque nomen hoc ad omne unguentum spissum, paulo liquore subactum.

*Magna arteria*, vide *Arteria aorta*.

*Magna febr.* vide *Febr. magna*.

*Magnus morbus*, vide *Affectus grav.*

*Magnus pulsus* est, qui naturalem pulsum omnibus tribus dimensionibus superat; qui verò iisdem dimensionibus à naturali superatur, *parvus* dicitur, de puls. ad Tyron. cap. 2.

*Malæ*, carneæ partes sunt, quæ inter nasum, & aures jacent, quæ priscis *Genæ* dicuntur, libr. Introd. cap. 10. sic dictæ, quod rubentes ad mali similitudinem

nem sub oculis leniter rotundæ promineant, 1. de art. 3.

*Malactica medicamenta* sunt, quæ induratorum solvunt duritiem; quemadmodum *relaxantia*, quæ tensioni medentur, nuncupantur, 7. de comp. med. per gen. cap. 9. *Malacticum* autem *emolliens* dicitur eorum corporum, quæ induruerunt, ac in quibus contentus est humor præter naturam, velut partes sunt scirrhusæ; quod verò à siccitate induratum est, humectari postulat; quod à congelatione, calefieri, Græcè *μαλακτικὰ φάρμακα*, 5. simpl. 5. Quæ vere emolliunt, calida esse oportet, secundo aut tertio ordine. Nam quæ minùs calida sunt, ea potiùs in genere pus moventium habentur: quæ verò sunt calidiora, potiùs digerendo vacuandoque indurant, quàm emolliunt. Itaque facultas quoque emplastica in iis inesse debet.

*Malagmata*, aliàs *Cataplasmata* vocant omnia pharmacata, quæ forinsecùs imponuntur, sive adstringendo condensent, sive indurent, sive emolliant, 8. de compos. medic. loc. 5. Propriè autem *Malagmata* vocantur, quæ partes præter naturam induratas emolliunt, moderatè sunt calida, non tamen exsiccantia, aut humectantia insigniter. Nam, cùm exactè mollientia, medium quodammodo ordinem inter humectantia, siccantiaque sortiantur, proin moderato suo calore indurescentium substantiæ, veluti fusionem quandam molliuntur; ubi verò diutiùs diffusa fuerint, digerentium medicamentorum loco esse possunt, 7. de compos. medic. loc. cap. 1. Unde quidam nullum discrimen constituunt inter *Μαλάγματα*, *ἑμψήλαρα*, *προχίσκους*. Porro *Malagmata* aut mediis corporis regionibus (quæ propriè *ἐπιθέματα*, Paulus appellat) ut ventriculo, jecinori, lienì, cordi imponuntur; aut extremis partibus, ut capiti, & articulis admoventur.

*Maligna*. vide *Cacoëthe*.

*Malleoli*, sunt imæ ab utroque latere tibiæ, suræ, partes gibbæ, ex parte exteriori, intrinsecùs cavæ, carne

carentes, extra alia prominentes, sub quibus utrimque talus continetur, lib. de offib. cap. 22.

*Malleoli vena* duplex est, altera *interna*, ad interiorē tibiæ partem (*Creā* Latini vocant) procedens, ac inde ad malleolum, ad ipsum tibiæ extremum pervenit, quæ & Saphena corrupto vocabulo, pro Sappea, id est, manifesta, dicitur; altera, *externa*, & *superficialis*, per exteriorē alterius ossis tibiæ, quod *περόλυ* vocant Græci, producitur, ad pedis pertingens articulum, unde *externa malleoli*, & *Ischiadica vena* aliquibus dicitur.

*Malthacode emplastrum*, id est, *mollicinum*, quo genere Hippocrates omne medicamen vocat, quod connatam humiditatem habet, qualis in pinguibus est singulisque oleosis medicamentis, & quidem in ipso oleo, aquâ, resinâ, & cerâ, 4. de comp. med. per gen. cap. 9. *Μαλθακώδη φάρμακα*. *Μάλθη* ceram significat, eam præsertim quæ mollis est.

*Malum granatum*, & *Malum punicum*, vide *Cartilago ensiformis*.

*Mamma* (*Μαστός* & *πρὸς* Græcè) est carnosa in pectore, ad utrumque latus eminentia glandulosa, semicircularis, in cujus medio papilla (Græcè *θήλη*) extuberrat, quam ambit circulus quidam subniger qui *φῶς* dicitur, gignendi lactis vim à naturâ habens, 1. de san. tu. Verum glandulosa illa substantia admodum varia est. Viris namque (in quibus propriè *μαρτός* dicitur, ut *μαστός*, sive *μαστός* in mulieribus) calidioribus scilicet & ficcioribus penè nulla est, eademque arida, ut etiam admodum puellis. Juvenulis verò compactior est & duriuscula, vetulis verò flaccida. Eam autem multæ sed parvæ glandulæ constituunt, sibi mutuò incumbentes, & inter se commissæ, adipis & fibrarum interventu, quæ ex carneâ membranâ in cutem pertinent. Semicircularis illi est forma, non tam quò minùs pateret injuriis, quàm quo plus lactis contineret. Est enim rotundum.

om-

omnium capacissimum. Sic quidem condita mamma aptissimum fit gignendi continendique lactis organum, quod quia è sanguine gignitur, idcirco natura venas magnas & frequentes mammis largita est, aliàs quidem externas à ramo venæ cavæ axillam jam petentis descendentes: aliàs verò internas à venâ cavâ pariter descendentes ex jugulo summoque sterno. Hæ partim absumentur in mammas & musculos pectoris internos, partim verò ad Xiphoëidem cartilaginem & musculos rectos delapsæ, inque eos & vicinas partes distributæ, paulò supra umbilicum, furculis aliquot suis occurrunt furculis totidem venarum epigastrii: indeque fit consensus ille mammarum cum utero. Habent & hæ venæ arterias aliquot comites, sed perpaucas & graciles.

*Mammillari*, *Μαστείδης*, est apophysis ossis temporalis, papillis mammarum, præsertim vaccinarum, similis; Extuberat, & cavus est, quo aer in amplâ, & anfractuosa ejus cavitate conclusus, magis resonet auri- bus. Dicuntur & à quibusdam *uteri cornua*, *Κεργία* dicta, *μαστείδεις ἀποφύσεις*, propter similitudinem, quam habent cum mammis.

*Mancum*, & *Mancinitatem*, aliàs *Cyllon*, & *Cylosin* nonnulli, de omni longorum membrorum distortionem intelligendum censent, generaleque ei attribuunt significatum; alii eam tantummodò distortionem significare asserunt, in quâ ad interiorem partem membrum inclinatur, quod cum accidit, necesse est, ut summum ejus, E. G. pes intrò contortus, quasi mancus & mutilus appareat, 3. de artic. 87. vide *Cyllum*.

*Mandibularii*, *Manducatorii*, *Mansorii*, *Masseteres* musculi, Græcè *μαστοιγῆτες μῦες*, alii sunt à temporalibus, quos *Crotaphitas* vocant; nam posteriores Anatomici, eos *temporales*, seu *temporinos* nominant, qui ex ossibus temporum capitis exoriuntur, quos, cum intenduntur, committere, ac claudere os manifestè conspicimus; alios



alios verò, qui latis inferioris maxillæ partibus superjecti sunt, utrimque alter, propterea quod in manducando. maxillam circumagunt, *Manducatorios* vocant, cùm illi, qui è superiori parte deferuntur, efficere id minimè valeant; attrahunt enim sursum eam tantummodò, non traducere etiam hanc illac queunt: Unde in committendo quoque ore, ipsorum auxilio indigemus, 2. de artic. 5. à mandendo sic dicti, quos etiam Mandibularios, Mansorios, & Masticatorios vocant, 4. de anat. adm. cap. 2. & cap. 4.

*Mania*, *Furor*, *Insania*, *Mevia*, species delirii vehementioris, 2. de caus. sympt. ut enim *ῥαφροσύνη*, seu delirii est citra febrem insanire, & mente alienari, ita si huic insaniam adjungatur magnitudo, & vehementia symptomatum, (ut, cùm ægri calcitrant, mordicùs impetunt vel ingredientes, vel quoscunque obvios, ferarum more discerpunt) mania dicitur, ex assatâ, vel atrâ, vel flavâ bile procedens, 3. de loc. affect. cap. 7. Quod si à sanguinis copiâ non putrente originem ducat, erit quidem mania, sed cum risu, hilari vultu, & perpetuo cantu. Aliquando Hippocrates *Mania* nomine pro melancholiâ morbo propriè dicto usurpavit, ut testatur Galenus, 6. aphor. 21. Cerebro accidit vel per se, vel per consensum affecto. Nunquam pituitosus humor eam parit, sed eum acrem & mordacem esse oportet. Quod autem delirium parvum miteque est, Hippocrates *λῆγειν* appellare consuevit.

*Manifesta vena*, ramus est venæ à corde ad furculas ascendentis, quæ per faciem, oculos, caput, & nares dividitur, ut omnia membra nutriat, quæ inde *manifesta* vocatur, lib. de anat. viv.

*Maniodes paraphrosynæ*, sunt vehementes insaniam, propter atræ bilis malignitatem, cùm flava bilis Cerebrum apprehenderit, febrisque vehementia assatum hunc succum melancholicum reddiderit, com. 1. in 1. prorrh. 10.

*Manna,*

Manna, mel roridum, vel aërium dici potest; Mellis species est non ignota veteribus, Galeno, Plinio, Dioscoridi; sed mellis nomine, & titulo comprehensa, ne quis eam ab Arabibus primùm cognitam, proditamque putet: sic enim de eâ scriptum reliquit Galenus: In foliis, inquit, stirpium adnascitur quippiam, quod nec eorum succus, nec fructus, nec pars existimari possit, sed roridum quiddam, nec tamen continenter, neque copiosè progigni soleat. Nec me præterit, per æstatem, in arborum, fruticum, herbarumque foliis plurimum fuisse inventum, sic ut à ludentibus rusticis, Iupiter diceretur melle pluuisse; præcesserat tùm nox frigidior, pridè calida, siccæque cæli constitutio diluxerat; quapropter inter rerum naturæ peritos conveniebat halitus, quos terra, vel aqua exspirasset exenuatos & excoctos, nocturni frigoris beneficio coaluisse. Id in regione nostrâ rariùs evenit, in Libano monte quotanni, ad eò ut extensis pellibus arbores succutiant, receptoque quod profluit, ollas & fideilia compleant: privatoque nomine vocant *ῥοσίδιον*, id est, roscidum mel, & etiam *ἀερόμελι*, id est, mel aërium. Hæc Galenus, 3. de alim. fac. cap. 39. de melle. Cuique igitur patere debet, notam Galeno, Mannam, quæ gustu prorsus mellea sentitur. Concrefcit maxime Vergiliarum exortu, vel sydere Sirio splendente. Vim habet modicam ciendi alvum, & flavam bilem pellendi, tutoque pueris, & fœminis uterum gestantibus exhiberi potest. Dicitur item & Manna thuris (quæ & Succussio, & Pollen nuncupatur, 2. de art. 44.) id est, thuris micæ concussu elisæ, corticis parùm participantis, adstringendi vim totam, & qualitatem possidentes, 5. de compos. med. per gen. cap. 2. Videturque aliquibus Mannam thuris nihil à thure trito, ac lævigato differre; Mannam enim propriè appellant id, quod excussum est à thure, circa magna onera confracto; auferuntur enim ab ipso fragmenta quædam parva corticis thuris, 4. de comp. med. loc. 4. & 13. method. cap. 5.

*Manus* (quas homo pro corporis nuditate, quod armis nudum fortitus est, armorum loco obtinuit, sunt juxta Aristot. organum ante omnia organa; cùm nullum sint eorum, quæ particularia organa sunt, sed quodlibet eorum possint recipere, 1. de usu part. capit. 4. *Manus* autem nunc *totum* artum superiorem, brachium scilicet, cubitum & manum significat; nunc *extremam manum tantum*, 2. de usu part. cap. 2.

*Manûs dolor*, Græcè *ῥεγερῆ*, arthritidis species est, quæ manuum articulos occupavit, ut *Gonagra*, quæ genu, & *Podagra*, quæ pedes. Nec verò morbus ipse sic appellatur cùm viget & dolorem facit, sed ipsa etiam articulorum contortio, & imbecillitas post morbum relicta. Tophis enim articuli manent intercepti. Id enim significat ἡ ἄρρα ἢ ῥεγὲς, hoc est, *manus captura*; quamvis alii *ῥεγερῆαν*, quasi *ῥεγέραν*, hoc est, *manus dolorem*, ἀπὸ τῆ ἀλγῆματ<sup>ος</sup> derivari malint.

*Mansorii muscoli*, vide *Mandibularii*.

*Marasmus*, sive *ex morbo senium*, est frigidum, & siccum corporis temperamentum, non naturâ, vel annorum multitudinis ratione comparatum, sed febrili morbo: quod non in animalibus modò, verùm etiam in stirpibus supra modum arefactis visitur, 5. de sanitat. tuend. cap. 9. *Marasmus* itaque idem est quod *Tabes*, quæ non idem est, ac *febris marasmodes*, sive tabida; *Marasmus* enim absque febre in decrepitâ ætate solet accidere, extincto nativo calore, & superveniente morte, quæ sine sensu doloris, ac secundùm naturam ex siccitate contingit; sicuti his, qui præter naturam tabescunt; *altera* advenit species, quæ *ex ægritudine senectus* vocatur, in quam non solum senes, sed etiam pueros vidimus incidisse quamplurimos. *Tabida* verò *febris*, non tantùm sicca, sed calida est, 1. de diff. feb. cap. 8. Facile hic morbus innotescit, oculorum ingenti cavitare veluti in foveis quibusdam reconditorum, & universi corporis squalore, caloris vitalis flore

flore deftituti, cutis circa frontem siccitate & tensio-  
ne, palpebris instantibus & tanquam somno gravatis  
ab impotentiâ quâdam vigilandi : sunt & tempora  
collapsa atque cava. Breviter totus homo non aliud  
est quam ossa atque cutis. In ventre nulla intestina,  
nulla viscera inesse credas : adeo contracta sunt præ-  
cordia & consumpti ventris muscoli, ut nihil ex iis  
præter fibras & cutem supersit. Hæc autem sympto-  
mata aut adhuc fieri intelliguntur, aut jam planè fa-  
cta absolutaque esse. Inde duplex marasmi differentia  
existit, unius quidem nondum perfecti, sed adhuc ad  
majorem consumptionem tendentis : alterius verò jam  
planè consummati. Hic prorsus immedicabilis est, illi  
remedia quædam possunt adhiberi. Verus autem ma-  
rasmus est, per quem omnes corporis solidæ partes si-  
militer marcescunt, initio ab ipso corde facto : non  
verus autem, qui in certâ quâdam parte consistit, ut in  
ventriculo & jecinore, in quibus Galenus magnâ ex  
parte hæcticas marasmodesque febres se contemplatum  
esse scribit. Superveniunt aliquando & pulmone, sed  
rarius, tum propter ejus humiditatem, tum quod spi-  
rando refrigeretur. Incidunt & pectori & mesaræo,  
& jejuno & colo, interim verò & utero & renibus. In  
septo autem transverso marasmm, se nunquam vidisse  
Galen. scripto testatus est, sed hæcticam sanè febrem  
vidisse, & hanc semel quidem planè absolutam, sæpè  
verò citiùs interimentem quam planè esset completa,  
quod eam & spirandi difficultas & delirium excipiat.

*Marcor, Marcor frigidus, torridus, vide Febris marci-  
da, & ex ægritudine senectus.*

*Mariscæ, venulæ sedis sunt, quæ aliquando foris ex-  
tuberant, ore hiantes, & statò tempore sanguinem me-  
lancholicum excernentes, aliàs hæmorrhoides dicuntur,  
quibus plus justò fluentibus, aqua inter cutem subse-  
quitur ; interdum superiùs delitescunt, & cæcæ ai-  
morrhoides appellantur. vide Sycosis.*

*Mar-*



*Marmarægæ*, id est, oculorum hallucinationes, 3. cri-  
fi. 11. & cap. 7. *Μαγμαγυγαι* apud Hippocratem splen-  
dores crebri, & veluti fulgura frequentia, subita & ar-  
dentia. Sunt autem nihil aliud quam splendores oculis  
obversantes.

*Masseteres*, vide *Mandibularii*.

*Mater dura*, & *pia*, vide *Membrana dura*.

*Matrix*, *Μήτρα*, id est, Vulva, foris nervosa, intus  
carnosior, vas fœtus gestandi, quæ à Græcis *Ἡστέρα*  
quoque appellatur, quod omnium partium sit poltre-  
ma, lib. finit.

*Maxillares dentes*, vide *Dentes*, *Tomi*, *Incisorii*.

*Maxillæ*, sunt illæ faciei partes, quæ genis subjectæ,  
ad mentum usque descendunt, & hæc in mucronem de-  
finiunt, lib. Introd.

*Meatum*, sive *Porum*, simpliciter Herophilus appel-  
lat, nervum opticum, qui à cerebro ad oculum perti-  
net, sensibilis spiritus via, quod ejus solius foramen  
clare cernitur, 1. de sympt. caus. cap. 2.

*Meatus auditorius* est, qui in osse lapidoso est, satis  
involutus & anfractuosus, ne quid eorum, quæ extrin-  
secus incidunt, ipsi noceret, ipsasque aures facile offen-  
deret, proin in medio situs, extrinsecus quidem con-  
vexarum, intrinsecus autem cavarum, 11. de usu part.  
cap. 12. Constituitur autem in medio nervi quintæ  
conjugationis, qui unâ cum durâ cerebri membranâ,  
involucro velut suo, in auditus foramen incidit. Di-  
citur autem & hic meatus *cæcum foramen*, propterea  
quod anfractum illum, per quem nervus foras post au-  
res excidit, haud possunt dissecutores perfectè perfora-  
re, lib. de nerv. diff. cap. 6. vide *Cæcum foramen*.

*Meatus genitalis* est, qui genituram à testibus hau-  
stam, ad Colis radicem defert, qui meatus juxta radi-  
cē vesicæ varicosior conspicitur; unde ei nomen in-  
ditum est, *Varicosus assistens*, 1. de sem. cap. 15.

*Meatus varicosus*, vide *Meatus genitalis*.

*Meco-*

*Meconium*, excrementum est, ex toto fœtus nutrimento, in utero, in urinaculo congeri solitum, toto uteri gestationis tempore, lib. quod animal sit id, c. 5. Est quoque Μηκόνιον, papaveris succus concretus, qui & ὄπιον appellatur, 3. simpl. 20. Sunt tamen qui ea distinguant, Plinium secuti, qui lib. 20. cap. 18. scriptum reliquit, cùm capita ipsa & folia papaveris decoquantur, succum meconium vocari, multò opio ignaviorem.

*Media*, seu *Mediana cubiti vena* est, quæ communis est ei, quæ *humeralis* nominatur, & ei, quæ per axillam fertur, 3. loc. aff. cap. 7. quæ & *purpurea* & *nigra* vocatur, lib. de anat. viv. vide *Communis vena*.

*Medianum*, seu *Mediastinum*, sunt duæ membranæ, utrâque parte singulæ totum thoracem Διαφραγόντες, id est, *Intersepientes*, quæ posteriore parte spinæ, vertebris, anteriore verò, ossi medio pectoris infiguntur, sursumque ad claves, & deorsum ad ensiformen cartilaginem porriguntur, in duas partes totum thoracem dividentes; unde vulgò *Mediastinum*, sive *Medianum* vocant; his enim medius thorax dirimitur, 6. de usu part. & 5. de anatom. adm. quæ membranæ non aliter differunt, nisi quòd in costis, ὑπεζωόντες, id est, *Succingentes*, appellantur; ubi verò rectæ ad claves feruntur, Διαφραγόντες, id est, *Intersepientes*, 5. de anat. adm. vide *Diaphragmatones*.

*Medicari*, generaliter loquendo idem est quod *mederi*; propriè est idem quod *purgare*: neque de omnis medicamenti exhibitione intelligit Hippocrates, sed de eorum tantum, quæ purgant, 2. de fract. 29.

*Medicamentum*, omne id dicimus, quod nostram naturam alterare potest, 1. simpl. cap. 1.

*Medulla spinalis*, (quæ & *Dorsi medulla*, φαχίτης μυελός, & vulgò *Nucha* nominatur) est, quæ omnibus, & singulis vertebris inest, 8. de usu part. capit. 4. estque Cerebro, velut principio suo, continua, ejusdem

dem cum eo generis & naturæ, nisi quod ipso multo est durior & compactior, potissimum in infernis spinæ finibus; eam tamen perperam *medullam* appellarunt; cum medulla ipsa, non modo spinali hæc, verum etiam Cerebro ipso sit humidior, mollior, & pinguior; quod verò in spinæ ossibus contineatur, coloremque habeat medullæ assimilẽ, ob id ipsam *medullam* nominant; quo modo etiam quidam ipsum Cerebrum vocitârunt, 3. de alimen. fac. cap. 10. Communiter eam *spinalem* vocant *medullam*, additâ scilicet medullæ appellatione, interdum verò sine additione simpliciter *spinam* nuncupant, 3. loc. aff. 10. vide *Myelos*. Oritur ex cerebri totius basi, eique corporis substantiâ similis est, & ejusdem cum eo generis, nervosque ut & cerebrum producit, donec velut effata definat in finem brevem, acutum simplicem cum coccyce. Nervi autem hi subjectas cerebro partes movent, & sentientes efficiunt. Ut planè constet spinalem medullam partibus capiti subjectis tanquam cerebrum esse, & multa cum cerebro habere communia, substantiæ similitudinem, principium nervorum, sentiendi vim propè parem, & præterea meningas duas, unam tenuem à tenui meninge cerebri ortam, quæ vasa ipsam nutritura colligat, & substantiam ejus admodum mollem, cerebro tamen non paulò duriorẽ constringit, alteram crassam, à crassâ similiter cerebri meninge prodeuntem, quæ tenuem ambit & munit contra spondylorum duritiem. Nec tamen propterea medullam hanc cum cerebro eandem esse censendum est: habet enim utrumque quædam propria & discrepantia. Nam cum cerebrum pulset atque moveatur, quanquam ossẽ immobili contineatur, medulla tamen non movetur, tametsi à spondylis mobilibus contineatur, nullumque habet medium intervallum, ut cerebrum, sed præter meningas duas, tertiam, quæ cerebrum caret, tunicam nervosam, validam, crassam, asperam,

ram, humore circumfusam viscoſo. Hæc non modo duas illas meningas, ſed etiam ſpondylos & totam rachitidem veſtit, & contra motus violentos & injurias alias omnes, tum internas, tum externas, tutò communit. Nascitur autem ab offe occipitis, quo loco ſpondylis committitur, & ad imam uſque ſpinam, ſicut & ipſæ meninges, excurrit.

*Megalosplanchnos* vocat Hippoc. non eos duntaxat, quibus magna ex naturâ ipſâ ſunt viſcera; ſed quibus ea, ex affectu aliquo, intumuerunt, ſive ſcirrhum, ſive phlegmonem, ſive œdema, naſta ſint, 3. acut 9. *Μεγάσπλινχον* dicitur etiam *ὁ διν*, hoc eſt, vinum apud Hippocrat. quod Galen. interpretatur viſcera in molem attollens, ſeu magna viſcera faciens. Id quod ipſe inprimis tribuit vino dulci.

*Melancholia morbus*, eſt delirii ſpecies, ab humore melancholico, (à quo etiam nomen ſortitus eſt) in ipſo Cerebri corpore p. n. contento proveniens, qui ipſe humor ſi aſſetur maniam facit, & furorem. 3. loc. aff. 7.

*Melancholia flatuſa* ſive hypochondriaca affectio, morbus eſt, ex tertiâ melancholiæ ſpecie, indicante nomine humorem, qui ipſius cauſa eſt. Cùm circa ventriculum prima incæperint accidentia, ipſiſque auctis melancholica ſequetur affectio, deinde alvi dejectione, vomitu, probâ coctione, ruſtibusque levatur is, qui laborat, Hypochondriacum, flatuoſumque morbum ipſum nominabimus, 3. loc. aff. 7. *Μελαγχολία* eſt deſipientia ſine febre, timorem & mæſtitiam ſine cauſâ inducens. Species eſt *τῆς ἀφροσύνης*. Habet enim depravatam facultatis imaginatricis & ratiocinatricis motionem, multa vana animo volvens quæ metuat, magnumque inde mærorem concipiens. Sunt enim timor & mæſtitia duo perpetua communiaque omnium, melancholiâ laborantium ſymptomata, ut ait Hippoc. Aph. 23. libr. 6. Humor autem melancholicus



licus gignitur & abundat vel in cerebro solo, vel in  
 folis hypochondriis, sed maximè sinistro, unde humor  
 atque vapor cerebrum petunt, vel in universo corpo-  
 re. Hypochondriaca autem omnium mitissima esse so-  
 let, secundùm eam quæ torius corporis vitio prove-  
 nit. Pessima verò & ferè incurabilis, quæ ex privato  
 cerebri affectu oritur. Cum verò duæ sint potissimum  
 humoris melancholici differentiae, unus frigidus &  
 fucus, vinorum facci respondens, alter calidior, acrior,  
 & ustione redditus ferocior, qui μέλανα χολή propriè  
 appellatur, ille morbum de quo agimus, parit, ideo-  
 que febrem non habet: qui verò ab illo fit, non sim-  
 pliciter μελαγχολία, sed μελαγχολικὴ ἔκτασις, hoc est,  
 σφοδρὰ καὶ θηριώδης nuncupatur, febremque habet ad-  
 junctam, tanquam phrenitidis & inflammationis cu-  
 jusdam particeps.

*Melancholicam ecstasim* vocat Hippocrat. motionem  
 mentis, aberrationemque vehementem & ferigam,  
 quæ, irrigante Cerebrum assatâ flavâ bile, oritur, quæ  
 in nigram permutari solet, 1. prorrh. 14.

*Melancholicus humor* duplex, alter est qui propriè  
 melancholicus succus, sive melancholicus sanguis à  
 Galeno dicitur, estque veluti fæx sanguinis, satis cras-  
 sus, fæcibus vini non absimilis, qui in terram effusus  
 non inducit fermentationem, nisi fortè in ardenti fe-  
 bre affetur, neque ullius acidæ qualitatis est particeps;  
 qui in meatibus Cerebri contentus, Comitalem mor-  
 bum, in corpore Cerebri melancholiam morbum ge-  
 nerat, vide *Nigra bilis*. Alter est tenuior, gustu acidus,  
 qui terram radit, attollit, fermentat, ampullasque ex-  
 citat, qui *atra bilis* appellari potest, quâ præassatâ na-  
 scuntur ferina deliramenta, modò cum febre, modò si-  
 ne febre, 3. loc. aff. cap. 7. & 2. de diff. febr. 9.

*Meliceris*, Μελικερὶς, humorem melli similem, mem-  
 branâ conclusum habens, species est apostematis, ut &  
 ἀθήρωμα, & πύωμα, quorum hoc ab adipe, illud à  
 pulti-

multiculâ intra membranam conclusâ, nomen habet.  
Meliceride dissectâ, inibi contentus humor non aliter,  
quam mel è favis diffluit. Sed dicitur eodem etiam  
nomine aliud ulceris genus, quod propriè κηρίον ap-  
pellatum est, ut testatur Aëtius, lib. 6. cap. 68. vide  
*Atheromata.*

*Melicratum*, sive *Aqua mûlsa*, aut *Hydromel*, est mel-  
lis & aquæ compositio, vel ex æquâ utriusque portio-  
ne (ut viam urinæ paret, & ad distributionem agat)  
vel alterâ alteram superante facta, 3. acut. 13. Licet  
quidam velint μελίκρατον, ἀπὸ τῆς ὑδρομέλιτος vetustate  
differre, quòd melicratum sit aqua mûlsa subita & re-  
cens, hoc est, ex tempore comparata; hydromel au-  
tem inveterata, & recondita. Quoniam aqua melle  
mista non admodum utilis est iis, qui amaram bilem  
coacervant, & faciliè in iis vertitur in bilem, nisi prius  
per intestina aut vesicam transeat, ejusmodi naturis  
dilutior dari debet, ut nec sitim adferat, nec bilem  
gignat. Similiter iis, quibus viscera scirrho aut phleg-  
mone, aut oedemate tentantur, aut aliquo morbo acu-  
to laborant. Nam cùm mel in iis, tum propter mo-  
ram, quam in obstructis visceribus trahit, tum pro-  
pter eorum ardorem protinus in bilem vertatur, eam-  
que ob causam noceat, aqua autem tardè penetret, &  
nimis diu moretur in hypochondriis, ex utrisque mi-  
stum melicratum idoneum redditur ita temperatum  
melle & aqua, ut & faciliè distribuatur in corpus,  
& bilem non gignat nec sitim. Meracius verò ex-  
hibere convenit, si alvi dejectionem molimur. Para-  
tur autem utrumque duobus modis: unum crudum  
est, alterum decoquitur. Crudo utimur cùm alvum  
dejacere, aut vomitionem incitare volumus. Probè  
autem coctum valentiùs alit. Coquitur autem ad hunc  
modum: Primum multum aquæ melli indimus (Paul-  
lus, libr. 1. in octo partes aquæ, unam mellis miscet)  
deinde tantisper coquimus, quoad spumare desinat.

Spumam autem, cùm primum emergit, tollere ab eo oportet. Convenit microsphyctis, tussientibus, peripneumoniacis, & iis qui immodico sudore digeruntur.

*Melon*, est tertius modus egressionis uveæ oculi, cùm tantum egreditur, ut palpebræ minùs prævaleant, & pili palpebrarum pungentes, clausis oculis dolorem inferant, libr. de ocul. part. 4. cap. 11. Sic dicta ea est procidentia, quod ita protuberet oculus, ut malum exertum appareat. *Μήλον* enim etiam id est, quod Galli pomum vocant, cujus flores, folia & germina adstringunt; dicitur etiam *μήλον* mala, gena, pars faciei inter nasum & aurem sub oculo leviter eminens. Ea pilis nuda est, non modò propter os subiectum, sed etiam ad ornatum & decorem vultus, quodque natura voluerit eam esse sedem pudoris, ibique maxime ostendi ruborem. Sic dicta est à mali similitudine, sive rubeum mali colorem spectemus, sive rotunditatem, quam illi natura donavit, ut sic oculum ab externis injuriis infra tutaretur. Pollux etiam author est *μήλα* vocari consillas duas penitiores, in intimo ore positas ad radicem linguæ.

*Membrana*, quam Græci nunc *ὀμδρά*, nunc *χρτῶνα*, nunc *μυωβία* vocant, est pars simplex, alba, nervosa, lata, plana, valida, tenuis facileque dilatabilis. Cum partem aliquam vestit *χρτῶν*: cum cerebrum foris integit, *μηνίγξ*, alias *ὀμην* dicitur, vide *Tunicarum*.

*Membrana Adelos*, *ἀδελος*, quasi minùs apparens, est quarta oculi tunica, à nonnullis investa, quam Amphiblestroeides tunica, quasi in summo excipit, membrana minima simul, & tenuissima, quam Hippoc. non cognovit, libr. Intro. cap. 11.

*Membrana dura*, inviolata, crassa, cuticulari (idem enim significant) est quæ primùm calvariae ossibus exemptis, aut saltem apertis, Cerebrum in orbem contegens apparet, (quæ vulgò *dura mater* appellatur.)

tur.) cui altera tenui, molliſque ſubneſtitur, quæ pia mater nominatur, 9. de anat. adm. cap. 1. Utramque meningem vocant, ſolis Cerebri membranis nuncupatione hac reſervatâ; cùm veteres non has ſolùm membranas, ſed omnes etiam, Meningas vocarent. ibid. cap. 2. quas etiam *Vaginas* vocant, 3. de artic. 33.

*Membrana Pericardios*, quæ & *Tunica*, & *Domicilium*, *Theca* item & *Vagina*, & *ſecurum vallum Cordi circumjeſtum* dicitur, eſt membrana, in cujus medio Cor eſt ſuſpenſum, quæ ex capite ſeu baſi ipſius ampla valde exorta, poſt autem paulatim coarctat ſeſe, eo planè modo, quo Cor ipſum, in quandam Coni acutiem deſinit, oſſi pectoris annexa, 16. de uſu part. cap. 16. quæ *Capsula Cordis*, & *Cordis involucrum* vulgò appellatur.

*Membrana Perioſtios*, eſt involucrum tenue, & fibroſum, velut indumentum oſſium, à naturâ condita, libr. finit. per quam oſſa ſentiunt (ſi modò quid ſentiunt,) generaleque quidem nomen eſt, habetque pro varietate partium, ſpecialia quædam nomina; in Cranio enim *Περικρανιον*, in coſtis, *ὀπικωνιδς* dicitur. vide *Perioſtios*.

*Membrana pingui*, id eſt, *Mefaræon*, & *Mefenterium*, 19. meth. 8.

*Membrana ſecundi-formis*, vide *Choroicides*.

*Membrana Sigmoeides* ſunt tres illæ membranæ in venâ arterioſâ, à quâ Pulmo alitur, intus ortæ forâs ſpectantes, quas à figurâ literæ Sigma, *Sigmoeides* appellârunt, 6. de uſu part. cap. 14. Dicitur etiam *συμμοειδης διόφους* proceſſus unus omoplatæ, quod inſtar antiquæ Græcorum literæ C cavus ſit. Idem *συμμοειδης* & *μομομοειδης* appellatur. Dicitur & hoc nomine ſinus ſeu cavitas ſemicircularis in cubito, inter duas cubiti apophyſes comprehenſa, in quam brachii extremum, trochleæ ſimile inferitur. Refert etiam figuram C, unde *συμμοειδης*, vel *συμμομοειδης* appellatur. Dicuntur & *χόνδροι συμμοειδης* cartilagines quibus



aspera arteria contextitur, quod semicirculares sint in-  
star C.

*Membranæ subcingentes*, vide *Hypocotes*, *Cingentes*,  
*Diaphragmatones*, & *Medianum*.

*Membranæ Triglochinae*, sunt membranæ arteriæ ve-  
nosæ, (quæ in pulmonem distribuitur) foris intrò per-  
tinentes, quas *Triglochinas* appellârunt, non à figurâ  
aliquâ, sed à mutuâ inter se ipsarum compositione,  
quæ cuspidum telorum eminentiis, atque angulis,  
quos *glochinas* vocant, penitus est similis, 6. de usu  
part. cap. 14.

*Membra spiritalia* sunt, Pulmo, Cor, Thorax, &  
duplex arteriarum genus, læve & asperum, 7. de anat.  
adm. cap. 1.

*Membrum simplex* est, cuius quamcunque partem  
sensibilem assumpseris, erit illa toti communicans in  
nomine, essentiâ & definitione, ut caro, & os, oppo-  
situm illi est *membrum compositum*, libr. de anat. viv.

*Mendosa costæ*, vide *Illegitimæ*.

*Mendosa futuræ*, vide *Lepidocides*.

*Meninx*, Græcè *μηνιγξ*, vide *Membrana dura*.

*Meningophylax*, id est, membranæ custos: Lamina  
ænea est, firma, paulum resima, ab exteriori parte læ-  
vis, quâ chirurgi in vulneribus capitis utuntur, quo-  
ties excidendum, & attollendum est os, metusque im-  
minet, ne in ipso opere Cerebri membrana, negligenti-  
us & ultrâ quàm res expostulat, premendo, lædatur,  
& contundatur, ex quo sopores, & graves inflamma-  
tiones cum mortis periculo oriuntur; propterea quòd  
membranam à curationis injuriis & graviori oblæsio-  
ne tueatur, *μηνιγγοφύλαξ* appellata est, 4. loc. aff. 2.  
Huic autem simile quoddam ferramentum habent  
chirurgi nostri, inquit Gorr. quod vèstem dicunt, cum  
eo attollant os, quod ferme totum excisum est & jam  
labat, non secus quam grandiores lapides vèstibus  
impelluntur, quanquam eodem ferramento cerebri  
mem-

membranam custodiant. Est enim lamina ferrea angustior ab eâ parte quâ os tangit aspera, ab alterâ lævis, non recta, sed media duobus locis recurvata.

*Menses*, id est, menstruæ mulierum purgationes, quæ per uterum singulis mensibus fiunt, libr. de atrâ bile, cap. 8. quæ & *muliebri fluxum*, & *uteri Rheuma* appellatur, 3. de caus. symp. cap. 4. Unde menses moventia medicamenta sunt, quæ in pessis, aut fomentis, aut quovis alio modo vulvæ admota, non habent vim familiarium succorum attractricem, sed hoc solo nomine bibuntur, ut sanguinem extenuent, & meatus uteri, obstructione liberent, 5. simpl. 20.

*Mentagra*, vide *Impetigo*.

*Menti eruptiones* sunt affectiones ulcerosæ & asperæ, in mento suâ sponte nascentes, quæ & *menti papule*, & *mentagræ* appellantur, 5. de com. med. loc. c. 6. & cap. 7.

*Mentum*, quod Græci *χένιον* dicunt, id omne est, quod labro inferiori, longâ & orbiculari figurâ subiacet, libr. Introd. cap. 10.

*Meri* Arabibus, *Gula* Latinis, Græcis propriè *οιστρον* dicitur, communiter *στόμαχος*, omni enim ventri, collum præpositum, instar Isthmi cujusdam, angustum, nominatur stomachus. *Meri* autem *communis* quædam via est, quæ ab ore cibos & potum fert ad ventriculum, inter hunc, & fauces media, 4. de usu parti. & 13. meth. cap. 4.

*Mesenterium* (quod & *Mesaraeon*, dicitur) utroque nomine ab accidentibus ipsi indito; Mesenterio quidem à situ, Mesaræo autem à peculiari substantiâ; nam corpus membranofum medium inter intestina situm est, & omnes venas ex jecore in ipsum descendentes (quæ ob id *Mesaraicæ* dicuntur) unâ cum vicinis arteriis & nervis in orbem complectitur, quemadmodum etiam intestina singula, 6. de anat. adm. cap. 6. Est autem illi gemina tunica, quarum utra-

que à peritonæo juxta lumbos exoritur & connascitur, nisi qua venas & arterias continent, aut qua adeps multus intercessit, aut qua ipsa intestina convestiunt. Nam ecphyfis à peritonæo, colon, quâ fundum ventriculi supervehitur, ab epiplooo posteriore vestitur. Illis autem in partibus intercedentia vasa, adeps & intestina, tunicas mesaræi connasci prohibent. Cæterum per eas venæ dispersæ sunt prope infinitæ, quibus tanquam manibus jecur succum ad se trahit, quem in sanguinem vertat, easque tunicæ illæ fulciunt, ne dum homo salit aut cadit vehementius feritur, contundantur aut disrumpantur. Nec verò mesenterium venas modo continet, sed & arterias à magnæ trunco, quæ secundum lumbos fertur: eas enim omnes simul amplectitur, convestit & tuetur. Nec tamen eo contenta natura, ad majorem eorum vasorum munitionem adipem multum mesenterio indidit, præterque adipem glandulosum corpus, quod *πύγκτισ* vocant, machinata est, eoque medias eorum vasorum scissuras communivit, ne propter infirmitatem motionibus violentis læderentur.

*Mesenterii appendiculum* nominant, illud unum principium, in quo mesenterii venæ, ac arteriæ, (quæ veluti radices in arboribus, in concavam anfractuum partem, inferuntur) invicem coeunt, & (in quo totum mesenterium cum intestinis continetur) ligamentis naturâ præditum, sursum tendens; adjacentes sibi habens venas, ad jecoris portas; arterias autem, ad eam spinæ partem, quæ in septum transversum, & renes versum tendit, 6. de anat. adm. cap. 6.

*Mesaraicæ venæ*, vide *Mesenterium*.

*Mesopleuria*, id est, Intercoastalia loca, libr. de musc. diff. cap. 23. vide *Intercoastales muscoli*.

*Metacarpium*, vide *Brachiale*.

*Metalepticus*, id est, transumptivus, vel translativus motus, quem natura muscalis quibusdam conciliavit,

7. de usu part. cap. 14. vide *Transumptivum*, & *Euthyporos*.

*Metaptoſis*, tranſitus eſt, ſive tranſmutatio alicujus morbi, vel febris in aliam ſpeciem, ut ſi ex acuto fiat non acutus, tunc morbus acutus ἐκ τ' μεταπλώσεως fieri dicitur.

*Metaphrenum*, id eſt, Dorſum, media eſt ſcapularum pars, cui ſtomachus intùs ſubjacet. lib. Introd. cap. 10. cui Thorax configitur, tanquam ad carinam navis, libr. tegni, cap. 29. Veriſimile eſt ex ipſo etymo, eam dorſi partem ſignificare, quæ ad ſeptum tranſverſum ſita eſt, quaſi τὸ πρὸς τὴν φρένα. Sic enim Veteres ſeptum tranſverſum appellarunt. Ruſus vocat partem inter dorſum & lumbos mediam, quæ renes adjacent. Nec tamen inter partes ſpinæ numeratur, quam Veteres totam diviſerunt in cervicem, dorſum, lumbos, & os ſacrum. vide *Spina*, & *Dorſum*.

*Metaporopœſis*, eſt exiguorum meatuum ſtatueſque morbidæ mutatio, ad naturalem ſtatum; nomen eſt, idem planè poteſtate ſignificans, quod μετεσώφρισις, à quo μετεποροποιήσις, nihil differt, 14. meth. cap. 4. Unde *Metasyncriticum medicamentum*, quod à dolore tollendo, etiam Anodynon ſæpè nominatur; confirmatorium eſt, & perſanat, lib. de Dynamid. in proœmio, & 7. de comp. med. per gen. c. 11. ex alto quin & humores evocat ac tranſfert, 1. de comp. loc. cap. 8.

*Metasyncrifis*, vide *Metaporopœſis*.

*Metaſtaſis morbi* propriè appellatur, cùm ex parte unâ, in alteram, malum (morbus videlicet, cauſaque morbidæ) migrat: per abuſionem autem ipſius etiam morbi ſolutio, ita nominatur. 5. aph. 7.

*Metopon*, μέτωπον, pars faciei ſupra oculos ſita, & ad tempora uſque protenſa, ex ſubſtantiâ muſculosâ, & oſſe ſubjecto conſtans. Aliis, frons tantùm dicitur, quantum inter ſupercilia, & capillos patet, pilis nudum. Alii totum id ſpatium, quod ab oculis, ad coronalem



nalem usque futuram extenditur, *frontem*, & *frontis os* appellant.

*Metrenchitæ*, i. e. uteri clysteres, instrumenta sunt, per quæ in uterum medicamenta idonea immittimus; perindè ut *Otrenchitæ*, id est, auricularii clysteres, per quos in aures, & *Recti Syphones*, (quos *Catheteras* vocant) instrumenta sunt, quibus in vesicâ aliquid infunditur, 5. me. 11.

*Methodica medicina* est, quæ communitatibus, & similibus speculationi unicè intenta, omnes particulares affectus, ad generales duos reducit, adstrictum, & fluentem, quos *communitates* vocant, lib. Introd. cap. 3. *Μεθοδική*, Medici methodicæ sectæ addicti, quam illi definebant esse cognitionem apparentium communitatum ad sanitatis finem spectantium. Statuebant autem ad curationis indicationem nihil conferre cognitionem loci affecti, causæ, ætatis, regionis, anni temporis, considerationem virium ægrotantis, aut naturæ aut habitudinis ipsius, neque consuetudinem, sed à solo morbo, convenientis remedii indicationem sumendam censebant, neque ab eo secundum speciem, sed ab ejus communi & universali notione, quam quidem appellabant *κοινότης*, hoc est, Communitatem, ut quæ in singulis particularibus spectaretur. Constituebant autem in universum tres *κοινότητες*: adstrictam, fluentem, & mixtam ex utrâque. Atque in adstrictâ quidem relaxandi, in fluente verò comprimendi indicationem sumebant, in mixtis verò quod magis urgeret. Præter hæc tria nihil Medico considerandum judicabant, quod ad remedii inventionem pertinere videretur. Ecquid enim, ajunt, juvat, refrigerationes, æstus, ebrietates, cruditates, plenitudines, defectus, lassitudines, otia, ciborum qualitates, consuetudinum mutationes tam anxie rimari? Eâne, contemptis his, qui in corpore sunt affectibus, sananda suscipimus, quorum nullum prorsus superest? Nam illa quidem abeunt, quod autem ab illis excitatum est, in corpore manet. Id ipsum curare oportet.

ter. Hoc enim morbus est. Considerandum est igitur qualifnam ille sit. Si namque adstrictus est, laxari: si fluidus est, reprimere oportet quâcunque tandem ex causâ uterque originem duxerit. Quid ergo jam causa valet, cùm nec quod fluidum est laxari, nec quod adstrictum est adstringi unquam debeat? Atque ut reliquæ similiter expendamus, proponatur phlegmone, in quâ cùm adstrictionis vitium sit, non si æstate acciderit, relaxantia remedia postulat: hyeme autem alia, sed utroque anni tempore iisdem percuratur: nec puerili ætate relaxantibus, senili verò reprimentibus: nec in Ægypto quidem laxatoriis, Athenis autem comprimentibus. Similiter si phlegmonæ contraria fluida affectio statuatur, ea nunquam relaxantibus, sed perpetuò adstrictoriis remediis medicanda est, hyeme, vere, æstate, autumno, pueris, ætate florentibus, senibus, sive Thraciam, sive Scythiam, sive Æthiopiam incolant. Itaque si nihil horum ad curationē conducit, frustra in his omnibus fluidum ponitur. Quid verò corporis partes? nonne & hæ supervacaneæ sunt ad indicationem curationis? vel audeat aliquis dicere phlegmonem in parte quidem nervosâ relaxandâ, sed in arteriosâ, aut venosâ, aut adiposâ, aut carnosâ adstringendam esse? vel si aliqua sit in corporis quâdam parte adstricta affectio, audeat dicere eam non esse comprimendam, vel quod fluidum dissolutumque est, constringendum non esse; quamobrem si partis natura non immutat curationis modum, sed auxiliorum inventio ex ipso affectionis genere dependet, in vanum partis ipsius ratio habetur. Ab eâ methodo nimium compendiaria *μεθοδικὸς* dicti fuere. Quorum Princeps proditur Themison Laodic. Syrus qui ab Asclep. *Rationali* institutus, ad Methodicæ sectæ inventionē se contulit. Hinc est, quod illum Gal. multis in locis *communisatum repertorem* nominat. Eam postea Theſſalus Trall. abſolvit, contra quem Gal. tam acriter sæpe debacchatur.

*Milphosis*, *Μιλφωσις* ἢ *μείλφωσις*, idem est, ac *Madarosis*,

pilorum deflūvium est ex palpebris, ab acri fluxione  
vide *Μαδύγωσις*.

*Μνᾶ*, sive *Mina Attica*, & *Ægyptia*, habet uncias sexdecim, hoc est, drachmas 128, *Romana* uncias viginti, libr. de pond. & mens. cap. 3. Dicitur etiam *Mina*, Cordis capsula, & glandula, libr. de anat. viv. Plinius autem lib. 21. cap. ult. *Mna*, inquit, quam, nostri *Minam* vocant, pendet drachmas Atticas centum. Quin etiam Fannius: *Mnam* vocitant, nostrique *Minam* dixere priores, centum hæ sunt drachmæ.

*Mochlia*, traductio est ossium ad naturalem locum, ab eo, qui præter naturam, lib. fin.

*Modus morbi*, vide *Morbi mos*.

*Mola*, *Μόλη*, est os latum & rotundum, toti genu suprapositum, ob figuræ similitudinem sic dictum. Siquidem ut mola pistrinensis & rotundum est, & ab anteriore parte lateribusque asperum, à quibusdam *patella*, *rotula*, & *ἐπιγονῆς* dicitur; Est adhæc *Mola*, caro informis, & inutilis, in muliebri utero concepta; quem conceptum inutilem in utero concretum, si subdurus fit, *μύλον*, sive *μύλλω* Græci appellant, id est, Scirrhum. Ea interdum rudimentum cujusdam formæ obtinet, sed inchoatum duntaxat. Cute vel membranis obducitur, intus venis abundat compluribus, sine ossibus, sine intestinis, sine visceribus. Fit à semine imperfecto atque infæcundo, ut cui calor desit, quantum adesse expedit ad sætus conformationem, non tamen planè frigido humidoque. Siquidem ex eo nihil omnino effici potest. Quo fit ut mulier sola citra viri congressum Molam non gignat, quoniam ejus semen frigidius atque humidius sit, sed semen viri præterea accedere oportet, naturali tamen frigidius, atque ob id infæcundum, nec eo usque progredi valens, ut hominis formam effigiet: id enim vegeti caloris nativi spiritusque opus est. Sed non sic gallinæ: solæ namque sine coitu ova *ὄπτημινα*, id est, subventanea concipiunt, quæ

planè muliebri molæ respondent. In causâ est siccior volucrum temperatura humoris frigidi redundantiam in semine absumens. Attamen Mola quamvis prorsus inutilis concepti fœtus speciem per initia exhibet, menses sistit, nausæas & vomitiones excitat, uterum attollit. Postea verò naturam proritat ad sui excretionem. Id quod sæpè quadragesimo die, interdum autem tertio mense contingit, vel multo etiam serius, adeo ut pleræque novem decemve menses, aliæ toto etiam vitæ spatio eam in utero gestaverint. Alimentum namque per venas uteri non aliter quam fœtus attrahit, eoque nutritur & augetur, vitâ perinde atque planta prædita. Ab excretionem verò puerperia citantur, quæ *λόχια* vocant, lac in mammis colligitur, cæteraque contingunt ut in legitimo partu.

*Molares dentes*, vide *Dentes*, & *Tomi*.

*Mollicinum emplastrum*, vide *Malthacode*.

*Mollis pulsus* est, in quo arteria quasi carnosior diutius contrectata apparet: *durus*, ubi siccior, rigidiorque in modum Corii, de puls. ad Tyron. cap. 3. *mollitudo* autem & *durities* sunt tunicæ arteriarum qualitates. *ibid.*

*Mollities oculorum* (quæ & *Paralyfis oculorum* dicitur) morbus est, cùm illorum voluntarius motus omnino aufertur: quemadmodum cùm minuitur, *tremor*, & *tirillatio* dicitur. Cùm verò depravatur, ipsiusque lacerti contorquentur, & non ut decet, moventur, *Spasmus* nuncupatur, lib. de ocul. part. 4. cap. 7. vide *Paralyfis*.

*Monoculum*, vide *Cæcum intestinum*.

*Monohemera collyria* sunt, quæ, unius diei operâ, lipitudines apta sunt curare, 4. de comp. med. loc. c. 2. *Μονόημερα* dicta, quod intra diem unum curationem absolvant, sunt collyria, quæ cum ovi candido, aut muliebri lacte, aliquando verò etiam aquâ simplici illita oculis inflammatione laborantibus eam statim mitigant.



gant. Constant magnâ ex parte iis, quæ mediocriter adstringunt, concoquunt & discutiunt. Cujusmodi sunt acacia (quam quidem quæ habent collyria *αυγιάδι*, hoc est, sæculenta appellantur) æris squama, æs ustum, crocus, myrrha, lycium Indicum, castorium, thus. Verùm in quibus astringentia prædominantur plurimo ovi candido diluenda sunt, præsertim si quid ex metallicis complectantur. In quibus autem crocus, myrrha, castorium, thus, lycium prævalent, in his parcius ovi candidum commiscendum. Cæterum vitari oportet usum *ἢ μνησμέραν χολαρίων* in plenitudine totius corporis. Nam quia facultate frigida sunt, obstruunt, densantque meatus, ac si copia humoris in oculis fuerit, in causâ sunt plerumque ut tunica *κρεματιδης* rum-  
patur.

*Moram*, id est, *Trivon*, sive *attritionem*, Hippocrates appellat, callo obduratam sedem, quæ ex diurnâ capitis brachii immoratione efficitur, in eâ carnis circumjectæ parte, in quam id primâ prolapsione incubuerat, 1. de artic. 21.

*Morbidus rigor*, corporis concussio est, sanis eveniens, à nullâ exteriori causâ violentâ, sed ex ipsâ dispositione corporis intrinsecâ; at cùm aquâ frigidâ corpori affusâ rigor excitatur, non est morbidus rigor, uti cùm ex ipsâ corporis dispositione suscitatur, lib. de trem. conv. c. 6.

*Morbosum* (*νοσώδες*) dicitur, ut corpus, ut causa, ut signum; nam corpora, quæ morbos continent; *causæ*, quæ hos efficiunt; & *signa*, quæ ipsos indicant, *νοσώδη* Græcis, nobis *morbosa* dicuntur. Gal. initio artis parvæ.

*Morbus*, *νόσος*, est dispositio præter naturam lædens operationes, 2. cris. cap. 2. primò per se & non per accidens, libr. de symp. diff. cap. 1. *Præter naturam*, & *contra naturam*, idem sunt; utrumque enim uno verbo *νόσος* Græci dicunt; nam & sædus Ictericorum color, & lentigo, & alius quivis etiam levissimus affectus,

fectus, contra naturam est, nec tamen morbus dicitur, si propter sui exiguitatem, & obscuritatem, summam actionem non lædat.

*Morbus Herculeus*, vide *Comitialis*.

*Morbus magnus*, vide *Comitialis*.

*Morbus puerilis*, sive *Comitialis affectus*, à cerebri intemperie provenit iis, quibus humidum naturâ est Cerebrum, teste Hippoc. lib. de aëre, aquâ, & locis, ubi dicit, pueris accidere convulsiones & suspiria, quæ putant puerulum efficere, & sacrum morbum esse: ubi per *puerulum*, intelligit affectum comitiale, com. 1. in 5. de morb. vulg. 5. vide *Comitialis*.

*Morbus Regius*, qui *Arquatus*, *Aurigo*, & *Icterus* dicitur, est bilis flavæ refusio in cutem, & corporis superficiem, quæ proinde etiam hic tingitur, luteaque fit: albæ quoque ventris dejectiones fiunt eo morbo affectis. lib. finit. vide *Icterus*.

*Morbus sacer*, vide *Comitialis*.

*Moria*, & *Morosis*, est imminuta fundio ratiocinatoricis facultatis, quæ etiam *fatuitas* dicitur, Græcè *μωρία*, *μωρωσις*, de sympt. diff. cap. 3. vide *Fatuitas*.

*Mortifera facies* est, de quâ in Prognostico dixit, Natus acutus, oculi concavi, collapsa tempora, 3. acut. 54. vide *Facies Hippocratica*.

*Morbi mos*, quem etiam *modum* vocant, ut si morbus benignus, vel malignus sit, tum ex propriâ suâ specie, tum ex supervenientibus ei symptomatibus spectatur, 1. de cris. cap. 3.

*Morôs*, *Morôs*, linamentum, seu linteum carptum, quod vulneribus, ulceribus, apertionibus corporis seu siccum, seu medicamentis, (quæ ob id *μυροε* vocantur) oblitum, inditur; vel ad sistendum sanguinem, vel ad detergendum, siccandum, exedendum; Præterea *Morôs*, linamenta vocant, & medicamenta, quibus foris impositis, vel eschara ulceribus inducitur, vel meatus obstruuntur, vel carnosæ partes, quæ  
circa

circa ulcus sunt, exeduntur, & consumuntur, s. method. 3. Sunt τρεῖς quinque differentiae: tortile, rasile, conceptum, ellychnio pudendoque simile. Indita sunt his differentiis nomina partim à formis ac figuris quibus effinguntur, partim à materiâ ex quâ constant. στρεπλόν, hoc est, tortile, à formâ nomen habet: ξυστὴν καὶ τιλτὸν, hoc est, rasile, conceptumque, ab ipsâ linteolorum materiâ: hoc quidem conceptum, illud verò derafa: quare etiam aliquando simpliciter ξύσμα καὶ τίλμα ὀρνίων, hoc est, rasura aut vulsura linteolorum, appellantur. ἐλαγχυνιστὸν verò dictum est, non quod ad lychni seu funiculi lucernarum similitudinem contorqueretur, sed quod ex ellychnio fieret. Id quod ex Galieno apparet lib. 13. meth. ubi ait: extrinsecus autem convenit linamentum vel siccum, vel ex vino, præsertim autem quod ex molli ellychnio est, cuiusmodi sunt tarsica. Subdit autem ejusmodi linamenta etiam vim quandam habere ad superexcrecentem ulcerum carnem consumendam. Πελαποικιστὸν autem vocatum fuit à pudendi humani similitudine. Verùm præter hæc quinque alia etiam apud Veteres leguntur, ut apud Celsum λεμνίσκος, quod ille in longitudinem implicitum linamentum interpretatur, & aliquando linamentum involutum & oblongum: & apud Aëtium σφαγνίσκος, quod linamentum significat ad cunei parvi similitudinem intortum, vel quod cunei modo ea quæ conjunguntur & adhærescunt, separet. vide *Emmoia*.

*Motus naturalis*, vel secundum naturam, est, qui voluntatis imperium sequitur, sicuti qui involuntariè in corpore fiunt, præter naturam sunt. Ad Thrasib. c. 26. Motus enim sensibiles, in animantium corporibus, cum sana sunt, duplices genere apparent; alii quidem ex arbitrio sanè, ac voluntate, & impetu fientes, qui nervorum, musculorumque ministerio fiunt; atque has Medici *voluntarias actiones* appellare solent; Alii verò motus in animantium corporibus existunt, qui arteriarum,

& cor-

& cordis officio obeuntur, quos *vitales* nuncupant. Ac aliud quoddam tertium *motuum* genus in venis habetur, quod & *naturale* dicitur, & sensibus non percipitur. lib. de trem. palp. cap. 2. unde Motus naturalis, & genus & species motûs est.

Mox *apparentia symptomata*, vide *Affidentia*, vel *Assistentia*.

*Mucor*, vide *Coxendix*.

*Mucosum humorem*, eum consuevit appellare Hippocrates, qui lentore quodam, & albedine præditus, ad exangues partes, hoc est, ossa, & cartilagine cogi consuevit, cùm imbecilla ita natura est, ut bene conficere alimentum in ipsis nequeat, sed quasi semicoctum quid relinquat: Non secus atque in oculis membranæ relinquunt, & promunt de sese mucorem quendam, cùm lippitudine laborant. Evadit autem natura imbecillior, aut ex propriâ intemperaturâ, aut ex multitudine humoris, qui ad partes confluit, ut in præternaturalibus tumoribus, 3. de artic. 65.

*Mucro*, est inferna cordis pars, quæ tantum protenditur, quantum cordis magnitudo occupat spatii, 2. de placit. 4. vide *Basis Cordis*.

*Mucronata cartilago*, vide *Cartilago ensiformis*.

*Mucus*, sive *Mucor*, est excrementum pituitosum, quod à capite distillat, in gravedine, coryzâ, & aliis catarrhis, 2. natur. fac. 9. *Mucus*, sive *Blena*, est crassior pituita, 2. de sem. cap. 6. Erasistr. *mucum* vocat *phlegma frigidum & humidum albi coloris*, 2. de natur. fac. 9. Hippoc. 4. de artic. 42. vide *Coryza*, *Blena*, & *Phlegma*.

*Muliebris fluxus* est humorum vitiosorum ex toto corpore vacuatio, & delatio per uterum, ad multum tempus perdurans, quam ejus facit excretio, lib. finit. Unde *muliebria* sæpè notant menstruarum purgationum vacuationem, quæ per circuitum repetitur, 3. prorrh. 50. 5. aph. 28. vide *Menses*.

*Mulsa*,



*Mulsa*, vide *Melicratum*.

*Multitudinis* (quæ & *Plenitudo* dicitur) notæ sunt, vasorum distentio, gravitas universi corporis, pigritia ad motiones, & distentiones membrorum, ulcerosa, & lassitudinaria sensio, traducta in otio prior vita, non sine ciborum, ac potuum largiore ingestione, & solitarum excretionum suppressione, lib. de mult. cap. 1. & lib. de cur. rat. per san. cap. 4. Est autem *multitudo*, omnium humorum æquabilis redundantia, vel solius sanguinis, non qui sincerus sit, & aliis humoribus intermixtus, sed cum iis naturæ modo confusus; qui cum in hominum corporibus exuperat, ejus excessus *πληθύνει* vocatur; Ea autem duplex est, una *αἷς ἀγχαία*, vel, ut alii vocant, *κατὰ τὸ ἔγχυμα*, hoc est, *quoad vasa*, quoniam plenitudo dicitur, cum venæ tunicæ in tumorem impletæ supra naturalem cuique modum se attollunt, iisdemque tensio accidit, de mult. cap. 10. Altera, *αἷς τὴν δύναμιν*, id est, *quoad vires*, cum ægri, qui consueverunt etiamnum munia obeunt, sentire sese graves, pigros, segnes, atque ægrè mobiles, referunt, lib. de cur. rat. per san. cap. 4. Illa propriè *Plethora* dicitur, qualis athletarum est.

*Musculus lacerius*, *Μῦς*, nervosum corpus est, permixtâ huic carne, ad partium corporis motum voluntarium procreatus, libr. finit. Estque proprium instrumentum motûs voluntarii in animalibus, 16. de usu part. cap. 2. cujus substantia duobus constat, carne, & fibris, positum simplicibus, & secundum longitudinem ut plurimum exporrectis. Cujus tres sunt partes; *caput*, quod & *principium* appellant, in quod nervus, & ligamentum inferi solent; *venter*, carnosus magis, & musculum præcipuè circumscribens; & *finis*, ex quo *Tendo* & *Aponeurosis* oritur, atque in partes movendas inferitur, 1. de motu musc. & 12. de usu part. Quæ ad musculos vasa perveniunt, velut rivi quidam sunt, qui non

non eorum substantiam complent, sed iis alimentum subministrant, ut nutriantur & vivant. Musculo propè omni adversus alter musculus, contrariæ actionis author attributus est, ut flexori tensor, adductori abductor, levatori depressor, clausori apertor. Pauci enim omnino sunt qui antagonista careant, ut Sphincteres, & Diaphragma. Nec tamen numero, aut magnitudine, aut robore pares semper sunt Musculi actionum contrariarum effectores, pro partis movendæ pondere, aut actionis vehementia. Sunt autem Musculorum differentię plures: aliquæ ab ipsorum substantiâ carnosâ, nervosâ, magis membranosa: aliæ à magnitudine, magnus, longus, latus: aliæ à numero partium, biceps, triceps, sive gemelli, & trigemini: aliæ à figurâ, deltoeides, rhomboeides, scalenus: aliæ à partibus corporis, crotaphitæ, rhachitæ: aliæ à situ, anteriores, posteriores, interni, externi, recti, transversi, obliqui: aliæ verò ab actione, ut sphincter & masseter. Cæterum dictus est Musculus, vel quod excoriatum murem formâ imitetur, vel quod pisce (quod mihi videtur probabilius) quem Musculum appellant similis sit. Dicitur alio nomine Lacertus, à quo lacertofus musculosum significat.

*Musculi carnosi*, sunt musculi recti, quibus nulla caro subest; unde ambientibus musculis candidiores sunt, 5. de anat. adm. cap. 7.

*Musculi cremasteres*, id est, suspensores, sunt duo graciles musculi, in utrumque testem pervenientes, quorum alter à pubis, alter ab ilium osse, per membranosum ligamentum tenue exoritur: atque illinc per meatum, qui ad testem devenit, perferuntur, qui testem sursum attollunt, libr. de musc. diff. cap. 27.

*Musculi masticatorii*, vide *Mandibularii*.

*Musculi rhachytæ*, id est, spinales, lib. de musc. diff. cap. 24.

*Musculi temporales*, vide *Crotaphitæ*, & *Mandibularii*.

*Musculus cuticulosus*, vel *carnosa cutis*, quæ extremis cutis sedis partibus, admiscetur, lib. de musc. diff. c. 30.

*Musculus latus*, *Μυῶδες πλάτυσμα*, vide *Latus musculus*.

*Musculus maximus*, qui *Psoa* dicitur, est qui ab imis regionibus exortum habens, ad humeri dearticulationem ascendit, lib. de musc. diff. cap. 1. vide *Psoa*.

*Mydefis*, commune nomen est partium, quæ ex putrefactione corrumpuntur, ἀπὸ τῆς μυδῆς, quod Grammatici & σήπειος, & δυνεαίνεος interpretantur. Adeo ut τῆς μυδῆσεως nomen iis competat, quæ putrefacta liquefcunt, & stillant. Ac quanquam omnibus, sicut ἐν τῇ ἐσσεργῇ habetur, partibus communis sit, ἡ μυδῆσις, in oculis tamen ante omnia usurpatur, eorumque præsertim palpebris, quæ adipe tumentes humorem assiduè remittunt, lib. Introd. cap. 15.

*Mydriasis* dicitur, cum pupilla quidem, nihil colore variat; dilatatur autem magis, quam natura poscat, ut Iridis circulo fiat proxima, & visioni noceat; & proinde est pupillæ nimia dilatio, 3. met. 2. & lib. Intr. cap. 15. Eo malo visus, quandoque in totum adimitur, nonnunquam impeditur, ut omnia minora quam sint, esse videantur, diffuso scilicet eo spiritu per quem videtur. Causa hujus est humorum influxus, sive paulatim factus, sive repente coacervatus, à quibus tunica ἡ ῥαγεειδής distenditur, & pupilla effunditur, atque dilatatur, aciesque ejus hebescit. Non multum à pupillæ resolutione morbus hic distat, & non nisi difficilimè eliditur. Cum enim tunica ἡ ῥαγεειδής membranosa sit, ubi semel distenta fuerit, induratur, neque faciliè postea contrahi potest. Accidit præsertim pueris propter tunicarum mollitiem & imbecillitatem. Sed & qui naturâ nigros oculos habent, magnis sunt pupillis, ideoque in hanc affectionem promptè incidunt. Eadem verò etiam *πλάτυνσις*, hoc est, pupillæ dilatio appellatur. Cæterum *μυδρίασις* dicta est, vel ἀπὸ τῆς ἀμυδρίας ὁρᾶν, à visu obscuriore, quasi ἀμυδρίασις: vel ἀπὸ

ἀπὸ τοῦ μυδάων, πουτέσιν ὑπεραίνεσθαι, quod pupilla superfluo redundet humore.

*Myelos*, quasi *Medulla*, μυελός, familiare ossis nutrimentum est, 2. de usu part. 16. substantia simplex est, humida, pinguis, alba, sensus expers, in cavis ossium contenta, exanguis quidem, sed ex sanguine in ipsas cavitates per venas illabente ortum habens. Evadit autem candida & veluti spermatica, quod ab ossibus ejusmodi mutationem accipiat. Sic mammæ lac generant candidum, & adenes humorem dealbant, quem intra se continent, testesque similiter, quæ substantia in cerebro consistens dicitur μυελός ἐγκεφαλίτης, id est, medulla cerebialis, & spinalis, vel νωτιαῖός, vel ἀσχηλός, vel ψεύτης, ad alterius differentiam.

*Myle*, vide *Patella*.

*Mylphæ* appellantur, defluvia palpebrarum, 4. de comp. med. loc. 5. Sunt quoque pharmaca arida, quæ scabris palpebris conveniunt, & ad palpebrarum defluvia conducunt, & obtusè cernentibus, sive per ætatē, sive ob crassitudinem, aut frigiditatem humorum in oculis, aut denique propter flatus caliginosi redundantiam id accadat, ibid.

*Myocephalon*, i. e. muscæ caput, est exigua uveæ tunica porrectio, in nigro oculi, muscæ capitis similis, per ulcerationem facta, lib. finit. species est τῆς προπίπτουσας, i. e. procidentiae oculi. Cum ulcera quæ erosâ vel ruptâ corneâ tunicâ accidunt, profunda evaserint, portio uveæ excidit, quodque prolapsum est nigrum aut cæruleum apparet; in circuitu verò circa fundum ejus partis quæ procidit, labra erosæ ruptæve corneæ candida apparent, eoque magis si quod prolapsum est, induruerit, & corneæ tunicæ labra callum contraxerint. Cæterum prolabente uveâ, pupilla omnino divellitur, adeo ut vel nullo modo appareat, vel alio prorsus situ & figura. Et his quidem notis τὸ μυοκέφαλον ἀπὸ τῆς φλυκταίνης distinguitur.

*Myodes platysma*, vide *Latus musculus*.



*Myopiafis*, est dispositio ab ortu contracta, quâ propinqua & prope oculis admota limis semiclusisq; oculis cernimus, remota vel parùm, vel omnino nihil. l. fin. *Μυωπία*, affectio; *μύωψ*, qui afficitur; differt à *Nyctalope*, qui non naturâ, sed morbo talis evasit; vide *Luscius*.

*Myracopa medicamenta* sunt, quæ lassitudines tollunt, cum quâdam odoris suavitate, 6. de comp. med. per gen. cap. II. *μυράκηπα* Græcè. Id sicut acopo liquidius, ita unguento crassius est: recipit enim aut ceram aut resinam, aut aliquid ejusmodi, quorum nullum in unguenta admittitur.

*Myrmecia*, *Μυρμηκία* καὶ *ἀκροχόρδων*, utrumque malum, cutis exigua est excreſcentia calloſa, & magnâ ex parte rotunda. Sed *Myrmecia* latiore baſi & ſeſſilis eſt, ac in ſcalpendo & attritu mordentis formicæ ſenſum efficit, ideoque Latinis *Formica* appellatur. *Acrochordon* autem baſim anguſtiorẽ obtinet, ut chordæ nexu ſuſpenſa eſſe videatur, Latini *Verrucam* vocant ſimpliciter, aut cum adjectione *Penſilem*, 2. method. 2. quas *Clavos*, *Callos*, & *Τόλως* vocant, quas aceto acri, macerantes corticem ſalicis combuſtum, tollunt, 6. ſimplic. vide *Formica*.

*Myſis*, id eſt, meatuum conniventia, vide *Stegnoſis*.

*Myſtax*, *Μύστωξ*, pars eſt faciei, quæ ſupra labra eſt, & infra nares. Sed & barba ibi exoriens eodem nomine dicitur.

*Myurus pulſus*, ſive *Soricis cauda*, eſt qui ſoricis, murisve caudam imitatur, quæ in acutum terminatur, ut, cùm ſecundus iſtus primo eſt paulò minor, tertius ſecundo, quartus tertio, 1. de differ. pulſ. cap. II. A figuris, nomen, quæ in acutum terminant, mutuant hoc Medici, ibid. Adhuc *Myuri pulſus* dicuntur, qui ex majori adaucto fiunt minores, ex frequenti rariores, ex celeri tardiores, libr. finit. *Μυέζων σφυγμὸς* Græcè. Pulſus *Μυέζων*, hoc eſt, decreſcentis duplex eſt differentia. Nam vel non ceſſat decreſcere atque minui, donec

nec omnino aboleatur, & desinat prorsus moveri, qui ἐκλείπων μύςος appellatur: vel cessat decrefcere & minui, qui etiam duas habet differentias: alius enim in quâ defuit parvitate, hanc perpetuò servat, alius verò rursus augetur, quem μύςος παλινδρομένος vocant, & redit ad aliquam magnitudinem, eamque vel priori parem, vel majorem, vel etiam minorem: ac nonnulli quidem quâ ante proportionem sunt imminuti, eadem rursus augentur, alii verò majoribus vel minoribus accessionibus utuntur. Pulsus omnis μύςος provenit ab imbecillitate facultatis pulsificæ, quæ tanta est, ut ei oneri sint admoti arteriæ digiti. Verùm ea imbecillitas in eo qui μύςος ἐκλείπων dicitur, maxima est, neque enim se recipit & recolligit, postea in eo qui in quâ defuit parvitate hanc servat, minor verò ubi magnitudinem recuperat.

Μυξα, Græcè Μύξα, est humor pituitosus ex naribus fluens; Latinis *mucus*, & *pituïta narium* dicitur. Is humor pituitosus, lentus & albus in partibus exanguibibus, ossibus & cartilaginibus colligi consuevit, cùm ad eam imbecillitatem pervenerint, ut alimentum suum nequeant concoquere: sic enim veluti semi-coctum quid relinquitur, non secus atque in oculis membranæ laborantes, sordem eam reponunt, quam λίμην appellant. Nec tamen is humor qui μύξα dicitur, perpetuò contra naturam est. Siquidem in omnibus articulis mucosum quendam humorem videre licet, ut inde & motio promptior, & articulus injuriis minùs esset obnoxius, quod quæ sicca sunt, abrumpi in motionibus faciliè soleant. Eamque ob causam vertebrarum vincula, μύξωδι Hipp. l. de artic. appellavit. Sed contra naturam in juncturis plerumque ille succrescit, de quo scriptum est aph. penult. sect. 6. atque etiam in utero, unde abortus sequitur, ut aph. 45. sect. 5. scriptum est. Μύξω-τῆρες idem quod μυκτῆρες, à *mucos* arbitror, qui per nares exit. Et *nares* Sophocles etiam μύξας appellavit.

## N.

**N**ARCOTICA, quæ & Hypnotica, Stupescientia, Somnifera, Græcè *Ναρκαλωγὴ φάρμακα* (Colica etiam, 5. de comp. medic. loc. cap. 9. & lib. 7. cap. 5.) nuncupantur, hoc est, somnum conciliantia medicamenta, quæ temperiem sortiuntur, summè adversam iis, quæ revera sunt *anodyna*; refrigerant siquidem omnia corpus, & sensum eò usque obstupefaciunt, ut, si paulò liberaliùs ebibantur, mortem afferant, 5. simplic. 19. vide *Anodyna, Colica, Hypnotica*.

*Nares*, *μυκτῆρες* propriè dicuntur, concavæ nasi partes utrinque positæ, quæ meatum præbent spiritui & odoribus; verumtamen quandoque totum etiam id membrum *μυκτῆς* à Medicis appellatur, qui Latine *Nasus* dicitur, odoratus instrumentum; quippe si oclusis naribus, spiritum ore adducimus, odorem nullum sentimus; sin autem spiritum apertis naribus atrahimus, odor sensum protinus movet; in medio oculorum prominens, libr. de instrum. odor. cap. 1. *Nasus* verò in se septum quoddam cartilagineum per media loca diductum habet, duoque foramina satis conspicua; hæc, inquam, quæ cernuntur, & in singulis naribus singula sunt, *nares* dicuntur, ibid. cap. 2.

*Narium alæ*, vide *Alæ narium*.

*Nasus*, vide *Nares*.

*Nates*, quas *πυλᾶς*, & *γλατῆς* Græci vocant, sunt inferiores corporis partes posticæ, ad animalis factæ quietem & sessionem, quamobrem natibus carnosa corpora substrata sunt, quarum gibbæ partes, quod orbiculares sint, *sphæromata*, ceu modo orbium factæ Græcis appellantur, lib. Introd. cap. 10.

*Nates cerebri*, vide *Glutia*.

*Nativus calor*, (quem & *calidum innatum* vocant, cuius

jus vi omnia animantia vivunt & vigent) apud Gal. est aut anima, aut primum & præcipuum animæ instrumentum, quo omnia quæ sunt ad vitam necessaria, administrantur. Infiti caloris præsentia, *vita* est, ut absentia, *mors*; inæqualiter in singulis corporis partibus dispersus; In corde flagrantissimus, in ventriculo & præcordiis moderatior, in capite, & cerebro adhuc minor, in ossibus perexiguus; prout natura unicuique particulæ expedire & convenire adjudicavit. Hic *fixus insitusque* dicitur, hoc est, à naturâ, in primâ conformatione singulis partibus certâ mensurâ & debitâ proportionem inditus; cui *calor fluens*, & *adventitius* opponitur, quem natura in corde tanquam in quodam penu collocavit, undè per arterias cum spiritu & sanguine, suis velut vehiculis & pabulis continenter depromitur, ferturque in singulas partes, ut earum calorem nativum, fixum, insitumque foveat, atque instauret. Idem ille calor influens, in mœrore, metu, verecundiæ initio, frigore, accessionum principiis, & somno, intrò cum sanguine & spiritu ad cor recurrit, & ob id per eos affectus, & cutis, & subditæ illi partes frigent, & pallent; contrâ in gaudio, verecundiâ jam vigente, statu accessionum, ac vigiliâ, calor ad cutim copiosior effunditur, cum spiritu & sanguine, & pronus calor, rubor, tumor & nitor hîc partibus inducitur.

*Naturæ* nomine, temperamentum intellexisse Hippocratem, atque id esse præcipuum, & maximè proprium *Naturæ* significatum, ab ipsâ naturæ substantiâ desumptum, cum sæpissimè, tùm libro toto de naturâ humanâ, Galenus testatur, 3. aphoris. 2. ubi naturarum has dicit, æstate, has hyeme, malè beneve se habere.

*Naturalis motus*, vide *Motus naturalis*.

*Naturales facultates*, φυσικὰ δυνάμεις, à Galeno in arte parvâ distinguuntur, in primas seu principes, & in secundarias, sive ministras; primæ statuuntur tres, genera-



*trix, auſtrix, nutrix.* His omnibus ſingulis, aliæ quatuor inſerviunt, *attraſtrix, retentrix, concoſtrix, expulſtrix*, quæ non in jecinore modo, ſed in omnibus vel minimis corporis partibus, à primo ſtatim ortu inſunt.

*Naviforme os*, vide *Scaphoeides*.

*Nauſea*, vide *Vomitus*.

*Nauſeationes in venâ*, id eſt, *ναυσιώσις*, appellat Hippocrates, quas priùs vocaverat *exuccationes*, hoc eſt, ſugillationes, cùm venæ (more eorum, qui nauſeam patiuntur, & evomunt,) ſanguinem expuunt ac quaſi evomunt, tùm ex propriâ imbecillitate virtutis retentricis, quam ex inflammatione contraxerunt, tùm ex ipſius ſanguinis copiâ, & pravitate, 2. de fract. 24.

*Nebula*, Græcè *νεφέλαι*, ſunt utriuſque oculi membranae ex aliquo ulcere tenues, & ſuperficiariæ albedines quaſi & caligines; nam ſi craſſiores ſint, & profundum petant, *Διυκώματα*, & *albugines* dicuntur, lib. de remed. part. fac. cap. 12.

*Nephritis* dicitur renum affectus, ſive iſ ſimilaris ſit, ut *intemperies*; ſive inſtrumentalis, ut *calculus*; ſive communis, ut *ulcus inflammatum*; propriè tamen *Lithiaſis*, id eſt, calculi morbus, *Nephritis* appellatur, lib. de ren. affect. dign. cap. 2. Omnes verò homines, qui ſubinde difficulter mejunt, aut etiam ſuppreſſam urinam omninò habent, ubi circa lumbos dolent, ac arenofa mejunt, *Nephriticos* dicunt, quo calculo emiſto, eorum protinùs dolor, & urinæ ſuppreſſio deſinit, 1. de placit. cap. 13. Unde *nephriticas, antidotos, & compoſitiones* appellant, quas renibus affectis accommodant, ut ex ipſâ appellatione manifeſtum eſt; nephriticae enim nihil aliud, quàm renales ſonant, 10. de compoſ. med. loc. cap. 1. Eſt autem duplex earum differentia generaliffima: quædam enim calculoſos renes juvant; quædam verò inflammatos & ulceratos, quæ etiam ad veſicam ſimiliter affectam conveniunt. Habent autem contrarias inter ſe facultates: quæ enim inflammatio-

nibus,

nibus, & ulceribus conveniunt, mitigatiora esse oportet, conjuncta tamen diureticis: quæ verò calculosis medentur, unicam facultatem fortiuntur, quæ secare & extergere potest cum manifestâ caliditate. Sunt autem talia omnia ferè amara.

*Nervum* quidam appellant, omnia similiarium corporum genera, in animalibus, quæ & exsanguia sunt, & sensu carent, ut quæ ex ossibus oborta, ab Hippoc. *cupula & ligamenta* vocantur. Insuper, quæ ex cerebro & dorsali medulla prodeuntia ab eodem propriè *Nervi & Toni*, dicuntur. Denique ex musculis qui proveniunt, *Tendones* quoque sic vocitant. Quidam igitur omnia hæc *nervos* appellantes, primum ipsorum genus *colligatorium* esse ajunt; secundum autem *sensibile*, atque *electorium*; tertium, *aponeurosim*, hoc est, nervorum propaginem, cognominant, com. 1. in 6. de morb. vulgar. *νῆρον* autem *δὲ τὸ ἑλκεῖν*, Græcis dictum est, quod *nulare*, & *flectere* significat, ut docet Galenus initio libri de motu muscul. vide *Tonos*.

*Nervum colligantem* Medici vocant, *νῆρον συνδετικόν*, quem Hippocrates vocat *ligamentum*, seu *συνδεσµόν*, *cupulam*; ex ossibus ortum ducit. vide *Nervum*.

*Nervi duri, & molles*, ejusdem quidem substantiæ, at non uniusmodi sunt usus: *molles* enim ad sensum, *duri* ad motum sunt destinati; non quidem quòd *duri* non sentiant, sed à duris hebetior & obtusior sit sensus, quàm à mollibus: mollium principium est *cerebrum*; durorum *spinalis medulla*; ab hoc principio singuli in suas sedes, à naturâ mittuntur, molles quidem in organa sensuum; *duri* in musculos; dicuntur autem *molles*, vel *duri*, sibi invicem simul, & ad cerebrum, collati.

*Nervi optici*, seu *visivi*, vide *Nervos sensificos*.

*Nervi recurrentes*, *Νῆρες παλινδροµεῖντες*, sunt rami duo nervorum sextæ conjugationis à cerebro prodeuntium, quorum dexter circum arteriam, quæ axillam adit; sinister verò circum magnum arteriæ descendens trun-

cum obvolutus, sursum revertitur, & recurrit quasi in laryngem, ad vocem efformandam; quare Galenus 4. loc. aff. *φωνητικῆς*, maluit appellare, id est, *vocales*; ita enim sunt necessarii ad vocem, ut scēti, vel intercepti, vocem prorsus aboleant; refrigerati verò, tantisper vocem impediunt, donec calefacti, naturalem temperiem recuperaverint, 1. loc. aff. 6.

*Nervi vocales* sunt nervi gutturis, qui ad instrumenta vocem concinnantia propriè pertinent, (quos Galenus & invenit, & eo nomine donavit,) quibus vel incisis, vel laqueo interceptis, vox perit; non differunt à nervis apud arterias existentibus, quos *recurrentes* nominant: ipsorum enim essentiae pars sunt, & utrique vocem efformant, 1. loc. aff. 6.

*Nervi voluntarii* dicuntur, qui ex cerebro, dorisque medullâ ortum ducunt: sicuti nervi, qui ex musculis *tendones*; & qui ex ossibus proveniunt, *ligamenta* appellantur, lib. de ossib. in procemio.

*Nervorum conjugatio* dicitur, quoniam nervus non unus, simplex, aut *αἰσθητός*, à suo principio proficiscitur, sed omnes conjugati feruntur, ideoque ab Anatomicis *nervorum paria* appellantur, ac septem quidem paria à cerebro, triginta verò à spinali medullâ proficiscuntur.

*Nervos sensifcos* in genere vocant, qui ad sensuum instrumenta mittuntur, aliis quidem, qui movent membrum, molliores, 7. de plac. 5. Propriè autem *sensifcos* vocant *Nervos*, sive *Poros*, nervos à cerebro ad oculos descendentes, qui soli sunt conspicuæ, & sensibiles viæ spiritus, 10. de usu part. 12. & proin eosdem *Opticos* vocant, 16. usu part. cap. 3. atque etiam *Visivos*, ab actione nomen imponentes, lib. de nerv. diff. cap. 2.

*Nervosæ discriminationes* sunt fines membranarum, quæ orificiis cordis adjacent, 1. de placit. 10.

*Nervosum, αλεγάδες*, corpus est spermaticum, & ex-angue, ad nervi naturam & similitudinem accedens; licet

licet enim Galenus tria nervorum genera dicat initio, lib. 15. de usu part. & com. 1. in 6. *ἑνδομυϊκῶν*; præter illa tamen tria genera, sedes, uterus, vesica & pudendum virile *nervosa* dicuntur, cum tamen nullo prædictorum generum contineantur, aut componantur; sed quoddam nervosorum corporum similitudinem gerant; contrahi enim in angustum, & extendi in latum possunt, quæ corpori carnosio & pingui non conveniunt. Unde quidam Penis colem, *nervum cavernosum* appellant, ab eoque Penem & ipsum, totum *cavernosum* vocant, quoddam arrigi, flaccessere, item contrahi, extendique possit, com. 1. in 6. de morb. vulg. 2.

*Nervus cavernosus*, vide *Nervosum*.

*Nestis, vñtis, intestinum*, vide *Entera*, & *Iejunum*.

*Neurotonus* dicitur is, qui in nervis vel tendonibus, sine discrimine, vulneratus est, 3. de compos. med. per gen. 2.

*Neutrum corpus* est, vel quod neutrius extremæ dispositionis est particeps, vel quod utriusque, vel quod nunc hujus, nunc illius particeps, salubre nunc, nunc insalubre est, lib. regn. cap. 6.

*Nigra bilis*, est humor melancholicus, qui dum animal naturaliter se habet, quotidie gignitur, & proinde omnino alia est ab eâ, quæ ex ustione, ac velut assatione conflatur, 14. meth. cap. 9.

*Nigra vena*, vide *Communis*, & *Media*.

*Nigritia*, & *Nigror*, vide *Contusio*, & *Effusa*.

*Nodi* sunt extrema pars postbrachialis, à quibus digiti incipiunt, quos *Condylus* Græci vocant, libr. Introd. cap. 10.

*Nomas* appellare Medicis mos est, putrescentia ulcera, *ὀνόμας* *ἡ νέκρωσις*, id est, à *pascendo*, quod putredo depascatur membra, & ad vicinas partes serpat, adeoque unà cum parte primùm vitiatâ, & ipsas finitimas sedes corrumpat, 9. simplic. Putredinem autem acquirit vel diuturnitate temporis, quo omnia, quanquam

initio



initio *ὄντι* sint, tandem *κακώθη* redduntur, vel statim à principio, ut quod à venenatis animalibus factum est. Progressu quidem temporis, & aphthæ & dysenteriae in Nomas transeunt, teste Galeno. Sunt autem omnia ejusmodi ulcera ægrè sanabilia, & vehementissimis prorsus medicamentis opus habent, adeo ut citra usionem sanari non possint. vide *Phagedænas*.

*Nosha costæ*, vide *Illegitimæ*.

*Noson*, vide *Tergum*.

*Notyæos myelos*, vide *Myelos*.

*Nubi* nomen, solent Medici, ab aëre, ad urinas transferre, pro aliquâ eorum, quæ in urinarum superficie pendent specie, vel evaporatione. Ut ergo in aëre interim tempestas fit, ubi nubibus condensatus ater, & nubilosus dicitur, videnturque nubes quædam per eum disjectæ; quo quidem tempore nubium cernimus colorem, non exquisitè atrum, nec lucidum, sed inter hos medium: haud aliter *nubes in urinâ* (quam vocat etiam Hippocrates *nebulosam suspensionem*) alia alba, alia nigra, alia media oritur ex evaporationibus, ad urinæ summam partem delatis, com. 1. in 3. de morb. vulgar. 4. quæ etiam dicitur *Nebula*, *Nubecula*, *Sublimamentum*, *ἐναέθρημα ἐπιρηνέφελον*. Cæterùm id omne crudum esse, & à flatuoso spiritu, in altum efferri Galenus docuit; quod verò perfectè concoctum, secretum, æquale, simileque est, id certè quoniam nihil flatûs habet, in fundum vasis urinarii descendit, ac vocatur *Hypostasis*.

*Nucha*, vulgò appellatur spinalis medullæ initium, Græcè *ναπαίων μυελόν*, vide *Medulla spinalis*.

*Nutrimmentum* est, quicquid substantiam nostri corporis conservare, & augere, & in eandem converti aptum est, 1. simpl. cap. 1.

*Nutritio* est continuò effluentis substantiæ redintegratio; unumquodque verò, eâ ipsâ substantiâ, quâ primum

primùm genitum est, ali etiam perpetuò consuevit, 1. de semin. cap. 16. vide *Prosthesis*. Vocatur autem omnis illa alteratio, quæ alimenti in substantiam partitis, quæ nutritur, transmutationem præcedit, *concoctio*; ubi verò jam parti apponitur, *nutritio*, 8. de compos. med. loc. cap. 6.

*Nyctalops*, νυκτάλωψ, *Lusciosus*, is est, qui die videt obtusius, Sole occiduo acrius, nocte magis adhuc; vel contrà, die parùm, vesperi aut nocte prorsus nihil, unde *nocturna oculorum cæcitas* appellatur, 2. method. 2. 4. de compos. medic. loc. 8. & libr. Introd. Accidit propter capitis imbecillitatem, & maximè spiritus visivi crassitudinem, itemque reliquorum oculi humorum ac tunicarum. Cæterum νυκτάλωψ dicitur non ille modò qui ita laborat, sed ipsius etiam affectionis nomen est. Sic autem dicitur quasi ὁ τῷ νυκτὸς ἀλάδς, hoc est, *noctu cæcus*: ἀλάν enim *videre* significat. vide *Lusciosus*.

*Nympha*, vide *Colliculum*.

## O.

**O** B A U D I T U S, sive *Obauditio*, est vitiata actio auditricis facultatis, proportionem respondens vitioso visui, veluti cùm oculis, colore, figurâ, magnitudine, vel situ mutata videntur; differens à *Barycoia*, quæ est audiendi difficultas, gravis auditus, seu diminuta audiendi actio; ut surditas, est ablata audiendi actio. Aufertur autem, minuitur, vel depravatur auditus, aut læsâ aliquâ aurium particulâ, aut nervo, qui in has à cerebro pertingit, aut cerebri eâ parte, quâ is nervus exoritur, 1. de symptom. caus. cap. 3. 4. 5. vide *Barycoia*.

*Obliquatus pulsus* est, qui oritur non constitutâ in re-ctum arteriâ: seu, qui editur, cùm arteriæ situs obliquus est, lib. finit. med.

*Oblon-*

*Oblongum & depressum* dicunt ossis caput, ad cervicem & sinum, cui inseritur, id ipsum referentes, lib. de ossibus in procemio.

*Obelaa futura*, est cranii commissura recta, quæ à mediâ syncipitis futurâ ad mediam futuram occipitis secundum longitudinem extenditur, Græcè dicitur, ὀβελία, ἢ ῥαβδοειδὴς ῥαφή. Utrumque nomen inditum est, quod veru aut sagittæ aut virgæ instar rectâ incedit, Latini proindè *rectam*, & *sagittalem* vocant, 9. de usu part. cap. 17. & lib. de ossibus in procemio.

*Observatio*, Τίησις, Empiricorum vox est, qui quicquid observâssent fieri in morbis, τίησιν vocabant: quorum cùm magnam haberent copiani, eam omnem ἄπορρημα nuncupabant: & ab observatione quidem memoriâ, à memoriâ verò experientiam manare dicebant, & ab eâ proximè artem constitui, dum meminimus quid cum quo, quid ante quod, quid post quod observavimus, atque id quidem vel semper, vel plerumque, vel utrovis modo: semper, ut vulnerato corde mortem sequi: plerumque, ut scammoniâ ventrem purgari: utrovis modo, ut percussâ superiori membrânâ cerebri mortem sequi: rarò, ut vulneratâ cerebri substantiâ salutem contingere.

*Obstipitas* est distortio spinæ, ad lateralé corporis partem, 3. art. 2. quam Scoliosin Græci vocant, vide *Cyphosis*.

*Obstructio*, vide *Compressio*.

*Obstruentia corpora* (quæ Græcè *Stegnotica*, quæque generaliore nomine *contrahentia*, *occludentia*, & *constringentia* dicuntur) sunt, quæ ora vasorum occludunt, & sensibiles excretiones cohibent. Corpus enim *stegnoticum*, quod claudit, & continet in se, nec quicquam quod sensu queat percipi, ex sese emittit, Græcè στεγνόν nuncupatur. Differunt à *condensantibus*, quod hæc poros & meatus corporis contrahant; *obstruentia* autem & *oppilantia*, vasorum corpora claudant, 5. simpl. 14. illa στεγνῶντα, hæc πυκνῶντα Græci vocant.

*Obstu-*

*Obstupeſcentia* eſt, cùm æger jacens, neque aliquid dicit, neque agit, ſed apertis oculis quietus manet, ſimilis iis, qui ex timore ſunt attoniti, 7. aph. 14.

*Occiput*, ὀπίς, ea eſt capitis pars, quæ à vertice tanquam à centro circuli, unde capillorum proventus incipit, ad poſteriorem capitis partem, uſque ad Tendones & Nucham deſcendit, lib. Introd. cap. 10.

*Ochema*, ὀφθαλμός, id eſt, *vehiculum nutrimenti*, ſimul cum appellatione, uſum oſtendens, quod Hippoc. vocat *ſeroſum recrementum*, eſt aquoſa & tenuis ſanguinis humiditas, ad craſſam ſubſtantiam Chymi, per arctas venas, in totum corpus ferendam, à naturâ comparata, 4. de uſu part. cap. 5.

*Ochthode*, ὀχθῶδες *ulcera*, id eſt, verrucoſa, quæ non maligna, & contumacia ſunt, ſed ſolùm labra calloſa, & dura habent, 4. de comp. med. per gen. cap. 5 vide *Dura ulcera*. ὀχθῶς tumores verrucōſi tuberoſique, quales in Elephanticiſis apparent.

*Ocrea*, vide *Tibia*.

*Odaxiſmus*, ὀδαξιμός, eſt pruritus is, qui conceptis jam intra gingivas dentibus, & erumpere feſtinantibus, ſentitur; quo ſolent infantes relatis ad os digitis, identidem eos mordere, & ipſi gingivas ſuas confricare. Aliud autem eſt ὀδαξιμός, quàm ὀδοντίασις: hæc enim eſt dentis jam concreti eruptio extra gingivam, (alio nomine ὀδοντοφύια) ille verò dentis ipſius concretio & conformatio intra gingivam, ſive dolor ex ejuſmodi concretione exoriens. Hermolaus Barb. apud Dioſcoridem gingivarum commercionem vertit. Reperitur & ὀδαξιμός, ab ὀδαξίω.

*Odontalgia*, id eſt, *dentium dolor*, 2. meth. 2.

*Odontocides*, vide *Dentem*.

*Odontophya*, puerorum eſt dentitio, ubi ſcilicet è gingivis prorumpunt dentes.

*Odoratum* nominant, non ſolùm odoris ſenſum, ſed etiam vim ipſam, cujuſ odorandi officium eſt, lib. de

ln.



Instrum. odor. cap. 1. ὀσφρησις Græcè. Sic & μύσος non modò saporis sensum, sed ipsam etiam facultatem significat per quam gustamus. Hujus autem tum sensus, tum facultatis instrumentum intra calvariam conditum est, sive id sint ventriculi cerebri anteriores, seu potius continuæ cum iis propagines, similiter cavæ, prope osium ethmoideon initium desinentes. De eo namque dubitare Galenus videtur, modò hoc, modò illud asserens.

Oedema, οἰδήμα, videtur Hippocrat. omnes præter naturam tumores, nominare, sive dolore careant, durique sint, quos scirrhus Græci appellant; sive dolorem inferant, quos phlegmonas, id est, inflammationes propriè vocant; sive absque dolore laxi, atque molles sint; quos solos in specie οἰδήματα, Græci nominant, com. 1. in 6. de morb. vulg. 2. Et proin Oedema est tumor præter naturam, qui dolore caret, & digitis cedit: aliquando tamen apud Hippocrat. significat durum, & dolentem tumorem, 1. progn. 29.

Oenodes vinum, id est, vinum vinosum, quod multam sustinet aquæ mistionem, & imbecilles vires ferit; quod & Polyphorum, & Multiferum appellatur, quod ut benè temperetur, multam exigit aquam; Contrario autem modo, Oligophoron, sive Pauciferum, quod ut bibatur minimâ eget aquæ mistione, 3. acut. 20. & 7. method. 6. vide Hydatodes.

Oesophagum Veteres nominabant, eam partem, quæ inter fauces, & os ventriculi superius, inter media est; Aristoteles, & qui post ejus seculum scripserunt, stomachum, nos gulam appellamus: via est eorum, quæ tùm devorantur, tùm vomitione dejiciuntur, 5. loc. aff. 5. Gula, Arabibus Meri dicitur. Οἰσφάγος dictus est quod ea ferat quæ eduntur: est enim via cibi. Habet duas proprias tunicas, quarum interna oris tunicæ continua est, & ibi crassior atque durior, ubique autem nervosa; externa verò carnosa. Utraque fibris con-

contexta est: interna rectis, externa transversis, sed utrisque quidem deglutitionem accelerantibus, & vomitum, dum illi trahunt, hi expellunt. Incumbit septem spondylis colli, & quatuor metaphreni, nonnihil in dextrum latus, à quorum interim spondylorum ligamenti ortam habet tertiam tunicam, quâ ille obligatus fertur in ventriculum nonnihil in dextrum latus abscedens, ut cedat aortæ descendenti. Ad nonum denique spondylum ligamenti valentibus ab eo natis in altum levatus arteriamque prætervectus, jam sinister, pertuso diaphragmate cum duobus nervis insignibus à sexto pari demissis ventriculo unitur. Ο'ισφάγην etiam ab Hippocrate dici os ventriculi Galenus in linguarum interpretatione explicavit.

*Oesypus*, id est, Lana succida, sive non lota, 14. method. 7. vide *Lana succida*.

*Olecranos*, quartus est musculus, qui per profunda adit cubitum, in medio gibberi interioris, inferiorisque brachii, 3. de anat. adm. cap. 4. à quo, & *Cubitus*, & *Cubiti os*, *Olecranos* appellantur, vide *Ancon*.

*Oligophoron*, vide *Oenodes*.

*Oligotrophia*, id est, parcior nutritio, 3. sanit. tuend. cap. 8.

*Omentum*, ἐπίπλοον, ἢ ἐπίπλυν, est corpus membranosum ex duplici peritonæo, ceu plexû & adiposâ substantiâ compositum, medium inter vasa, quæ in ipso continentur, quibusdam aut multò infrà quàm umbilicus consistens, quibusdam ad pubis ossa descendens, cùm in prorum, ceu ad umbilicum, parvæ magnorum vasorum soboles, ex alto deferuntur, 6. de anat. adm. 5. ex duabus tunicis densis, & subtilibus sibi incumben-  
tibus, quàm plurimis arteriis, & venis, & pinguedine non paucâ conflatum, gratiâ calefaciendi, & ventriculum roborandi factum, 4. de usu part. 9. quod *Epi-  
ploon*, sive *Epiplun*, Arabibus *Zirbus*, Antiquis *Rete*, quòd ita adipe instructum *Omentum*, reti non sit ab-

mile, indeque *καρσάρειον*, & *σπλην* à plerisque dictum fuit, libr. de nerv. & art. diss. cap. 1. Id secto peritonæo primùm in conspectum venit. Dorso ad undecimam thoracis vertebam, & jocrinoris cavo, & ventriculi fundo, & duodeno intestino, & lieni & colo ligamenti adhæret, reliquis autem intestinis prætenditur, & quodammodo *ἐπιπληέει*, hoc est, innatat: unde & nomen habet. Usus ejus maximus est, ut ventriculū, cujus fundo incumbit, foveat, innatumque calorem etiam per inediam tueatur, deinde verò ut venæ portæ ramos quoquo versus protensos sibi que implexos fulciat, & arterias pariter nervosque proximis ipsi partibus inferendos tutò deducat.

*Omiæa vena*, *ὀμιαία*, id est, humeralis, ramus est venæ cavæ claviculas supergressæ, per omoplatam in brachium descendens; quam Galenus interdum *externam* vocat, ad differentiam axillaris, quam *internam* nominat. Vulgus nunc Cephalicam appellat, quod ad capitis morbos magnâ utilitate soleat secari. vide *Humeraria*.

*Omotribes*, sive *Omphacinum oleum*, id est, crudum oleum, ex olivis immaturis expressum, 8. method. 3. *ἀμωτρίβες ἔλαιον* etiam *ὀμφάκινον* vocatur, hoc est, acerbum. Refrigerat & astringit.

*Omoplatæ* (quæ & *Homoplatæ* dicuntur, & *Scoptulæ*, 8. method. 8.) id est, scapulæ, quæ humeri articulum constituunt; est enim in extremo scapularum insculptâ capacitas, tantâ magnitudine, quanta capiti ipsius brachii dearticulando, cui inseritur, esset aptissima, 13. de usu part. cap. 10. Sunt ossa duo (utrimque videlicet singula) post thoracem in dorso sita, clavibus & brachio inarticulata. Sunt autem hæc ossa, ut scribit Galenus, admodum inæqualia, & omnibus suis partibus dissimilia. Foris enim gibba, intus sima existunt: item ima basi tenuia ac longa, superno fine crassa & parva. Utraque autem Homoplatâ duobus ossibus inarticulata, sum-

summâ quidem suâ spinâ seu acromio clavi per Synarthrosim, cavitare autem suæ cervicis ipsi brachio per Diarthrosim.

*Omos, humerus*, propriè dicitur id totum, quod in articulatione brachii, cum Omoplatâ apparet, adeoque revera ipse articulus brachii, cum Omoplatâ sic vocitatur. Rufus: κεφαλὴν τῆ βραχίονος, hoc est, caput brachii appellavit. Apud Aristotelem ferè pro humeri articulo accipitur, quem Celsus Scapulam vocat.

*Onchos*, apud Hippocratem idem est ac tumor, significatque omne id, quod est supra naturalem constitutionem, incrementum, libr. de tumoribus cap. 1. *Onchos* verò & *Poros* quidam nostri corporis meatus vocant, 1. simplic. cap. 1.

*Onyx*, idem quod πύξις, libr. finit. est puris collectio in nigro oculi, cum phlegmone, juxta Iridem ungui similis, Græcè ὄνυξ, *unguis*; qui propriè dicitur pars digitorum extima, lata duraque quâ ipsi firman-  
tur. Sunt autem qui ungues partis nomine non dig-  
nentur, ut nec pilos, quod nulla sit eorum propria actio,  
ut qui facultate omni carere dicantur, à quâ omnis  
actio primario proficiscitur. Nullam enim, inquit Ga-  
lenus, gubernationem habent, sed ortum tantummodo.  
Usus tamen aliquem atque utilitatem afferunt, quod  
iis extremi digiti firmiores sint, & meliùs apprehen-  
dant. Ex recrementis autem orti sunt ungues ad eun-  
dem modum quo & pili increfcunt, alio atque alio sub-  
inde excremento ad unguium radices expulso, & imæ  
eorum parti adhærente, eamque ut clavus clavum tru-  
dit, pellente. Sunt autem duri quod ex solidis corpori-  
bus solida quoque duraque excrementa prodeant. Est  
etiam ὄνυξ lapis, qui & ὄνυχις dicitur, quod illi can-  
dor sit unguis humani.

*Ophiasis*, est affectus capitis, quo capilli primùm ex-  
tenuantur; deinde decidunt, in certis spatiis & capitis  
sedibus, in Serpentinis similitudinem; Idem revera cum



*Alopeciâ* malum est, solâque figurâ ab eo differt. vide *Calvities*, & *Madarosis*.

*Ophthalmia*, hoc est, *Lippitudo*, frequentissima oculorum affectio, est inflammatio tunicæ, seu pelliculæ, os capitis, & *Calvariam* ambientis, quàm & *membranam agnatam, adnatam, conjunctivam* vocant, propterea quodd aliis, quæ oculum ipsum constituunt, tunicis, forinsecus adnata sit; ligamentum insuper totius oculi ad circumfita ossa, & ob id omnia, quæ circum-circa oculos sita sunt, usque ad malas, quandoque in vehementi lippitudine attollens & colligans, 4. de comp. medic. loc. cap. 2.

*Opium*, est papaveris lacryma & succus, 2. de antid. 7. Ejus parandi rationem hanc Dioscorides prodidit. Cum ros in papavere exaruerit, cultro decussatum in stellas, ne penitus adigatur, ex obliquo in rectum summam cutem incidere oportet, lacrymam exeuntem digito in concham abstergere, nec multo post redire, ut concreta inveniatur. Etenim quæ tum aut postero die etiam offenditur, in veteri pilâ teri debet, & in pastillos cogi. Id *Opium* dici testatur Scribonius Largus in descriptione Collyrii, quod Diaglaucion vocat, *Opium*, inquit, quod ex lacte ipso sylvatici papaveris capitum sit, non ex succo foliorum ejus, ut pigmentarii instiores ejus rei compendii causâ faciunt. Illud enim cum magno labore exiguum conficitur, hoc sine molestiâ & abundanter teritur. Dioscorides ab aliquibus capita ipsa & folia tundi & prælo exprimi, terique in mortario, & digeri in pastillos scribit: vocari autem *μυκρόνιον*, multum *Opio* ignavius. Galen. *Opium* interdum Hispanicum, interdum Libycum & album commendat. Aëtius aliquando Asianum, aliquoties Achaicum. Officinæ nostræ uno ore Thebaicum prædicant, emuntque à mercatoribus alicunde comparatum; sed ubi & quomodo paratum sit, prorsus ignorant. Optimum habetur, inquit Dioscorides, grave & densum, gustu amarum,

rum, odoratu soporiferum, quod facile aquâ diluitur, læve, candidum, neque asperum, neque grumofum, quod inter colandum non ut cera coëat, & in Sole diffundatur, dein admotum lucernis non atra luceat flamma, exstinctum denique odoris vim conseruet. Adulteratur autem multis modis, ut glaucio gummi aut sylvestris lactucæ succo. Unde *opiata* medicamenta somnifera sunt, quibus Opium admiscetur, quæ Arabes vocant *Alfabiar*.

*Opisthotonos*, vide *Distentio*.

*Opopanax* vocant Panacis guttam, & liquorem, 3. de comp. med. per gen. cap. 5. Excipitur lachryma caule vel radice incisâ, cum recens eruperit caulis. Ea redditur candida ubi adaruerit. Croci exterius præfert colorem. Probatur amarissimus, internè candidus & subrufus, extra lenis, pinguis, friabilis, tener, facile tabescens, odore gravi. Damnatur niger ac mollis. Excalfacit ordine tertio, tenuat, emollit: siccatur secundo.

*Oppilatio*, vide *Compressio*, & *Obstruentia*.

*Optici nervi*, sunt primum nervorum par, quod cum utroque Cerebri panniculo, ad oculos descendit, secum visibilem spiritum ducens, libr. de ocul. part. 2. cap. 3. vide *Nervos sensificos*.

*Ordinans pulsus* est, quando ictus pari semper numero, paribus partibus, & stasis procedunt circuitibus, de puls. ad Tyron. cap. 6.

*Orexis*, ὀρεξις, *appetitus*, sive *appetentia*, est concupiscentia cibi & potus, quam Hippocrates λιμὸν, hoc est, *famem*, appellavit, eo aphorismo, quo scripsit, *famem meri potione solvi*, ut in Commento Galenus annotavit. Ea autem à jecinore principium habet. Est enim totum hoc opus naturalis facultatis, quam non φυσικὴν modò, sed & ἐπιθυμητικὴν & ὀρεκτικὴν Veteres appellaverunt. Sed advertendum est appetentiæ nomen ambiguum esse. Unâ enim significatione dicitur naturalis quæ-

quædam inclinatio, quâ singulæ corporis partes alimentum desiderant, quod in vacuatæ substantiæ locum succedat: & hæc quidem naturalis appetentia est. Alterâ verò significatione appetentia dicitur desiderium cibi & potus, quo ventriculus exugi se sentiens tenetur. Et hæc quidem animalis appetentia est: siquidem natura animalibus non item stirpibus vacationis & penuriæ sensum dedit, quo scilicet ad cibum potionemque proritata sese impleri appetant. Fit autem is penuriæ sensus, cum venæ ex ipso ventriculo veluti emulgentes, sugentesque aliud trahunt: non ferens enim eum sustum ventriculus, sed veluti divulsus, offensæ ejus medelam cibum desiderat.

*Oricularia*, vide *Laminas*.

*Orobœides urina*, quæ habet hypostasin similem orobis, eaque fit à colliquatione, & dissolutione carnis, lib. de Urinis, cap. 26.

*Oros* dicitur à quibusdam τὸ πῆλον, hoc est, pars tota pedis superior, quam alii πολύοστον appellant, id est, multorum ossium. *Orros* verò tum serum lactis significat, tum *Perinæcon*, tum etiam sacri ossis extremum, ad caudam usque protensum.

*Orthocolon*, ὀρθόκωλον, quasi rectus articulus, est articuli vitium, quando ob durum aliquem tumorem, musculi partem aliquam inflectentes, non sequuntur, sed perpetuò articulus tenditur, nec inflecti potest, 3. de artic.

*Orthopnœa*, ὀρθοπνοία, quasi rectam spirationem dixeris, est magna spirandi difficultas, ut non aliter ea fieri possit, quàm rectâ cervice, & thorace elato; quod etiam iis accidit, qui velociter cucurrerunt: qui sic affecti, dicuntur ὀρθοπνοῖντι. Cum aspera arteria, ut scribit Galenus, principium à gutture habens, in pulmonem dividatur, quoties quidem thoracem cum collo rectè extendimus, arteriam ipsam dilatari contingit, atque etiam quæ ex eâ in pulmones distribuuntur pro-

pagines omnes, atque interim regionem augeri eis internam: hæc quidem causa est, cur recti spirare affectent. Idem malum ab alio symptomate, *Asthma* nuncupatur; à viscosis, & crassis humoribus, circa asperas in pulmone arterias, sine febre congregatis, de difficul. respir. cap. 11. & com. 4. in 6. de morb. vulg. 4. vide *Anhelosi*.

*Os, Στόμα*, duobus modis dicitur; primum, quantum diducta labra patent; secundo & propriè totum id spacium, quod dictis labris, ad imas usque fauces interjacet, in quo dentes, palatum, lingua, gurgulio, & tonsillæ duæ continentur, quarum omnium partium una tunica est, etiam naribus communis, à peritonæo prognata, 3. de usu part. cap. 3.

*Os Ballistæ*, vide *Astragalus*.

*Os cartilagineum*, est, quod ad caput cordis invenitur, ad quod omnium ipsius ligamentorum principia adaptantur, quod alii cartilaginem osseam nominant, 7. de anat. adm.

*Os cubiforme*, vide *Os cyboeides*.

*Os cyboeides*, id est, *cubiforme*, est, quod ab externis Tarsi partibus est locatum; firmumque in terrâ constituitur, 3. de usu part. cap. 7. & dearticulatur cavitati calcanei, ad finem adjacenti, ibid. cap. 8. *Os cubicum* est unum ex quatuor tarsi ossibus, solum nomine donatum, cum reliqua tria careant nominibus. Id calci articulatur, ipsamque excipit, cum reliqua tria tarsi ossa scaphoeidi conjuncta sint. Sic dictum est quod cubo simile sit. Verum lateribus omnibus est admodum inæqualibus & ferè asperis, ut vix quicquam aliud quod latera sex habeat cum Cubo communia. Sed & internum ejus latus geminum apparet.

*Os frontis*, quod vulgus *Coronale* vocat, vide *Coronale os*.

*Os humeri*, quod Arabes *Os adjutorii* vocant, vide *Adjutorii os*.



*Os jugale*, vide *Zygoma*.

*Os latum*, vide *Spina*.

*Os magnum*, vide *Spina*.

*Os naviforme*, vide *Os scaphooides*.

*Os palati*, vide *Sphenos os*.

*Os petrosum*, Ἀσθροειδὲς ὀστέον, ossis nomen, sic dicitur pars ossis temporalis, protensis futuræ lambdoeideæ finibus terminata; sic dicta, quod petrae, vel rupi videatur similis, duritie & soliditate. In eo osse apophysis est σπλοειδής, quam Galenus βελονοειδῆ, & γραφιοειδῆ appellat; & alia præterea quæ meatum auditorium concernunt.

*Os sacrum*, ὀστέον ἱερὸν, duobus modis à Galeno sumitur; primum, latius, ut Coccygem etiam comprehendat; ut, 12. de usu part. scribit, *Os sacrum* constare ossibus quatuor, tribus scilicet propriis, & Coccyge; hæc enim ossa sibi unita per symphysim, efficiunt unum os, quod parte supernâ vocatur sacrum, infernâ Coccyx. Sicut ipse humerus quâ parte à nobis spectatur ἐπιωρίς, parte spinæ suæ summa ἀκρωμιον, parte latâ ὠμοπλάτη vocatur, atque similiter os sacri ipsius ossis lateribus annexum, os ilium, ad cotylen ischion, anticâ verò parte os pubis. Deindè, sumitur pro eâ tantum parte, quæ re verâ sacra est, id est, magna, & lata, quâ parte hoc os, cum osse ilio per synarthrosin jungitur. Hæc enim solâ parte revera ἱερὸν est, id est, magnum & latum, tuncque ejus reliquum gracilescens semper ac tenuatum, in tres cartilagine acutissimas desinit, quas Coccygem vocant, lib. de ossib. cap. 12. & 3. de artic. 104.

*Os scaphooides*, vide *Scaphooides os*.

*Ossa*, ὀστᾶ, partes humani corporis durissimæ, siccissimæ, maximèque terrestres & frigidæ sunt, quæ se mutuo, & alias partes omnes, tanquam fundamenta sustinent, & firman, atque ad universam corporis substantiam sustentandam & gestandam factæ, quibus pro-

in om-

in omnia adnascuntur, & stabiliuntur, lib. de ossib. in procemio. Eorum differentiæ sunt permultæ ab apophysibus, epiphysibus, cartilaginibus, cervicibus, capitibus, soliditate, cavitatibus, harum quorundam superciliis, medullâ, & aliis quibusdam ipsorum particulis, & à consistentiâ, magnitudine, numero, figurâ, situ, & aliis, substantiam necessario consequentibus, in sceletis visu tactuque observandæ. *O'stæga*, instrumentum chirurgicum, quo ossa vel attolluntur, vel depriuntur, vel omnino loco moventur.

*Ossa alata*, vide *Pterigoeidea*.

*Ossa cavernosa*, vide *Ossa Ithmoeidea*.

*Ossa colatoria*, sive *Colo similia*, vide *Ossa Ithmoeidea*.

*Ossa foraminulenta*, vide *Ossa Ithmoeidea*.

*Ossa Ithmoeidea*, sunt ossa quædam foraminulenta, & cavernosa, ad radicem & principium narium in meatu olfactorio posita, quæ natura variè pertusa velut spongiam & cribrum formavit, ne aliud corpus durum extrinsecus insuper incidat; in illâ ne viribus integris aër frigidus inspirantibus nobis, rectâ in cerebri ventriculos sese insinuet; quin &, ut vapor odorem secum ferens, per ea foramina à cerebro recipiatur; simul, ut cerebrum vacuaret repenti, si quando usus inciderit, excrementorum copiam; quæ quoniam ad cribri & spongiæ similitudinem perforata sunt, *Ithmoeidea*, & *Spongoeidea* dicuntur, 8. de usu part. cap. 6. & 7. quæ ossa *Galenus*, 3. loc. aff. 10. *Colatoria*, vel *Colo similia* vocat, quod per illa crassum cerebri excrementum purgetur & percoletur; quod *Aristoteles* vocat *Peritoma*; tenuiora autem excrementa, & quæ vaporis similia sunt, in sublime lata per calvariæ futuras excernuntur; crassiora autem prona feruntur, quorum altera pars in eas vias, quæ ad os pertinent, influit, & per sreatum ejicitur; altera, quæ *mucus* dicitur, in nares, & per efflatum vehementem, excernitur, lib. de inst. odor. cap. 2.

*Ossa spongioidea*, vide *Ossa Isthmoidea*.

*Oscitatio*, & *Pandiculatio*, sunt mediocres motus virtutis expultricis cerebri, 2. de sympt. caus. cap. 6. per quæ contenta in musculis (per quos quoque voluntarii fiunt motus) humida, flatulenta, vel spiritus flatuosi expurgantur, 7. aph. 56. Per *oscitationem* tale quid solis maxillæ inferioris musculis accidit, quale in *pandiculatione* in omnibus musculis symptoma est; utraque enim evacuandorum in musculis halituosorum excrementorum causâ fit, com. 1. in 6. de morbis vulgar. 4. & 7. aphor. 56. *ὀσκήν* illa; hæc *παρὰδινυξ*, vel *παρὰδινυξ* Græcè.

*Osculorum apertio*, quæ tùm in arteriis, & venis fit per resudantiam, & dicitur *Anastomosis*, live *Exanastomosis*, tùm in ulceribus & vulneribus, quæ sinuosa sunt, fistulosa, & angusti orificii, cùm scilicet hæc dehiscunt, 6. de comp. med. loc. cap. 2.

*Ostocopi*, id est, *ossium dolores*, nominantur, cùm membranarum, quæ ossibus adjacent, dolores, & profundi sunt (id est, in intimo corpore sensum excitantes,) & ossium ipsorum veluti dolentium inducunt imaginem, qui magnâ ex parte ab exercitationibus evenire solent, interdum etiam à frigore, & plenitudine, quin & ab humorum cacoëthiâ in lue venereâ, 2. loc. aff. 8. Qui sic laborant, ne minimum quidem motum sustinent, sed omnem formidant. Sentiunt autem manifestum calorem unâ cum demorsu & tensione, vitioso humore in totam corporis molem largè effuso.

*Ostracoderma*, animal omne est, cui pro cute testa est, lib. 1. de aliment. fac. 1.

*Otalgia*, *ὠταλγία*, aurium dolor est, is cum primis, qui ad profundum auditorii meatum pertinet, 2. meth. 2.

*Otencytæ*, instrumenta sunt chirurgica, quibus aliquid in aures infunditur. *Auri-fusoria specilla* ab aliquibus, à *Celso Strigiles*, aliter *Auriculares clysters* appellantur.

*Oxelæum*, ὀξελαῖον, id est, compositio ex aceto, & oleo, 1. de compos. med. per gen. cap. 7.

*Oxycratum*, id est, compositio ex aquâ, & aceto, 1. simpl. 29. ὀξυκρατον, *Posca*, vel *Pusca* dicitur. Miscendi autem ratio nunquam certa fuit. Variè namque temperari potest. Sed, ut author est Aëtius, si simplici ratione construatur, refrigerat & humectat: sin condiaur, & calorem & siccitatem adsciscit. Inter Veteres, ut idem inquit, omnes ferè convenit, noxium parere succum, nervis officere, flatuosos spiritus creare, capitis dolores concitare, contra sacrum morbum prodessè, vini crapulam mitigare, sanguinis acrimoniam lenire. Consuluntque eâ potione abstinendum, quod facillè putrilaginem concipiat, qui ex eo contrahitur humor, item propter noxam, quam nervis infert. Græcorum juniores imitatione Latinorum etiam φέσκων id genus potionis appellarunt.

*Oxydercica facultas* est, quæ oculos, (ubi nullum in illis sensibile pathema) malè tamen munere suo fungentes, corrigit, & in integrum restituit, ac nimirum & in auribus & naribus, aliisque sensoris cunctis id ipsum præstat, & proin in auribus, E. gr. *Oxycoos* dicitur, 5. simpl. 23.

*Oxygala*, id est, *acidum lac*, 3. aliment. 16. Lac quod acuit seu coacuit. Fit certâ quâdam lactis præparatione, per quam sola caseosa substantia relinquitur, eaque ipsa non ejusdem omnino naturæ cujus ab initio fuit, verùm multo frigidior, ut ægerrimè, nec nisi à ventriculo valdè calido concoquatur. Neque enim calidam & acrem seri qualitatem retinet, neque pinguem & calidam, butyri, sed solâ crassiore substantiâ constat, quæ in caseum abit, ὀξυγαλάκηνον appellatum. Id genus hodiè Galli videntur Junceam appellare. Est autem vehementer frigidum, crassum, & concoctu difficilè.

*Oxymel*, non ex aceti, mellisque mixture tantùm compositio est, verùm ex mulsâ paulùm aceti accipiente,



piente, 3. acut. 24. & 4. sanit. tuend. cap. 6. Acetum  
 mulsum, vel Mulsum acetosum, *ἔξυμελι*, potio verustis-  
 sima certa, ut quæ etiam ante Hippocratis seculum in  
 sanitatis usum venerit. Hujus duæ sunt summæ diffe-  
 rentiæ: alia simplex est, alia composita. Nec verò  
 etiam simplicis ratio una est: quidam enim ita præpa-  
 rant; Melli optimo super carbones despumato additur  
 aceti tantum unde gustanti nec acidum nimis, nec dul-  
 ce videatur: ac denuo super prunas coquitur, donec  
 planè unitæ amborum qualitates sint, nec appareat gu-  
 stanti acetum adhuc crudum: hinc ab igni deponitur;  
 cùmque eo utendum est, aqua mista ita temperatur ut  
 vinum, nimirum ex sumentis gustu. Id enim ut ju-  
 cundissimum est, ita etiam utile: & contrà ut injucun-  
 dum, ita adversissimum. Alii verò tum mellis tum ace-  
 ti modum definiunt, vini aceti parti mellis, à quo de-  
 tracta spuma sit, duplum miscentes, deinde ambo leni  
 igni coquentes, donec eorum qualitates in unum co-  
 ierint. Alii autem cum aquâ statim ipsum faciunt, mel-  
 li quadruplum optimæ aquæ miscentes, deinde co-  
 quentes modico igni, quoad spumare desinat: pòst ve-  
 rò dimidio aceti adjecto, rursus coquentes, donec qua-  
 litatum omnino sit unitas, nec acetum crudum etiam  
 appareat. Oxymeli omne exterget viscosos humores,  
 & crassos attenuat, quapropter viscerum omnium ob-  
 structiones dissolvit, sive in febribus, sive citra febrem  
 detur. Verùm aquæ multæ mistione vires ejus exsol-  
 vuntur. Tussim autem movere, quæ non est, & intesti-  
 na radere oxymeli, Hipp. & Gal. scripsere, non in cor-  
 poribus quidem crassis & glutinoso humore redundan-  
 tibus, sed puris ab excrementis, aut iis quæ tenui &  
 acri fluxione vexantur, quæque nervosas partes valde  
 sensu exquisitissimo præditas habent. Oxymeli com-  
 positum est *οιζιπιπὸν* & *σκληρικόν*, item *καθημερινόν*, &c.  
*Oxyregmia*, id est, acidus ructus, qui sine aliquâ pitui-  
 tà, quandoque in ventriculo frigidiore, & in quibusdam  
 lævi-

lævitatibus intestinorum, quæ ex frigidityte ortum habent, fiunt, 6. aphor. 1. Non ubi nulla prorsus facta est ciborum alteratio, acidi ructus excitantur, uti nec ubi optimè concocti fuerint, sed tantum ubi modicam à ventriculi calore alterationem perpeffi fuerint, nec perfectam adipisci potuerint. Fiunt etiam propter frigidam pituitam in ventriculo acervatam, & frigidam fluxionem in ipsum decumbentem, adhæc ciborum tum frigiditatem, tum copiam: his enim omnibus causis commune est, calorem ventriculi ingenitum vinci à cibis, non eos vincere.

*Oxyrrhodinum*, quod & *Rhodinum* dicunt, est frontis linimentum, ex aceto, oleo, & rosaceâ placentâ capitî phreniticorum, aut quâcunque intemperie calidâ laborantium permixtum, 13. meth. 21. Sed cum varius possit esse utriusque modus, qui temperatissimus, recipit olei rosacei partes quatuor, aceti unam, ut ait Gale. sic enim mediocriter refrigerat. Quod verò plus aceti habet, vehementius refrigerat, ut contrâ minùs, quod minùs habet aceti. Habet etiam vim repellendi. Itaque in morborum principiis magnâ utilitate illinitur, præsertim si calidus morbus est. Sed & in œdematis atque ipsis etiam lethargicis, Galenus in lib. meth. med. ad-movet, quo humor quisquis fuerit is, à parte affectâ repellatur. Tanta adeò vis est *Oxyrrhodini*, in frigidis etiam morbis, sive per se, sive cum sale, aut thymo, aut alio exhibitî, ne frigidityte nocere possit.

*Oxys*, id est, *acutus*, à quo ὀξύς *puperès*, *acutæ febræ*, ὀξείαν νόσον, & ὀξύ νόσημα dicunt. Consistit autem acuti morbi essentia, non in celeri tantum motu, sed cumprimis in magnitudine, & periculo, 2. aphor. 23.

*Ozæna*, est ulceratio in naribus profunda, tetri odoris halitus emittens, lib. finit. & 3. de comp. med. loc. cap. 3. Unde ex ulcerum genere est, eoque à polypo differt, quippe qui in tumorum tantum genere est, non ulcerum; nascitur ex influxu humorum acrium,  
& pu-

& putrescibilem, à cerebro in nares factò, unde, vel earum earum alæ, vel interstitium, vel aliæ ipsarum partes exulcerantur. Et humoris quidem acrimonia difficilem admodum ejus curationem reddit, putrilago verò graveolentiam & fætozem inducit; unde morbo nomen Veteres indidere. Quando, inquit Celsus, ulcera circa nares sunt, pluresque crustas & odorem fædum habent, id genus Græci *ῥεῖνας* appellant. Id mali genus nobis multò frequentius est, quam antiquis fuerit, ut quod luem veneream sæpissimè consequatur.

## P.

**P**ÆDOTROPICA, est medicinæ pars, de puerorum sanitate, & regimine, libr. de part. art. med. cap. 5.

*Palatum*, partem illam in ore altioris sedis cavam vocant, quæ super foramina è naribus in ipsum pertinentia, sublimis est, com. 1. in 6. de morb. vulgar. 3.

*Palimboldus*, *παλίμβολος*, homo dolosus est, qui aliud loquitur, aliud sentit, & qui facillè sententiam mutat; ejusmodi quoque morbus appellatur, qui speciem quidem & spem facit levationis, sed tamen intùs malignus est, com. 1. in 6. de morb. vulgar. 6.

*Pallida bilis*, vide *Bilis pallida*, & *amara*.

*Palma*, est ea pars manûs, quæ *Metacarpium*, & *Postbrachiale* dicitur, 1. de musc. cap. 21.

*Palmos*, vide *Palpitatio*.

*Palpitatio*, quæ & *Subsultio*, & *Παλμός* Græcè dicitur, similiter atque *tremor*, motus est, quo partes palpitantes, citra voluntatem nostram, nobisque invitis attolluntur, & deorsum aguntur, à crasso & vaporoso spiritu, quærente exitum; differunt verò *palpitatio* à *tremore*, quòd nemo, qui artus movere non instituerit, tremat;

mat ; palpitantes autem particulæ , etiamſi in quiete fuerint , nulluſque illis motus ſit indultus , palpitent ; Etenim ſupercilium , palpebræ , & oculus ſubindè citra omnem voluntatem attolluntur ; tremor autem totius & integri membri motus eſt , ut totius manûs , brachii , capitis ; palpitat verò pars membri , ut vel ſola cutis , vel ſola arteria , ut cenſebat Praxagoras , vel ſolus muſculus , ut Herophilus . Adhæc quæ tremunt , totum mutant locum ; quæ autem palpitant partes , eundem obtinent , ſed modò ampliorem , modò minorem ; in ſeipſas enim concidunt partes palpitantes , dùm contrahuntur ; aliò autem moventur , quæ tremunt , libr. de trem. palp. cap. 4. & 5. Adhæc , *Palpitatio* eſt contractio quædam præter naturam , in illis corporis partibus , in quibus ob ſubſtantiæ earum mollitiem , diſtentio , dilatatio , & contractio accidere poteſt , 2. de ſympt. cauſ. cap. 2. non enim os , vel cartilago palpitant , quòd dilatarinon poſſint . Denique *palpitatio* motus eſt toto genere præter naturam ; *tremor* autem , miſtus , ex motu ſecundùm naturam , membrum movente , & motu præter naturam , virtutem ad violenter movendum proſtitante & cogente , 2. de ſympt. cauſ. cap. 2.

*Palpebræ* , ſunt externæ oculi partes , ſuperciliis ſubjacentes , ſupernè , infernèque interiores oculi tunicas contegentes , hæc inferior , illa ſuperior dicitur , libr. Intrad. cap. 10.

*Pancæus* , vide *Endemus* .

*Pancratium* , vide *Pancreas* .

*Pancreas* , & *Pancreon* , *Calicreas* , & *Calicreon* , corpus glanduloſum , vel caro glanduloſa eſt in medio meſenterio ſita , quam natura quatuor vaſis , venæ , arteriæ , nervo , & veſicæ bilis , in orbem ſubſtravit ; diſiſioneſque inter ſe mutuas replevit , ne ullum ipſorum facilè ſcindatur , propter vehementem motum , ſed molli cedente corpore , conquieſcat , 5. de uſu part. cap. 2. quod corpus , vocatur etiam *Pancratium* . 1. de motu muſc. 6.

Cùm



Cum infiniti propè rami venæ portæ per mesenterium dispersi sint, chylum ab intestinis præsertim tenuibus exuentes, & in jecur deferentes, sciens natura eos propter exiguitatem infirmos esse, & injuriis obnoxios, ventre præsertim sæpè laborante saltu, ictu, compressu, vociferatione, spiritus contentione, & rerum gravium impulsu, glandibus singulas vasorum scissuras munivit, securasque reddidit. Qui usus est non hujus modo glandulosi corporis, sed aliarum quoque glandularum, *ad-  
vas* vocant, quæ pluribus aliis corporis partibus indicæ sunt à naturâ.

*Pandemus*, vide *Endemus*.

*Pandiculario*, vide *Oseitatio*.

*Panus*, id est, tuberculum immaturum, quod aliquando & magnum, & durum, & diuturnum exoritur, 3. de art. 2. est tumor, non altus, sed latus, in quo quoddam pustulæ simile est, panis similitudinem habens: hinc Latini *Panum* etiam appellant. vide *Phygethlon*.

*Papilla mammae*, id est, extremum mammae mulieris, quod ori infantis inditur, 15. de usu part. cap. 7.

*Papula*, nomen est iis, quæ spontè extuberant in cute, ex anthematibus conveniens, quæ superfluis constant humoribus, atque qualitatem illorum etiam non injuriâ subsequuntur; cum tenues humores sunt, exulcerationem potius, quàm tumores creant; at crassi, in tumorem cutim attollunt, com. 3. in 3. de morb. vulgar. 51.

*Paracentesis*, id est punctio, quæ Hydropicis, & Herniosis adhibetur, ad aquam evocandam, 14. method. 13. & 6. aphor. 27. Paulus non omnibus aquæ intercutis generibus, sed asciti tantum convenire scripsit: ejusque tres in universum differentias statuit; unam sectione factâ directè sub umbilico, tribus digitis interpositis, si sitis ab intestinis orta fuerit: aliam eâdem factâ à sinistro umbilici parte, si primario jecoris affectui malum feratur acceptum; tertiam autem à dextrâ ejusdem

dem parte, si à liene vitium traxerit originem. Scalpello ejusmodi sectio fieri debet, aut aculeo intra peritonæum adacto, deinde in foramen immisâ æneâ fistulâ, per eam humor sensim effundendus pro cuiusque virium ratione, cavendo ubique subitam cumulatamque vacuationem.

*Paracmaistica*, vide *Continua*. Παρεχμαστική ήλικία, ætas jam vergens & inclinata. Ætas declinans, media est inter juventutem & senectutem. Incipit secundum Galenum, à tricesimo quinto anno, duratque ad annum quadragesimum nonum, quo scilicet senectus incipit.

*Paracynanche*, vide *Cynanche*.

*Paralysis* (quæ & *Paresis* à Medicis recentioribus dicitur) est nervorum resolutio, cum nervi & corporis partes, omnino sensûs, & motûs expertes sunt, 1. de sympt. caus. cap. 5. fit, cum humorum multitudo indissolubiliter in aliquâ corporis parte, non principe, impacta fuerit, ut & *Epilepsia*, & *Apoplexia* partis dici possit, 4. acut. 27. *Exquisita* autem *paralysis* est, in quâ nervi & membra sentientia omnino sensum & motum perdiderunt; *imperfecta*, in quâ, motus quidem perit, servato sensu; *imperfectior*, in quâ incolumi motu, sensus aboletur; est enim *paralysis* motûs potius, quàm sensûs affectio; quæ si fiat in universo corpore *apoplexia* potius dicenda est, quam *vera paralysis*. Accidit insuper *paralysis* oculis; ubi & *mollities* dicitur, cum oculus, vel motu, vel visu, vel utroque privatur, læso vel cerebro, vel nervo concavo, vel spiritu visibili, libr. de ocul. part. 4. cap. 13. Est *Paralysis* etiam imaginatricis facultatis affectio, qualis & *Caros*, & *Catalepsis* nominatur, de sympt. differ. cap. 3: vide *Resolutio*.

*Parameſus digitus*, id est, *Digitus annulari*, lib. de muscul. diff. cap. 22. Παράμεσος δάκτυλος, digitus minimo proximus, Medicus à Latinis dictus, quod Medicinæ dicatus tradatur,

*Paraphrosyne*, pravus erransque motus virtutis imaginatricis cerebri est, qui & *delirium* dicitur, de sympt. differ. cap. 3. Differt verò ab *Aniâ*, & *amentia*, quòd illa sit imaginatricis, aut ratiocinatricis depravatus, vel diminutus motus; hæc verò earundem facultatum paralyfis existat, & resolutio.

*Paraphimosis*, vitium est *Phimosis* contrarium, cùm videlicet ea, quæ naturales meatus concludunt, opercula & tegumenta ita diducta sunt, ut reduci nequeant; propriè tamen dicitur de præputio retrorsum adducto, ut glandem tegere nequeat; quod malum ex nervi contractione maximè contingit; fit & ex immodicâ præputii siccitate; ei contrarium vitium *Phimosis* appellatur, lib. finit.

*Paraplegia*, *παραπληγία*, sive *ὑμωπληγία*, est plerumque alterutro in latere corporis partium immobilitas sensusque privatio, quam etiam *Apoplexiam* vocat Hippocrates, com. 2. in 1. prorrh. 50. quòd utraque à frigidis, & pituitosis fiat humoribus. *Paraplegia*, affectio unius partis corporis talis est, qualis *Paraplexia* totius, com. 3. in 1. prorrh. 26. Interdum facta absque convulsione *Apoplexia*, in partis alicujus resolutionem finiens. *Paraplexia* appellatur, 4. acut. 27. & com. 2. in 1. de morb. vulg. 59. *Apoplexia*, à *Paraplexiâ*, ut à toto, pars, differt; *Apoplectici* namque prorsus & *Paraplectici* sunt; *Paraplectici* verò, non omnino & *Apoplectici*. Adde, sanos mente, *Paraplecticos*, resolutos parte unâ corporis, dextrâ, vel sinistrâ, *Apoplecticos* & mente, & toto corpore resolutos esse constat, lib. finit.

*Pararhythmus pulsus* est, *παράρρυθμος σφυγμός*, qui cùm quæque ætas proprium pulsum agnoscat) non convenit illi ætati, in quo est ille pulsus, sed alterius proximioris; quemadmodum *Heterorhythmus pulsus* vocamus, qui alterius ætatis habet rhythmum, lib. fin.

*Pararosis*, est depravata visûs actio, cùm oculis colore,

lore, figurâ, magnitudine, vel situ, mutata videntur, veluti *Amblyopia* est diminuta actio visûs, & cæcitas, visioque ablata, 1. de sympt. caus. cap. 5.

*Parastata*, qui & *seminarii meatus* dicuntur, & Latine *astites* nominantur, sunt, qui ex venâ & arteriâ constant, in unam naturam consertis, semen confuentes, & perficientes, lib. finit. Ἀπὸ τῆς πείσεως adstare. Id enim quadrat utrique corpori, quod Veteres ὀφθαλμὸν appellant. Duo enim eodem nomine appellantur; unum, ὀφθαλμὸς χειρὸς; alterum, ὀφθαλμὸς αἰνῶος. Dicitur autem ὀφθαλμὸς χειρὸς, hoc est, Varicosus, corpus id quod utrique testis antestat in modum pyramidis efformatum, incipiens paulò suprà testem, quâ venæ & arteriæ spermaticæ coeunt & commiscuntur, deinde post multos gyros & circumvolutiones varicum in modum parum latefcens, & in superiorem testis partem insertum. Itaque vasis spermaticis coalescentibus gignitur, primumque seminis materiam, seu semen rude & imperfectum excipit, quod postea testiculus absolvit. Ergo ut facultate cum testiculo conspirat, sic quadamtenus etiam figurâ convenit: habet enim parvi cujusdam testis effigiem. Verum ὀφθαλμὸς αἰνῶος, id est, glandulosus, dicitur corpus seu glandula meatui urinario supraposita, vasorum semen deferentium insertionem excipiens. In eam enim deferentia semen vasa postquam coiere, inseruntur ad securitatem. Est autem ad humillimam vesicæ partem sita, media quodammodo inter vesicæ corpus, & ejus cervicem. Verùm hanc aliqui non ὀφθαλμὸν, sed ἀστέον appellant, quo vitent ambiguitatem. Sunt etiam qui ὀφθαλμὸν vocant ὀστέον, quod situm est ad radicem linguæ. vide *Glandulosi assistentes*.

*Parasyanche*, vide *Cynanche*.

*Paregorica*, id est, mitigatoria medicamenta, quæ non sanant, sed mitigant, ne malum crescat, libr. de



Dynamid. in procem. *παρηγορησ* idem prorsus, quod *τὸ ἀνέλδυνον*, hoc est, dolorem sedans. Dicitur & *παυ-  
πιδον*, hoc est, mitigatorium.

*Parentroptosis*, (quam & *Periptosis*, hoc est, incidentiam & casum vocat, lib. 3. *τῆ ὕλης*) est intercidentia, sive coincidentia; cum E. G. ea plenitudo, quæ ex ingestione eorum, quæ comeduntur, & bibuntur, in venis gignitur, à venis in arterias delabitur, lib. de caus. procatur. cap. 3. Atque universim *parentroptosis* est, quando aliunde in aliud vas humor fuit, 7. de anat. admin. cap. 16. speciatim, transumptio spirituum, ex arteriis, in venas, *parentroptosis* dicitur, lib. de venæ sect. contra Erasistratum, cap. 2. vide *Coincidentia*.

*Parentrocephalus*, quod & *Cerebellum*, & *Encranion* dicitur, est posterius cerebrum, quod à priori (anterius enim propter sui magnitudinem, nomen totius sibi vendicaverat,) crassæ meningis duplicatione est diremptum, 8. de usu part. cap. 1. vide *Cerebrum*.

*Parentrochymata* Græci vocant carneam illam substantiam; quæ inter vasorum intercapedines recipitur, 7. de anat. adm. cap. 5. ut quæ in visceribus, in jecinore, renibus, liene, & pulmone visitur: quam substantiam Gale. non vult vocari carnem; ea enim solum caro dicitur, quæ in musculo est; reliquarum nullam homines carnem vocant, præterquam admodum pauci; sed quæ in visceribus, ceu jecinore, renibus, liene, & pulmone visuntur, eas *Parentrochymata*, (quasi affusiones dixeris) Græci vocant; quæ verò in intestinis ventriculo; stomacho, & utero sunt, sine nomine relinquunt, 10. meth. 11. *παρηνχυμα* ergo dictum est ab Erasistrato, quod existimaret viscerum eorum molem ex sanguine & venis effuso concrefcere, ut scribit Galenus libr. 2. simpl. medic. Qui tamen neglectâ Erasistrati opinione, eorum viscerum propriam substantiam non *παρηνχυμα*, sed carnem sæpè appellat.

*Parentroptosis* idem quasi *Paralysis*, id est, resolutio, vide *Para-*

**Paralyfis.** Propriè contractio artuum, in quam passio colica terminatur.

**Parietalia,** vide **Bregma.**

**Paristhmia,** quæ & **Tonfillæ,** & **Amygdalæ** vocant, sunt locorum ad Isthmum (i.e. eam oris regionem, quæ os & gulam interjacet) attinentium inflammationes, 3. aph. 26. **Paristhmia,** **Tonfillæ,** & **Vvæ,** nihil aliud sunt, quàm inflammationes; **Vvæ** quidè Gargareonis; **Tonfillæ** verò adenum, qui in principio faucium inter se oppositi sunt; **Paristhmia,** corporum eorum, quæ in faucibus continentur, lib. de tumo. c. 17. Quo nomine non solum inflammationè, sed etiam faucium partem illam nominant. Sic autem eam appellaverunt Græci, quòd locus ille, cui adjacent, veluti Isthmus quispiam angustus est, quum inflammatione tumet, & multò quàm antea angustior fiat. Latini **Tonfillas** diminutivâ voce à **tolles**, hoc est, tumore faucium, appellant. Alio nomine etiam **ἀρμάδες** vocant. vide **Isthmus.**

**Parocheteusis,** id est, derivatio, est, cùm sanguis avertitur, atque ad alia membra proximiora conversus derivatur; si verò sanguis ad contraria revellitur, **Antispasin** Græci vocant. Latini **revulsionem**, §. method. cap. 2. Est autem **παροχέτευσις** curationis genus ad humores pertinens, ut scribit Galenus, cùm id quod per palatum vacuatur, per nares trahitur, nobis irritantibus, aut per acria medicamenta provocantibus: cùm quòd fluit ad oculos, aut aures, tum in nares, tum in os trahitur, collutionibus & gargarismatis acribus atque aliis ejusdem generis remediis: cùm quòd defluit per asperam arteriam, in pulmonem ad stomachum convertimus; id enim potius optandum: cùm sanguinem per sedem profluentem in muliere, per vulvam derivamus: similiter cùm mulieri sanguinem vomenti ex Hippocratis consilio, menses ducimus. Sed hoc exemplum revulsionis potius fuerit, quàm derivationis. Revulsio enim fit per loca plurimum distantia, eoque solo

à derivatione differt. Fit derivatio à dextris ad sinistra, ab anterioribus ad posteriora, & contrà, sed brevissimâ viâ. Alioqui ad revulsionis naturam magis accedit. Estque humoris tum fluentis, tum jam impacti, & in ægrâ parte consistentis. In quo etiam videtur à revulsione differre, quæ fluenti tantû humori adhibetur.

*Paronychia*, abscessus est, qui ad latera unguium enascitur, 8. de comp. med. loc. cap. 2. Alii malunt inflammationem vocare. Non leve prorsus malum est, ut quod dolores & febres aliquando moveat. Et tamen Latini reduviam curare, pro occupari in re minimâ, proverbii loco, usurpant. Ex quo arbitror reduviæ nomine non tantum *παρωνυχία* designari, sed eum etiam affectum, in quo ad unguum latera caruncula, aut cutis portio resolvitur nullo fermè dolore. Inde Latini *reduviam* vel *rediviam* malum hoc nuncuparunt: *redivire* enim *resolvere* est, ut scribit Festus: quamquam Hermol. Barbarus *reluvium* etiam vocet à reluendo, hoc est, resolvendo: Arabes *Panaritium* vocant.

*Paratides*, vide *Eparmata*.

*Paroxysmus*, vide *Accessio*.

*Partes inanes corporis* sunt quæcunque inter extremam thoracis costam, & femoris ossa continentur, 2. prognost. 1.

*Partus*, τὸκεῖν, actio est partim uteri ipsius, adaucti foetus gravitate, & excrementorum redundantia onerati & distenti, vi propria expultrice, foetum ejicientis; partim ejusdem foetus grandiores effecti, & majori alimento, quam quod in utero recipere possit, indigentis, atque ex uteri angustia, adaucto nativo calore ad suffocationis imminentis periculum averfandum festinantis, & (quum non sufficiat illi amplius spiritus maternus, quem illa per arterias subministrat) ad exitum repente concitati.

*Parulides*, παρῦλις, est inflammatio partis alicujus gingivarum. Ea autem omnium inflammationum modo,

do, nisi discussa fuerit, suppuratur & vertitur in abscessum: proindeque Paulus lib. 6. *παρυλιδα* abscessum esse dixit. Ex eâ plerumque gingivæ putrescunt & decidunt, gigniturque *ἰπυλῖς*, hoc est, carnis excrescentia, maximè ad intimos molares dentes. Vidi autem parulidem ab imperito Chirurgo malè curatam, in quâ caro non modò supercrevit, sed cum adverso etiam buccarum musculo prorsus coaluit.

*Parygron*, id est, humidum, seu liquidum medicamentum, quod medetur particulæ, parvâ adhuc phlegmone, conflictanti, huic protinùs impositum; ubi duritiem à dolore alienam pars affecta acquisierit; quæ admodum etiam, si phlegmonoso affectu, omninò sit libera, 7. de comp. med. per gen. cap. 2. *Πάρυγρον* emplastrum est ab Hera primum descriptum hunc in modum, sicut Galenus prodidit; ℞, Adipis suilli recentis & liquati uncias 44, ceræ uncias 24, cerussæ uncias 6, argenti spumæ uncias 6; liquida cum aridis permiscantur, ac manebit aliquamdiu liquidius, postea verò consistet per se, & compagem acquires. Alii verò postea aliter pro suo quisque arbitrio composuere. Emollit primo ordine, præsertim recens: inveteratum enim magis digerit. Inflammationem quidem coercet & lenit, sed ulcera fordida reddit. Vide apud Paulum & Aëtium.

*Passio*, *πάθος*, *πάθημα*, generaliter quidem dicitur, omnis motus, qui ab altero in alterum fit, sive secundum naturam fiat, sive præter naturam, quâ parte ab altero recipitur; hinc visio, auditio, calefactio, frigidificatio, humectatio, delectari, dolere, gaudere, tristari, *passiones* dicuntur, quorum essentia in fieri est, cum motus sint, cujus nullæ sunt partes permanentes, sed dum fiunt solùm sunt, solùmque in fieri & mutari essentiam suam habent: Cum autem motus desit, non affectio, aut passio, sed affectum esse & passum dicitur. Græcè *Ἀφαιρέσις*, speciatim verò non solùm, dum fit al-



teratio, *passio* dicitur, sed dum facta est, & quæ motu absoluto superstes est, quam etiam *morbos* appellant; ut ex contusione nigror; ex febre tabes; ex continuis vigiliis insipientia. Tertiò adhuc specialius, non modo *passio*, quæ fit, nec quæ facta est, sed quæ est præter naturam tantùm facta affectio, *Passio* vocitatur, ut ex vulnere cæcitas: quâ significatione *morbi*, & *symptomata*, à Medicis *passiones* dicuntur; vide *Affectus*, & *Symptoma*.

*Pastilli*, Græcis *περλαιοι*, seu *rotulae* & *orbiculi*, ab efformationis figurâ, sic dicuntur medicamenta plana, in rotæ, aut circuli formam coacta, 5. de medic. per gen. 11. & 1. de antid. cap. 9.

*Pastio*, id est, ulcus depascens, 5. med. per gen. c. 3.

*Patella*, est os cartilaginofum, rotundum, & gibbum, quâ femur tibiæ connectitur; aliterque *Mola* dicitur, lib. de ossib. 23. quin & *Rotula*, *Myale*, *Epigonari*, & *Epigoni*, id est, *Supergenualis* appellatur, 15. de usu part. cap. 15.

*Pathema*, id est, *Passio*, vide *Affectus*, *Passio*, & *Symptoma*.

*Pathognomonica syndrome*, id est, concursus, symptomatum, affectuum p. n. index, 1. loc. aff. 1. *Pathognomonica* autem *signa* sunt, quæ & *homoeidea*, & *homogenea* dicuntur, id est, ejusdem speciei, vel generis, quæ in unâ aliquâ fiunt affectione, quæ perpetuò & soli illi insunt, tanquam soli propria, & inseparabilia existentia, veluti quæ per sputa excernuntur, affectionis tùm pulmonum, tùm thoracis, tùm asperæ arteriæ, tùm gutturis, & tandem respirationi subservientium instrumentorum, signa sunt, quæ & in respiratione, vitium per se & primùm contraxerunt, non per consensum; atque hæc signa sunt certissima, non autem ea, quæ perpetuò, sed non soli insunt, vel soli, sed non perpetuò, com. 1. in 1. prorrh. 2. vide *Asidentia*,

*Pathologica*, sive *Ætiologica* medicinæ pars est, quæ causas

causas & symptomata, & morbos inquit, vide *Ætiologica*. Eam in totum neglexerunt olim Methodici, sed maximi olim fecere dogmatici Hippocratis vestigiis insistentes.

*Pauciferum vinum*, vide *Oenodes*.

*Pechys*, vide *Cubitus*.

*Pecsis*, id est, *Congelatio*, *πῆξις* Græcè, idem quod *ἰσχυρὸς*, hoc est, firmitas, stabilitas, fixio; quum verò illa, quæ frigore concresecunt & congelant, firma quæque fiant ac stabilia; ob id malum hoc, (ubi corporis partes præ frigore rigent, adeoque stabiles sunt) *πῆξις*, id est, *Congelatio*, dicitur. Fit exiccatione, quod proprium sit sicci terminari atque definiri. Inducitur autem siccitas vel sicco corpore superinducto, vel summotâ, quæ inerat humiditatis redundantia. Cujus summovendæ ratio etiam duplex est, scilicet per compressionem humiditatis à terrestribus partibus siccioribus factam, sed adhuc tamen in corpore latentis & contentæ, vel per resolutionem. Causæ verò coagulationis seu concretionis sunt tum calidum, tum frigidum. Calidum quidem tam per se quàm per accidens, frigidum verò nonnisi per accidens, ut Aristoteles lib. 4. meth. demonstravit.

*Pecten*, est sinus ipse, quo muliebri pudendum clauditur, lib. Introd. cap. 10. Est adhuc *pecten* ea plantæ pedis, quæ terram contingimus, pars, & quæ post concavum ad digitos assurgit: dicitur & *Pecten*, ea pars manus, unde digiti procedunt, ibidem. *Pectorale os*, medio pectore situm, costis utrinque alligatum est; constat autem septem parvis ossibus, per synarthrosim colligatis, quibus singulis, singulæ costæ connectuntur; quæ tota pectoralis ossis figura à nonnullis, quia gladii similitudinem repræsentat, *Xiphoïdes*, id est, ensiformis, lib. de ossib. cap. 13. imò & *Sternon* appellatur, 7. de anat. adm. cap. 2. vide *Sternon*.

*Pectus*, ea est corporis pars, quæ inter medias costas,

& utrumque latus jacet, libr. Introd. capit. 10.

*Pedem summum*, partem eam pedis vocat Hippocrates, quæ à plantâ & solo, usque ad digitos, & ungues porrigitur, 3. de artic. 106.

*Pediculari morbus*, vide *Phthiriasis*.

*Pedion*, id est, *Planum*, *Planities*, seu *Planta*, est pars pedis, quæ est ante digitos; quæ verò pars ante hanc sita est, *Tarsus* dicitur, 3. de usu part. 5. Arabicè *achmas*. Illud metacarpio manûs, hoc Carpo proportionem respondet, cap. 6. Atqui & interiorem summæ manûs regionem, & quantum infra pedem est, *πίλμος* Græcè, *Plantam* Latinè dicunt, 3. de anatom. adm. cap. 1.

*Pelignus*, est color lividus, 14. ineth. 9.

*Pelma*, vide *Pedion*.

*Peltali cartilago*, vide *Cricoides cartilago*.

*Pelvi*, vide *Infundibulum*, & *Choana*.

*Pemphygodes febrî*, vide *Febrî pemphygodes*.

*Peni*, *πῆμα*, virile membrum, quod & *αἰδοῖον*, & *καυλός* dicitur, 2. de sympt. caus. cap. 2. Rufus definit *πῆμα* dici τὸ ἐκκερμῆς ἢ αἰδοῖς, hoc est, partem penduli pendulam & prominentem: eique subjectam, quæ non propendet, *ὑπόπῆμα*, & *περίπῆμα* appellari.

*Pensilis verruca*, (vide *Acrochordon*) dicitur, quòd in imo usque adeò sit angusta, ut pendere videatur; tota enim foràs prominet, adeò ut excisa nullam radiculam relinquat, angustiore basi prædita, & summæ chordæ similis; à *Myrmeciâ* differt, quæ basim habet latiore, & nigro colore præditam, atque ubi à *Chyrurgo* tollitur, sanguinem fundit copiosorem, unde & *Sessilis verruca* appellatur, vide *Myrmeciâ*.

*Pepasmus*, *πῆσμος*, morbi est, & eorum, quæ præter naturam sunt, veluti coctio quædam & maturatio, & ad excretionem præparatio, in quâ quod assimilatur, paucum est; quod autem semicoctum, & superfluum, multum; quamquam alibi *πῆσμος* significatum latius exten-

extendit Galenus, dum omnem deductionem in mediocrem temperiem *μεσότης* appellat; & alibi omnem morborum *πείρα*, id est, coctionem, in succorum alteratione consistere scribit.

*Pepsis*, vide *Pepasmus*.

*Peracutus morbus*, vide *Acutus simpliciter*.

*Per consensum morbus*, vide *Idiopathia*.

*Perditio*, vide *Abortus*.

*Perfrictio*, est nativi caloris frigiditas sine sensu doloris, longiori temporis spatio, & paulatim facta, lib. de tremor. convul. cap. 6. quæ nativam caliditatem, ab humorum multitudine gravari ostendit, 4. acut. 26. vide *Frigus*.

*Perforatio*, est sectio, quæ in spatiosam pulmonis sedis capacitatem, ipsumque usque in pulmonis cavum penetrat; reliqua verò omnis divisio ipsius, *vulneratio* quidem dicitur, *perforatio* non item, 7. de anat. adm. cap. 14. Nominatur quoque perforatio, insignis quidam ventriculus, & meatus, qui ab anterioribus duobus Cerebri ventriculis in ipsum Cerebellum prorumpit, per quem parencephalis Cerebro est communis & connexa. Cum enim Cerebrum sit à parencephalide, crassæ meningis duplicatione diremptum, ipsumque oporteret aliquâ parte illi conjungi, quò prædictum meatum produceret, in unum prius locum utroque ventriculos terminavit, quem sanè *quartum* totius Cerebri *ventriculum* nonnulli nuncupant; alii rectius non *ventriculum*, sed *perforationem* nominant, ex quâ cavitate animalis spiritus parencephalidi transmittitur, 8. de usu part. cap. 11.

*Periapta medicamenta*, sunt capitis dolori conferentia, quæ Latinis *Amuleta* appellantur, quod de collo suspendantur, aut alicui corporis parti alligentur, lib. de remed. part. fac. cap. 1. Dicuntur & *περάματα*, cujus generis Galenus plurima recenset, quæ capiti coronæ modo imposita, dolorem ejus levent. Per multa  
etiam



etiam quotidie experimur, quæ brachiali admota febres reprimunt. vide *Amuleta*.

*Pericardium*, quod & *membrana*, & *tunica* dicitur: *membrana* à substantiâ; *tunica*, ab usu, 7. de anat. adm. cap. 2. vide *Membrana pericardios*. Eam verò & altera tunica involvit, prodians à membranâ costas succingente, quâ thoracem dividit. Quibus thorax brevior est, attingit septum transversum: non attingit verò quibus septem ossa sortitum est. In eo serofus humor continetur, parcius quidem quibus cor est calidius, copiosior quibus frigidius, vaporibus multis in aquam resolutis. Nervos habet à sextâ cerebri conjugatione, seu à recurrente sinistro, venas & arterias à septo transverso, & membranâ medium thoracem dividenti-

*Pericranios membrana*, tunica est cranio superimposita, quæ ex duplicatione duræ meningis connata undique, & adhærescentis intrinsecus cranio, per suturas extra cranium egressæ, ut cranium duræ meningi, & cerebro arctius vinceret, oborta, ipsi cranio extrinsecus in orbem circumfunditur, 8. de usu part. cap. 9.

*Pericharia*, *ἡ ἐκείνη*, hoc est, subitum, & vehemens gaudium; contrarium *Ecplexia*, quæ est subitus timor. Ex amborum occasione scimus multos interiisse, 12. meth. cap. 5. vide *Epilepsis*.

*Pericholus*, id est, biliosus, sive is homo sit, sive dejectio, sive urina, sive morbus, com. 2. in 1. prorrh. 18. Consueverunt autem excrementa, bilem substantiâ tenuem circiter habentia, atque ea circumvoluta, vocare *Perichra*, id est, circiter colorata, ibid.

*Perinaeon*, *ἡ ἐκείνη*, & *μεσσην*, *femen*, & *interfemineum* dicitur, vide *Interfemineum*.

*Periodus*, vide *Circuitus*.

*Periosios membrana*, tunica est ea, quæ singulis ossibus proximè adjacet; aggeneravit enim natura, ac circumjecit omnibus ossibus carnes, simulque ipsa pinguis.

guiffimâ quoque parte extractâ, terrestria atque arida, nec non pinguedine omni prorsus carentia reddidit; atque ex eo, quod extraxit, lentum ac tenax singulis, & in capitibus colligamina, quibus inter se connectuntur, & in longitudine circum undique tenues membranas produxit, quæ circum ossa, hoc est, ossum involucria, & periostia nuncupantur, quibus carnes aggeneravit, 1. de semin. cap. 10. Est insuper *periostios* membrana, succingentem & costas circumdans, quæ costis intus tenditur, ita ut inter costas & succingentem, media collocetur, 8. de anat. adm. cap. 10. Est quoque *periostios* oculi tunica, septima in ordine, quæ totum oculum cum ossibus colligat, & simul quoque moventes ipsum musculos operit, 10. de usu part. cap. 2.

*Peripneumonia*, seu *Pulmonia*, pulmonis inflammatio est, quam semper continua & acuta febris comitatur; Pulmo autem cum viscus sit. laxum & molle, fistulisque inanibus undique infinitis cavum, cordi vicinum, à pituitosiore proin atque crassiore sanguine inflammatur, cum subtilis, biliosusque fluat ferè, nec cum viscere ullâ ratione cohærescere possit, 4. de caus. puls. cap. 12. & 2. prog. 64. Quam sequitur spirandi difficultas, tantaque angustia, ut suffocari laborantes videantur, ac recti sedere cogantur, calidam sentiunt expirationem, multumque aërem frigidum attrahere concupiscunt, atque inter tussendum sputum varium colore ejiciunt, insuper gravitatis cujusdam, thoraci incumbentis sensum sæpe percipiunt, ac dolorem, ex imò ad ipsum pervenire, & ad os pectorale, & ad spinam usque extendi conqueruntur, 2. loc. aff. cap. 9.

*Peritroffis*, vide *Paremtroffis*.

*Peritonæum*, membrana est, à Græci vocabuli etymologiâ sic dicta; quod alimenti vasis *περίσπινος*, hoc est, prætendatur; quæ & *Peritonæos membrana*, *peritonæos tunica*, & *tegumentum* appellatur; tenuis substantiæ est,

ex

ex simplicium & primorum corporum numero, præ-  
tenditurque tùm visceribus, tùm intestinis, tùm va-  
sis, quæ inter septum transversum & crura habentur;  
tùm etiam iis, quæ interjacent, quale est vulva, & ve-  
sica, tenue admodum corpus, latis araneorum telis si-  
millimum, 6. de anat. adm. cap. 4. abdomini super-  
stratum, 4. meth. 6. Abrabibus *Siphac* dicitur.

*Peritonæi vertex*, membrana est, telis araneorum si-  
milis, inferioribus septi partibus circumjecta, conti-  
nua, totam inferiorem septi transversæ regionem sub-  
vestiens, eidemque circumhærens, 6. de anat. adm.  
cap. 8.

*Perittoma*, est id, quod post completam coctionem,  
nec confectum, nec assimilatum relinquitur, adeoque  
corpori nec adnascitur, nec accrescit, sed per ipsius  
laxiora spatia, tanquam supervacaneum errat: Unde  
nomen quoque rectè à majoribus ei *Perittoma* est in-  
ditum, 1. de sanit. tuen. cap. 3. quod est idem ac *ex-  
crementum*, sive id spiritus, sive corpus aliud solidum  
sit, *ἄεθλα* Græcè. Solida quædam corpora inter  
excrementa reputantur, ut calculi arenulæ, lumbrici,  
& si quæ præterea ejus generis in corpore conti-  
nentur.

*Perniones*, quæ & *Chimethla* dicuntur, sunt intertri-  
menta, & scissuræ manuum, & pedum, hyberno tem-  
pore à summis algoribus factæ, libr. de med. fac. part.  
cap. 203. Oritur verò *χειμῶλον* in talo frequentissimè.  
Sic dicitur, ἀπὸ τοῦ χειμῶνος, quod hyeme maximè  
proveniat: unde & *χειμῶλον* quidam scribunt.

*Perona*, *Sura*, *Fibula*, quibusdam est alterum os tibiæ  
exteriorius & tenuius; alterum enim quod crassissimum  
est, & interiori in parte situm, *κνήμη* Græcis, & eo-  
dem cum totâ parte, nomine, Latinis *Tibia* appella-  
tur. Galenus autem ex Hippocrate in ταῖς γλώσσαις  
dicit, *Peronam* diversâ significare, aliquando quidem  
os totum membri, aliquando ipsius ossis epiphylin, in-  
terdum

terdum ejus protuberantiam, sive malleolum. Est autem *ἡ πρὸν* suprâ brevior paulò, ut quæ genu ipsum non contingat, infrâ verò longior multò quam tibia: habet autem & suprâ & infrâ epiphysim, quarum superiore jungitur cum osse tibiæ membranoso ligamento, inferiore verò prominente & gibbâ malleolum externum constituit, sicut tibia epiphysi simili internum.

*Perosis*, hoc est, oblæsiō, est privatio & impedimentum naturalis functionis, aut alicujus particulæ mutiatio, libr. finit.

*Persistentes morbi* sunt, qui eisdem horis accedunt ac remittunt, libr. de Typis, cap. 3.

*Perspiratio*, & *Perspiratus* vide *Inspiratio*.

*Per viciniam affici*, vide *Idiopathia*.

*Pes*, *πῆς*, pars infima cruris est, quæ multiplici osse constat, malleolis, talo, & digitis. *Pes* etiam mensura est, quâ rerum intervalla dimetimur. Constat unciis duodecim, sive sedecim digitis, sive palmis quatuor.]

*Pessarium*, *Pessus*, *πείσος*, est lana concerpta, aut pannus, aut bombax, aut linamentum, ad digiti figuram, rotundum factum, quod immersum in medicamentum aliquod, involutum serico, filoque appensum, in uterum inditur. Fiunt etiam ex gummi, & resinis, & cerâ, aliisque liquoribus ad talem formam reductis. Ut autem ex Antyllo refert Oribasius, tres sunt pessorum differentiae: alii namque molliunt, alii adstringunt, alii aperiunt. Mollientibus ad uteri inflammationes, exulcerationes, perfrictiones, strangulatus, averSIONES, & inflationes utimur. Fiunt autem ex cerâ tyrrhenicâ, cyprimo, susino, pinguedine anseris, & gallinæ, butyro insulso, resinâ deustâ, medullâ cervinâ, sænogræco & similibus. Aperientes utiles sunt, cùm purgationem suppressam provocare volumus, aut conniventem compressamque vulvam emendare: hi- que ex melle, artemisiâ, dictamno, brassicâ, dulcis ra-  
dicis



dicis succo, rutâ, & scamoneâ. Adstringentium usus contrarius est aperientibus. Nam fluorum muliebrem cohibent, & uterum suspensum contrahunt, & prolapsum reprimunt.

*Pestilentia, febris pestilens, morbus pestilens, Anipet;* idem significant, estque morbus non quidem patrius, sed Epidemius, contagiosus, perniciosissimus, communis, è communi causâ natus, adventitius, præsentissimi periculi, ut qui malignâ & venenatâ putredine, humores, vitales spiritus, & substantiam Cordis labefactet. Pestem itaque excitat aër totâ suâ substantiâ putris & corruptus, sive quodd is inclusus non diffusetur, sive à non humatis cadaveribus, & qui exhalant vaporibus, & halitibus putridis non discussis. An verò corporum caelestium aspectus insausti, & influxus pestilentem reddant aërem, dubitare malim, quàm credere; præsertim cùm medico sensus magis sequenti, aëris mutationes pro omni sint Astrologiâ, ut ex Hippocrate conjicere licet, 3. aphor. & initio progn. & libr. de aquâ, aëre & locis.

*Petaboeides urina* est, quæ habet hypostâsim similem squamis piscium, libr. de Urinis, cap. 27. Πιταλωδὴς ὕδωρ, foliosa urina, dicitur ea, in quâ foliis similia, sive squamis aut laminis subsident: dicuntur autem πίταλα, inquit Actuarius, quæ & longitudinem & latitudinem habent, non etiâ evidentem profunditatem. Eodem etiam, ait ille, donata sunt nomine instrumenta quædam ad oculos comparata. Quin etiam lapis quidam πειάλτης dicitur, quasi ἐκ πίταλα, hoc est, in laminas solutus. Ex quibus omnibus τὴν πειαλωδὴν ὑπόπρωτον, sive quæ subsident in urinis foliis similia considerare oportet. Fit autem ejusmodi, vesica resoluta & erosa, ut testatur Galen. com. Aphor. 76. libr. 4.

*Petia oculi*, est sanguis fluens de aliquâ arteriâ, vel venâ oblæsâ & sauciâtâ, libr. de ocul. part. 4. cap. 7.

*Phacos*, faciei macula est nigra, lentis similitudine

nem obtinens. Latini *lentiginem* & *lenticulam* vocant. φακός, lens cruda. Proverbialiter φακὸν κόπτειν dicitur qui operam ludit; φακὸς ὁ ἐπὶ τῶν τελευτῶν, lens palustris apud Diosc. Est etiam vas lenticularis formæ, dictum lenticula. Dicitur & de vase in quo mortuorum cineres conduntur. Item nigra quædam oculi macula Hesych.

*Phagedænas* antiqui nominant ulcera maligna, quæ semper majora, & deteriora fiunt, vel cicatrice nullo modo adveniente, vel si facta sit, resoluta; vel propter influxum vitiosorum humorum, vel propter dispositionem partis latentem longo tempore contractam, ex influentibus humoribus, vel ob aliquam dispositionem ossis eo loco corrupti: sed nobis sufficiat, ex iis ulceribus pravis, alia nominare *Herpetes*, quæ summam cutem tantum infestant; alia *Phagedænas*, id est, exedentes, quæ carnem subjectam corrumpunt; nam quod *putridum*, atque *depascens* à nonnullis *ulcus* vocatur, non est *propria ulceris differentia*, sed *passio implicita*, ex *ulcere atque putredine*, 6. aph. 45. & libr. de aquâ, aëre, & loc. cap. 2. Aliis *phagedænæ* sunt illa ulcera, quæ partes vicinas continuo depascunt, non tamen eas putrefaciunt, febresque inferunt; quod si depastionem cum putrilagine sustinent partes, aliis *Nomæ* dicuntur, id est, depastiones, 6. de comp. med. per gen. cap. 1. φαγδαῖναι Græcè.

*Phalacrofis*, φαλάκρωσις, *calvitium*, seu *calvities*, pilorum capitis destitutum est, propter humoris alimentarii penuriam, non autem humorum vitio; nam tunc diceretur *Alopecia*, *Area*, vel *Ophiasis*, vide *Madarosis*. Deficit autem pilis alimentum propter siccitatem cerebri, quæ vel à senio est, vel maturius etiam accidit propter calidum & siccum hominis temperamentum. Fiunt autem calvi homines à scincipite magis, cum senescunt; quoniam illud omnium capitis partium est siccissimum; hæret enim cutis illic ossi nudo. Cæte-

rum quamvis propriè *φαλάκρωσις* de capite intelligatur, sunt tamen, qui ad mentum etiam pertinere dicantur. At si rem diligentius consideremus, de mento impropriè *φαλάκρωσις* dici videbitur, ex quo nonnisi vitio humoris defluere pili solent, cum illa propter solam, ut Galenus ait, alimenti penuriam eveniat.

*Phalanx*, articulus est, is maximè, quo magnus digitus, ossi Carpi propinquo, dearticulatur, 2. de usu part. cap. 9. Græcè *στυπλιδες, φάλαγξ*, vide *Digiti*. Sunt etiam qui Phalangis nomine metacarpii ossa comprehendant, ordine etiam eodem velut in acie constituta, quo ossa digitorum. *φάλαγξ* autem *agmen militum* significat.

*Phalangis*, affectus est, quo pilorum subnascensium, duplex, triplexve acies, in superiore, vel in inferiore palpebrâ, provenit: libr. Introd. cap. 15. Ex quo videtur author Introducotorii *phalangosin* confundere cum *distichiasis*, quod falsum videtur, quoniam in hac novi pili, & non naturales succrescunt; in illâ verò soli naturales pili sunt, qui inversi negotium oculo facessunt; in quâ cilium intrò spectat, pilorum acie simul cum eo inversâ, sic enim oculum compungunt; quibus duobus affectibus, commune genus est *Trichiasis*, id est, noxa oculis, inversis à pilis, proveniens; qui pili si recenter exoriuntur, *distichiasin* efficiunt; si nativi, & naturales, *Phalangosin*. Paulus.

*Pharmaceutica* medicinæ pars est, quæ medicamentis per os assumptis, affectibus p. n. medetur, 3. de comp. med. per gen. cap. 2. altera therapeuticae medicinæ pars est.

*Pharmacia*, purgatio, *καθάρσις, ἀνακαθάρσις*, duplicem habet apud Hippocratem & Medicos significationem: primò enim significat, humorum, qui suâ qualitate molestant, evacuationem, sive naturâ, sive arte factam, per quamcunque regionem, E. gr. vomitum, sudorem, urinam, nares, tussim, alvum, uterum; secundò, solam

folam vitiosi humoris evacuationem per alvum tantum, ope medicamenti factam notat: prior significatio habetur, com. 4. in 6. de morb. vulg. posterior, in eo aphorismo, qui bene corpore habent, difficulter ferunt purgationes; & corpora sana cum purgantur, exolvuntur. *Φαρυγγος δὲν* usurpatur sæpe ab Hippocrat. *ἀντὶ τῆς καθαρέσεως*, quod est medicamento purgare.

*Pharyngethron*, apud Galenum, nunc pro *Pharynge* sumitur, nunc pro *osse hyoide*, seu portione maximâ Pharyngis. vide *Hyoeder*.

*Pharynx*, duo significat, nimirum primùm fauces (id est, regionem intra os, ubi tùm gulæ, tùm asperæ arteriæ extrema concurrunt, sive medium illud spatium inter laryngem & gulam, & ipsam asperam arteriam, cujus summum *laryngem* vocant,) veruntamen loci vicinia effecit, ut pharyngis nomine, nunc pro medio inter laryngem & gulam spatio, nunc pro asperâ arteriâ, nunc pro ipsius asperæ arteriæ summo capite, id est, larynge, indifferenter sumatur; ut ex pluribus Galeni, & Hippocratis locis elicere est.

*Phatnia*, sunt ossa, dentes continentia, libr. de ossibus; vel, ut alii, sunt alveoli, præsepiola, & cavitates, quibus per *γέφυραι* dentes inseruntur, quas Græci *βόθραι*, vocant; unde videntur hæ duæ voces *φάρνια* & *βόθραι* idem significare. Apud Rufum etiam *φάρνια* legimus: Apud Poll. & *φάρνιας* & *φάρνας*.

*Phaulon*, simplicem & vulgarem victus rationem vocat Hippocrates, eam verò, quæ huic contraria est, *exquisitam*: inter utramque autem mediam, *hypophaulon*, id est, *subvulgarem*, nuncupavit, 1. de fract. 45.

*Phimos*, & *Phimosis*, vitium quoddam in masculis est, ut docet Celsus lib. 7. cap. 25. in quo Colis glans, ita præputio contexta est, ut nudari non possit; huic contrarium malum, in quo propter cutem decurtatam, aut retrò abactam, glans regi non potest, *Periphimosis*, vel *Paraphimosis* appellatur.



*Phimosis* est, cùm cutis palpebrarum extrinsecùs inflammatur eò usque, ut vicinæ regionis partes quoque occupentur, & palpebræ invertantur; cùm verò modica quidem in cute inflammatio est, at membrana, quæ intùs ad Irim usque extenditur, valdè abbreviata, tunc fit, ut intrò palpebra convertatur: quod vitium, cùm utrisque palpebris accidit, *Phimosis*, hoc est, *Capistratio* nuncupatur, cùm diducere eas æger, atque aperire oculum nequit. Idem morbus interdum in labiis oritur, & præputio, & ano, cujus causa ubique eadem est, 3. de iis, quæ in med. 32. Fit etiam cicatrice, quæ in meatibus concreverit *φίμωσις*, aut carnis incremento, quæ unâ in parte redundans, cum opposita coaluerit. Nascitur in omnibus meatibus & locis quæ naturâ diduci possunt. vide *Paraphimosis*.

*Phleborrhagia*, φλεβορραγία, ἢ ῥήξις τῆ φλεβῶν, id est, venarum ruptio, 4. acut. 86.

*Phlebotomia*, id est, venæ sectio, aut sanguinis per venæ sectionem, emissio, 11. meth. 1. Remedium est in medicinâ, si quod aliud, nobile, valens non tantùm ad demendam plenitudinem, nimiamque sanguinis etiam optimi copiam, sed etiam ad vitia ejus tollenda. Nihil enim æquè plenitudinem demit, sive ea simpliciter, & ad vasa dicatur, sive ad vires tantùm; nihilque perinde vitia sanguinis emendat, ac venæ sectio. De vitiosâ autem sanguinis dispositione aliquis fortè instare possit eam non necessariam videri. Attamen Galenus secutus authoritatem veterum Medicorum, eam adhibet, cùm & pituita, & flava bilis, atque etiam atra in sanguine exuperant, si modò ætas & vires cum magnitudine morbi consentiant. His ad hunc modum habentibus, non dubitabis incipiente anasarcâ, sive leucophlegmatîâ sanguinem detrahare, neque ubi sanguis fervidior est, & febrem committit, vel tertianam, vel continuam, neque in elephante, febre quartanâ, & in omnibus lienosis affectibus. Similiter in phlegmone, cede-

œdemate, erysipelate, & scirrho, vel simplicibus, vel complicatis atque inter se conjunctis. Quod tamen ita accipi debet, non ut intelligamus humorem, qui manabit incisâ venâ, esse vel omnino album, vel valdè flavum, vel exquisitè nigrum. Neque enim is sanguis esse potest, cùm phlebotomiam sanguinis detractionem esse dixerimus: hoc est, ejus humoris, qui modicè calidus sit atque rubicundus. Quare cùm præcipuè mittendi sanguinis indicationes sint virium robur & magnitudo morbi (etenim sub virium robore ætas comprehenditur) quantò hæ majores valentioresque fuerint, tantò majorem vacuationem faciendam esse indicant: sicut è contrario evacuationis quantitatem minuere oportet, in quantum hæ fuerint minores. Secari autem vena debet, eaque varia, sive vacuare, sive revellere, sive derivare volumus. Hisce enim tribus de causis omnis vena secanda suscipitur, quorum consilia habentur varia pro diversitate locorum, à quibus sanguis fluxurus est.

*Phlegma*, Latinis *Pituita*, humor est frigidus & humidus, albi coloris, insipidus, qui tùm in senibus, tùm iis, qui ratione quâvis sunt perfrigerati, plurimus acervatur, autumno abundans; quem Prodicus *Blenam*, & *Mucum* vocât, 2. de natur. fac. cap. 9. vide *Pituita*, *Gravedo*, & *Coryza*.

*Phlegmasia*, φλεγμασία significant, sive illas, quæ propriè phlegmonæ, id est, inflammationes, nominantur; sive etiam libeat febres unâ complecti, secundum antiquam vocabuli acceptionem, 1. aphor. 7.

*Phlegmone*, est tumor p. n. in quo sanguis calidus copiosior in aliquam animalis partem procumbens, majora ejus vasa distendit, ab his ad minora procedit, à quibus exodat foràs, in ea ampla spatia, quæ inter vasa sunt, ut etiam omnia, quæ in carne habentur, loca inania occupet, 10. meth. 6. Solet Hippocrates *Phlegmonas* appellare omnes inflammationes, etsi tumore præ-

ter naturam careant ; sed ipso posteriores , nomen phlegmones. tumoribus præter naturam attribuunt , quâ cum inflammatione , & resistentiâ , & pulsatorio dolore consistunt , com. 4. in 6. de morb. vulgar. 1. Consueverunt antiqui in omni caliditate, nomine phlogosis, id est, inflammis, & Phlegmones, hoc est, Inflammationis uti, 2. Glau. 1. & 4. acut. 21. & 13. method. cap. 1. φλεγμονή, ἢ φλόγωσις Græcè. Non omnes phlegmonæ pares existunt. Earum enim aliæ non modò majores minoresve sunt, sed aliquæ magis minusve exquisitæ. Sed exquisita quidem synceraque est, quæ fit ex optimo sanguine & mediocris consistentiæ: non exquisita verò quæ fit à sanguine, cui aliquis alius humor admistus sit. Illa φλεγμονή simpliciter dicitur, hæc non absolutè, sed vel φλεγμονή ἐρυσιπελώδης, vel ὀιδιμαλώδης, vel σκισσώδης. Cæterum omnis phlegmone contrahitur à fluxione, quam vel manifesta causa, vel occulta etiam excitarit. Manifesta quidem, ut cum offenso pede glandulæ inflammantur: occulta verò quando aliquâ parte delegante, aut toto corpore transmittente, & affectâ parte ob debilitatem recipiente, aut propter dolorem vel calorem attrahente, sanguinis copia affluerit. Verum omnis phlegmone quæ sanescit, aut digeritur, aut concoquitur: si digeritur, ex toto curatur: si verò concoquitur, in abscessum transit, qui δόσημα dicitur.

Phlegmone erysipelatoſa, est tumor præter naturam, à sanguine & bilioso humore subortus, sed sanguine in prædominio peccante, bile in subdominio: è contrâ Erysipelas phlegmonosum, in quo prædominatur bilis, sanguine in subdominio peccante, ita ut ab eo, quod in misturâ exuperat, nomen ipsi tumori indatur, ac phlegmone erysipelatoſa, vel erysipelas phlegmonosum vocetur: Ubi autem neutrum vincit, ibi vitium phlegmones, erysipelatoſque medium nominetur, 14. meth. cap. 2. vide Inflammatio.

Phleg-

*Phlegmone oculi*, tumor est circa oculos, qui cum rubore & caliditate multâ, & motu difficili, & punctio-  
nibus gignitur, libr. finit. vide *Inflammatio*.

*Phlogosis*, id est, inflamminis nomen, sæpe Hipp. affert pro phlegmones, hoc est, inflammationis vocabulo singulari, 3. prognost. 71. vide *Inflammatio* & *Phlegmone*.

*Phlyctenam* vocant propriissimè, ubi per exulcerationem, vel etiam sinè hâc, exterior Ceratocidis tunica membrana tenuissima, & sublimis elata, intra se humorem collegerit, aut sub tunicæ spatio, crassior humor currens intumescitiam parit. Introd. cap. 16. Inde ad pustulas per corpus erumpentes, ob serofos humores ad cutem translatos, nomen transfertur, 2. progn. 70.

*Phlyctides*, φλυκτῖδες, sunt pustulæ, quæ in ardentissimâ febre in vigore & statu per caloris intensiorem, in ore generantur, libr. finit. vide *Febris pemphigodes*.

*Phocatos*, instrumenti genus est, quo in fracturis calvariae utimur, à lenticulæ specie ita dictum, 6. meth. 6.

*Phœnigmus*, φαινίγμους rubrificatio, est ruboris per medicamenta, in aliquâ corporis parte, excitatio; quædam enim medicamenta, eam vim habent, ut cuti admota, ruborem concitent, caloremque accendant, atque etiam si diutius immorentur, vesiculas excitent, tandemque exulcerent, ab Arabibus proinde *Vesicantia*, & *Vesicatoria* appellantur. Ex quo patet ea vehementer calida, sicca & acria esse oportere. Ejusmodi sunt sinapi, thapsia, fimus caprarum, nasturtii semen, helenii radix, scilla, fimus columbinus, staphisagria, cantharides, & reliqua id genus. Est autem præsidii genus à veteribus usurpatum maximè ad eas partium imbecillitates, quæ vel ex frigore, vel plurimo humore citra manifestum calorem accidunt. Quippe ejusmodi medicamenta omnia calefaciunt, desiccant, & cucurbitulæ ritu humorem altius insidentem attrahunt.



*Phoxòs*, est depravata capitis figura, cùm caput acuminato est vertice, & non ad oblongæ sphaeræ similitudinem, qualem secundum naturam humanum caput habet, formatum est, libr. de ossib. cap. 1. *φοῖοι* propriè dicuntur, quibus capitis acumen admodum est fastigiatum, & vehementer turbinatum, atque adeò indecorum, qualem fuisse Thersitem scribit Homerus. *φοῖος* autem quasi *φλοῖος* dici videtur ex flammæ similitudine, quæ in pyramidem fastigiatur.

*Phrenitim*, eam affectionem appellant, in quâ *Phrenas*, id est, mentem læsam esse vident, 1. prorrh. 1. Est verò *phrenitn* mentis alienatio cum febre acutâ, quando cerebrum propriâ, primariâque affectione laborat: si verò cerebrum per consensum afficiatur, dicitur *Delirium* & *Paraphrenitn*, 5. loc. aff. 4. Est autem affectio hæc, inflammatio in meningibus; & in ipsum etiam cerebrum aliquando pervadens, adeoque perpetuum cum acutâ febre delirium efficiens, 1. prorrh. 1. Quòd si febrem adjunctam non habeat, tunc non *phrenitn*, sed vel *delirium*, vel *mania*, appellatur; si verò perpetuum non sit delirium, tunc haudquaquam *phrenitn* dici debet, sed vel *paraphrosyne*, vel *paraphrenitn*, ut quæ tùm à ventriculo, tùm à diaphragmate, tùm in summo febris vigore, excitatur; ac declinante paroxysmo, spontè cessat mentis alienatio, com. 3. in 3. de morb. vulg. 45. unde omnia signa, quæ eam, vel efficiunt, vel significant, dicuntur *phrenitica*, com. 1. in 1. prorrh. 4.

*Phrenas*, vide *Diaphragma*.

*Phrenicæ venæ*, sunt duæ propagines venarum, è trunco venæ cavæ superioris orientes, insertæ in diaphragma, ipsumque totum nutrientes.

*Phtharticum*, vide *Deleterium*.

*Phitriasis*, est scabies, circa palpebrarum radices, quæ squamas fursuri similes dimittit, lib. finit. Vocaturque *morbis pediculari*, cujus generatio quibusdam

con-

contingit in capite acervatim, ex multis videlicet humoribus viscidis, & calidis quidem, sed non ad talem tantamque caliditatem progressis, ad quantam perveniunt acres Ichores, id est, sanies, 1. loc. aff. 7. *φθεις* & toti corpori, & singulis partibus accidere potest. Gignuntur verò pediculi non in superficie cutis, ut furfures, sed in ejus profundo, ideoque medicamentis indigent valdè exsiccantibus, & quæ ex alto trahere possunt.

*Phthisicus*, Græcè *φθισικός*, is dicitur, vel qui phthisi correptus est, & contabuit; vel qui quâvis ex causâ macilentus evaserit; vel qui ad phthisim naturâ proclivis est, angusto scilicet adstrictoque existens thorace, collo oblongo, cui insuper à tergo, operata scoptula instar alarum prominent (unde *πτερυγίδης*, hoc est, *alatus*, nominatur) tandem cui caput imbecillum est, organaque respiratoria faciliè omnem ejus fluxionem recipiunt, com. 2. in 1. de morb. vulg. 13. Nam si hæc duo simul coëant, thoracis figura & capitis imbecillitas, ejusmodi natura tibi valde obnoxia est.

*Phthisis*, quæ *Tabes* Latinis dicitur, si communiter sumatur, est diminutio, & colliquatio corporis: *Tabes* verò propriè est à pulmonis ulceratione, thoracis item fauciumque oblæsione, quam proin tussicula & lentæ comitantur febres, & corporis consumptio. *Phthoë* proprio vocabulo dicta, est consumptio ex ulcere, lib. finit. *φθις* Græcè, & *φθῆν*. *Φθόν* Athenienses nominant, ob pulmonis ulcera insanabilia, totius corporis cum parvâ febre factam extenuationem, eandemque Hippocrates vocavit *Phthisim*, 7. aphor. 16. atque ideo aliquando Galenus sanguinis sputum, vocat *Phthoën*, 5. meth. 15. eandem vocat *Tabem*, 1. aphor. 12.

*Phthisis oculi*, vide *Tabes oculi*.

*Phthoë*, vide *Phthisis*.

*Phthoria*, *φθώρα*, id est, medicamenta, quæ valent ad ejiciendos foetus, vivos vel mortuos; alio nomine

*Ecbolia* appellantur, ἀπὸ τῆς ἐκβάλλειν, hoc est, ab ejiciendo.

*Phthoropœum*, φθροποῖον, vide *Deleterium*.

*Phygethlon*, inflammatio est adenum, quæ in inguinibus & alis sunt, calore scilicet & celeritate generationis, ab aliis tuberculis distincta, libr. de tumoribus, cap. 15. *Phygethlon*, est erysipelas inflammationis particeps, 2. Glauc. 1. figurâ suâ illi pano similis, quo textores utuntur; atque ideo *panus* & *panis* dicitur. Dolor dissentioque vehemens est, & major quam pro magnitudine tumoris; interdum etiam febricula: idque tardè murescit, neque magnoperè in pus convertitur. Ex Celsi verbis, lib. 5. cap. 25. apparet, φύγεθλον esse phlegmonem erysipelatodem, vel erysipelas phlegmonodes. Quod enim hic tumor multæ bilis sit particeps, ideo non altè assurgit, neque in profundum valdè subit, sed erysipelatis modo latior est. Occupat tamen & subjectæ carnis aliquid, quod aliquâ ex parte phlegmone sit. Φύμα autem verior phlegmone est, magisque exquisita, proindeque facilius in pus convertitur, præterea tantò minus doloris adfert, minusque calidum (nisi dum suppurat) sentitur, quantò bilis flava sanguisve biliosus sincero sanguine plus doloris movet, calidiorque est. Differt autem φύγεθλον à Bubo-  
ne, auctore Galeno, quod Bubo phlegmone sit: φύγεθλον verò, ut dictum est, sit φλεγμονώδες ἐρευσιπέλας, ἢ ἐρευσιπελαϊώδης φλεγμονή τῆς αἰθνης.

*Phyma*, est phlegmone glandulis (sicubi fluxio in eas procubuit) citra ulceris occasionem accidens, 13. method. cap. 5. quæ statim augetur, atque ad suppurationem venit, 2. ad Glauc. 1. vide *Tuberculum*, & *Furunculus*.

*Physma*, φύσημα, est resinæ species, quam & *pitynam*, & *piceam* nominant, expers pinguitudinis, admodum exsiccans, 7. de comp. med. loc. cap. 3.

*Physiognomonica signa* sunt, quæ hominum vultui & faciei

faciei impressa, rei naturam indicant, lib. quod animi morb. cap. 6.

*Physiologia*, sive naturalis scientia, 1. de elem. medicinæ pars prima est, quæ & *Physiologica* appellatur, nomine sumpto à materiâ, quæ cognitioni Medicorum subiecta est, ipsissimaque est corporis humani natura, libr. de part. art. med. cap. 6. *φυσιολογικὴ* quippe naturam hominis universam à conceptu ad extremum usque senium disquirat. Ad eam pertinet omnis de semine, deque menstruo sanguine, de partium conformatione, & principatu, de fœtus perfectione, similitudine cum parentibus, de anatomîâ singularum partium, earumque differentiis, & temperamentis, de ætatibus, de calore nativo & spiritibus, de tribus facultatibus nostrum corpus dispensantibus, de humoribus, aquis, aëre, locis, consuetudine, & cæteris id genus disputatio. In quâ communibus quidem naturalis scientiæ principiis atque theorematibus utitur, sed quatenus hominis cognitioni inservire, atque accommodari possunt. Eam quidem Medicinæ partem Empirici atque Methodici aspernati sunt, sed Dogmatici, quorum Princeps fuit Hippocrates, plurimi fecere.

*Physis*, apud Hippocratem nunc naturam, nunc temperamentum significat, 2. acut. 31. Vocatur adhuc *Physis* flatus, aut flatuosus, sive halituosus spiritus, succis quibusdam pituitosis, in ventre, à deficiente calore in halitum solutis; qui cum per os excernitur, ructum creat; cum per sedem, sonorum silentemve flatum; cum verò neutram partem emittitur, symptoma creat, quod *Empneumatosis*, hoc est, inflatio, vocatur, ventre scilicet impotente ad excrementosum, nebulosumque excernendum spiritum; qui retentus propter magnam spiritus vim, & intestinorum latitudinem, graviter sonat, & murmur, quod Græci *Borborygmon* vocant, causatur, 3. de sympt. caus. cap. 2. vide *Clydones*.

*Pia & dura mater*, vide *Membrana dura*.

*Pica*.



*Pica*, vide *Picatio*, & *Cittosa*.

*Picatio*, auxilium medicum est, quo partium corporis pilos excindimus, tùm maximè, cùm quidam novaculæ præsidium formident, præsertim in gutture, iisque abrais pharmacum aliquod applicamus, 1. de comp. med. loc. cap. 5. Aliqui verò *picationem*, & *pica*m significare inquirunt, symptoma depravatæ, vitiosæque appetentiæ, cùm stomachus vitiosos, & à naturâ alienos cibos concupiscit præter morem: quo malo mulieres gravidæ infestantur, ad secundum, vel tertium usque mensem, quarto namque ferè eo liberantur: quod malum & *Citta*, & *Cittosa passio*, ab ave, quæ *Pica* dicitur, denominatur. vide *Cittosa*.

*Picea*, vide *Physema*.

*Picra* simpliciter, sive *Hiera picra*, est idem ac medicamentum ex aloë, 4. loc. aff. 2. quod sui amaritudine morbos, & humores expellit, de Dynam. iu procemio. Eadem & *Amara* simpliciter appellatur, de cur. rat. per sanguin. cap. 18. Sunt multæ  $\pi$  *isgôn* differentiæ: quæ tamen ad duas omnes referuntur, videlicet *eis tñ d' álous*, vel *eis tñ d' g' ηγλοκωσίδου*. Sunt autem ambarum effectus varii: illa maximè ventriculo, hæc capiti, & etiam universo corpori purgando convenit. Quanquam & singulæ aliis etiam usibus privatim inserviant.

*Picrochilus* homo, id est, amarâ bile abundans, 2. ac. 29. *Πικρόχολοι* dicuntur ab Hippocrate, qui amaro humore, qualis est flava bilis, abundant, quasi amaræ bilis homines. Colligitur autem humor ille aliquando toto corpore, aliquando superiore corporis parte, ut Paulo Rhetori, ut Galenus narrat: quandoque verò inferiore, ut Eudemo Philosopho. Itaque pro locorum, in quibus ille regurgitat varietate, *πικρόχολοι τὴν ὅλην ἔχον, ἢ τὴν κῆται*, hoc est, picrocholi toto habitu, aut superioris partibus aut inferioribus ab Hippocrate appellantur.

*Pin-*

*Pinguedo* est effusi alimenti, circa membranas maximè facta concretio, sensu carens, libr. finit. vide *Adeps.*

*Pinna*, seu *Pinnula*, sunt alæ narium. libr. finit. vide *Alæ narium.*

*Pituita*, est omnis frigidus & humidus naturâ humor, qui & *phlegma* dicitur, 8. de placit. cap. 6. quatuorque principum humorum unus est, omnis qualitatis & saporis expers, nonnunquam verò & dulcis particeps fit qualitatis, libr. de atrâ bile, cap. 2. *Scindapson* Galenus jocandi gratiâ, nunc *pituitam*, 8. de placit. cap. 6. nunc *Cerebrum* nominat, 8. de placit. cap. 4.

*Pityina*, vide *Physema.*

*Pityriasis*, & *Pityra*, vide *Furfuratio.*

*Pityroides urina*, quæ habet hypostasim similem furfuri, id est, furfuraceam hypostasim, libr. de urinis, cap. 28. *Πύρρός ὑπόσις* fit à vehementi calore febrili, supra modum colliquante, urente & resiccante solidas partes.

*Pladarotes*, *πλαδαρότης*, sunt mollia veluti corpora vetusta, & maximè decolora, palpebrarum parte internâ, nondum aspredinem habentia, libr. Introd cap. 15.

*Plados* omnis humiditas redundans, & excrementitia dicitur: sive tenuis ea sit, sive in modum puris crassa, 3. de fract. Nam & *πλαδαρό ἐλκη* eâ ratione ab Hippocr. dicuntur, & *πλαδῶνα* simpliciter, quæ humida sunt. Quoniam verò quæcunque superfluo humore madent, infirma ut plurimum sunt, & laxa, factum est ut *πλαδῶ* etiam τὴν ἀλσίαν significet, ut notat Galenus.

*Plagula*, quæ & *splenia* dicuntur, à splenis formâ, firmamenta sunt quæ stabiliunt deligationem; luxato enim, fracto, vel comminuto ossi fasciæ imponuntur, quæ confirmatum ac repositum os continent, prohibentque ab affectâ parte inflammationem, præsentem

sentem humorem repellendo, & advenienti obfistendo, quæ fasciæ, & subfasciationes & subligamina appellantur; supra has ne dimoveantur, ac divertant, plagulæ imponuntur, cerato aliquo imbutæ, quarum duplex est usus; unus, ut subligamina contineant; alter, ut ea membra circum expleant, quæ in acutum desinunt; Plagulis tertio aliæ fasciæ, quas *superligamina* nominant, induntur, quibus ferulæ superponuntur, quæ totam deligationem firment, ac stabiliant, 3. de iis quæ in medic. 11.

*Planities*, vide *Pedion*.

*Planta*, vide *Pedion*.

*Planum*, vide *Pedion*.

*Platysma*, hoc est, latius linteum, quod ulceribus extrinsecus superadditur, 4. de comp. med. per gen. 14. *Platysma* autem *myodes*, est, dilatatio musculosa, sive latus ille musculus, qui cuti subnascens, buccam, sine maxillâ, movet, libr. de nervor. diff. cap. 6. vide *Latus musculus*.

*Plectrum*, vide *Pharynx*, & *Isthmus*.

*Plenitudo*, vide *Multitudo*.

*Plenus pulsus*, qui arteriam pleniorē tactui exhibet, & humidam, 1. de diff. puls. cap. 6.

*Plethora* est, ubi æqualiter inter se omnes succi sunt adaucti; *πληθώρα* Græci vocant, nos plenitudinem, & succorum redundantiam dixerimus; ubi verò vel flavâ bile, vel nigrâ, vel pituitâ, vel serosis humoribus refertum jam corpus fuerit, eum habitum *Cacochymiam*, quasi succorum vitium dicas, non autem *plethoram* vocant, 3. meth. cap. 6. & 13. meth. cap. 4. vide *Multitudo*.

*Pleuritis*, quæ & *Pleuresis* dicitur, & *morbus lateralis*, est inflammatio illius membranæ quæ costas intus subcingit, 6. aph. 33. Quæ membrana (mutuato à costis nomine, quæ *Pleuræ* dicuntur) etiam *pleura* vulgò dicitur. *Exquisita* verò *Pleuritis* fit, ubi subcingens membrana

brana costas, primario affectu laborat; & dolor, vel ad jugulum, vel ad præcordia pervenit; ad jugulum quidem, superioribus ejus partibus affectis; ad præcordia verò, ubi inferiores afficiuntur: vehemens quoque febris hanc inflammationem perpetuò sequitur, quia sedes affecta, & parùm distat à corde, & cum ipsius involucro, ac septo transverso cognatione habet, 5. de loc. aff. 3. libr. de constit. art. cap. 15. Arabibus *Sofati, Birsen, & Pleuresis*, Græcis *πλευρησις* appellatur. Non exquisita verò pleuritis est, in quâ dolor externus est, qui contactu loco movetur, & exacerbatur, vel quòd sinè febre, vel sinè sputo, vel sinè tussi, vel sinè spirandi difficultate sit; vel quòd neque tensionem, neque duritiem ullam pulsus habet, quæ tamen singula exquisitam efficiunt pleuritidem. *Pleuritidem* verò *incoctam* appellant, quæ vel celeriter hominem jugulat, vel non nisi longo tempore finitur, 5. loc. affect. cap. 2. Omnis in genere inflammationum est, totque propterea recipit differentias, quot habet ipsa phlegmone, sumptas à materiæ, unde gignitur, varietate. Alia enim verè simpliciterque phlegmone est, quæ scilicet nascitur ex fluctione sanguinis calidi & copiosi: alia verò non simpliciter, sed vel œdematodes, vel erysipelatodes, vel scirrholes, prout sanguini pituita aut bilis flava aut atra mista fuerit. Non tamen ut phlegmone, sic etiam pleuritis ab humoris specie, vera aut non vera dicitur, sed quod ipsum præ se fert nomen, ab ipsâ parte affectâ.

*Plexus choreoides*, vide *Choreoides plexus*.

*Plexus retiformis*, seu *reticularis*, est involucrum ex multis arteriis complicatis, sub durâ meninge collocatum, ad retardandum spiritum animale, ne statim effluat; ubi enim natura voluit diutius morari, materias, ibi transitum ipsis difficilem molita est; quemadmodum in ventriculo quidem Pylorus, in intestinis involucria, anfractus & gyri, & ante testiculos arteriæ



teriæ & venæ multipliciter involvuntur ; non secus in capite sub durâ meninge plexus arteriarum *retiformis* & *reticularis*, & *Chorooides* dictus, 4. de usu part. cap. 13. & 9. de usu part. cap. 7. quem vulgò *rete mirabile* appellant, vide *Glandulosi assistentes*.

*Plexus variciformis*, vide *Flexus variciformis*.

*Plichada*, id est, gressuram, totum id, quod inter inguina utriusque cruris est, solet Hippocrat. appellare, 4. de artic. 45. *Πληχάς*, Galenus etiam inquit, apud Hippocratem dicitur, quod inter utrumque crus spatium est. Nam & *ἐκπεπληχόται*, & *ἀγπεπληχόται* divaricari significat, dicunturque ea verba de cruribus gressum facientibus, atque inter se distantibus : ipsaque crurum diductio digressioque *πληχιά*, sicut & ipse gressus *πληχάς* à Græcis nuncupatur. Sunt autem ut scribit Galen. qui *πληχάδα* per γ scribant ; quidam etiam *πληχάδα*.

*Pneumatis*, & *Pneumatodes*, vocat Hippoc. anhelosos, qui densum spiritum sive crebram & densam respirationem habent, 3. de diffic. respir. capit. 12. *Pneumatodes* vocat insuper Hippocrates eos, qui ventrem inflatum habent. ibid. Vocantur Græce *πνευματίας*, *πνευματέμνοι*, *πνευματώδες*, & *πνευματωθέντες*, tum anhelosi, tum inflati. Utrumque enim licet, inquit Galen. libr. 3. de dysp. tum ipsum difficultate spirandi laborare, ob hypochondriorum affectus, tum ei etiam ventrem flatibus distendi.

*Pneumaticus*, id est, spiritalis, qui omnia spiritibus attribuit, libr. Introd. cap. 9. vel, qui de spiritibus agit, 3. de differ. puls. cap. 6. *Πνευματικοί* dicti sunt Medici quidam, qui à flatu seu spiritu in corpora subeunte, omnia vel secundum naturam se habere, vel in morbos incidere censebant. Forte Hippocr. aut quisquis author fuit de flatibus libelli, huic sectæ occasionem præbuit, cui se inter Medicos Athenæus & Archigenes in primis addixerunt.

Πνευματοκήλη, ramex ventosus. Is genere, ut Paulus ait, ἀνεύρεσμα est, ut qui dilatatione fiat à flatulento spiritu. Verùm duobus modis accidit, vel ex quatuor vasis testiculum alentibus, qui durior est, nec compassu digitorum evanescit, sed recipere curationem potest: vel ab arteriis darton membranam intercurrentibus, qui appresso digito intro recurrit & evanescit: curationem verò non recipit, propter periculum, quod ab incessabili sanguinis profluvio impendet.

Pneumophalon, Umbilici est dilatatio, à flatuoso spiritu, libr. finit. Πνευματόμαλον, cui umbilicus à flatu protuberat: species est τῶν ἐξομαλῶν.

Pnigalion, morbus, Incubus Latinis dictus, alio nomine Ephialtes, vide Ephialtes. Πνιγάλιον dicitur διὰ τὴν πνίγησιν, quod eo laborantes prope suffocari videantur. Reperitur & πνιγῶμων pro eodem.

Podagra est Arthritis pedum; ut enim Arthritis, universi corporis & articulorum omnium, morbus est, ita si solum pedum sit passio, ab affectâ parte, podagra; si manuum; chiragra nuncupatur, vide Arthritis.

Pollex, est brevior & major digitus manûs, quem Anticheira & promanum vocant, libr. de ossib. cap. 22. vide Digiti.

Polychresta medicamenta sunt, quæ multis affectibus conveniunt, quæ contrariis medicamentis constant, etiam juxta secundas qualitates ac vires, non tantum primas, 5. de comp. med. per gen. cap. 1. Aliter enim uni tantum simplicique affectioni, non etiam multis; atque inter se etiam sæpe contrariis prodesse. Coëgit autem Medicos necessitas contraria aliquando medicamenta miscere, non modò ut unum alterius vires frangeret, atque minueret, sed quod conducibilis esse judicarent, habere unum aliquod medicamentum permultis affectionibus conveniens, quam tam multa singulis affectibus destinata, etiamsi ea πολυχρήστis in medicinâ longe præstent. Sic enim uno eodemque me-

dicamento repelluntur & digeruntur, detergentur & lævigantur, incrassantur & attenuantur humores, quod diversas in se facultates contineat. Ejus generis est Panacea, Iſis, Iceſium, aliaque plurima emplaſtra, de quibus agit Galenus. Et ſi in ſimplicibus quidem medicamentis, ut aloë, rheo barbarico, maſtiche, & aliis ſexcentis ea vis ineſſe cernitur, ut contrarios ſimul effectus in hominum corporibus producant, nemo mirari debet in compoſitis contrariorum pariter ineſſe facultatem.

*Polychronius morbus*, qui longo tempore durat, & etiam *Chronius* dicitur, cui opponitur *Brachichronius*, qui brevi tempore finitur, 3. diſcr. deſcr. cap. 13.

*Polymorphum*, vide *Sphenon* os.

*Polypus*, πολύπους tumor eſt præter naturam, in naribus genitus, polypodis carni aſſimilis, juxta ſubſtantiaæ proprietatem, 3. de comp. med. loc. cap. 3. Proprietatem ſubſtantiaæ intelligo non colorem modo & conſiſtentiam, ſed reliqua etiam quæ ſunt polypis propria, quibus tumorem hunc ſimilem eſſe veteres prodiderunt, nempe quod multas radices, ut & ille pedes habeat, quodque ut ille venantes ulciſcitur, acetabulis ſuis manus eorum apprehendens, ita & vitium hoc laborantium nares obſtruat, ut & difficulter ſpirent, & ægrè loqui poſſint. Hæc enim ſubſtantiaæ polypi proprietatem conſequentur, non minus quam color atque conſiſtentia. Ac color quidem varius eſt, aliis albidus, aliis ſubſſavus, aliis ſubruber. Subſtantia pariter aliis mollis, & quodammodo fluida, aliis durior magisque contracta. Celfus libr. 6. cap. 8. graphicè polypum depinxit his verbis: Polypus in naribus eſt caruncula modo alba, modo ſubruba, quæ narium oſſi inhæret, & modò ad labra pendens narem implet, modò retro per id foramen, quo ſpiritus à naribus ad fauces deſcendit, adeò increſcit, ut poſt uvam conſpici poſſit, ſtrangulatque hominem, maximè aſtro vel

euro flante, ferèque mollis est, rarò dura, eaque magis spiritum impedit, & nares dilatat, quæ ferè *σχεκινώδης* est; itaque attingi non debet. His quidem verbis Celsus omnes polyporum differentias complexus est. Quorum quinque affert species Hipp. lib. *ὡς παρ' αὐτῶν*.

*Pompholyx*, *bulla*, est elevatio in humore facta à flatuoso spiritu, quo intra humorem concluso bulla excitari solet, præsertim si humor tenax, viscosusque est, & calor in illum agat debilis; tunc enim bulla permanet, nec facilè solvitur; quales sæpè in urinis videntur, renalem & longum morbum significantes. Est & *Pompholyx* metallicum medicamentum, quod in cocturâ æris sursum fertur, & in cameris parietibusque fornacum bullarum modo tumens colligitur. Nihil enim aliud est quàm æris favilla. Effertur autem vel ex ære solo, vel ex cadmiâ solâ, vel ex ære & cadmiâ, quod eam aliquando friatam metallici inspergant æri. Primum autem in bullas, ut aqua, tumet, atque ex eo nomen accepit: mox majore accedente incremento, lanarum assimilatur peniculis. Atque ita quidem suâ sponte gignitur in fornacibus. Rara nunc est *Pompholyx*, & pene ignota, ut & pleraque alia recrementa metallorum. Sunt tamen qui in Officinis eam *Nil album* appellant, ut & *Spodium* (sic dictum à cineris similitudine, quod deorsum fertur) *Nil nigrum* aut *Gryseum*. Inter *ἀδύκτα φάρμακα* numeratur *πομφόλυξ*: adstringit & siccat lenissimè, præsertim lota, habetque tenuitatem partium citra calorem.

*Ponos*, nunc laborem propriè dictum, nunc dolorem, seu malam affectionem, quâ in acutis morbis, ægri malè tractantur, significat, 2. acut. 47. *Πόνος* est motus omnis vehementior; idem omnino cum exercitatione generaliter dicta. Quoniam autem ex immo-dico labore plerumque lassitudo dolorque oritur, factum est ut *πόνος* non modò vehementem motum, sed dolorem etiam significet, & quicquid hominem offen-



dit. Sed cùm in omni dolore duo esse oporteat, affectum à naturali constitutione alienum, & ejus affectionis sensum, Hippocrates utrumque πόνον appellavit: Nam cùm scribit dolorem fieri propter calidum, frigidum, plus vel minus, ipsum alterationis sensum sine dubio intelligit. Ut autem πόνος apud Græcos, sic apud Latinos labor accipitur, ut ex Cicerone videre licet, qui laborem definivit esse functionem quandam vel animi, vel corporis gravioris operis & muneris: & ex Virgil. qui pariendi dolorem Lucinæ labores appellat.

*Poples*, sive *Ancyle*, est articulus ille, quo os magnum femoris articulatur ossi tibiæ; in quo pars exterior genu dicitur; interna verò, quâ crus flectitur, dicitur *Poples*, vel *Ancyle*, lib. Introd. cap. 10.

*Porocèle*, est ramex callosus, sive tophus in testiculo, aut in membranâ *Erythroide* concreescens, insignis, renitens, durus, & inæqualis. His notis ab *Hydrocele*, & *Sarocèle*, distinguitur, lib. finit.

*Poromphalon*, est concretio Tophi in Umbilico, lib. finit.

*Poropœia*, est exiguorum meatuum apertio, 4. method. 4.

*Porracea bilis*, vide *Bilis pallida*.

*Porrigo*, id est, Furfuratio, vide *Furfuratio*.

*Porta vena*, vide *Cava vena*.

*Portæ hepatis*, πύλαι ἥπατος, sunt pars sima hepatis, in quâ radicata est ea vena magna, quam vocant venam portam, vel venam portæ, quâ est ingressus chyli in jecur; sicut ex gibbâ sanguinis est egressus.

*Porta ventriculi*, est inferius ventriculi orificium, quod πυλωρός Græcis, Latinis *Ianitor* dicitur, 3. loc. aff. 7. videi *Pylorós*.

*Portonarium*, est primum intestinorum, quod *Duodenum* appellatur, libr. de anat. viv. vide *Dodecadactylon*.

*Portus*,

*Porus*, est in specie opticus nervus mollis, ex primâ conjugatione nervorum, à cerebro ad oculos pertinens, quippè qui solus manifestum habet foramen, unde & *visificus* & *meatus* absolute dicitur, 4. loc. aff. 2. *Porus* deindè dicitur exiguus omnis corporeæ molis meatus, 1. sanit. tuend. cap. 12. per quem aliquid influit vel effluit, sive id spiritus sit, sive aër, sive humor, sive excrementum. Ad hæc *meatus*, tùm per quos cibus vel in ventriculum subit, vel ab eo exit, tùm quibus chylus in jecur effunditur, aut bilis in suam vesiculam ingreditur, vel ex eâ effunditur, *poroi* appellantur: præterea & exigua illa foramina per totam dispersa cutim, quæ corporis universi perspirationem moliantur. Sunt autem in universum duo pororum genera: alii sensibiles, alii insensibiles habentur. Illi magni & patentes sunt, quales in ventre, jecinore, liene, intestinis, venis, arteriis, & reliquis ejusmodi instrumentis visuntur: hi verò parvi & visum fugientes non solam quidem partium superficiem occupantes, sed per totam etiam carnis ossium, cartilaginum, nervorum, ligamentorum, membranarum, & cutis substantiam disseminati. Neque enim externi modo sunt, & superficiales, sed etiam intimi. Siquidem iis plenum est totum corpus, & tota cutis; aliter putredo vitæi nullo modo posset. Iis enim foraminibus totius corporis perspiratio fit, quæ constat & frigidi aëris intromissione, & fuliginosorum, quæ in singulis partibus colliguntur, excrementorum vacuatione. Ex quibus perspicuum est, meatus omnes in optimâ corporis constitutione patentes esse semper oportere. Quod ut plurimum valet ad tuendam sanitatem, sic eorum obstructio maximorum morborum occasionem præbet. Atqui & *Porus* topium significat, tùm qui in arthriticis, tùm qui in calculosis, generatur; cùm enim humor crudus lentorem assumplit, & transitus per renes in quibusdam naturis sunt angusti, id, quod crassissimum est, & maximè lentum,

tum, diutius moratur, & tophum gignit, 1. de alim. fac. cap. 5. *Porus* denique & *Callum* significat, ad quem gignendum cogi, concrefcereque aliquid proprii offium alimenti oportet; id quod in fracturis offium cum primis accidit, 6. meth. cap. 5. vide *Meatus*, & *Oncos*.

*Post-apparentia*, vide *Affidentia*.

*Post-brachiale*, vide *Brachiale*.

*Posterius cerebrum*, vide *Cerebellum*.

*Posthia*, five *Crishe* dicitur, cum parte internâ etiam juxta coronam palpebrarum, suppuratum tuberculum oblongum, figurâ hordeo simile fit, unde appellatum est. Fiunt & alia quoque majora in mediis palpebris eodem dicta nomine, lib. Introd. cap. 15. vide *Crishe*.

*Præcedentes causa*, vide *Antegressa*, & *Febres putridæ*.

*Præcognitio*, *αἰσνῶσις*, prænotio est futuri decursûs & eventûs morbi, uti etiam futuri symptomatis ejus, quod necessariam habet generationem, non autem omnium, quæ circa ægrotos eveniunt, accidentium; modo nihil aut ab ægro, aut ab affidentibus fuerit commissum, quod morbi naturam dissolvat, & cogat naturam in aliud tempus differre morbi solutionem. Verbi gratiâ, prædicat Medicus septimo die, si omnia ut oportet agantur, solutum iri morbum. Ubi verò quicquam admissum est, si parvus quidem error hic sit, relabi solutionem ex septimo in nonum posse: si major, in undecimum: si multò major, in quartumdecimum: si perquam magnus, periculum pro certâ salute secuturum. Hæc quidem ad morbum attinent. Nec verò de symptomatibus aliter sentiendum est, sed necessariis & magnâ ex parte morbum comitantibus. Tumultus enim ex vicinis per noctem & canes latrantes, & injucundi quidam nuncii insomnes ægrotos reddunt. Quorum nullum neque generationem habet necessariam, neque firmam divinationem. Quare eorum tantum, uti dictum, est *αἰσνῶσις*, quæ generationem habent necessaria-

cessariam, ut tussis & doloris lateris in pleuritide, capitis doloris in febre, tumoris & ruboris in phlegmone.

*Præcordia*, aliàs *Phrenas*, Veteres *Diaphragma*, & *transversum septum* appellarunt; infra verò hæc præcordia, tùm venter, & intestina, tùm jecur ipsum sita sunt, 8. de placit. cap. 9.

*Pregmatin ossa* duo sunt, capiti desuper incumbentia, parte posteriori os occipitis, anteriori verò os frontis, utrumque ab ossibus temporum, lineis fuerunt distincta, quæ & *Bregmatin ossa* appellantur, 12. de usu part. cap. 20. vide *Bregma*.

*Præincipientes causæ*, vide *Antegressa*.

*Præputium*, cutis est, quæ glandem pudendi vestit, 5. meth. 15. vide *Glans*.

*Præsepiola*, vide *Pharynx*.

*Præter naturam*, vide *Secundum naturam*.

*Prætextus*, manifestissimas causas, & verissimas vocavit Hippocrates, cùm tamen in usu sit, ut falsæ causæ *prætextus* appellentur, 2. de fract. 62. Quin & *prætextus* aliquando non falsas causas, sed veras dicit, 3. de fract. 46.

*Priapismus* (qui & *Tentigo*) est auctio pudendi stabilis in longitudinem, ac orbem tumefacti, citra rei venereæ appetentiam, 9. de comp. med. loc. cap. 9. à flatuoso spiritu, 14. meth. 7. nullo præsentē stimulo ad libidinem, aut desiderio coitus; ut quibusdam accidere consuevit, qui supini decumbunt; ductâ denominatione à Priapo; nam hunc, ut cui suapte naturâ hujusmodi Coles esset, ita finxerunt, atque picturâ descripserunt homines, 6. loc. aff. 6. Addit Aëtius dolores inde moveri, quales esse in tetano solent, quod inflatum distentumque pudendum convulsione modo afficiatur. Scribit etiam eos qui sic laborant, cito perire ventre inflatos, & frigidum sudantes, nisi illico auxilium eis adferatur. Accedit etiam iis quandoque



inflammatio. Fit hic morbus à flatu vaporoso, ab humoribus viscosis crassisque sublato, & cavernosum penis nervum distendente. Aliquando verò ipsis etiam arteriis eo flatu repletis oritur, nullo præcipuo proprioque affectu colem infestante: quem affectum etiam *satyriasm*, & *satyriasum* Græci vocant, quòd *Satyr*i arrigere semper crediti sint, de tumor. cap. 14.

*Prima corpora*, vide *Homiomeres*.

*Prima particula*, vide *Similare*.

*Primæ venæ*, (quæ & magna vasa appellantur, & vasorum radices, 5. meth. 3.) sunt, quæ circa jecur, & mesenterium & cor visenda sese præbent, 12. meth. cap. 3. vide *Radicem vasis*.

*Primarius affectus*, vide *Idiopathia*.

*Primitiva causa*, vide *Antegressa*.

*Princeps intestinum*, vide *Rectum*.

*Principium morbi* triplex dicitur; primùm quidem de primo insultu, qui simplex est, & latitudine caret; secundo de eo, quod ad tertium extenditur diem; & præter hæc etiam id, quod tanquam pars accipitur totius morbi, in quod manifestæ coctionis signa desiderantur, 1. de cris. cap. 8. & 19.

*Proboscis*, sive *pronomæa*, est pars quædam pendens angusta, & longa in Elephante animali (quo loco alius est nasus) adeò ut ad terram pertingat, 16. usu part. 14.

*Procatartica causa*, vide *Antegressa*.

*Processus anchoralis*, vide *Ancyroeides*.

*Processus cornicularis*, vide *Ancyroeides*.

*Procidentia oculi*, est, cum ab ictu aliquo violento, aut strangulatione, cum febre continuâ, vel capitis dolore, prolapsus oculus fuerit, libr. finit.

*Procondyli* dicuntur, primi digitorum articuli, metacarpio proximi, perindè ut medii digitorum articuli, *condyli*, extremi verò, *metacondyli*, nuncupantur.

*Productio*, vide *Dodecadaetylon*.

*Pro-*

*Proëgumena*, causa interna est, quam *antecedentem* solent nominare: Celsus vocat *abditam*, in occulto positam, & *morbi continentem causam*: quanquam talis in specie dicitur *causa morbi conjuncta*, quâ positâ, ponitur; sublatâ tollitur morbus.

*Prognostica signa* nuncupantur, quæ futura prænunciant; *Diagnostica*, quæ præsentia declarant; *Indicativa*, quæ instantem crisin, & curationem indicant, lib. de Optim. sec. emp. cap. 6.

*Prolapsiones*, id est, ossium absolutas & integras alternationes, sive dearticulationes. *Dimotiones non integras* appellat Hippoc. 3. de fract. § 1. & 2. de fract. 36.

*Prolepticus morbus*, vide *Anticipans*, & *Cinumenus*.

*Promanus*, vide *Digitus*, & *Pollex*.

*Pronervationes*, vide *Tendones*, & *Aponeurosis*.

*Pronomæa*, vide *Proboscis*.

*Prophasis*, vide *Antegressa*.

*Prophylace*, ea est artis medicæ pars, quæ morbi causam adimit; *Prophylacticè* verò, quæ à morbo præservat, 11. meth. cap. 2. Προφυλακτική pars est τὸ ὑγιαίνειν; tuetur enim sanitatem. Tota consistit in causarum, quæ morbum alioqui facturæ erant, ablatione, hoc est, tota circa humores præcipuè negotiatur. Siquidem maximæ præcipuæque impendentis morbi causæ humores sunt lenti, crassi, multi, valdè calidi, frigidi, mordaces, putres, pestilentes, aut aliâ quadam vitiosâ qualitate præditi. Quæ ergo iis adhibetur provisio, lentos incidendo, crassos attenuando, multos vacuando, calidos refrigerando, frigidos calfaciendo, mordaces contemperando, putres & pestilentes immutando, ne morbum gignant, προφυλακτική appellatur.

*Proprius affectus*, vide *Idiopathia*.

*Proptosis*, procidentia oculi appellatur, ubi cum inflammatione illi ex sede suâ procidunt, lib. Introd. cap. 15.

*Profartesis*, προσάρτησις, hoc est, Appensio, longiorum

giorum est membranarum ad vicina loca applicatio, lib. finit.

*Prospheromena*, id est, assumenda vocantur, quæ intra corpus sumuntur, ut quæ eduntur, bibuntur, & ipse inspiratus aer, 10. meth. 7. *Προσφίγειν* propriè de ciborum oblatione dicitur, & iis quæ in alimentum cedunt, ut & τὰ προσφερόμενα: sæpè tamen eâ dictione externa præsidia & auxilia, quæque circa ægrum parantur & admoventur, intelliguntur, ut ea quæ circa partem affectam diutius adhærescere oportet, cuiusmodi sunt deligaturæ, medicamenta, circumposita ulceri lintea, & cataplasmata.

*Prospbysis*, vide *Prosthesis*.

*Prosthesis*, est adjectio eorum, quæ corpori ad sanitatem defunt, pars scilicet medicinæ altera, quam nonnulli celebres quidem Medici definiverunt esse *προσθεσιν ἢ ἀφαιρέσιν*, id est, adjectionem & detractionem. Etiam prior est virtutis nutritivæ facultas, quæ nutrimentum membro, quod nutriri debet, apponit, unde *appositio* dicitur, quam subsequitur *Prospbysis*, id est, *agglutinatio*, sive *unio*, quæ nutrimentum appositum agglutinat, & unit membro. Tertia est *ὁμίωσις*, quæ unitum nutrimentum eidem assimilât, diciturque in specie Nutritio, 3. de natur. facult. cap. 1. & 13. Postquam succus is, qui omnem animalis particulam nutriturus est, è vasis excidit, in totam eam primùm dispergitur, mox adjungitur, deinde agglutinatur, demum assimilatur. Differre autem inter se *ἐξομίσωσιν καὶ προσφυσιν*, id est, assimilationem atque agglutinationem, docet vitiligo illa quæ *λόκη* dicitur, in quâ adhærentia quidem nutrimenti facta cernitur, non tamen assimilatio; sicuti etiam adjunctionis atque agglutinationis differentiam prodit genus illud hydropis, quod *ὕδαρκα* vocant. Siquidem in eo apertissimè affluentis nutrimenti appositio quædam fit, quod tamen propterea quod aquosius adhuc est, nec ad succum sufficien-

ficienter redactum, sed lentitiam glutinisque consisten-  
tiam, quæ naturalis ope caloris provenit, adeptum ad-  
hærentiam consequi non valet. Etenim ut agglutina-  
tio fiat, oportet ea quæ agglutinari debent, nec plus  
æquo dura esse, nec nimis humida & fluentia, sed me-  
diocriter lenta & tenacia, & in eo loco consistere, ubi  
assimilanda sunt.

*Prostethn*, *προσθηδης*, est pars carnosa, quæ in ma-  
nuum, & pedum cavâ parte & inter digitos nascitur.  
In manu, *ἡθθ* ἄρως, in pede, *ἡθθ* ποδὺς vocatur.

*Protopathia*, vide *Idiopathia*.

*Prurigo*, *pruritus*, sensus pruriginosus est, cum exiguâ  
quâdam molestiâ, qualis puerorum, qui jam dentire in-  
cipiunt, gingivis accidit, 3. aphor. 35.

*Psalidæ*, vide *Fornices*.

*Psalidoëides*, sive *Psaloëides*, vide *Camarion*.

*Psammismus*, curationis genus est, quo Hydropici  
arena calidâ, exerto tantum & tecto capite, ad aquam  
ab universo corpore ciendam, & ejiciendam, sepelie-  
bantur, & soli ardenti exponebantur.

*Psilothra medicamenta* sunt, quæ pilos & capillos aut  
ex toto auferunt, vel duos, magnos, multos, crassos,  
& veluti suillos pilos attenuant, & minores reddunt,  
vel ipsos penitus extirpant, & partes corporis depiles  
reddunt, 1. de compos. medic. loc. cap. 4. Differunt  
à *Dropace*, quod sint viribus *Dropace* valentiora. vide  
*Dropax*.

*Psoa*, quasi pulpam, id est, lumborum carnem dixe-  
ris, est magnus musculus, ab undecimâ thoracis costâ  
incipiens, & per universa ilia, ipsamque pubem pro-  
grediens, libr. de muscul. diff. cap. 31. *Ψόα* dicuntur  
duo maximi musculi in internâ lumborum regione siti,  
Hippocr. eamque partem spinæ, quæ secundum ipsos  
est, inflectunt. Idem verò & *νδγομήτρα*, & *αλώπεκες*  
à quibusdam vocantur. Sunt verò & qui externos spi-  
næ musculos *Ψόας* vocent. Marcellus *Ψόας* lumbos pro-  
priè



priè dici contendit, quod nomen à libidine meritò deduci volunt. Nam illic libidinis pruritus excitatur maxime, quod iis renes subjacent.

*Pfora*, scabies est, cum asperitate summæ cutis cum pruritu, furfuribus, & corporis insigni absorptione, lib. Introd. cap. 13. quæ omnia etsi illi cum leprâ communia sint, differunt tamen, quòd in *pforâ* summa cutis occupatur, in *leprâ* malum altius descendit, subiectasque sævit in partes. Insuper, in *pforâ*, furfuracea fit cutis, in *leprâ* squamosa: adhæc *pfora* variè figurata est, *lepra* verò circularibus magis erosionibus cutem depascitur. *Pforam* Avicenna distinxit in excorticatam, & non excorticatam, fœdam, & non fœdam, humidam, & siccam; quòd fortè aliud sit Græcis *Pfora*, ac Arabibus. Ex melancholico humore nascitur malum, atque inter melancholicos affectus numeratur.

*Pforiasis*, *Ψωρίασις*, est scabies, & duritia scroti, cum intensâ prurigine; quandoque verò & ulceratione lib. finit.

*Pforica medicamenta* sunt, quæ scabras in palpebris affectiones sanant, 2. de compos. medic. loc. cap. 3. *Ψωρικά* vocantur etiam, quæ contra *Ψωρίδες* profunt, & cutis asperitates emendant, qualia medicamenta attrahunt, desiccant, partiumque tenuitatem habent. *Ψωρικά* medicamenti compositi ex duabus chalcitidis partibus, una cadmiæ, ex aceto tritis, in fictili repositis, & fimo diebus quadraginta sub caniculæ ardoribus obrutis, meminit Dioscor. & Celsus lib. 6. cap. 6. Sunt & Heraclidæ *pforica* ad circumrosos oculorum cantos.

*Pforophthalmia*, id est, pruriginosa scabies, à Sole, & pulvere orta, lib. de remed. par. fac. cap. 10. Lippitudo scabra, nihil aliud est quam oculi pforiasis. Causa ejus est salsus quidam & nitrosus humor. Inde succedunt angulorum exulcerationes, rubores, pruritus. Rubent etiam palpebræ, & lacrymæ salæ nitrosæque

ex oculis stillant. Differt δὲ τὸ ξηροφθαλμίας asperitate, & reliquorum ferè symptomatum magnitudine.

*Psychrophobus*, est qui frigidæ aquæ exhibendæ est timidus; sicut & *hæmophobus*, est sanguinis mittendi timidus; & *hydrophobus*, qui à rabido cane morsus, aquam reformidat, 9. meth. 5.

*Psytica medicamenta* sunt, refrigeratoria, quæ omnem calorem, & lassitudinem mitigant, libr. de Dynam. in procem. Ψύξις, frigus, refrigeratio, ut aph. 1. & 26. libr. 7. Ψύξις ἀκροτελειῶν, extremarum partium refrigeratio damnatur, & in Philini uxore, lib. 1. Ep. ἀκρεῖα ψυχρὰ, extremæ partes frigidæ ascribuntur. Ubi scribit Galen. Idud quidem inter summè pernitiōsa reponitur, si morbi initio cum vehementissimâ febre contingat. Ψύξις ποδῶν, pedum refrigeratio pro magno invasuræ accessionis febrilis indicio ponitur apud Hip.

*Psydracia*, ψυδράκρια, sunt parvæ efflorescences, factæ in capite similes vesicis eminentibus in superficie, libr. de med. fac. part. cap. 5. Differunt à *Phlyctænæ*, quæ in toto corpore, non tantum capite, ut *Psydracia*, oriuntur. Item, quod *Phlyctænæ* à calidiori, acriorique, hæc à minùs calido humore, minùsque acri gignantur.

*Pterna, calx*, os pedis omnium maximum est, parte, quâ ingredimur, leniter rotundum, & latiusculum, posteriore, tibiæ rectitudinem longè excedens, inferiore astragalo, anteriore osse scaphoeidi inarticulatum. Ex partibus ejus anterioribus, quæ quidem è regione magni digiti sita est, astragali capiti subjacet, neque cum altero osse copulatur.

*Pterygoidea*, quæ & *alaria ossa* dicuntur, vide *Sphenion os*.

*Pterygium* dicitur, nervosa superinnata oculi membranæ eminentia, incipiens ab angulis, & procedens usque ad corneam; quando verò insuper augetur, cooperit & pupillam, libr. de med. fac. par. cap. 12. *Pterygia*

*rygia* etiam vocant *alas narium*, id est, fines ejus infernos, qui moventur, 11. de usu part. cap. 1. Insuper *Pterygium* etiam *Vngula* appellatur & *Vnguis*, differens ab *Encanthide*, quæ est carnis in majore angulo excrecentia; *Pterygium* verò, nervosa caruncula est, 10. de usu part. cap. 10. Sunt autem *πτερυγία* propriè volucrum alæ, duræ quidem & fibrosæ, sed pauci excrementi & salubres. Inde ducta vox ad alia est. In mulieribus *πτερυγία* appellari eminentias illas duas uteri sinu ambientes, scriptum reliquit, quisquis ille est Introductionis seu Medici author. *Πτερυγάδες* alatus, is dicitur, cui scapulæ sine carne nudæque sunt, & alarum instar prominent, retrorsumque producuntur.

*Ptilos*, *glabras*, simulque nascentes alias *palpebras*, quique pilos non habent, Græci vocant, 4. de comp. med. loc. cap. 8. *Πίλοι*, inquit Gal. lib. 14. meth. med. quibus perire ex ciliis pili. Alii verò non omnes simpliciter, quibus ii pili deciderunt, *πίλος* vocandos censent, sed quibus præterea adjuncta est crassities, callositas ac rubedo palpebrarum, quod aliter inter eos, qui *τῇ πιλώσει*, & eos qui *μυλφώσει* laborant, non liceat distinguere. Est enim utrisque commune pilorum defluvium.

*Ptilosis* est casus pilorum palpebræ, libr. de med. fac. part. cap. 12.

*Ptisana*, nunc pro succo hordei percolato, nunc pro jusculo ex hordeo parato sumitur, 9. de plac. cap. 6. *Πτισση*, propria est hordei decorticati appellatio, ἀπὸ τῆ *πίσεως*, quod pinsere & decorticare significat, quoniam hordeum tundendo degluberetur, ac suo cortice castratum ita conderetur. Mundatum hordeum officinæ vocant. Tunditur enim hoc, non molitur. *Ptisanae* laudes Hippocrat. uno volumine prosecutus est, eam omnibus sorbitionibus præferens, quoniam sitim arceret, & lubrica ex facili hauriretur, quoniam sitim arceret,

quo;

quoniam in alvo non intumesceret, quoniam facile redderetur, & assuetis is solus cibus in febribus bis die dari possit, multum remotus ab iis tum qui medicinam fame exercent, tum qui ægros ciborum copiâ ob-ruunt. Est enim ptisanæ succus seu cremor, alimentum medii generis, tenue à Galeno dictum, quod vires nec onerat ut plenus victus, nec ut tenuissimus dissolvit.

*Prosis*, oculi vitium est, quod alio nomine *φωλόξωσις*, appellatur, vide *Phalangosis*.

*Pubes*, *pubertas*, tempus est ætatis primæ, quo lanugo circa mentum & pudenda oriri incipit: quod initio anni decimi quarti incipit, ad vigesimum quintum terminatur, 5. aph. 7. Est & *Pubes*, idem quod *pectus*, postrema pars hypogastrii, sive aqualiculi, cui pili nascuntur. vide *Aqualiculus*. Cujus pubis, seu pectinis ossa, apophyses sunt ossis sacri tenues perforatæ, & in anteriora protensæ.

*Publicè grassantes*, vide *Communis*, & *Endemus*.

*Puerili morbus*, vide *Comitialis*.

*Pulmo*, ex genere est parenchymatum, caro rara, tenera, & spongiosa est, in cujus cavis & fistulis cartilagineis, aer attractus, modicè retinetur, & rectificatur à suis pravis qualitatibus, indeque in cordis transmittitur ventriculorum sinistrum, pro spirituum vitalium generatione, libr. de anat. viv. Unde respirationis & vocis instrumentum est, 7. de usu part. 1. Est itaque *Pulmo* viscus quemadmodum hepar; vasis quàm plurimis contextum, quorum intervalla carne molli, instar stœbes cujusdam, opplentur, quo omne id, quod inter vasa est inane, repletur, essetque firmamentum ac propugnaculum imbecillitatis ipsorum, ibid. cap. 2. & 8. *πνεύμων* Græcè dicitur, spongiosus est, quò folliis instar, aëre impleri distendique citra noxam possit & contrahi, substantiâ spumam sanguinis referens. Intra thoracem situs est pulmo, ipsumque totum replet & oc.



& occupat, & ejus motum sequitur. Cum enim per se immobilis sit, ab alio moveri debet. Itaque distendit thorax, pulmonem unâ distendit: subsidens autem atque contractus, ipsum quoque subidere facit, & aërem, quem dilatatus attraxerat exufflare, atque ita aëris inspirationem expirationemque perficit. Ut autem thorax ipse in duo divisus est, & media membrana (mediastinum vocant) distinguitur, ita pulmo in duas partes divisus est, dextram & sinistram. Rursum verò pars ejus utraque duobus lobis constat, uno superiore, altero inferiore, sæpe palam discretis, interdum obscurè. Præter hos nonnunquam tertius est dexter lobus exiguus, vasis perpaucis textus, mediâ cavitate venam cavam in cor subeuntem ceu pulvino molli excipiens ac firmans, in hominibus sternon ossibus septem compositum fortitis. Nam quibus cum sterno thorax anticus est brevior, iis pericardios tunica phrenas magnâ suæ cavitatis parte incidit, & in hanc cavitatem vena cava, lobo hoc quinto propter viæ brevitatē non indigens. Tria autem vasa per ejus substantiam dispersa sunt, ante quidem arteria venosa, post verò vena arteriosa, & media harum aspera arteria: & hæc quidem jam inde à quarto thoracis spondylo, vena à dextro cordis ventriculo, arteria à sinistro profiscitur. Distribuantur autem singula in totos pulmones numerosâ ramorum serie. Cæterùm pulmonem ipsum unâ cum suis vasis tunica obducit, orta ab eâ quæ costas succingit, & nervulos à sextâ cerebri conjugatione sortita, quorum beneficio tunica quidem ipsa mediocrem sensum possidet, cùm tamen pulmo ipse nullam vim sentiendi sortitus sit.

*Pulmonia*, vide *peripneumonia*.

*Pulsativus dolor*, vide *Dolor pulsativus*.

*Pulsus* est sensibilis Cordis, & arteriarum motus, dilatione, & contractione factus, 1. de differ. puls. cap. 2. & 4. de differ. puls. cap. 3. Hoc nomen *pulsus* veter-

veteres primùm adhibuerunt designandis motibus dolorificis pulsantibus, ex inflammatione concitatis, vehementique motu arteriarum. Deinde, Medici eâ voce significant motum secundùm naturam in corde & arteriis factum per systolen & diastolen, cujus naturam Hippocrates vel non callebat, vel ut fallacem neglexit; in quo si Medici tactus ipsâ in diastole evertitur, aut violenter impellitur, & cum renixu quodam ipsâ arteria pulsat, *vehemens pulsus*, *φοδρὸς σφυγμὸς* dicitur: cui oppositus, *ἀμυδρὸς*, *languidus* dicitur. Motus ille vitam moderatur, ut qui vel non aliud sit quàm vita, aut causâ certè rationem obtineat, per quam vita est, aut sine quâ esse non potest. Neque enim aliud vita videtur esse quàm, actio quædam, sive motus activus. Cùm autem motus plures sunt in omnibus vitâ præditis, is meritò præstantissimus est, & in eo maximè vitam positam esse censendum, qui perpetuus sit, & à quo cæteri omnes dependent. Ejusmodi cordis motus est, cùm reliquæ partes interdum ferientur, eo perseverante, nec unquam, stante quidem vitâ, muneris sui vocationem habente. Nec verò cor sibi tantùm motum illum ciet, sed corpori etiam universo, quod ita singulis partibus, quantum quæque meretur, calorem nativum, cujus opifex est, impertiat. Constat autem motus is duobus motibus inter se contrariis, quorum unus cor & ejus arteriam à medio quoquo versum distendit, & loco movet, alter distentum rursus contrahit, & in locum priorem reducit. Illum *ἀγσπλὴν*, hunc *συσπλὴν*. Græci veteres dixerunt. Hi quia contrarii sunt, necesse est inter eos media quies intercedat, eaque gemina, una quæ diastolen, altera quæ systolen excipiat. Ab his differentiæ plurimæ pulsuum oriuntur. Cùm enim certis quibusdam numeris ea in edendo pulsu sibi invicem succedere oporteat, si in aliquo peccetur, pulsus protinus varium fieri necesse est. Numeros appello non rhythmum modò, sed etiam velocitatem.

magnitudinem, frequentiam, vehementiam, aliaque ejusmodi, ex quibus pulsuum differentiae sumuntur, quarum aliae ab ipsâ diastole, aliae verò à systole, nonnullae à mediâ quiete, quae ab ipsâ arteriâ, plurimae ab ipsâ facultate aut usu sumuntur.

*Pulvis pinguis* est, in quo nec asperum quippiam, nec acre subest, 5. fanit. tuend. cap. 3.

*Punctio*, solutio continuitatis in carne est, ab aliquo acuto incidente, & tenui facta; Græcè *ρύξις*, & *ρύγξις* dicitur. Est adhuc *punctio*, quae & *compunctio* appellatur, incisionis ratio, quae hydropicis ad ciendam aquam debetur, *ὑδρὸν κέντρου* Græcè dicta, Arabibus *punctura*.

*Punctorius dolor*, vide *Dolor tristis*.

*Pupilla*, Græcè *Κόρη*, foramen medium uveae tunicae oculi est, in quo fit visio, lib. de anat. viv. estque media totius Iridis pars, lib. Introd. cap. 10. Per pupillam quidem cernimus, non quod ea sit praecipuum videndi instrumentum, sed quod spiritui visorio per eam via pateat, nec possit aliter visio fieri. Argumento sunt hypochymata. Est autem locus ille, qui ad pupillam est, totus spiritu plenus, & praeterea coeruleo viridique colore, aut aliis etiam praeditus, quibus & ipsa uvea, cujus ille pars quodammodo dici potest.

*Purgatio*, evacuatio est vitiosorum, & qualitatibus suis peccantium humorum per propria loca; *Derivatio* per propinquiora; *Revulsio* per contraria, 4. meth. 6. & 5. meth. 3. *Vacuationem* appello propriè materiae, ubi quantitate exuperat; *Purgationem* verò materiae, qualitatibus suis infensae, 2. prognost. 14. 1. aphor. 2. vide *Evacuatio*, *Pharmacia*.

*Purgamenta*, *Λόξια* Græcè dicuntur ea omnia, quae à puerperâ, post foetum & secundas exeunt per uterum, quae & *Catamenia* appellantur; soloque hoc differunt, quòd haec ante partum sint, illa post partum.

*Purgatoriam facultatem* non omnes intelligunt; duo enim significat; alterum commune omnium, quae quo-

vis

vis modò animalis excrementa expurgant ; alterum verò per excellentiam de iis tantùm dicitur, quæ aut per vomitum, aut per ventris dejectionem substantiæ suæ familiaris expurgant, 5. de simp. med. c. 20. vide *Cathartica*.

*Purpurea vena*, vide *Communis*, & *Media*.

*Purulentiam*, *Suppurationem*que appellat Hippocrat. ubi pus universum constiterit, concocto tumore quopiam præter naturam, 1. progn. 40.

*Purulentus*, & *Suppuratus*, vide *Empyus*, & *Empyus*.

*Pus*, πύον, est humor putris, sive suppuratus, partium sparmaticarum substantiæ magnâ ex parte assimilis. Dicitur humor, quod in humoris modum fluat, atque ex humore habet originem, qui in partem inflammatione laborantem decumbens, & per inania ejus spatia diffusus, occlusis undique meatibus, perspiratione interceptâ computrescit ; perinde atque alia omnia, quæ perspiratu carentia, alieno in loco vehementiùs incallescunt.

*Pustula*, Græcis *Hydatides*, & *Exanthemata* dicuntur, 4. sanit. tuen. cap. 4. sunt & *pustula* abscessus in nigro oculi, cum phlegmone & humorum affluxu, lib. finit. vide *Exanthemata*.

*Pustula lata*, sive *tubercula omnia*, duplicem habent differentiam, quoniam quædam tendunt in acumen, & altum petunt ; quædam ad majorem & ampliorem extenduntur locum, non tamen in altum attolluntur ; undè *pustula* nonnullæ *sublimes*, nonnullæ *latæ* fiunt, 6. aphor. 9. *Latæ* quidem, tùm ob humoris frigiditatem, lentorem, & crassitudinem ; tùm propter continentis membranæ densitatem ; *sublimes* verò tùm propter humoris caliditatem, & tunicæ raritatem, tùm propter virtutis robur, foràs expellentis pus : unde Coni similitudinem referunt, & in mucronem fastigiantur, 1. progn. 40.

*Putredo*, est mutatio totius putrescentis corporis



substantiæ ad corruptelam, à calido externo, 17. met. 8. Secundum Philosoph. libr. de gener. & corrupt. est corruptio caloris in unoquoque calido & humido, ab extraneâ caliditate. Cæterum non quicquid corrumpitur, *σίνεσις*, hoc est, putrescere dicimus, sed quibus id cum fœtore accidit, 5. simpl. 15. dicitur autem putredo, sive putrefactio, Græcè *σύνψις*, quam duplicem Galenus facit, 1. de diff. febr. *unam*, quæ fit superante naturâ; *alteram*, quæ fit superatâ. Galenum eo loco consule. Et superante quidem, sicut in inflammationibus, & similibus tumoribus omnibus pus, in humoribus autem qui in venis atque arteriis continentur, quiddam quod puri proportionem respondet, subsidens in urinis. At talis quidem putredo non simpliciter putredo existit, sed aliquid in se continet coctionis. Nam adhuc vi coquendi vasorum remanente, qui interim putrescit humor ad talem pervenit alterationem. Sed & alterum est putredinis genus, cum ea vis, cui demandatum est concoquendi officium, adeo imbecillis facta est, ut nullam amplius facere possit in putrescente superfluitate ad optimum transmutationem. Quod quidem usu contingit nonnunquam cum eadem vis ad ultimum imbecillitatis pervenerit, etiamsi id quod putrescit, mediocriter sit vitiatum. Interdum uno fieri potest, ut vis quidem ipsa non omnino sit imbecillis, humor verò putrescens maximè sit vitiatum. Hujus autem superfluitatis putredo, neque consistentiam, neque aut colorem aut odorem habet unum, sed semper permutatur, ac multis modis illud evariat quod putrescit. Altera verò putrefactio, quam & coctionem esse diximus, semper ad unam puris speciem terminatur, coloremque ac consistentiam suscipit atque odorem.

*Pycnōtica*, & *Pycnōsis*, vide *Condensantia*, & *Obstruentia*.

*Pyelos*, vide *Choana*.

*Pyelus*,

*Pyelus*, Græci vocant parvos alveos, in quibus nationes instituuntur, 7. meth. 6.

*Πύλωρ* ♂, posterior est, & inferior ventriculi terminus, sic dictus, quoniam portæ modo, ne nutrimentum ex eo confestim dilabatur, prohibet, lib. Introd. c. 11. qui & *Pyloron* dicitur, ad dextram propè jecur situm habens, lib. de ven. & art. dissect. cap. 1. Latinis *Ianitor*. vide *Porta ventriculi*.

*Pyæsis*, vide *Onyx*.

*Pyrenocides*, πυρηνοειδής ἀπόφυσις, vide *Dentem*.

*Pyriama*, *fotus*, fomentum est, non uno modo corpori admotum, sed vel per suffitum, vel calidam spongiam humido aliquo decocto imbutam, vel vaporem per arundinem, vel cucurbitulas. *Πυρίαμα* in genere id dicitur, quod corpori admotum, ipsum quovis modo exalfacit. Dicitur enim & *πυρία ἀπὸ τῆς πυρετός*. Sunt autem & fomentorum multiplices differentiae: alia humida, alia sicca sunt, vel ex utrisque mista. Humida, vel actu vel potestate dicuntur: conveniunt phlegmonis, quæ à biliosiore succo factæ sunt. Sicca similiter vel actu ejusmodi sunt, vel facultate; phlegmonis opitulantur, quas tenuis & aquosus sanguis excitavit. Omnia calida sunt, nulla frigida. Proinde fomentum omne cutem rarefacit, & faciliè transpirabilem reddit, sanguinemque in inflammationibus attenuat atque discutit. Alia præterea mordentia sunt, alia morfu carentia, vel ex iis mista. Illa extenuant, prorsuntque crassis & viscosis humoribus, hæc verò acribus & mordacibus. Quoniam verò fomenta calore suo foras humores attrahunt, idcirco non ante totius corporis vacuationem illis utendum est. Nam quæ redundant in corpore superflua, eorum usu trahentur potius in partem affectam, quàm discutiantur. Cæterum fomentorum materia varia est, & modis variis adhiberi potest, per spongiam, per linteam, per pannos, per utrem, per vesicam, per vas æneum, vel testaceum,

ceum, per cucurbitam, per ollam, per arundinem: quorum exempla passim apud Galenum occurrunt.

*Pyricauston*, id est, ambustum igne: simul & is affectus eodem nomine appellatur, quo quis in aquâ fermenti ustus fuerit, 1. de comp. med. per gen. cap. 4. *Πυρκαυστος*, ambustum dicitur. Prodeunt primùm bullæ, deinde phlegmone & ulcus, nisi lenibus emplastris, & sine morfu exsiccantibus, nec calidis, nec frigidis, sed temperatis protinus succurratur.

*Pyulcon*, πυλκόν, Organum, sive Instrumentum est, quo mulsâ per ulcus infusâ, jubemus ut ægri, inclinati in laborantem partem, tussiant; aliquando etiam moliter thoracem concutiendo, pus universum, saniemque ulceris extrahimus, 5. meth. cap. 8. Fortè idem fuit cum Chirurgorum organo, quod nunc *Syringam* vocant, per quam ut aliquid infunditur, ita facile attrahitur: à quo & *Pyulca*, id est, puris attractiva medicamenta denominantur, 2. ad Glauc. 8.

Q.

**Q**UADRATUM corpus (quod & *Eusarcon* vocant) est, quod nec gracile, nec crassum, nec calidum, aut frigidum, aut alio quovis modo intemperatum; 1. de temp. cap. 9. sed inter hæc omnia extrema, medium constituitur, 3. de caus. puls. cap. 11.

*Quartana febris*, τεταρτη πυρετός, est, cujus circuitus est quarto quoque die, quo unam accessionem facit, ac unam remissionem, libr. de Typis, cap. 4.

*Quassatio*, est quartus luxationis vertebrarum modus; tria enim vitia ex vertebrarum luxatione contingunt; cùm retrò abeunt, *gibberositas*; cùm intrò, *repanditas*; cùm in latus torquentur, *obstipitas*; præter hæc, quartum vertebrarum vitium accedit, cùm dimotæ quidem juncturæ ac compages sunt, sed vertebræ

bræ tamen in suâ sede permanent , *quassationem* hanc appellant, 3. de artic. 2.

*Quotidiana febris*, vide *Cathemerina*.

*Quotidianarum febrium typus* est, qui quotidie unam, & eandem accessionem , & eam quidem longitudine commensuratam, & unam eandemque remissionem habet ; ut *Tertianus* circuitus est, qui tertio quoque die, unam & eandem accessionem longitudine commensuratam , & unam & eandem remissionem facit, libr. de Typis, cap. 4.

R.

**R** A D I E N S *bilis*, vide *Ater succus*, & *Acida bilis*.

*Radius*, vide *Cubitus*.

*Radicem vasis* , seu *venæ* , vocant priorem ejus partem , quæ vel jociñori propior est , vel etiam cordi : hæc in collo ab inferiore est parte , in brachiis & cruribus à superiore, 5. meth. cap. 3.

*Ramenta* , sunt membranarum in intestinis rasuræ , aliquando etiam cruentosæ , 1. loc. aff. 4. vide *Strigmenta*.

*Ramex*, *Hernia* , Græcè *Cele* , est omnis in *Scroto* tumor, sive ex delapsu intestini, sive *Omenti* , sive *Vasorum spermaticorum*, varicis , tophi, sive lenti humoris, sive aquosæ substantiæ , libr. finit. Fit autem & aliquando *Ramex* in inguine, quoties validus ille *Tendo* (qui & *membraneus* dicitur , & ante inguina ortum habet , ac pubis ossi inferitur) laxescit , ejusque robur infirmius fit , & cum eo totus inguinum locus , laxior redditus , partes quasdam corporis subjacentium in se recipit, velut intestinorum, vel *omenti*, 4. de anatom. adm. cap. 6. vide *Celes*.

*Ranula* , tumor est phlegmonodes , sub linguâ consistens, potissimum in pueris, quem Græci *βαταρχον* vocant. Dicuntur quoque *Ranæ*, sublinguales venæ, sanguine copiosiore distentæ.

Dd 4

Rare-



*Rarefacientia medicamenta*, quæ *Aræotica* Græci vocant, sunt, quæ cutis meatus referant, 5. simplic. 14. vide *Anastomotica*. *Ἀραιωτικὰ φάρμακα* calida sint oportet, & tenuium partium, minimèque desiccantia, quod aliter substantiam nec diffundere, nec laxare possint. Ad hoc autem consequitur, ut & pori dilatentur. Id quod præstare nequeunt, tum valdè calida, tum multùm exiccantia: illa quidem, quod acria sint atque horrores moveant, hæc autem quia sensilia corpora colliquant, quorum neutrum sine dolore fieri potest. At quæ citra molestiam excalfaciunt, ea sola omnium sunt rarefacientia. Siquidem rarefactio dilatatioque voluptatis, non etiam doloris opus est. Ut enim dolor comprimit, ita voluptas expandit. Contraria iis sunt τὰ πυκνωτικά, hoc est, condensantia.

*Rarum corpus* est, cujus partes multis spatiis inanibus interceptæ sunt, aëre plenæ: è contrà, *corpus densum*, seu *spissum*, quod ejusmodi porositatibus carens, compactum est, 1. simplic. 13. Sive, *rarum corpus* est, quod meatus, & poros magnos habet, 2. de sanitat. tuend. cap. 5.

*Rarus pulsus*, vide *Creber pulsus*.

*Rascetta*, vide *Brachiale*.

*Rationalis medicorum secta* est, quæ naturæ rationem & ductum secuta, morborum causas inquirat, & signis ad illarum inventionem utitur, curationem capiens à contrario, prout causæ exigunt, in *Introd. cap. 3.*

*Rauedines*, vide *Bronchos*.

*Recidiva febris* est, quam pravorum humorum reliquæ putrescentes, de novo accendunt; cùm omnis humor alienus à naturâ corporis, in quo continetur, aptus non sit ad ejus nutritionem, & proin necessariò ad putredinem convertatur, 2. aphor. 12.

*Reciprocus decurtatus*, vide *Deficiens decurtatus*.

*Reciprocus pulsus*, vide *Deficiens*, & *Recurrents*.

*Recrementum*, vide *Callosum corpus*.

*Recru-*

*Recrudescencia*, ulcera maligna vocat; & *recrudescere*, quasi rursus crudum fieri, atque in pristinam malignitatem quippiam redire statuunt Medici, 2. de fract. 28.

*Recta sutura Calvariae*, vide *Obelæa*.

*Rectum intestinum*, est ultimum intestinorum omnium, quod ad sedem usque porrectum est, 6. de anat. adm. cap. 2. quod & *princeps intestinum* vocatur; ad cuius finem est *sphincter*, id est, constrictorius musculus, ad cuius distinctionem reliquam recti intestini infimam partem, quâ maximè dilatatur & laxatur, *laxam* appellamus, lib. de vulv. diff. cap. 1. Idem etiam *extensum*, & *longum* dicitur, lib. de anat. viv.

*Recurrentis pulsus* est, qui ad quantum excurrit magnitudinis aut vehementiæ, in aliis rursus ad tantundem recurrit, lib. finit.

*Recurrentes nervi*, vide *Nervi recurrentes*.

*Reduvia*, vide *Paronychia*.

*Refectio*, vide *Anatripsis*.

*Regius morbus* est, qui amaram bilem in toto corpore redundantem comitatur; Fiunt perindè ut *erisypelata* & *ulcera serpentina*, cùm eadem amara bilis unam quampiam particulam obsidet; nigram verò bilem in toto quidem corpore, *elephantiasis*; in unâ quampiam particulâ, *Cancer* subsequitur. Pituitoso excremento in toto quidem corpore luxurianti succedit *hydrops leucophlegmaticus* dictus; cùm in unâ insedit particulâ, *tumor œdematosus* oritur, 3. de sympt. caus. cap. 2. vide *Arquatus*, & *Icteros*.

*Relaxantia medicamenta* vocantur, Græcè *Chalastica*, familiari omnibus propè recentioribus Medicis vocabulo, inde nimirum, sicut & nomen ipsum indicat, quòd tenfas laxent particulas; quippe *relaxari* ac *intendi*, contraria inter se dicunt, 7. de compos. med. per gen. cap. 9. vide *Chalastica*.

*Remissio febris*, secunda totius circuitus paroxysmi pars mitior est ad infebricitationem properans; in duo

liquidem periodus universa divisa est, in accessionem & remissionē, lib. de totius morbi temp. c.8. vide *Ablatio*.

*Remissus pulsus*, vide *Vehemens*.

*Renēs*, νεφροί, peculiare quoddam corpus sunt, densum, ex carne & fibris constitutum, adeoque carneā substantia, non paucas habens involutiones, figurā Græcæ literæ C, aut phaseolis similes, habentes in medio cavitatem quandam, quā ex venis & arteriis ferrosū excrementum excipiunt: ad Renes enim non majores solum venæ (quarum aliæ in cavitatem hanc inferuntur, aliæ in membranā, quæ eos tegit) sed meatus etiam capillorum modo exiles deferuntur. Renes sitī, paulo altius, quā ilia, à quibus duo urinarii meatus emergunt, per quos ad vesicā urina deducitur. Renum operatio est, secernere, & percolare ferrosū excrementum, à sanguine, lib. de ren. aff. dign. cap. 1. In omnibus propē Ren dexter sinistro sublimior est. Uterque membranā à peritonæo nascente involvitur, nervulumque gracilem recipit à ramis sextæ conjugationis, qui costarum radicibus exporriguntur. Sunt autem Renes pravi succi, & concoctu difficiles: & resipiunt nescio quid urinæ, ut testatur Galenus, lib. 3. de alim.

*Repanditas*, vide *Obstipitas*, *Quassatio*, *Cyphosis*.

*Repercutientia*, vide *Attrahens*.

*Respiratio*, & *Respiratum*, vide *Inspiratio*, & *Transpiratio*.

*Resolutio nervorum*, est deperditio motūs, cū prius in aliquā corporis parte, non autem semper sensūs; si enim deperditur sensus, dicitur sensūs resolutio, 3. loc. affect. 10. licet ejusdem capitis initio dicat: ubi omnes pariter nervi tū sensum, tū motum amiserint, *Apoplexia* hæc affectio appellatur; ubi verò alteri laterum soli, aut dextro, aut sinistro id accidat, *resolutio*, ejus scilicet partis, in quā consistit affectio, interdum dextræ, interdum sinistræ; quod si in ali-

aliquo membrorum idem evenierit, ejusdem membri resolutio, Græcè *paralysis* esse dicetur, 3. loc. aff. 10.

*Resolutus oculus* dicitur, ubi naturali motu destitutus, neque sursum, neque deorsum moveri potest, verum sensus expers fit; frequenter id mali, partibus etiam oculi accidit, lib. Introd. cap. 15.

*Restitutio*, est ossis, vel membri in propriam sedem collocatio, reductio, & repositio, 3. de fract. 38.

*Rete*, vide *Omentum*.

*Retentrix facultas*, vide *Astratrix*.

*Retiforme corpus*, est tunica, aut tunicæ quid simile humorem vitreum oculi ambiens, quod ex Cerebri portione, aut veriùs ex nervo optico supernè descendente, atque amplificato conflatum est, reti simile, quod à Choroeide, id est, tenui Cerebri tunicâ, quæ illi supernè dimittitur, continetur; unde tunica oculi *Choroeides*, id est, *secundina*, nominatur, 10. de usu part. cap. 2. vide *Choroeides*.

*Retiformis plexus*, vide *Flexus varicosus*, & *Amphibloides*.

*Retina*, est panniculus vitreum humorem oculi circumdans quasi rete; cui annectitur alius, qui dicitur *secundina*, quod secundinæ sit similis, juxta quem tertius est, qui ossa contingit, durus & solidus, undè *σκληρός* dicitur, lib. de ocul. cap. 2.

*Reversiva febris* nominatur, quæ non est acuta, sed diuturna, & imperfectas habet solutiones, erroneasque accessiones, com. 2. in 6. de morb. vulg. 21.

*Revulsio*, est evacuatio alienæ materiæ per loca opposita. vide *Purgatio*, & *Derivatio*. Est autem Revulsio faciendâ deorsum quidem, ubi succi ad superiora feruntur; sursum, ubi ad inferiora vergunt; & ubi introrsum, ad exteriora; ubi extrorsum ad interiora; ubi dextrorsum inclinant, in sinistrum; si sinistrorsum, ad dextram revulsio faciendâ: sic sanè fluxiones, quæ retrò inclinant, in priora revellendæ; quæ in  
prio-



Priora, in posteriorem regionem abducendæ sunt, lib. de hyrudin. cap. 2. lib. de Derivat. cap. 19. Motum hunc Græci *Antispasin* vocant. vide *Antispasis*, *Derivatio*, *Purgatio*.

*Rhabdoeides futura*, eadem est ac recta capitis futura, vide *Obelæa*.

*Rachitæ*, qui & *Rhachitæ*, sunt *dorsales muscoli*, 4. de anat. adm. cap. 6. 7. aphor. 36. Illi enim, ut annotat Galenus, universis costarum commissuris in toto thorace superinjecti sunt à posteriore parte, nihil relinquentes quod non contegant, sed omnes costarum radices, & vertebrarum processus, qui à lateribus sunt, adhæc quod inter ipsas radices est, complectuntur. Unde *Rhachitæ medulla*, id est, spinalis medulla, quæ & *Rhachis spina* dicitur, vide *Dorsum*, & *Medulla*.

*Rhacodes*, *ῥακώδης*, id est, lacerosa, universa dicitur cutis, erosa instar laceræ vestis, à pure circa abscessum aggregato, sufficienter extenuato: idque accidit, ubi qui ad abscessum perveniunt tumores, tardè secti fuerint, aut ob medicantium imperitiam, aut eorum, quibus medela adhibetur, timiditatem, qui secari non patiuntur, sed expectant, ut longiori tempore cutis à pure rodatur, 2. Glauc. 8.

*Rhacosis*, *ῥακώσις*, id est, *detritio*, laxata scroti cutis, seu multa scroti extensio est, lib. finit.

*Rhagades*, sunt rugæ anſ intumescences, rimæque, ac fissuræ sedis, 1. de comp. med. loc. cap. 8. quæ & *rime sedis* dicuntur, non aliter quàm labra, quandoque & manus, ex vehementi frigore; Plinius *fissas* appellat. Fiunt plerumque ab acris humoris affluxu, interdum autem propter condylomatum inflammationem & distensionem rumpitur cutis, rimæque ejusmodi emergunt. Dicuntur & à Veteribus quibuldam *ῥαγίδες*.

*Rhagas*, *ῥαγας*, id est, *scissura*, *fissurave*, divisio est labia obtinens callo obdurata, dura, libr. finit.

*Rhages*

*Rhages* dicuntur extremi digitorum fines, qui Græcis *ῥαγφαί* vocantur.

*Rhagoeides tunica*, quæ *cærulea*, *uvea*, & *uviformis* dicitur, est oculi panniculus, albugineum humorem tangens, & circumdans, nigri coloris; unde *uvea tunica* ab uvarum colore dicitur, post quem est alius panniculus cornu similis; unde *Ceratoeides*, id est, *Corneus*, appellatur; juxta quem est tertius non circumdans alios, sed eos inter se jungens, quem *Conjunctivam* vocant, & *Adnatam*, sive *Agnatam*: Inter crystallinum autem & albugineum est tela aranea, lib. de ocul. c. 2. & Introd. cap. 11. & 10. usu part. cap. 4. *ῥαγμοειδὴς χιτῶν*, est oculi tunica corneæ subjecta, & anteriore quidem oculi parte humorem *ὕδατος*, posteriore verò tunicam *ἀμφιβληστροειδῆ* proximè comprehendens. Ducit originem ex tenui cerebri meninge, quæ unà cum nervo optico ad oculi constructionem concurrat: ex quo quidam etiam *χρσοειδῆ* illam appellarunt. Dilatata enim & soluta tenuis illa meninx circulo oculum ambit, totaque sphaerica est, nisi ubi ad pupillæ locum accedit. Eo enim loco leniter comprimitur, atque mediâ eâ parte quâ comprimitur, foramine rotundo pervia est, quod pupilla appellatur. Dicta est *ῥαγμοειδὴς*, quod uvæ folliculo, à quo pedunculus avulsus est, quam simillima sit: ut enim ille, ita hæc tunica parte sui anteriore leviter compressa est, & in medio ad pupillam perforata. Habet verò & coloris cum uvâ similitudinem variis interstincta coloribus cæruleo & viridi, quibus se defatigatus oculus recrearet. Præterea verò acini uvæ lævitatem externam, & asperitatem internam æmulator, ut eam Medici rectè illi comparasse videantur.

*Raphe*, id est, Sutura, Commissura, Syntaxis serrata. vide *Commissura*.

*Rhegma*, id est, ruptum, est solutio continuitatis in vase; ut Fractura in osse: Convulsio, seu Spasmus in nervo;

nervo : Apopsasma in ligamentis ; Thlasma in musculis ; ita Rhegma in vasis, ex violento ictu, vel gravi casu, vel alio quopiam valente motu excitata, est unionis solutio, 4. method. cap. 1. Aliis est carnosæ partis solutio citra vulnerationem : cum ecchymosi quidem omnino, aliquando verò & cum contusione circum ipsam præruptam carnem consistit.

*Rheidosis*, id est, oculi tabes, & corrugatio, 3. method. 2. vide *Tabes oculi*.

*Rheuma*, id est, fluxio, & humorum decubitus, 1. de comp. med. per gen. vide *Fluxio*.

*Rheumaticus* vocatus *affectus* provenit, quando toto videlicet corpore infirmo, & cachectico, principibusque partibus (paulum licet ipsis insit sanguinis) gravari solitis, noxios humores, illæ, ad carnosas cutis partes protrudunt, potissimumque ad adenas, excipiendis recrementis idoneos, tum ob substantiæ laxitatem, tum quia omnium partium minimè robustas habent naturales virtutes, sicut & pinguedo ; partes enim infirmiores omnium primæ, excrementitiis morbis corripuntur, libr. de cur. rat. per sang. cap. 8. Fluentibus verò humoribus, *Rheuma*, seu *fluxio* dicitur ; cum verò in aliquâ parte eidem illi consisterint, is *affectus*, qui inde generatur, *Rheumaticus* appellatur, 2. Glauc. cap. 2.

*Rhexis*, id est, ruptio, ab ictu, vel aliâ quâpiam causâ violentâ, in alto, totas subinde membranas dividens, & persæpè humores, quibus videndi facultas administratur, effundens, lib. Introd. cap. 15.

*Rhodinum*, vide *Oxyrhodinum*.

*Rhodomeli*, id est, mel rosaceum, quod aliquando simplex, interdum purgatorium paratur.

*Rheas*, sive *Rhyas*, *ρῥῆας*, seu *ρῥῆας*, vide *Encanthi*.

*Rhogme*, est ossis ruptio, sive interruptio, per superficiem recta, vel angusta, vel lata, lib. finit. *ρῥῆμη* est divisio calvariæ superficialis, vel profunda quidem, sed eatenus ut fractum os loco non moveatur ; differentia est

est fracturæ capitis, ut est apud Paulum, lib. 6. cap. 90.

*Rhopalosis*, ῥοπαλῶσις, concretio est summorum pilorum indivisibilis, veluti in baculos, qui etiam amplius non crescunt, lib. finit.

*Rhus*, profluvium fæminarum propriè apud Medicos significat, fluente sanguine assiduè penè & inordinatè per uterum; longèque diversa fluxio est ab eâ, quâ fluit sanguis per uterum menstruâ periodis; cum illa præter naturam sit, hæc verò secundum naturam; Morbi nomen est ῥῆς γυναικῆς fluxus muliebris. Additur autem nomini coloris diversitas, ut intelligatur quis humor fluat, dicendo ῥῆν λευκὸν, vel ῥῆν ἐρυθρὸν.

*Rhyas*, est oculorum vitium, quando meatus, qui ab oculis in palatum definit, vel obstructus, vel connivens, excrementa, non ad loca consueta transmittit, sed in oculos regurgitare permittit, com. 2. in 6. de morb. vulg. 32. vide *Rhexas*, & *Encanthi*.

*Rhypodea medicamenta* sunt, quæ à sordium similitudine, quasi strigmentosa nominantur, 2. de comp. medic. per gen. cap. 1.

*Rhyptica*, ῥυπτικὰ, sive *extergentia medicamenta* nominantur, quæ in superficie, sive in cute, sive in ulceribus ῥύπον, id est, sordem auferunt; quæ verò altius Poros ab excrementis expurgant, ea *Ecphrastica*, & *Eccathartica* (quasi expurgantia, & ab infarctu liberantia dicas) appellantur, 5. simplic. 12. Quæ tergent, alia imbecillius, alia vehementius id agunt. Modicè detergent farina fabarum, hordei, ciceris, semen lini torrefactum, saccharum, oxymeli: magis terebyntina, thus, mel despumatum, amygdalæ amaræ: valentius ervi farina, semen hormini, radix ireos & panacis, nitrum ustum, nitri spuma, fictiles testæ, pumex, buccinorum & purpurarum, & cæterorum ostreorum testæ ustæ, tritæ, tenui cribro cretæ, quorum quidem aliqua tam valenter tergent, ut etiam pilos tenuent: sed hæc impropriè ῥυπτικὰ appellantur. Quæ verò propriè & speciatim



ciatim dicta sunt, tergunt tantum, non etiam obstructa liberant, quia sunt amaris imbecilliora, falsa scilicet & dulcia: quæ autem valenter detergent, omnino etiam digerunt, & ob id valde siccant.

*Rhythmus in pulsu* est proportio temporis ictus, ad tempus quietis, 1. de differ. puls. cap. 7. Cum pulsus constet quatuor partibus, duobus scilicet motibus & geminâ quiete, sibi invicem perpetuâ quâdam serie succedentibus, eorum inter se proportio comparatioque Rhythmus est. Eum omnis pulsus habet, sed varium. Suus enim est cuique naturæ, ætati, anni temporis, sexui, & reliquis: quem quidem qui servat, is *ῥυθμιος* dicitur, qui non servat, *ἀρρυθμιος*.

*Rigor*, *ῥίγος*, est insiti caloris exagitatio, cum sensu doloris subita & universim facta, libr. de tremor. convul. cap. 6. Nominaturque etiam *Rigor*, nervorum convulsio, & Tetanos, 3. loc. aff. 10. Est autem propriè sic dictus, concussio, & commotio inæqualis totius corporis à tenui & magis acri, copiosiori que humore, quàm qui in horrore peccet, 3. sanit. tuend. 5. & 1. de sympt. caus. cap. 8. vide *Frigus* & *Horror*.

*Rigor sine febre* nonnullis quidem accidit semel, nonnullis autem per vices interpolatas multorum spacio dierum interjecto, vel à principio usque ad finem continuatur; aut est ita omnino exiguus, ut neque adesse videatur, cum se quieti tradiderint, sed cum moveri cœperint, tunc demùm eum sentiunt; aut etiam sine motu molestus accidit, pituitâ humore redundante, sed non putrescente; quando autem hic humor etiam putruerit, non modo rigent, sed etiam febricitant ægri, 2. de differ. febr. cap. 5.

*Rob*, vide *Succum medicatum*.

*Ros*, tertia est humiditatis species, unde partes nostri corporis nutriuntur, quæ continetur in omnibus animalis partibus, ceu Ros quidam, per earum substantiam sparsus, 7. meth. 6.

*Rotula*, vide *Patella*.

*Rubra bilis*, vide *Bilis pallida*.

*Ructus*, est flatûs excretio per gulam; cùm & alius fit, qui per intestinum rectum secernitur, comm. 5. in 6. de morb. vulg. 4.

*Ruptura*, vide *Unionis solutio*.

## S.

**S** *Accus*, vide *Cæcum intestinum*.

*Sacer morbus* (ισος νόσος, id est, *Epilepsia*) dicitur, quò ejus magnitudo designetur; *Sacrum* enim apud antiquos, significat *magnitudinem*; alii verò *sacrum* dici putant, quòd divinus esset, & à diis in peccatorum vindictam mitteretur; quos Galenus reprehendit, lib. 2. de caus. sympt. cap. 3.

*Sacer ignis*, id est, *Erysipelas*, libr. de purg. med. facult. licèt Celsus, ignem *sacrum* pravum ulcus existimet dici.

*Sacrum os*, vide *Dorsum*.

*Sagittalis sutura*, vide *Obelæa*.

*Salsa pituita* est, quæ ab alieno calore computruit, 2. de natur. fac. cap. 9. & falsa redditur, aut propter putredinem, aut propter falsæ serosæ humiditatis admistionem, 2. de differ. febr. cap. 6.

*Saltus*, qui & *Palpitatio*, & *Palmos* dicitur, secundo meth. 2. vide *Palpitatio*.

*Salvatella vena*, est ramus venæ axillaris, media percurrentes inter medium digitum manûs, & auricularem, 3. de anat. adm. cap. 5. & lib. de anat. viv.

*Salubre corpus*, simpliciter est, quod ab ipso naturæ ortu, bonam habet temperaturam, in simplicibus & primis particulis, atque in iis, quæ ex illis componuntur, instrumentis est probè conformatum & commensuratum, lib. art. med. cap. 4.

*Sanguificatio*, quæ & *Hæmatosis* nominatur, est mu-

E c

tatio

ratio alimenti, in sanguinem, libr. finit. vide *Aura-Erix*, & *Hepar*.

*Sanguifluas venas* eas appellat Hippocr. quæ magnæ sunt, quibus ruptis, insignes sanguinis eruptiones contingunt: id quod ex parvis evenire non consuevit; nam & paucus ex huiusmodi sanguis effunditur, & citò ad oras ipsas divisas coalescit, nocumentumque non affert, 2. de fract. 24.

*Sanguinarium medicamentum* (quod & *glutinatorium*, *cruentis opitulans*; Græcè autem *Enæmon* dicitur) est, quod vulneris oras committere, & glutinare molitur, 3. de compos. medic. per gen. cap. 2. vide *Glutinatorium*.

*Sanguineus cordis ventriculus*, dexter ipsius est thalamus, per cuius orificium unus sanguis in cor immittitur, per alterum autem ex ipso in pulmonem deducitur: alius cordis ventriculus sinister *spirituosus* nominatur; per cuius prius quidem orificium cor iis, quæ in pulmone sunt, arteriis; per posterius autem, omnibus, quæ per totum animal sunt diffusæ, arteriis cor est continuum, 6. de usu part. 7.

*Sanguis*, nunc sumitur pro omni in venis concluso succo (in quo pituita scilicet, utraque bilis, & tenues ferrosque liquores continentur) nunc pro quartâ substantiâ, è directo reliquis humoribus oppositâ, quæ propriè *sanguis* dicitur, & è cuius exuberantiâ tota massa nominatur, commen. 4. in 6. de morb. vulg. 29. & commen. 2. in 6. de morb. vulg. 38. & lib. de mult. cap. 10.

*Sanies*, vide *Sordes*.

*Sanitas parium similiarium*, est calidi, frigidi, humidi, & sicci symmetria; *dissimiliarium* verò, compositio, numerus, magnitudo, figura conveniens, 1. de sanitat. tuend. cap. 1. & 4. & com. 2. in 1. de morb. vulg. 3.

*Sapa*, quam alii *Siræon* vocant, est mustum plurimum coctum; sunt qui & ficuum siccarum decoctum

ita nominant, lib. de attenuante diæta, cap. 12. vide *Apotherrnus*.

*Sahafatum* apud Avicennam, & Plinium *manantia capitū ulcera* nominantur, quæ Græci ἀχάρες & κήλια, Aliabbas *tineam*, sub quo & *ficus*, & ψυδράκια, & ἐξαι-  
θήματα collocavit, nominant.

*Saphæna vena* est, quæ desuper ad partem cruris in-  
timam descendit, quæ descendendo occultatur, donec  
partem super malleolum interiorem attingere incipiat,  
lib. de anat. viv. vide *Malleoli vena*.

*Sapor*, vide *Chymus*.

*Sarcocoele*, σαρκικήλη, est morbus testiculis induratis  
conveniens; quod si aquosus humor in tunicis, quæ  
circa testiculos sunt, aggregetur, *Hydrocele*; omentum  
autem & intestina quod si eadem in loca illabantur,  
*Epiptocoele*, & *Enterocoele* dicitur, libr. de tumor. cap. 15.  
*Sarcocoele* verò simpliciter *Ramex* dicitur, 14. method.  
cap. 17.

*Sarcoma* est carnis in naribus aut aliis partibus præ-  
ter naturam auctio, differens à *Polypo* magnitudine,  
opificio, & formâ, libr. finit. Est autem *Polypus* qui-  
dem *Sarcoma*, non contrâ. *Polypus* enim similitudi-  
nem piscis *Polypi* gerat oportet, cum σάρκωμα infor-  
me sit potius carnis incrementum.

*Sarcomphalon*, incrementum carnis est, præter natu-  
ram in umbilico, vel mitis, vel malignæ, libr. finit.

*Sarcosis in utero* est carnis ibidem prognatæ & col-  
lectæ expullulatio, quam, si magna sit, recidere con-  
venit vellicatam scalpris, quod celerius emoriatur, sin  
parva, protinus tollere, libr. finit. Videtur proinde ni-  
hil aliud esse quàm mola.

*Sarcoticum medicamentum* est, quod carne ulcus im-  
plet, 3. meth. 2. Nam quamvis carnis generatio natu-  
ræ opus esse videatur, juvatur tamen illa quidem plu-  
rimùm in replendo ulcere medicamentis, quæ modicè  
calesciunt, moderatè detergent & purgant, atque mi-  
nimum



nimùm siccant, nulloque modo adstringunt. Talem namque *σπερματικὴν* facultatem esse oportet. Carnis enim generatio fit, cùm & membra ipsa quibus adnasci vel circumnasci caro debet in calore & frigore temperata fuerint, & sanguis qui illuc affluit, tum qualitate salubris, tum quantitate moderatus. Verùm calidiora paulò ipsâ carne esse oportet sarcotica, quo sanguinem attrahant; neque ullo modo adstringere oportet, ne quod influit repellant, sordemque ulceribus arctius affingant; minimùmque siccare, ne absument, sed modicè prorsus siccare quo in carnem densetur. Detergendi autem purgandique vi prædita esse decet, ne mala caro & vitiosa gignatur, si quid sordis & vitii in sanguine relictum sit, sed citra omnem morsum & acrimoniam.

*Satyriasis*, & *Satyriasmus*, vide *Priapismus*, & *Elephas*.  
*Scabies*, vide *Psoa*.

*Scabies oculi* est summarum genarum, angulorumque oculi erosio, cum pruritu, quam acerrima fluxio progignit, lib. finit.

*Scalpella*, vide *Laminas*.

*Scalptum* vocant frictionem, motumque per ungues effectum, quod in prurientibus particulis animalia naturaliter faciunt, idque in ipsis omnibus reperitur, com. 5. in 6. de morb. vulg. 4.

*Scamnum Hippocraticum*, vide *Hippocraticum scamnum*.

*Scaphoeides*, id est, os naviculare, sive naviforme, est os profundo sinu excavatum, Tali caput anterius & oblongum excipiens; sic dictum à Scaphæ similitudine; cavitatem enim habet oblongam, Scaphæ similem, in quam simile caput Astragali, seu Tali, intra se admittit. vide *Cubiforme*.

*Scapulæ*, sunt ossa in dorso post thoracem sita, cum osse occipitis, spinæque thoracis, costis, & osse, quod gutturi præjacet, musculorum operâ copulata, lib. de ossib.

ossib. cap. 14. quæ & *Omplata* dicuntur, lib. Introd. cap. 10. vide *Omplata*.

*Scarificatio* est cutis incisio, lib. de cucurbit. cap. 4. vide *Encharaxi*.

*Sceletos*, σκελετός, quasi cadaver assiccatum & aridum, est ossium humani corporis invicem cohærentium univerforum universa compactio, libr. de ossib. in procemio; & 1. de anat. adm. cap. 2.

*Scelos*, *crus*, pars est corporis organica, à coxendice ad imum pedem protensa, præcipuum ambulationis instrumentum, cui innitimur; in femur, tibiam, & pedem parvum dividitur. Quod enim in manu cubitus, id in crure tibia, & quale in manu brachium, tale in crure femur est, quodque in manu manus extrema, id in crure pes est.

*Scelotyrbe*, quasi cruris turbam, vel perturbationem dicas, species est resolutionis, quâ erectus ambulare homo nequiens, latus quandoque sinistrum in dextrum, nonnunquam dextrum in sinistrum circumfert; interdum quoque pedem non attollit, sed attrahit, vel ut ii, qui magnos clivos ascendunt, lib. finit. Nomen hoc, ut & morbus ipse, cæpit primùm Germanici tempore, cùm trans Rhenum exercitum duxisset. Vitio enim aquæ milites, ut ait Plinius, duobus malis tentari cæperunt, quæ Stomacacem & Scelotyrben vocarunt. Ante hæc tempora nomen hoc à Græcis usurpatum non reperies.

*Sceptica*, est illorum Medicorum schola, qui nihil sciri posse dicebant, libr. an sanguis in art. nat. cont. cap. 5. atque in singulis rebus hærent, atque hæsitant, libel. de subfig. emp. cap. 1.

*Schesis*, id est, dispositio, est quæ facile discutitur, ut calefactum in Sole lignum; ex adverso ei affectioni, quæ ægrè solvitur; lignum E. gr. quod igni eatenus excalefactum est, ut jam accendatur, & fumum edat, 8. method. cap. 1. *Schesis* quoque adventitius corporis

habitus dicitur, 3. de caus. puls. cap. 10. vide *Affectus*.

*Schetica* febris est, quæ facile discutitur; è contra *Hætica*, quæ difficulter solvitur, 8. meth. 1.

*Schætron*, exquisitum victum vocat Hippocr. *Phaulon* autem, victum simplicem ac vulgarem; Medium autem *Hypophaulon*, id est, Subvulgarem, nuncupavit, 1. fract. 45. Galenus *σκητρὸν* Ionibus dici vult τὸ ἀκρίβης exquisitum & accuratum, & *σκητρὸν διαίτην* Hippocrati ἀκριβῆ, exactam victus rationem, eique oppositam τὴν φασίλην, καὶ ὁμαλὴν.

*Schidacedon* est divisio per longitudinem facta, conveniens fractis ossibus, quæ non omnino separantur à se invicem, sed veluti per rectitudinem finduntur: veluti *Cauledon*, divisio est per transversum facta, 6. meth. cap. 5.

*Scindapsos*, vide *Piuuta*.

*Scirrholosis* est livescens & crescens caro, ex vehementiâ diuturnæ inflammationis orta, libr. Introd. cap. 5.

*Scirrhum* tumor est durus, qui sine dolore est, non tamen omni sine sensu; talis enim sanabilis non est. Sunt, qui eos duntaxat tumores præter naturam, qui omnino insensibiles sunt, *Scirrhos* appellandos censeant; reliquos non *scirrhos*, sed *scirrholos tumores*, 14. meth. c. 6. *Exquisitus* verò *Scirrhus* nominatur, qui omnino durus, sensuque privatus est; qui verò non omnino insensibilis est, & difficulter sentit, ex humore lento, & crasso, qui partibus, quæ indurantur, tenaciter intligitur, *non-exquisitus*, 2. ad Glauc. 4. Durities propter humoris siccitatem crassitiemque accedit. Doloris autem sensus abest propter crassitiem & lentorem. Ubi enim crassus & lentus humor inania partis alicujus spacia subierit, & nervos nervosaque alia corpora repleverit, facile viam intercludit spiritui animali, à quo vis omnis sentiendi proficiscitur, gummi instar omnia

omnia quibus inciderit spiracula oblinens atque obturans. Si humori melancholico flavæ bilis portio aliqua remissa est, aut sanguinis, aut pituitæ, jam non absolutè scirrhus, sed erysipelatodes, aut phlegmonodes, aut œdematodes dicitur. Quo factum est, ut priori definitioni à veteribus traditæ, Medici recentiores humoris speciem addiderint, definientes scirrhum tumorem esse præter naturam ab humore melancholico durum sine ullo doloris sensu. Cum enim quatuor genera sint tumorum simplicium, à totidem humoribus pariter simplicibus prodeuntia, ut sanguis phlegmonem, pituita œdema, flava bilis erysipelas parit: ita scirrhus ab humore melancholico originem ducere, dicendus est, neque humoris species in ejus definitione omitenda est, quod non minima pars sit ejus substantiæ.

*Scleriasis*, id est, durities, est tumor palpebræ cum rubore, & dolore; difficilè tollitur, & durat magis, quàm inflammatio, lib. Introd. cap. 15.

*Scleroma*, durities, tumor est duriusculus, qui in parte vulvæ aliquâ nascitur, fitque plerumque ex phlegmones, quæ diù permanfit, induratione, lib. finit.

*Sclerophthalmia*, id est, dura lippitudo, in quâ oculus durior, ad motum pigrior, dolens, rubicundus redditur, palpebræque similiter duriores, siccioresque redditæ, post somnum aperiri facilè non possunt, vel inverti, propter duritiem: differt à *Xerophthalmia*, solâ magnitudine doloris, duritiei, & siccitatis, quod hæc sit illâ satis imbecillior.

*Scleros tunica*, vide *Retina*.

*Scleruntica pharmaca*, id est, indurantia medicamenta, quæ duritiem corpori inducunt; quod tribus auxiliis præstatur, congelatione, siccitate, & repletione, ac tensione.

*Scoliosis*, vide *Obstipitas*, *Cyphosis*.

*Scoptulæ*, vide *Omoplatæ*.

*Scotodinos*, hoc est, tenebricosa vertigo; cum enim



caput circumagi videtur, *Dinos*, sive *Vertigo* nuncupatur; cum insuper & tenebricosa fuerit visio, *Scotodinos*, hoc est, *tenebricosa vertigo* affectio appellatur; fit autem ob inordinatam spiritus flatuosi motionem; qui vel in capite primam suam habet generationem, vel sursum ex infernis fertur partibus, 4. acut. 42. Est ergo *Scotodinos*, seu *tenebricosa vertigo*, quando simul res conspectæ videntur circumvolvi, & sensus visus repente obscuratur, & ægrotus sibi tenebras circumfundit opinatur, 4. aphor. 17. Idem affectus, & *Scotomia*, & *Scotoma*, & affectus *scotomaticus* appellatur; ex ipsâ appellatione qualis sit apparens, quippè à parvâ occasione hebetantur ii, qui sic laborant, adeò, ut interdum cadant, maximè si aliquando in gyrum rotentur; seu alium quempiam rotari viderint; sive rotam, aut id genus aliud quippiam, aut ipsos quoque, quos vocant in aquis vortices, circumagi viderint, 3. loc. affect. 8.

*Scotomia*, *Scotoma*, *Scotomaticus affectus*, vide *Scotodinos*.

*Scrofulæ*, quæ & *Strumæ*, *Chærades*, & *Parotides*, & *Eparmata* dicuntur, sunt apostemata secus aures, libr. de med. facul. par. cap. 11.

*Scrotum*, est tunica crassissima extrinsecus testiculos ambiens, libr. Introd. cap. 10. quod & *Scortum*, & vulgò *Bursa testium* dicitur; multis rugis & mediâ suturâ distincta, Græcè ὄρχος, vel ὄρχος.

*Scutiformis cartilago*, vide *Cricoides*.

*Scybala excrementa*, sicciora, & quasi in nucleum formata, combusta scilicet à visceris phlegmone sunt π-ε-σ-τ-ί-μ-α-τ-α, 4. acut.

*Scypho*, vide *Choana*.

*Scyros*, id est, *Callus* & *Porm*.

*Scytalides*, vide *Digiti*.

*Sebum*, sive *Sevum*, est oleosa, & pinguis substantia adipe siccior, & magis concreta compactaque, ejusdemque interim cum adipe generis, (utrumque enim sanguis

sanguis est concoctus, ex nutrimenti bonitate) nisi quod *Sevum* fragile usquequaque sit, nec ad ignem admotum tam facile lique scat, & cùm refrigit denuò concre scat, ut ovis & capræ; *pinguedo* autem liquidior sit, minimè que apta durari, oleo longâ vetustate incrasato similis, ut equi, & suis.

*Secundiformis tunica*, Græcè *Chorooides*, vide *Chorooides*.

*Secunda*, sive *Secundina*, vide *Chorion*, *Retina*, *Retiforme*.

*Secundum naturam fieri*, cùm multis modis dicatur, in eum tamen sensum frequentius accipiendum est, ut significetur, quod primâ ratione à naturâ fit, & quasi finis ab eâ intenditur, non quod ex consecutione quâdam aliis succedere consuevit; talis motus secundum naturam est, cùm ex se aliquid, insitâque naturâ suâ movetur; ut, motus cordis, qui in pulsibus fit, est operatio, & ea quidem secundum naturam; qui verò in palpitationibus fit, is & à corde fit, sed p. n. à causis morbidis exagitato; unde etiam *palpitatio affectio* est, & ea quidem præter naturam, 6. de placit. cap. 1. *Præter naturam* autem quicquid est, aut affectus sunt, à quibus functio læditur, aut causæ horum, aut symptomata, 3. de præ sag. ex puls. capit. 1. differtque ab eo, quod est *non naturaliter se habere*, 8. inethod. cap. 9.

*Sedes*, vide *Vnionis solutio*.

*Sedimentum* est id, quod in urinæ parte infimâ subidet, libr. de urinis, cap. 16. Quod si ad supremam superficiem terminatur, dicitur *Nubecula*; si ad mediam regionem, *Sussumsum*; si profundiori parte, inferioremque occupat locum, *Hypostasis*, ibidem cap. 21.

*Semeiosis*, vide *Annotatio*.

*Semeiotica*, hoc est adnotatrix, medicinæ pars est, quæ de signis salubribus, insalubribus, & neutris agit, curationi morborum per victum, summè necessaria,

præterita, præsentiaque symptomata ad morbi causam inveniendam, & ad præfagiendum, diligenter inspicies, lib. Introd. cap. 8. *Σημειωνική*, pars est medicinæ signorum omnium differentias & vires expendens. Cum autem signa multipliciter dicantur, ut Galenus in arte parvâ scripsit, certum est ad istam partem omnium contemplationem pertinere, sed eorum maximè, quibus per morbos & præterita investigamus, & præsentia cognoscimus, atque futura prævidemus, uti ab Hippocrate proditum initio lib. prognost.

*Semen*, ex Aristotele, est quædam pars utilis excrementi, à quo, & ex quo singula foetus membra efformantur, 1. de semin. cap. 14. Alii *semen* nihil aliud esse dicunt, quàm sanguinem à venis, quæ ipsum continent, exquisitè confectum, 2. de sem. cap. 2. quod & *genitales vires* vocat, 1. progn. 42.

*Semicoctos humores* appello, qui à ventriculi calore alterationem perpeffi, nec tamen perfectè ab eo superati fuerunt, 4. simpl. cap. 15.

*Seminarii meatus*, vide *Parastata*, & *Glandulosi assistentes*.

*Semisyderatus homo*, vide *Syderatio*.

*Semitertiana*, quæ *hemitritæus* dicitur, est febris quæ ex quotidianâ continuâ, & tertianâ intermittente fit, 2. de differ. febr. cap. 7. ubi sequentem in modum de hac febris loquitur: frequenter febris secundùm suam ipsius naturam, ex intermittentium genere est, ut tertiana; complexus autem quotidianæ febris, nullum integritatis tempus, priori circuitui relinquit, dum secunda accessio, antequam prior absolvatur, invadere anticipet; hanc ego febrem compendiosæ, claræque doctrinæ gratiâ, uno volens appellare vocabulo, imposui ei nomen *Semitertianæ*, lib. de morb. temp. cap. 8. Sanè nonnulli ajunt, *Semitertianam* ita nominatam fuisse, veluti semicirculum, ipsam tertiani circuitûs dimidio minorem esse asserentes. Alii dicunt, *Semitertianam* appel-

appellatam fuisse ideò, quòd dimidio tempore tertianam superet: ut si tertiana accessio ex duodecim horis componatur, semitertiana duodecim ipsas horas tertianæ in sese comprehendat, eisque dimidium duodecim horarum addat, universæque simul evadant duodeviginti, libr. de Typis, 4.

*Seneſta ſerpentum* est, crassissimus quidam lentor, & velut membrana, ex diurnâ latitandi morâ, hyemis tempore, sub cavernis terræ contracta, temporis longitudine potiùs, quàm senescentis ætatis vitio facta, de Theriac. ad Pison. cap. 13.

*Senes*, à Decrepitis nonnulli Hippocratis sectatores distinguunt, nomen *seniorum* ultimæ ætati tribuentes, *senes* autem in priori ætate statuentes, quæ media est inter juvenes & seniores. Aliquando *senes* vocat eos Hippocrates, qui extremam agunt ætatem, 2. aph. 31. Estque id, quod propriè omnes homines *senectutem* appellant, non aliud, quàm ficcum, & frigidum corporis temperamentum, annorum multitudinis ratione comparatum, 5. de tuend. sanit. cap. 9.

*Sensifici nervi*, vide *Nervi sensifici*.

*Sensus indigentia*, est sensus tactûs exquisitissimus, soli ventriculo, & maximè ori ejus superno, per conjugationis sextæ nervos molles, concessus, ad cibum sumendum animal ipsum excitans, & stimulans, 4. de usu part. cap. 7. qui *fames* nuncupatur, lib. 5. cap. 8.

*Sensus vitiosus* est omnis, qui perperam obitur, & oblæsus est, quando scilicet proprium sensibile non aut omninò sentitur, vel cum vitio sentitur, vel diminutè, vel depravatè, & sub specie peregrinâ percipitur, ut, in auditu surditas, auditûs gravitas, obauditio: in visu cæcitas, visûs obscuritas, & depravationes quædam, lib. de symp. diff. cap. 3.

*Sepedonodes*, id est, *putredinosos*, Græci vocant eos, qui ad putredinem sunt proni, & dispositi, 8. method. capit. 7. Σηπεδνώδης, putredine vitiatu. Σηπεδών putredo



tedo est, & *συνεδνεις* humorum collectiones & putrilagines quâcunque in parte corporis redundant. Sive enim ad intestina descendant, & illic putrescant aut corrumpantur, putrida intestinorum ulcera gignunt, vel dysenterias; quales *συνεδνεις* exponit Philotheus. Celsus cap. 1. libr. 2. caneros vertit. Galenus humorum in venis putredines intelligit, unde oriuntur febres putridæ. Quod si fuliginosa & serosa excrementa putrescant in habitu corporis, cutis affectiones putres suboriuntur, ut Alopecia, Ophiasis phthiriasis, furfures, cutis putrilaginosa, & maligna ulcera, & carnium corruptiones.

*Septa*, quæ & *Septica medicamenta* dicuntur, sunt omnia, quæ tùm eliquare, tùm colliquare, ac potissimum carnem tenellam consumere ferè absque dolore possunt, hujusmodi sunt Arsenicum, Auripigmentum, Sandaraca, Chrysocola, Aconitum; Vocantur autem *Septica*, seu *putrescencia cum putredine*; symptomatis autem similitudo, ut sic appellemus, efficit; inter hæc autem numerantur & *Cathæretica*, hoc est, Detractoria; quæ extimam modò superficiem, quam tetigerint, detrahunt, & conficiunt, non tamen in altum subire corporis & sævire valent: ut, Alumen, Galla, Omphacium, æs combustum lotum, s. simpl. 15.

*Septum transversum*, vide *Diaphragma*.

*Serapium*, vocat Actuarius potionem eam, quam hodie syrupum voce magis barbarâ nominant; sic verò vocant, quando medicamentosi succi & liquores cum melle, vel saccharo, donec concreverint, coquuntur. Dividunt seplasiarii *syrupum* in brevem & longum; *brevem*, quod parùm aquei humoris in se habet, appellant, alioque nomine *communem* vocant; *longum*, quod humoris aquei multum obtineat, nominantq; aliâ voce *decoctum*; quin & dividunt in *communes* & *magistrales*.

*Serosum recrementum*, vide *Ochema* τρωφῆς.

*Serpigo*, vide *Herpes*.

*Sesamoeidea ossa* à sesami leguminis minuti specie sic dicta, quæ multis manuum, & pedum articulis, natura ex abundanti, velut auctarium circumponit, securitatis gratiâ, 2. de usu part. cap. 12.

*Sesili verruca*, vide *Formica*, & *Myrmecia*.

*Sextans*, pendet uncias duas, 4. de comp. med. per gen. 14. Sextarius pendet heminas duas, quartarios quatuor, acetabula octo.

*Sicca & valida frictio* est, quæ corpori foris adhibetur, ad curandam quodammodo lassitudinem nullo humido, aquâ videlicet, vel oleo, foris corpori circumfuso, 2. simpl. cap. 25.

*Siccus hydrops*, vide *Hydrops*.

*Sies*, vide *Collyria*.

*Sielismus*, Σιελισμός, est salivæ copiosissimæ in os affluxus, sive ab humidiori capite in glandulas, ad radicem linguæ fitas; sive à Ventriculo, multâ pituitâ redundante, quæ ex eo secundum gulam in os proreperit, & refluit multoties, etiam absque vomitu, 8. de comp. med. loc. cap. 4.

*Sigmoeides apophysis* dicitur processus unus Omoplatæ, quod instar antiquæ Græcorum literæ C cavus sit, qui & *Ancyroides*, & *Coracoeides* appellatur. Dicitur & hoc nomine sinus seu cavitas semicircularis in cubito, inter duas cubiti apophyses comprehensa, in quam brachii extremum, trocheæ simile, inseritur. Refert quoque figuram G, unde σιγμοειδής, vel σιγματτειδής appellatur.

*Sigmoeides membranæ*, seu *cartilagines*, sunt tres tunicæ, quæ in venæ Cordis arteriosæ orificio visuntur, quæ pulmonem alit, intus foras spectantes, quas à figurâ Græcæ literæ Σ, (qui accuratius tractarunt anatomas) *Sigmoeides* appellarunt, 6. de usu part. 14. *Sigmoeides* quoque dicuntur, cartilaginum asperæ arteriæ extremæ partes, quæ sigma literæ figuram referunt, 4. loc. aff. 6. vide *Cricoeides*.

*Signa*

*Signa judicatoria, vide Decretorius dies.*

*Significatio febris, vide Insulius accessioni.*

*Signa aliqua mala sunt, tùm ut signa, tùm ut causæ: ut signa quidem, quoties ex difficilioribus fiunt affectionibus; ut causæ verò, quoties ipsa rursus alias committunt & concitant pravas affectiones, pessimaque inducunt symptomata, progn. 49.*

*Sima Hepatû pars, est concava ipsius pars, quâ ex parte prodit vena porta; Unde per Mesaræi venas alimentum à ventriculo, primisque intestinis jecur attrahit; cujus opposita pars, convexa & gibba nuncupatur, 4. de usu part. cap. 13.*

*Similare membrum (quod & simplex, homogeneous, & prima corporis particula, quæ ex primis constat elementis, & ex quâ partes organicæ constatæ sunt) est, cujus quamcumque partem sensibilem sumpseris, erit illa toti similis in nomine, & definitione, sicut os & caro, de anat. viv. cujusmodi sunt arteriæ, venæ, nervi, ossa, cartilago, ligamentum, membrana, caro, libr. de morb. differ. capite tertio. vide Instrumenta.*

*Simplex morbus, vel Compositus.*

*Simplicem febrem vocat Hippocrat. quæ mitis est, & cum signis tutis cumprimis: sic dicitur febris ephemera, 1. cris. 16.*

*Sinapismus, est medicamentum vehementer calidum, ex sinapi compositum, capiti conveniens, 3. loc. aff. 4. Simplicissimus quidem ille est, qui solo sinapi constat trito & apposito. Quo tamen non contenti veteres sinapismus ita præpararunt: fici pingues tepidâ aquâ pridie macerabantur, postridie manibus diligenter expressæ contundebantur. Deinde sinapim quam acerrimam, qualis est Syriaca vel Ægyptia, privatim terebant, adjecto interim ficuum cremore, quo facilius terri posset, nec tamen aquosum evaderet, postremò in offas simul hæc cgebant. Si sinapismus vehementiorem facere fuisset in animo, binas sinapis portiones*

ad

ad unam ficum addebant : sin invalidiorem , contrà , si moderatum , æquas utriusque partes commiscebant. In mollioribus autem corporibus sensuque præditis exquisito , & in quibus circa superficiem affectio est , panem pro caricis miscebant , aut ipsum sinapi aceto macerabant , antequam detereretur , quò magis domaretur ejus acrimonia , quod aceto vis sinapis frangatur. Ita paratus sinapismus vel illinebatur , vel linteo exceptus admovebatur , & quantum opus est sinebatur. Temporis autem spatium certo definire non licebat. Quare frequenter levandum erat cataplasma , & considerandum an subjecta pars ruborem contraxisset , præsertim si sensu hebetiore prædita esset. Quod ut celerius fieret , partem ipsam spongiis aquâ calente madentibus fovebant , incumbente adhuc cataplasmate , nec soluto : deinde ubi satis calere , rubere , & tumere videbatur , sinapismus eximebant , post in balneum ducebant , deinde rosaceo partem illinebant , aut hapso lanæ rosaceo & aquâ imbuto , vel malvâ coctâ tritâque cum pane integebant , donec nihil ex sinapismo mali superesset. Efficacissimum est remedium longis & deploratis fere valetudinibus , cum jam inveterati morbi cæteris præfidiis non cesserunt. Pollet enim plurimum adversus vetustos capitis dolores , hemicranios , lethargicos , comitiales , insaniam , vertigines , sive capiti sive cruribus admoveatur. Valet & ad orthopnoëas , asthmata , longas tusses thoraci impositus. Diuturnis stomachi & intestinorum affectionibus , inappetentiæ , ischiadi , arthritidi , paralyfi , perfrictionibus , quæ calori non cédunt , medetur. Sed modum adhibere oportet , desistendumque à medicamento cum locus jam multum intumuit , & inflammatione cingitur , caro turgens succrescit & cicatricosa livet , & post balneum pustulis leniter exasperatur : neque est committendum , ut partem sensus deficiat ardore nimio viétam & velut obstupentem. Non est autem id reme-  
dii



dii genus adhibendum acutis morbis, in exulceratione pulmonis aut alterius internæ partis vel externæ, quod ulcera sinapis acrimoniâ irritentur, ut nec particulis cartilaginosis & carne viduis, quoniam sinapismo facile urantur & nigrescant.

*Sinciput* est anterior capitis pars, supra frontem sita, capillis intecta, libr. Introd. cap. 10. vide *Bregma*.

*Singultus*, λύγξ, est veluti convulsiva quædam oris ventriculi affectio, quoties illud ex humorum copiâ gravatur, vel mordetur, vel propter frigiditatem contristatur, com. 1. in 1. prorrh. 23. Accedit etiam ex immoderatâ inanitione, 4. acut. 69. Non autem *Singultus* est vera convulsio, utpotè quæ in solis musculis accidit; ventriculus autem nec musculus est, nec ejus os, 3. de caus. symp. cap. 2.

*Singultuosa febris* est, in quâ ægri singultiendo rodentem, acerrimumque humorem vomunt, à quo tamen symptomate febrientes sunt liberati; verùm febris hujusmodi, nequaquam *singultuosa* dici debet, nisi singultus per totum morbum, simul cum febre, ægrum excruciauerit, 4. acut. 69.

*Sinus*, qui & *Vomica*, est solutio continuitatis in carnosâ parte: fit cum sanguinis quædam in mediam regionem, partium inanem & porosam affluxione; id quod abscessui, & sinui commune est; pars affecta, in exteriori summitate occlusa, os nullum habet, & abscessisse ipsa dicitur à subjectis partibus, cum ejusmodi in ipsam quædam fit fluxio: affectio verò *abscessus* propriè, sive *apostema* vocatur; at ubi aliquâ ex parte aperta est, ut, qui continetur, humor indè excernatur, non amplius *abscessus*, sed *sinus* jam appellatur, 2. de his quæ in medic. 27.

*Sinus rectus* appellatur, cujus os in inferiore parte, fundum in superiore est; *obliquus*, cùm in latus declinat. Fijunt contrario etiam modo *sinus*, quibus deorsum fundum, sursum verò os vergat; quibus neutiquam

quam fundum , quò facilior saniei exitus pateat, aperi-  
mus, 2. de his quæ in medic. 28.

*Sinus vulvæ*, vide *Cornua*.

*Siræon*, vide *Aposhermus*.

*Siriasis*, est inflammatio Cerebri, & membranarum  
ejus, quam consequuntur syncipitis, & oculorum cavi-  
tas, febris ardens, pallor, totius corporis siccitas, &  
inappetentia. Morbus hic infantium proprius esse di-  
citur, cui nomen inditum est à syncipitis cavitate:  
σῆδρ enim Græci appellant foveam in quâ semina re-  
condunt & asservant. Scribitur & σῆδρασις.

*Sitix*, Græce δῖψας, portionis desiderium est, id est,  
appetitus frigidi, & humidi.

*Solidas corporis partes*, vocant Medici ossa, nervos,  
cartilagineas, ligamenta, tunicas, musculos, membra-  
nas, arterias, lib. Denotatio dogmatum Hippoc. quas  
etiam particulas, *Elementares*, *Similares*, & *Simplices*  
appellant, 1. de natur. fac. cap. 7.

*Solutio morbi*, simpliciter est illa, in quâ vel virtute,  
vel morbo sensum emoriente & devicto, vel morbus,  
vel finitur, 3. cris. 1.

*Solutus* est, & dicitur *Paralyticus*, qui laxatos habet  
articulos, 5. de compos. med. per gen. cap. 2.

*Sopientia*, vide *Anodyna*.

*Sopor*, aliàs *Coma*, propensio, delatióve in somnum  
est, cum vigilare ægri nequeunt, non habentes apertos  
oculos, sed conniventes, alto somno, vel tenui, quin &  
vigiliis detinentur; idque accidit, vel humectatâ plus  
nimis eâ parte cerebri, quæ sensus fons est, ut in ebbriis,  
vel ejusdem intensissimum ob solum frigus; aliquando  
ob utrumque, quin & propter virium imbecillitatem  
adeò jam emorientium, ut apertas palpebras moribun-  
di servare nequeant, com. 1. in 3. de morb. vulg. 7.  
vide *Caros*, & *Coma*.

*Soporaria arteria*, vulgò *Carotides* dicuntur, sunt duæ  
illæ, quæ ab arteriâ magnâ sursum ascendente, post-  
quam

quàm ex Thorace exiens, ac claviculas transgressa, in medium jugulum pervenit, generantur, 1. de placit. cap. 7. vide *Carotides*.

*Sordes*, crassius nutritionis excrementum est; in ipsâ enim primæ carnis generatione duplex excrementum provenit, quod omnem qualitatis alimenti mutationem superat; alterum *crassius*, alterum *tenuius*: quod tenuius est, ipsa est *insensibilis perspiratio*; quæ etiam subindè fit visibilis, quoties vel naturalis calor languet, vel nutrimento utitur, quàm justum sit, ampliore, vel motus quispiam vehementior animali contingit; alterum *crassius*, sunt ipsæ *sordes*, quæ in summo corpore nostro colliguntur: quin etiam in ulceribus, tenue excrementum, *Sanies*, Græcè *Ichor* appellatur; quod crassum est, *sordes*; ex priori excremento, ulcus humidum redditur; ex crasso, sordidum, 3. meth. c. 3. vide *Ichor*.

*Sorici cauda*, sive *Soricinus*, vide *Myurus*.

*Sparganosis* est, dum ob lactis redundantiam, mamillæ tumefactæ sic distenduntur, ut copiam hanc vix ferre queant, lib. 2. ad Glauc. cap. 2.

*Spasma*, vide *Rhegma*.

*Spasmus*, id est, *Convulsio*, musculi est ad suum principium contractio; vide *Convulsio*. Inde *Spasmosus affectus*, id est, *Convulsivus*, qui in suo principio, aut non multo post, quàm fieri cœperit, convulsionem accersit, com. 3. in 1. prorrh. Sic *convulsivum affectum* appellant, qui ante mortem necessariò convulsionis aliquod periculum inducit, 1. de prælag. ex puls. *Spasmosus* autem *pulsus* sive *convulsivus*, est pulsus inæqualis in unâ pulsatione, & diversis arteriæ partibus, & ejusmodi quidem, in quo utrinque ab extremis retrahi, tendi, convellique arteria videtur, in modum chordæ tensæ.

*Spasmus oculi*, vide *Mollities*.

*Spata*, vulgò *Spatula*, instrumentum est, quo Pharmacopœæ confecturas in cacabo, seu mortario movent,

vent, 1. de compos. medic. per gen. capite quarto.

*Spathomela*, vide *Laminas*.

*Sperma*, *Spermatice arteriæ*, *Spermatice venæ*, *Spermatice pori*, vide *Semen*, *Glandulosi assistentes*, & *Parastata*.

*Sphacelare*, Hippocrat. in lib. de fract. & artic. pro corrumpere usus est; *Sphacelus* autem est corruptio substantiæ uniuscujusque partis, quæ *sphacelari* dicitur: partis carnosæ autem interitum, ex magnitudine inflammationis, propriè Medici *Gangranam* nominant, 7. aph. 50. *Sphacelon*, in specie etiam vocant *ossis cariem*, 14. meth. 17. *Sphacelos* vocem, sunt qui dicunt, *vehementem dolorem* declarare; alii tantum inflammationis excessum, qui partem ad corruptionis periculum deducat, 2. loc. aff. 7.

*Sphacelodes hemicrania*, id est, alterius capitis partis convulsorius dolor, 2. loc. aff. cap. 7.

*Sphacelos*, vide *Sphacelare*, & *Syderatio*.

*Spharomata*, vide *Nates*.

*Spage*, vide *Anticardion*.

*Spagiritides*, id est, *Venæ jugulares*, 5. meth. cap. 4.

*Sphenon os*, (quod & *Polymorphum* appellatur, libr. Introd. cap. 12.) est, quod ad cunei similitudinem, ex utroque latere Calvariæ ad palatum tendit, superiorem maxillam constituens, cujus ossis apophyses utrimque concavæ, ab alarum similitudine *Pterygodes* nuncupantur, lib. de ossib. cap. 1.

*Sphincter*, quasi constrictor, seu constrictorius, est musculus constringens orificium recti intestini, & vesicæ urinariæ, 6. de anat. adm. 4. vide *Rectum intestinum*.

*Spicilla*, vide *Laminas*.

*Spina*, est omnium vertebrarum, quas *spondylos* vocant, basis, compages, & structura: sumitur & *spina* aliquando pro *medullâ spinali*, 3. loc. aff. 10. vide *Dorsum*, *Myelos*, & *Medulla spinalis*.

*Spirationem naturalem* appellat Hippocr. spirationis



facilitatem, quæ neque thoracem, neque cor, aut pulmonem, neque præcordia p. n. affecta, aut dolore aliquo infestata, quin etiam neque partes quasdam iis adjunctas, ventriculum, lienem, jecur, ægrotare significat, 1. progn. 25.

*Spirituosus* appellat Hippoc. eos duntaxat, qui copiosum aërem inspirant, & aëre multo indigent, 4. acut. 115.

*Spirituosus*, vide *Sanguineus*.

*Spiritus*, πνεῦμα, præcipuum est naturæ simul & animæ instrumentum, quo omnes functiones muniaque exequitur substantia aërea, calida, levissima, tenuissima, omnes in corpore motus naturales ciens; est enim tertia substantia corporis nostri constitutiva, contra distincta aliis duabus solidis, & humoribus, ejusdem plane cum calore nativo originis, & temperiei, cujus calor est perpetuus comes; nam cum ad vitæ munia oporteret calidum innatum per omnia diffundi, is verò singulis solidis partibus, insitus & fixus, & immobilis sit; ei natura spiritum socium ascivit, qui ipsum, suo celeri motu, quò necesse erat, deduceret. Estque tanta spiritui cum calore nativo substantiæ communio, & operis societas, ut par sit ejusdem essentia, natura, & proprietas; ut non immerito Hippocrates spiritum vocaret, impetum facientia, à sui motus celeritate. Aliquando Hippocr. absolute ipsam respirationem, vocat spiritum, com. 4. in 6. de morb. vulg. 4. unde & densum, & rarum spiritum, id est, respirationem tardam, & raram vocitabat, 1. de difficult. resp. cap. 2. Interdum, ab eodem, aër inspiratu attractus, qui respirationis, vocisq; materia est, spiritus appellatur, 1. acut. & in progn. Aliquando flatus ipse, quo nervosa & musculo-fa corpora distenduntur, spiritus appellatur.

*Spiritus animalis*, est primum animæ instrumentum, in cerebri ventriculis contentus, ad sensificam & motricem vim in universas corporis partes transmittendam,

dam, procreatus, 4. loc. aff. 2. *Spiritus* equidem, qui in arteriis continetur, *vitalis* & est, & dicitur; qui in cerebro, *animalis*, non quod de substantiâ animæ sit, sed quod primum ejus illic habitantis sit instrumentum, qualiscunque substantia ejusdem fuerit, qui ex vitali perfectius concocto, & in cerebri anfractibus elaborato, conficitur; qui animalis spiritus, nequaquam animæ domicilium, sed primum tantum ejus instrumentum est, eò quod, cum ex vulneratione fuerit evacuatus, illico animal quasi mortuum collabitur; cum iterum colligitur, reviviscit, 7. de plac. cap. 3. *Spiritus animalis*, exhalatio quædam est sanguinis benigni, 6. de usu part. 17.

*Spiritus asper*, à quibusdam appellatur is spiritus, qui cum sono & stertore ducitur, sive ob angustiam loci, quo ille redditur, sive ab humeris copiâ, 3. de artic.

*Spiritus densus*, est brevis spiratio, sive motus respiratoriorum organorum, per breve tempus, factus, 3. de diff. respir. cap. 10. vide *Inspiratio densa*.

*Spiritus derentio*, est respirationis ad plurimum tempus voluntaria cohibitio, per quam & singultus, & oscitationes sanantur, 3. de diff. respir. cap. 10.

*Spiritus flatuosus*, qui & *Flatus* appellatur, crassus, ac vaporosus flatus est, secundum substantiam ærius, atque tenuis; Cogita verò ejus naturam ex circumstante nos aëre, in memoriam revocans, qualis in Austrinis constitutionibus, & qualis in Aquilonaribus fiat; ei enim, qui in Australibus, assimilatur flatuosus; alteri verò, qui in Aquilonaribus, is, qui in nobis secundum naturam est, spiritus comparatur, 2. Glauc. 6. vide *Flatus*.

*Spiritus inter exeundum offendens*, vide *Exspiratus*.

*Spiritus naturalis*, vide *Spiritus vitalis*.

*Spiritus sublimis* est, qui sublimioribus thoracis partibus inspiratur, 4. loc. aff. 7.

*Spiritus vitalis*, à Cordis facultate naturali genitus; in arte-

in arteriis continetur, nutriturque respiratione, attracto  
aëre & sanguine; quod si naturalis quoque spiritus est,  
utique is quoque in jecinore, & venis continebitur,  
12. meth. 5.

*Spirituum interceptio*, vide *Interceptiones spirituum*.

*Spissum corpus*, vide *Rarum*.

*Splen*, sive *Lien*, corpus est rarum admodum, ac  
laxum instar spongiæ cujusdam, ut succos crassos, &  
melancholicos facile attrahat, & excipiat, hepar ab il-  
lis expurget, eosdemque conficiat. Unde ipsum *Pa-  
renchyma*, id est, *affusionem*, nominant, 4. de usu part.  
cap. 15. cujus *simæ partes*, seu *concavæ* jecur, & ven-  
triculum spectant; *gibbæ* his opponuntur, capit. 16.  
Ejusdem lienis corpus tantò est rarius hepate, quan-  
tò est crassius pulmone, cap. 15. Quia autem nigro  
sanguine compositus est, idcirco non modò nigricat,  
& prominentibus quibusdam tuberibus inæqualis est,  
sed etiam familiaritate suæ substantiæ, quicquid atri  
humoris ac fæcis est in sanguine, ad se attrahit. Hoc  
enim illi à naturâ propriè tributum est. Trahit autem  
per eum venæ portæ ramum, qui superior & minor  
est. Ac ejus quidem fæcis parte sibi cognatâ magis &  
familiari, per arteriarum præcipuè calorem & motum  
elaborata nutritur: reliquum autem excernit nunc in  
portam & intestina per eundem portæ ramum, nunc  
in ventriculi latus sinistrum, per insignem venam ex  
summo aut propinquo in lienis simâ ramo prodeun-  
tem: nunc in sedem per hæmorrhoidas, nunc in renes  
per arterias ab aortâ supra renes natas. Id quoniam de-  
buit esse fæculenti sanguinis receptaculum, prævidens  
natura ne faciliè obstrueretur, duo præsertim illi reme-  
dia comparavit, substantiæ raritatem, & arteriarum co-  
piam. Est enim valdè laxus & spongiosus, habetque  
tum plures, tum grandiores arterias, quàm magnitudi-  
ni suæ conveniat, ab aortâ quâ per lumbos fertur, pro-  
deuntes. Situs est in hypochondrio sinistro, quâ ven-  
triculo

triculo incumbit cavus, quâ verò septum contingit, leviter gibbus. Tunicam habet à peritonæo, nervulum autem à ramo sextæ conjugationis, qui sinistrarum costarum radicibus inseritur. Neque enim expediebat majores eum nervos habere.

*Splendentem urinam* vocavit Galenus quæ & flava est, & peculiari, ac propriâ mitione constat, ita ut gemini coloris esse videatur, & rufi, & rubei; splendorem enim à rufo, nitorem autem à rubeo accipit, lib. de urin. cap. 4.

*Splenia*, vide *Plagula*.

*Splenica vena*, est ramus sinister superior & minor venæ portæ, qui totus per lienem spargitur; nam cum vena porta in duos præcipuos ramos mesentericum videlicet & splenicum distincta sit, hic in lienem abit, ille in mesenterium diffunditur.

*Splenic*, dicuntur ii propriè, qui induratum splenis schirrosamque substantiam habent: non quibus inflammatum viscus est, 9. de compos. med. loc. cap. 2. quamvis ita dici possint omnes qui ex liene laborant. Evadunt autem lienosi, à copiâ melancholici humoris lieni infarcti, quam defluxiones, & fœdus corporis color subsequitur. Unde fit, ut humore melancholico sub morbi finem crismique per alvum erumpente, dysenteria promptè excitetur: quæ si diutius perseveret, omnino lethalis est: sin brevi finiatur, magnâ ex parte salutaris est, ut est apud Hipp. aph. 43. & 48. lib. 6.

*Spondylus*, *Sphondylus*, *Spondylon*, & *Vertebra*, idem significant; sunt autem viginti quatuor ossa, quibus Rhachis, id est, Spina, constituitur; tot enim sunt in homine secundum naturam se habente: aliquando verò plura, aliquando pauciora visa sunt, omnia cava & forata, spinam habent, & apophyses obliquas, & transversas descendentes, & ascendentes. vide *Dorsum*.

*Spongoides ossa*, vide *Ossa Isthmocidea*, & *Cavernosa ossa*.



*Spontanea* vocantur *ulcera*, quæ ex mordente humore oriuntur, qui sistitur in exitu, ac tardat, extremamque cuticulam solam, propterea quod ab eâ remoratur, tùm erodit, tùm exedit; quam nec ipsam, si eandem quoque sudoris vice transiret, ulceraret, 14. meth. cap. 17.

*Spontanæum*, apud Medicos dicitur, non quod sine causâ sit, sed quod nostrâ causâ non sit: item quod fit absque opera Medici, solius naturæ vi, 6. aphor. 14.

*Sponte evacuari ex corpore* dicimus, quæcunque sine aliquâ Medici operâ excernuntur; ea scilicet, quæ nostrum regit corpus, potentiâ ipsum expurgante, aut quæ ex irritamento aliquo, aut quia à vasis non continentur, rejiciuntur, 4. aph. 2.

*Sporades morbi*, sive *Sporadici* sunt, qui sparsim privatimqueprehendunt; ægros discrepanter fatigantes, neque secundum communem modum constantes, 1. acut. 9. vide *Endemus*, *Communis*.

*Sporades venæ*, sunt propagines quædam venæ maxime cavæ, trunci, in totum crus ab interiore ipsius parte per inguina procurrentis, inordinatæ, ad cutem permeantes, modicis intervallis dispersæ, 3. de anat. adm. cap. 12.

*Spuriæ costæ*, vide *Illegitimæ*.

*Sputamen* est Sputum, cui aliquid alieni humoris est admistum: ut bilis, sanguinis, saniei, 1. de cris. 5. Sputum autem quod secundum naturam se habet, est, cui flavum aliquid admistum est, ibidem.

*Sputum* appellatur, non quod sanguineum, biliosum, atque spumosum est: tale enim propriè *sputamen* nominamus; sed quod neque sanguini, neque bili pallidæ, vel nigræ commistum spuendo rejectum fuerit, 1. de cris. 5.

*Spyratus* vocant Caprarum dejectiones; sunt autem hæ siccæ, atque id quod excernitur propriâ circumscriptione rotundum; circumductumque existit. Cùm igitur

igitur quis hoc pacto , sicca, & circumducta dejecerit excrementa , *Spyratode* , id est , in *spyras* voluta appellantur , suntque talia , & quod plusculo tempore retinentur , & propter copiam igneæ caliditatis , com. 1. in 1. prorrhēt. 6. quæ & *Scybala excrementa* vocantur. vide *Scybala excrementa*. *Σπράγγι* dicuntur Galen. caprarum stercora & pilulæ stercoris caprini, quas ad muliebres morbos, & uteri suffitum usurpat Hippocrates. *σπυραδάδες καίλιαι* sunt apud Hippocratem alvi siccæ & duræ, & quæ caprinis stercoribus similia reddunt.

*Squamosæ agglutinationes*, quæ & *Mendosæ commissuræ*, & temporales dicuntur. vide *Lepidoeides*.

*Staltica medicamenta*, quæ carnes vulneribus æquant, lib. de Dynam. in procemio.

*Staphyle*, est carnosa quædam particula, quæ in summo ore apparet pendula , si quis, aperto plurimum ore toto, linguam deprimat; hæc ipsa caruncula duobus nominibus appellatur, à veteribus Græcis, *Gargareon*, & *Cion*, hoc est, *Gurgulio*, & *Columna*; Cæterum posteriores Medici ferè omnes non ita, sed *Cionidem*, id est, *Columellam*, vocant: nam qui *Staphylen*, id est, *Vvam*, & *Acinum*, ipsam appellant, eorum non meminisse præstat. Propriè enim non particulam illam, sed unam aliquam ejus affectionem, *Staphylen* sive *Vvam* nominamus; raro autem hæc affectio circa columellam contingit, tamen sæpè inflammetur gravissimè, 6. de comp. med. loc. cap. 3. & lib. de anat. viv. Est igitur *Staphyle*, non illius partis inflammatio, ut quidam putant, sed quædam illius passio, in quâ tota Columella laxata, extremâ sui parte major est, & livida; superna verò tenuis, ut similitudinem fructus uvæ, unde nomen accepit, præ se ferat. Latini *Vvam* & *Vvulam* nominant. Galenus ibidem.

*Staphyloma*, est oculi morbus, cùm in summâ tunica, quiddam acino simile evenit. 2. meth. cap. 2. *Σταφύλωμα* differentia una est τῷ ἀερίωτι, cùm scilicet

erosâ ruptâve tuniculâ corneâ, altera ei subdita, quæ *παρωιδής* dicitur, excidit ad eum modum, ut acinum uvæ repræsentet. Cùm enim infra istum modum excidit, *μυοκέφαλον*: cùm modum hunc superat, *μῆλον* vocatur, ut docet Paulus lib. 3. cap. 22. Interdum vero aliter fit *σπρόλαιμα*, sine ruptione aut erosione corneæ, quando ipsa cornea intumescit certâ quâdam parte, atque attollitur, & prominet in modum acini uvæ. Id quod plerumque contingit ex defluxione, humoribus intra corneam coacervatis, quos ea propter imbecillitatem sustinere non valens, laxatur, & quasi incurvatur, apparetque veluti acinus uvæ exertus, qui Staphyloma appellatur. Differunt inter se hæc duæ species staphylomatis, quod una integrâ fiat corneâ tunicâ, tumorque ipse candidior appareat; altera verò fiat eadem ruptâ aut erosâ, in quâ quod prolabitur, cæruleum aut nigrum cernitur. His addit & tertiam speciem Aëtius, libr. 7. cap. 34. scribens aliquando fieri ex pustulâ quâdam inter strias corneæ tunicæ satis profundè excitata, quæ tunicam attollat, non tamen rumpat. Causæ hujus staphylomatis variæ esse possunt, sed quæcunque ea fuerit, certum est visum omni staphylomate aboleri.

*Statum* ab Hippocrate solere non temperamentum tantùm aeris præter naturam, sed etiam omnem cujusque rei formam appellari, recordemur, com. 3. in 3. de morb. vulg. in præmio.

*Status morbi* est vehementissima totius morbi pars, 1. de cris. 8. vel *status morbi* aliud non est, quàm morbi, quantum ad casus, & symptomata attinet, maximum, 1. aph. 7. vide *Consistentia*.

*Steatoccele*, affectio est scroti, succrescente in eo quopiam sevo simili corpore, lib. Introd.

*Steatoma*, vide *Atheromata*.

*Stagnosis*, *stipatio*, cutis vitium, quo per occultos meatus prohibetur transmitti, quod superfluum est, excrementum fuliginosum, obstructis, sive densatis meatibus.

meatibus, quam densitatem *μύων*, id est, conniventiam, vocant, 3. de sanitat. tuend. capite decimo.

*Stegnotica medicamenta*, hoc est, obstruentia, quæ sensibiles excretiones cohibent; corpus enim quod claudit, & continet in se, nec quicquam quod sensu queat percipi, ex sese emittit, Græcè *στέγνω*, sive *Stegnoticum* nuncupatur, 5. simpl. 14. vide *Obstruentia*.

*Stelechiaea*, vena est superficialis, & Caudicis more sita, unde omnes aliæ venæ, sanguineis ac pedestribus animalibus procedunt, 6. de anat. adm. cap. 8. Estque vena magna, ad portas jecoris sita, aliarum omnium caudex, ibid. cap. 10.

*Stephanica* sive *Coronaria* vena, futura, & os, vide *Coronale os*.

*Stephanos*, *Corona*, & *Iris*, sunt locus ille communis, in quo universæ oculi tunicae simul committuntur. 14. meth. cap. 19.

*Sternon*, est antè Thoracis os, sive os pectoris, 7. de anat. adm. cap. 2. Sedes enim omnibus costis duplex est; prior Sternon, id est, pectoris os; posterior Vertebrae, quæ totidem numero omnino sunt, quot & costæ habentur, duodecim inquam; enim verò pectoris os, unum quidem os apparet, membranis autem detractis, quòd & plura ossa sint, & numero totidem, quot cum eo costæ dearticulantur, palàm innotescit, 8. de anat. adm. cap. 1. Tenerum admodum est recens natis, ut ossium pars plurima & epiphyfes omnes, nil aliud quam cartilago. Deinde verò in medio inter costarum articulationes paulatim siccescit: utique tamen unumquodque ejus os rotundissimum est. Quod reliquum est omne singula hæc ossicula ambiens, cartilago adhuc est, costarum cartilagini tam simile, ut idem videri possit. Cæterum parte sterni imâ cartilago triangula adnascitur, quam *ἐπίσπονδῆς* appellant. *Sternon* manubrio, cartilago gladio similis videtur.

*Sternutatio*, maximum remedium capitis halitibus repleti



repleti est, quâ uno impulsu tùm à pulmone, tùm à capite spiritus emittitur copiosissimus, ad expurganda ea, quæ in anterioribus cerebri ventriculis, & in naribus offendunt, 2. de caus. sympt. cap. 4. *Sternutatoria* verò *medicamenta* sunt, quæ naribus admota, vapore ad cerebrum sublato, crassitudinem humoris attenuant, & per nares seu palatum cerebrum expurgant, 13. method. 21.

*Stigmata*, inter cutis vitia numerantur, & dicuntur non puncta, sed maculæ punctorum magnitudine suâ & formâ hominis cutem & superficiem deformantes, ac variantes; *Vermicatum* vulgò nominant.

*Stomachi paralysis*, symptoma est virtutis attractricis stomachi, cùm alimentum aut omnino trahere non potest, aut quàm trahit debilissimè, 3. de sympt. caus. c. 2.

*Stomachicos* eos appellant, qui appetentiam perdidērunt, & quibus post acceptum cibum, ventris os gravatur, atque opprimitur, ægros intolerabilis anxietas habet. Appellant *stomachicos* etiam illos, quibus nausea contingit, & maximè si ad vomitum impellantur, & iisdem simul cibi corrumpantur, quandoque acidi, quandoque nidorosi facti, quandoque aliam vitiatam qualitatem adepti. Insuper eos *stomachicos* appellant, quibus ructus huiusmodi cum molestiâ quâdam, anxietate, & subversione contingunt, sæpè cùm nondum cibum acceperunt: quin etiam, quibus per plurimum tempus cibi in ore ventris morantur, gravantes, & vix descendentes, tales etiam *stomachicos* appellant. Alios item appetitum caninum habentes, ut & plurima edant, & maximè gravati paulò post revomant, vocant *stomachicos*. Alios rursus, qui fortiter exsolvuntur, ubi diutius inedia pertulerint, & si non citiùs cibum accipiant, in ore ventris morsus percipiunt, quorum aliqui etiam nauseosi fiunt, nisi citiùs potum ac cibum acceptent, *stomachicos* etiam vocant, 8. de comp. med. loc. cap. 2.

*Stomachum*, os ventris appellant Medici superius si-  
ve sinistrum, qui etiam *stomachica animi deliquia* appel-  
lant, & quosdam *stomachicos* esse dicunt: sic in eo lo-  
co oborto ab affectu p. n. appellantes, velut *Hepaticos*  
ab Hepate, *Colicos* à Colo, *Nephriticos* à Renibus, *Sple-  
nicos* à Splene affecto, 2. de comp. med. loc. cap. 1.  
& 4. de caus. puls. 23. licet *Stomachi* nomine collum,  
omni ventri præpositum, instar isthmi cuiusdam angus-  
tum, intelligatur, 4. de usu part. cap. 1. quin & Oesophagus,  
*Stomachus* dicitur. vide *Oesophagus*. Est igitur  
*Stomachus*, os ventriculi, id est, meatus superior ven-  
triculi, per quem cibi in ipsum ventriculum intromit-  
tuntur: aliud habet & ventriculus os infernum, quod  
Græci *πύλγον*, per quod chylus descendit, vocitant;  
duobus enim nominibus, Veteres *os ventriculi* nomi-  
nabant, *Stomachum*, & *Cardiam*, id est, Cor, propter  
consensum, quem habet cum corde maximum, 8. de  
comp. med. loc. Est autem *σμάχον* maximo sensu  
præditus, & longè acutiore quam reliquæ ullæ partes,  
propter duorum nervorum magnitudinem, qui à sextâ  
cerebri conjugatione in ipsum inferuntur: per eos &  
alimenti penuriam & rosionem sentit, ventriculique af-  
fectus cerebro, & contrâ ventriculo cerebri communi-  
cantur. Ad ipsum propriè pertinet appetentia, quam  
ut bene habens secundum naturam excitat, sic malè af-  
fectus inappetentiam, & vitiosum appetitum inducit.  
Situs est sub cartilagine *ἐιφοειδῆ*, quam ob id natura  
videtur comparasse, ut ipsius esset propugnaculum.

*Stomatica medicamenta* sunt, quæ modicè siccant;  
sic vocata, quod in assiduo sint usu; cuiusmodi sunt,  
quod ex Moris conficitur, & quod ex Rubi fructu, &  
quod ex succo corticis juglandium viridis, atque etiam  
his magis, quod ex musto, & cuorelli sphaerulis com-  
ponitur, 5. meth. 10. *Στοματικὰ φάρμακα* dicuntur pro-  
priè medicamenta quæ ad uvas, tonsillas, & omnes quæ  
in ore fiunt derrepente inflammationes conveniunt Gal.

Gene-

Generaliter verò dici possunt quæcunque gargarizata, illita, aut alio quovis modo admota medentur oris affectibus. Nam & citra inflammationem ulcera admodum humida stomaticis medicamentis curantur.

*Strabismus*, qui & *Strabismus* dicitur, est musculorum oculi, non omnium, sed aliquorum resolutio, ob quam causam, vel sursum, vel deorsum, vel in latera nuunt oculi, lib. finit. vide *Illofis*.

*Strangulatio*, est internecio, ob respirationis defectum facta; vel propter angustiam, & coarctationem alicujus spiritalium, id est, respirationi servientium organorum; vel propter virtutis thoracem moventis imbecillitatem; vel propter vitalis principii vehementem refrigerationem; Angustia autem fit, vel repletâ eâ regione, quæ inter thoracem & pulmonem media est, vel pulmonis cavernis & fistulis obstructis, vel inflammatione quâdam totum viscus habente, vel asperâ arteriâ, vel ejus arteriæ capite, quod Græci *Laryngem* & *Bronchon* nominant, Latini *Guttur*; vel illâ gutturi præjacente capacitate, quam Græci *Pharynga*, Latini *Fauces* nominant, affectum quempiam perpetiente, 4. aphor. 34.

*Strangulatio uteri*, & *apnœa*, id est, spiritûs interceptiones, quæ mulieribus quidem assidue, & præsertim viduis accidunt, fiunt innatâ caliditate, à multitudine materiæ frigidæ gravatâ, ad similitudinem flammæ, quæ præ multis humidis lignis suffocatur, 3. de diffic. respir. cap. 10. & 6. loc. aff. 5. Qui affectus à Græcis *ὕστερα*, & *ὕστερα πνίξ*, à quibusdam *ἀπνοια ὕστερα*, dicitur: Latini autem, *uteri strangulatum*, *uterinam suffocationem*, vel *spirationis ob uterum privationem*, tum à parte affectâ, tum à superveniente symptomate appellant.

*Strangulator*, vide *Lycoides*, & *Lupus*.

*Stranguria*, est vesicæ affectus, quo urina non retinetur, sed guttatim destillat, libr. finit. undè & *urinæ stil-*

*na filicidium* appellatur, 8. de placit. 6. Fit autem vel imbecillitate vesicæ, vel urinæ acrimoniâ, 3. de caus. sympt. cap. 2. Cùm neque inflammatio, neque calculus, nec aliud quicquam infestat, si urina actis est, totus habitus, aut reliqua signa bilem ostendunt, ex hac vel *dysergia* vel *spasmodia* contrahitur. vide *Ischuria*, & *Cœliaca*.

*Strictor*, vide *Anulus*, *Rectum*, *Sphincter*.

*Strigmenta*, sunt particulæ quædam intestinorum, quæ in excretionibus biliosis simul dejiciuntur, summâ intestinorum tunicâ humoris acrimoniâ derasâ, 4. de art. 31. vide *Rhypodea*.

*Struma*, vide *Chæras*, *Parotides*, *Scrofulæ*.

*Stryphna*, vide *Halituosa*.

*Stultitia*, est rationis deperditio, cum læsione memoriæ, & phantasiæ, 3. loc. aff. 5.

*Stupefacientia*, vide *Anodyna*.

*Stupor*, insignis est refrigeratio, idcirco corporibus ita dispositis, & sensûs & motûs difficultatem inducit; quemadmodum completa refrigeratio & sensum & motum omninò tollit, & paralylin inducit. Equidem novi quosdam adeò refrigeratis pedibus, ut primis quidem diebus sensus periret, sequentibus deindè diebus emortui pedes putrescerent, 2. loc. aff. 2. Est insuper *Stupor* symptoma, quale dentibus evenit post esum maiorum immaturorum, & aliorum acerborum, & acidorum, proprio nomine appellatur *αἰμαδία*, 3. de aliment. facult. cap. 16. Est denique *stupor*, cùm nervus aliquo obstruente, vel adstringente cogitur, adeò, ut spiritus animalis ad membrum transmitti nequeat, hinc membra sensu & motu privantur, lib. de ren. aff. dign. cap. 3.

*Styloides*, vide *Graphoeides*, & *Lioboeides*.

*Strymmata*, spissamenta sunt, quæ oleis adduntur, aut odoris gratiâ, aut ut confecta diutiùs ab injuriis immunita permaneant, 2. de comp. med. per gen. 2. *Στρίμματα*



*scatur* dicebantur Veteribus unguenta solidiora & corpus habentia. Ea autem odorata erant; cuiusmodi sunt Costus, Nardus, Amaranthus, Amomum, Mentha. Differebant δὲ ἢ ἰδιόματάων, quod liquida essent, nec ut *εὐμαλὲ* solida.

*Styprica* medicamenta sunt, quæ stringunt partes relaxatas, lib. de Dynam. in procemio. *Στῦπρις* vel *σῦφον* adstringens; id dicitur quod terreum est, & compagis quidem suæ mole crassarum partium, frigidum autem qualitate. Est autem adstringens duplex, sicut & calfaciens. Ut enim hoc partim simplex & summum est, velut ignis, partim per exsuperantiam caloris, ut vinum, crocus, piper; ita illud vel summum est, ut exempli causâ, Alumen, Melantheria, Galla, & Rhus: vel modicæ cuiusdam astrictionis particeps, velut Pyrum, Malum, Rosa. Est autem adstringens genus commune austeri & acerbi. Utrumque enim eorum adstringit, hoc magis, illud minus. Omnia autem adstringentia contrahunt ac densant meatus, siccant, reprimunt: adhæc vinciunt & continent partium sibi invicem cohærentium substantiam, & vehementer refrigerant. Id quod de puris adstringentibus intelligi debet, quoniam plæraque ex dissimilibus particulis composita non adstringunt modò, sed & acria sunt aut pingua, aut dulcia, aut amara, aut salsa, aut acida. *Στῦσις* adstrictio, per accidens calorem excitat & auget, conducitque ad concoctionem.

*Subalaris vena*, vide *Axillaris*.

*Subcartilaginea*, vide *Hypochondria*.

*Subcinetura*, vide *Diaphragma*.

*Subcingentes membrana*, vide *Hypexocotes*.

*Subclavium*, vide *Cataclida*.

*Subductiones* solitus est Hippocrates appellare per alvum exeuntia, 7. aphor. 64. Dicitur autem Subductio, de eâ tantùm excretionem, quæ per alvum fit, non de eâ, quæ fit per universum corpus, 2. aphor. 18.

*Sub-*

*Subfasciationes, & Subligamina, vide Epidesmus, & Plagulae.*

*Sublimamentum, Enaeorema, & Nubecula, apud Hippocratem sunt id, quod in urinâ, neque in summitate, neque in fundo vasis, sed in mediâ sede sublimè & exquisitè medium existit; licèt apud Galenum Nubecula sit id, quod supernatat in urinâ desuper, 1. progn. 26.*

*Sublimis spiritus, est externus aër, qui ob suffocationis periculum, toto thorace, in suspiriosis cynanchicis, suppuratis, peripneumonicis magnâ vi attrahitur; nam nobis inculpatè degentibus, solis inferioribus thoracis, quæ ad septum transversum sunt, partibus inspiramus; sin ampliorem spirationem requirimus, etiam partes infernis vicinas unâ movemus. Ubi plurimâ indigemus respiratione, tùm partes etiam ad operata scopula agitamus, totius thoracis validâ operâ utentes, comm. 2. in 3. de morb. vulg. 4.*

*Submissio, vide Ablatio.*

*Substitutæ medicinas appello, quæ in alterius locum subrogari queunt, lib. de substit. med.*

*Subsultio, vide Palpitatio.*

*Subversio stomachi, aliquando appetitûs deperditionem, aliquando nauieosas affectiones ab accepto cibo factas, significat, 8. de comp. med. loc. 3.*

*Subversio volvulosa stomachi, appellatur fortis & contentiosus vomitus; nam quemadmodum in Volvulis subversiones fiunt, cum magnâ contentione & violentiâ, adeò ut stercus etiam evomant; sic etiam alios vomitus violentiores concitatos quis appellare Volvulos posset, 8. de comp. med. loc. cap. 3.*

*Subvola, manûs pars est exterior, ut enim supina pars manûs, juxta pollicem assurgens Thenar, & Vola dicitur; ita huic opposita, Hypothenar, id est, Subvola nominatur, lib. Introd. cap. 10.*

*Succum medicatum vocamus eum, qui primum defaecatur, exinde verò Solis aut ignis calore sic densatur,*

tur, ut longiore tempore citra corruptionem asservari queat: Arabes *Rob* vocant. Ex hoc genere est, quod ab iisdem *Miva* dicitur; sic enim appellant succum fructuum, eò usque defæcatum & decoctum, ut sapæ aut mellis consistentiam acquirat.

*Succus*, vide *Humor*.

*Sudamina*, (Græcè *ιδρώματα*) è genere sunt pustularum in summâ hærentium corporis parte, quæ instar ulcerum cutem exasperant; proveniunt autem, veluti & ipsum ostendit nomen, propter multos sudores, qui vel biliosiores, vel omnino mordaciores existunt; mordent enim hi cutem, & pruriginosam efficiunt, & per modum ulcerum exasperant, 3. aphor. 21.

*Sudor*, Græcè *ιδρώς*, est humidum terciæ concoctionis excrementum, per cutem in aquæ speciem erumpens, cujus materia est humor tenuis, & serosus, alimento permixtus, quò id faciliùs exiguas, & capillorum modo tenues venas subeat, atque ab his in partes, quæ eo ali debent, sese insinuet; est quin imò ejusdem cum *urinâ* generis, in eo tantùm ab illâ differens, quod *hæc* ad vesicam, *ille* longiùs in corporis habitum deferatur: magisque propterea concocta sit, quod ad cutem usque pervenerit, permeatis omnibus quæ interfunt partibus magno calore præditis. Quo fit plerumque, ut si copiosior *urina* sit, exigua aut penè nulla sit sudoris materia: aut contrà, si ea nequeat aut insensibili perspiratu vacuari, aut per poros confertim erumpere, referatur in venas, per quas in habitum corporis delata fuerat, & *urinæ* vim atque copiam majorem efficiat. Ergo non procedit à visceribus materia sudoris, nisi fortè id communi eâ ratione fieri intelligatur, quâ jecur omnium humorum, qui per corpus feruntur, officina esse proditur. Cæterùm causa sudoris efficiens calor est, non ille quidem acris, qui siccandi vim habeat, sed humidus, qui per habitum corporis diffusus, sudorum materiam calefaciat, fundat, attenuet, cutemque simul

simul emolliat & relaxet. Proinde pueris & adolescentibus, & aliis in quibus multum est hujusmodi caloris, sudores perfacile moventur: siccioribus autem sive per ætatem, sive per morbum, ut hecticis, & quibus jecur vel lien inaruit, nulli omnino fiunt, ut nec iis quibus habitus corporis refrigeratus est, veluti hydropicis. Hi namque propter hujus caloris imbecillitatem maximam sudare nullo modo possunt, etiamsi universo corpori humor abundè suppetat. Duabus iis sudorum causis etiam cutis raritas accedat oportet, ut causâ sine quâ sudores erumpere non possunt: qui enim cute sunt densâ ac durâ, inepti sunt ad sudandum. Qui secundum naturam se habet sudor, particeps est saluginis & amaritudinis, atque ut urina, modicè pallet. Cui hæc infra modum contigerint, vel materiæ frigiditas, vel caloris nativi imbecillitas designatur. Cui verò supra modum, contraria. Is calidus sit oportet, quod frigidus vel humoris frigiditatem, vel caloris nativi extinctionem significet: cujus humoris excretio secundum naturam est, non minus, quàm urinæ, & aliorum excrementorum.

*Sudor bonus* est, in febribus, qui evenit die judicatorio, ex toto promanat corpore, calidus, insuper integrè febrem finit, vel morbum tolerabiliorem efficit, idque in acutis morbis, i. progn. 26.

*Suffocatio*, vide *Strangulatio*.

*Suffumigium*, vide *Thymiama*.

*Suffusio*, vide *Hypochyma*.

*Sugillatio*, vide *Contusio*, *Hyposphagma*, *Hæmalopa*, *Exuccatio*.

*Sumen*, vide *Ephebræon*.

*Summum humerum*, vide *Acromion*.

*Supercilia*, sunt ea pars faciei, ubi frons à superioribus descendens desinit, ceu termini ejus eminentes, & pilis confiti, lib. Introd. cap. 10.

*Superexcretionem*, aut *Superpurgationem*, recentiores Medici vocant, eas eruptiones, in quibus natura, ad



judicatorium auxilium concitata, modum excessit;

3. de comp. med. loc. cap. 3.

*Supergeminalis*, vide *Epididymus*.

*Supergenualis*, vide *Patella*.

*Superhumeralis*, quæ & *Epomus* dicitur, vide *Humerus*.

*Superimprægnatio*, vide *Epicyma*.

*Superligamina*, vide *Epidemus*, & *Plagula*.

*Superligula*, vide *Epiglottis*.

*Superpurgatio*, & *Supervacuatio*, vide *Hypercatharsis*.

*Supinitas*, stomachi affectio est, quâ quidam accepto cibo, si paulo fortiori motu moveantur, statim vomunt; vulgò *supinitas stomachi* appellatur; contingit juxta intemperiem quamcunque, citra vitiatos humores. Aliquando sequitur ad solam oris ventriculi debilitatem, quòd cibos amplecti, eisque obvolvi non potest, veluti tota ventris amplitudo solet. Fit etiam propter humiditatem multam quidem, non tamen malignæ qualitatis. Irriguus enim stomachus per largam humectationem, similiter ut ligamenta nervorum, laxatur; quandoque verò cum vitiata alicujus, modicæ tamen humiditatis complexu; etenim sicuti multa, ita & valdè vitiata perittomata, citra cibum, nauseam efficiunt.

2. de compos. med. loc. cap. 3.

*Suppuratio*, vide *Purulentia*.

*Suppuratus* est, qui multum puris in capedine inter thoracem & pulmonem collectum habet; communiter verò omnes, quibus inflammatum viscus aliquod suppuratum est, *Suppuratos*, *Empyos*, & *Empyicos* vocant, 4. de caus. cap. 6. Suppurari autem aliquando idem est quod corrumpi: sic enim sanguis, cum è suo loco exciderit, & per minimas partes ad eas, quæ in musculis sunt, cavitates, aut per inania spatia, quæ vasis circumjacent, fuerit effusus, suppuratur, aliquando nigrescit, aliquando in grumos vertitur, præsertim quando in magnam cavitatem præter naturam exciderit, 6. aphor. 20. vide *Empyemata*, & *Purulentum*.

SHY,

*Sura*, est tibiæ venter, quem Græci *Gastrocnemion* vocant, 3. de usu part. cap. 10. Est posterior tibiæ pars carnosa, 16. de usu part. 8. veluti anteriorem carnis expertem, *Anticnemion*, & *Ocream* nominant, 2. de anat. adm. cap. 4. vide *Tibia*.

*Surditas*, *Κόφωσις*, est actio auditûs abolita, à causâ aliquâ præter naturam, videlicet à læsâ audiendi facultate, ejûsve primario instrumento, (quod est animalis spiritus in aurem affluens) p. n. affecto, aut læsis reliquis organis, quæ natura ad audiendum comparavit. vide *Cophosis*.

*Suspensiculum* appellatur, quod fœminis intra abdominis membranam situm, à musculo dependens, atque ad vulvam ex utrâque parte dexterâ & sinistrâ transmittitur, utrimque ab Ilium musculis per membranæ abdominis foramina, 2. de sem. cap. 5.

*Suspensum*, vide *Sedimentum*, & *Hypostasis*.

*Suspiriosus*, id est, *Asthmaticus*, lib. de remed. part. facult.

*Sutura*, vide *Commissura*, & *Compages*. *Sutura* adhæc dicitur inferior pars penis in longitudinem vergens.

*Sycosis*, *Marisca*, *Ficus*, *Ficatio*, est tumor à fici similitudine sic dictus, ulcerosus, rotundus, subdurus, rubicundus, dolorificus, ex quo aliquando exiguum, & glutinosum quid inæquale & graveolens, egreditur, in barbâ maximè exoriens; aliquando, & præcipuè in capillo proveniens, quod semper fici similitudinem fert, & carnis excrescentiam. Interdum in mento fit, ab humore non solùm crasso, sed etiam participe serosæ & tenuis humiditatis, quâ exulceratur, eoque differt ac *Iontho*. Nascitur & in ano solâ magnitudine à *Thymo* differens. Latini *Mariscam* appellant, quam aliqui dicunt esse *Ficum præ pinguedine hiantem*, 2. meth. 2. & 10. simpl. Appellatur etiam *Sycosis*, interioris palpebræ dura, & asperior scissura, com. 2. in 6. de morb. vulg. 4. & lib. de ocul. cap. 9.

*Sycota*, id est, *Ficata*, ex caricarum esu appellantur, tùm maxima, tùm suavissima jecinore ipso, ut liquet, ex dulcium esu alimentum uberius accipiente, 3. acut. 11. Συκωτὸν ἥπαρ. *Ficatum jecur*, sic dicitur ficuum esse præparatum. Sic fit omnium præstantissimum, non modò ad voluptatem, sed etiam ad alia omnia, si mactandi animalis jecur multarum ficcarum ficuum esu præparetur. Quam rem in suisbus maximè faciunt, quod suilla viscera sint aliorum visceribus multo suaviora.

*Syderatio*, seu *Sideratio*, est corruptio solidorum corporum omnium, ut ipsis quoque ossibus insit, ne dum carnibus, aut vasis solis, quo differt à *Gangrænâ*, quæ est mortificatio solidorum corporum, non ossium, lib. de tumor. cap. 11. quam siderationem *Sphacelon* Græci vocant, 7. de anat. adm. cap. 13. Totam substantiæ uniuscujusque partis corruptionem, *Syderationem*, (id est, *Sphacelon*) Veteres appellant, sed in partibus carnosis, aliis quoque nominibus eandem vocant; quin ipse Hipp. putridam carnem, marcidam, & vitiatam dicit, aliisque hujusmodi eandem nuncupare consuevit; de osse verò, quod in totâ substantiâ vitatur, syderationis seu spaceli nomine uti consuevit. Tale autem vitium ossibus contingit, quando adjacens caro pravas sanies producit, quibus ipsa madefaciendo corrumpit, 2. de fract. 20. unde *sphacelare*, id est, corrumpere, & *sphacelos*, id est, *Caries*, 5. loc. aff. 3. *Semisyderatus* autem homo dicitur, qui alterâ tantum parte, dextrâ aut synistrâ computruit, libr. de aquâ, aëre, & loc. cap. 6. & 4. de artic. 17.

*Symbebecos*, Συμβεβηκος, idem est ac *accidens*; apud Philosophos id est, quod substantiæ opponitur; sed à Medicis, tùm maximè Galen. 1. meth. contrâ distinguitur symptomaticus; quæ enim, inquit, constitutionem partium, unde actio nascitur, necessariò sequuntur, sanis quidem nobis *Symbebecota*, id est, *Accidentia*, ægrotantibus *symptomata* nuncupantur. *Acciden-*

tium

tium autem differentias, 2. method. tres constituit; sunt enim vel ut affectus, vel ut *actiones*, vel ut *passiones*: quorum etiam hæc exempla ponit, *inambulare, uri, cædi, album aut nigrum esse*; prætereà, id ex accidenti dicitur fieri, quod nec primum, nec per se fit: quod exemplo calculorum motorum declarat Galen. lib. de differ. sympt.

*Symmetria*, est temperies, & temperatura, temperata sive debita convenientia, & proportio inter se tùm similarium partium, in calido, frigido, humido, & sicco; tùm instrumentalium in compositione, numero, magnitudine, figurâ, 1. de sanit. tuend. cap. 1.

*Symmetrum absolutè* est, quod nulli collatum, medium est, & mediocre, adeoque omnis temperiei tùm activarum, tùm passivarum qualitatum, norma constituitur: tale & *Eusarcon*, & *Quadratum* est; non absolutè verò *Symmetrum*, quod in aliquâ specie, vel genere tale est, ut ad ipsius comparisonem aliquid temperatum, vel intemperatum dicatur, 1. de temp. capit. 6. *Symmetrum verò medicamentum* est, quod & similis temperamenti est cum eo, cui admovetur, & medii temperamenti est omnium primarum qualitatum, 5. simpl. 25.

*Sympaschein*, est per consensum, seu per viciniam affici, quoties pars aliqua, non proprio affectu, sed alieno afficitur, primo loc. aff. 6. *Συμπάσχειν* coaffici, compati, non de simplici aut quovis affectu dicitur, sed de vehementi affectione, cùm partes quædam vehementi passione laborantes, reliquas in consensionem secum trahunt. Hâc igitur ratione, jecore affecto, singultus quidam succedit, compatiens stomacho: tussis autem & spirandi difficultas, respirationi destinatis instrumentis per consensum affectis. Sic igitur instrumentis respirationi dicatis graviter affectis hepar compatitur.

*Sympathia*, est affectio compatiens alteri cuidam primò patienti partium, idque vel propter vicinitatem, vel propter societatem, quæ in eâ sunt, com. 1.



in 1. prorr. 20. Sic à Medicis ferè usurpatur. Est autem *συμπάθεια* quoque duorum naturalis quædā conjunctio & concordia. Eam similitudo vel generis, vel naturæ, vel temperamenti, vel morum, vel rerum aliarum conciliat. In plurimis verò causa ignoratur, eamq; Philosophi & Medici etiam sapientissimi, ad substantiæ totius familiaritatē, atque occultam quandam vim & proprietatem retulerunt, quam si quis sit, qui se nosse profiteatur, non caret arrogantia impudentiaque notā. Hujusmodi *sympathia* exempla permulta à Philosoph. referuntur, ut magnetis cum ferro, purgantium medicamentorū cum humoribus, elephanti cū homine, hominis cum plerisq; animalibus, herbis & fructibus, quibus salubriter vescitur. Huic *sympathia* contraria est *antipathia*, quæ non est aliud, quàm cœca rerū inter se discordia. vi. *Idiopathia*.

*Sympepsis*, (Græcis *πυρρμης*) est concoctio, quæ natura crassis & crudis humoribus, & concoctu difficilioribus, per abscessum providet, veluti calidioribus & tenuioribus per excretionem, 3. progn. 23.

*Symphyfis*, est naturalis ossium unio, quando duo ossa sibi invicem aut immediatē coalescunt, (veluti quæ fungosiora, mollioraque sunt,) vel quando aliorum interventu connascuntur, (ut sunt sicciora, & densiora) nempe mediâ cartilagine, & dicitur *Synchondrosis*; vel mediis nervis, & dicitur *synneurosis*; vel mediâ carne, & dicitur *syssarcosis*, li. de ossib. in proœ. Ossa autē omnia inter se conjunguntur vel κατ' ἄεθρον, vel κατ' οὐμφων. Est autem οὐμφων, apud Hipp. idem quod συνάεθρον.

*Symptoma* (quod & *passio*, & *pathos*, & *Pashema*, & *Epi-gnemma*, quasi *supergenium*, vel *supergenitum* dixeris, appellant) generatim nominatur quicquid animali præter naturā accidit, ut sunt tūm morbi ipsi, tūm morborum causæ, quæ intra corpus subsistunt. Alterā verò significatione, ac magis propriā, (exceptis tūm morbis, tūm eorum causis) reliqua omnia, quæ præter naturam sunt, *Symptomata* nominantur, lib. de symp. diff. c. 1. & c. 2.

Sic

Sic sumptū, *symptoma* non aliud est quàm affectus præter naturam qui morbū sequitur, velut umbra corpus. Hujus tres à Medicis differentiæ assignantur. Aut enim consistit in actionum offensâ, aut in corporum ipsorum affectu, aut in retentis vacuatifve immodicè. Quorum *symptomatum* singula varias etiam habent differentias. Siquidem animalium actionum noxæ triplices sunt. Primæ quidem sensilium, ut visionis, auditionis, gustus, odoratus, tactusque aboliti, debilis aut depravati: vel sunt motricum actionum, vel principū, ut imaginationis, ratiocinationis, & memoriæ similiter abolitæ, vel debilis, vel depravatæ. Secundæ verò sunt naturalium; ut attractionis, retentionis, alterationis, & expulsionis. Tertiæ verò vitalium, ut pulsationis abolitæ, debilis aut depravatæ. Eorum autem *Symptomatum*, quæ consistunt in corporum affectionibus, quinque sunt differentia, pro sensuum numero. Aut enim consistunt in visu, cujusmodi sunt colores præter naturam in toto corpore, aut certis quibusdam partibus: aut in auditu, cujusmodi sunt voces clangulosæ, tremulæ, raucæ, & soni, strepitus, atque murmura in quâvis parte excitata: aut in olfactu, quæ non sunt aliud quàm graveolentia respirando aut transpiratu totius corporis percepta, vel prodiens ab auribus, naribus, axillis, aut ventriculo per ructus acidos, nidosos & virosos: aut in gustu, quæ non aliud sunt quàm sapor varius excrementorum è singulis partibus prodeuntium: aut in tactu, cujusmodi sunt calor, frigus, humiditas siccitasque, & ex iis inducta mollities, durities, aut alia quædam qualitas in quâvis parte. Tertiæ verò sunt eorum quæ præter naturam vel excernuntur, vel retinentur in corpore: quorum triplex differentia est. Aut enim totâ substantiâ præter naturam sunt, ut sanguinis profluvium, ex morbo, aut aliquo Symptomate (morbos enim Symptomata consequuntur non modo primo, sed plerumque alterius Symptomatis interventu) ex-

citatum : aut qualitate, aut quantitate, quorum exempla notissima sunt.

*Symptosis* affectus est, quo meatus, qui oculo videnti facultatem tribuit, ex atrophîâ, vel resolutione fit arctior, conciditque, libr. Introd. cap. 15. *Συμπίπτωσις*, est vasorum subsidencia & contractio.

*Synætia*, vide *Continentes causæ*.

*Synanche*, vide *Cynanche*.

*Synarthrosis*, vide *Articulum*.

*Synceras dejectiones*, vocat Hippocrâtes impermixtas a quosâ humiditati, quibus solus humor aliquis evacuatus dejicitur, siue sit biliosus, siue melancholicus, siue porri colorem præ se ferens, siue bilis, quæ *æru-ginosa* nominatur; cuiusmodi omnes dejectiones, exultam esse omnem nativam humiditatem à calore febrili demonstrant, 7. aphor. 6.

*Synchisis*, est oculi vitium, confusis secum ejus humoribus; id quod accidit ut plurimum ex vehementi plagâ, interdum verò & ex uveæ tunicæ inflammatione, ruptis ejus vasis, effusoque eorundem humore. Inde pupilla discolor & turbida evadit, & principio quidem major cernitur, tandem verò contabescit, minorque se ipsa apparet.

*Synchondrosis*, vide *Symphysis*.

*Syncomistus panis*, *Συνκομιστὴς ἀέρος*, vide *Autopy-rus*.

*Syncope*, est præceps virium lapsus, 12. method. 5. quem virium lapsum duo præcipua symptomata consequuntur, exsoluto quidem nativo calore, frigiditas totius corporis; colliquatâ verò solidorum corporum substantiâ, sudor quem Medici *syncopticon*, & *diaphoreticum* appellant; ex quibus pulsus defectio, & sensus motûsque privatio consequuntur. Differt à *lipopsychiâ*, & *liporhymiâ*, quod, licet utraque affectio hæc affatim & confertim fiat, in syncope tamen plurimus subsequens sudor diaphoreticus, languidiores vires reddit; sudor

dor autem aut nullus, aut modicus est in exolutione, lipopsychiâ, & lipothyimiâ, minoremque noxam viribus infert.

*Syncrimata* vocant corporum simplicium & elementorum compositiones, seu concretiones, de diff. morb. capit. 5. Methodici συγκεῖματα animantium corpora appellabant, quasi ex individuorum corpusculorum misturâ constarent, & meatuum miscellaneâ, cui medicandæ, si quando confusa esset, μετασυκεῖπκῃ φάρμακῃ ab iis dicta adhibebant, quæ & μεταποροποιητικὰ vocabant.

*Syncrîsis*, id est, Concretio, & Contemperatio, libr. de marc. cap. 4. Συγκεῖναι enim coagmentari, crescere, aut compingi significat.

*Syncritica*, hoc est, relaxantia medicamenta, à coagmento sic dicta, 2. de anat. adm. cap. 1. Συγκεῖπκὸς coagmentandi vim habens.

*Syndesmi*, sunt ligamenta, sensûs expertia, ex ossæ ortum ducentia, (non ex cerebro, aut spinali medullâ) rotunda, alba, & exanguia, cavitare carentiâ, in fibras divisa, 6. meth. 4. vide *Ligamentum*. Syndesmorum tres sunt usus præcipui; nimirum ligandi, muniendi ac vestiendi.

*Syndrome*, concursus est, & congressus symptomatum, aliquid faciendum præscribens, libr. finit. *Plethorica* autem *syndrome*, est omnium humorum concursus; *Syndrome* autem *pathognomonica*, est concursus symptomatum, morbum hujus scilicet speciem, sedem & causam conjunctam indicantium, libr. de cur. rat. per sangu. cap. 9. Is signorum cumulus proprius est Empiricorum. Qui enim experienciâ solâ rem investigat, tales concursus respicit, & quæ accidisse viderit, in unum colligit. Cùmque sæpè eadem viderit uno in morbo, omnia memoriæ commendat, atque ubi ex hac observatione multos concursus fuerit expertus, tunc quæ in multis concursibus, quæ item in uno tantum



tum evenisse comperit, diligenter observat, atque ita demum in communium & propriorum cognitionem venit: quam consequitur signorum in vi & efficaciam diversitatis animadversio. Quod enim in multis concursibus fuit observatum, quam quod in paucis, quod in paucis, quam quod in duobus, quod in duobus, quam quod in uno tantum, majorem vim habet. Exempli causam; Empiricus ex nonnullis quæ liquido apparent notis circa ægrum, dicit sibi compertum esse sanguinem ægro mitti debere. Si quæras quænam eæ sint, respondebit distentionem vasorum, & ruborem & gravitatem corporis universi, & pigritiam ad motiones & tensiones membrorum, adhæc ulcerosam lassitudinis sensum, & traductam in otio priorem vitam, ciborum & potus copiam, & solitarum excretionum suppressionem, atque ex hac Syndrome sive concursu venæ secundæ utilitatem à se observatam esse. Talis quidem est Empiricorum συνδρομή παθητική, ad cuius similitudinem alios in aliis morbis concursus æstimate potes, ut πρεσβυλικήν, συναρτητικήν, επιληπτικήν, & reliquas. Verum tales συνδρομές Galen. ridet, quod tum rarissimæ, tum longissimæ sint, quodque non protinus appareant, ut interea dum concursus omnium symptomatum expectatur, mora adhibendi remedii periculum adferat. Facilius multo & citius qui ratione signorum uniuscujusque morbi inventionem indagat, & communia, & propria cognoscit. Ubi enim brachium ex propriâ sede excidisse, & in alam prolapsum esse animadverterit, reliqua omnia etiam simul intelliget, ut tumorem illic præter naturam esse apparitum, deinde sinuatum in superhumerali locum futurum, capite brachii, quod in alam recessit, privatum tum dolore vehementi infestandos musculos, & eventurum ut brachium doleat, si admovere id ad costas velit. Itaque non expectato eorum omnium concursu, statim judicabit brachium è propriâ sede excidisse, & super-  
venien-

venientibus Symptomatis remedia comparabit ; ut non immeritò talem Empiricorum *συνορομένην* Galenus reprehendisse videatur.

*Synneurosis*, vide *Symphyfis*.

*Synocha*, hoc est, continens febris est, cujus universum tempus una accessio est, & quæ vel semper in eodem vigore consistit, vel minuitur, vel augetur, donec judicetur ; quæcunque enim, per circuitus certos ægritudinis accessiones fiunt, ex membrorum dispositionibus ortum habent, quæ scilicet membra vel mittunt, vel suscipiunt, vel generant, vel attrahunt superfluitates ; sed quæ circuitum non habent, in his nulla est corporis pars, quæ præcipuè sit læsa ; sed qui in venis & arteriis omnibus continentur humores, atque ii præsertim, qui in maximis, atque plurimo calore abundantibus vasis sunt, aut ob aliam quamvis causam, ut in Ephemeris, aut ob putrefactionem ferventes, febrem accendunt, *Synocham* appellatam, quæ à principio, usque ad finem nullam habet intermissionem, ac tam diu perseverat, hominemque deurit, donec qui ei causam afferunt humores, aut ex toto absumantur, aut coquantur, aut utrumque patiantur. 2. de differ. febr. is hæc & *Synochus putrida*, *deurens*, *ardens*, *Causon*, & *succensa* appellatur, 2. de cris. cap. 6. vide *Continua*, & *Febrem Synochon*.

*Synochus*, id est, *Continens febris*, quartum febrium genus numeratur, quod quia ex sui naturâ ultra tertium diem extenditur, nec humorem putrescentem habeat, nec febrilem calorem, ut habitum possideat, propterea nec *diaria*, nec *putrida*, nec *hæctica* dici potest ; sed vel *diaria plurium dierum*, vel *synochus non putrida*. vel *synochus conclusa*, meritò appellari potest ; quam febrem vel conniventia meatuum, vel recens corporum densatio & stipatio excitat, 9. meth. 1.

*Synodontes*, vide *Hiatuli*.

*Synonyma*, id est, *Univoca*, quæ inter se communican-

nicantia , & in aliquo tertio convenientia , ab uno factam denominationem habent , 4. acut. 23.

*Synopsis*, id est , *Compendium* , lib. de nerv. diff. c. 17.

*Syntasis*, distentio, opposita est laxitati, utraque & in cute & in articulis contingens, aut resiccatis, aut perfrigeratis, aut inflammatis, aut induratis; in cute verò non his tantum modis, sed etiam ubi musculi inter ipsam, quovis modo augescunt, tum maxime ex carnis copiam & abundantiam, ut & in utre pleno aqua, & Tympania, quod Galenus in pluribus libris Methodi testatur.

*Syntaxis*, id est, mutua compositio, & connexio, 1. de usu part. 14.

*Syntexis*, Colliquatio, vide *Febra colliquativa*.

*Synthesis*, est osium inter se compositio: qualiscunque ea sit: est enim universi generis nomen, quam aliis quoque nominibus vocari tradit Galenus, *Syntaxis*, scilicet, & *Homiliam*, lib. de ossib. ubi & σύνθεσις dividitur in duas species, ἄεθρον καὶ σύμφυσαν. Præterea C. Plin. Secundus lib. 1. de Medicinâ scribit, σύνθεσιν morbum esse, nec periculo, nec facie phthisi dissimilem: inter tam multos authores solus qui id scripserit.

*Synulotica medicamina* sunt, quæ ulceribus cicatricem inducunt, 13. meth. cap. 5. Συναλωτικὸν φάρμακον idem, quod ἐπελωπικόν.

*Syphon*, vide *Metrenchyte*.

*Syraon*, vide *Sapa*.

*Syringotomata*, instrumenta sunt, quæ ad fistulas incidendas sunt comparata, 6. meth. 4.

*Syrinx*, id est, *Fistula*, tubulus est callosus, angustus, oblongus, interdum etiam obliquus, os habens cui cicatrix obduci nequit, per quod humor statis temporibus ichorosus, acris excernitur. Porro fistularum aliæ cæcæ nominantur, quæ osculum in profundo, sinum ad superficiem habent; aliæ occultæ, quæ & os, & sinum obtinent in profundo, lib. finit. vide *Fistula*.

*Syffar*.

*Syffarcosis*, vide *Symphysis*.

*Systematica inæqualitas*, est congregatio multarum inæqualitatum, & pulsus ex congerie multarum pulsationum inæqualium consurgens, 4. loc. aff. 8. Σύστημα enim acervum significat & cumulum. Hujus tres habentur differentię, *Αγλέπων*, *παρεμπύλον*, *μύρεθ*, sive *μυερίζον*. Est autem inæqualitas illa *συστηματική* cognitu omnium facillima. Dicitur etiam alio nomine *σύστημα*.

*Systole*, est submissio pulsus, 1. de differ. febr. cap. 7. (dicitur etiam *Systole*, & *Diaſtole*, id est, constrictio, & dilatatio, de motibus thoracis & pulmonis, lib. de vocal. inst. diff. cap. 2.) quo motu facultas fuliginosa excrementa expellit, & repurgat, atque ita refrigerium calori nativo molitur.

*Systrophe*, *Phyma*, & *Scleria*, hoc est, *tuberculum durum*, ut exponit Gal. in suo Lexico Hipp. sed 4. acut. scribit eam esse, quæ à partibus excitatur intumescentibus.

## T.

**T** A B E S, quæ *Phthisis* Græcè communiter appellatur, est ulceratio pulmonis, vel thoracis, vel faucium, ut & tussicula, & debiles comitentur febres, & corpus universum consumatur, libr. finit. Nominatur etiam *Tabes*, alicujus corporis particulæ præter naturam diminutio, sive ea in primâ formatione hujusmodi appareat, sive post; eandemque ejusdem particulæ atrophiam vocant, de diff. morb. cap. 9. vide *Ex ægritudine senectus*, & *Phthisis*.

*Tabes oculi*, quæ & *Rhetidosis* dicitur, est solius imminutæ pupillæ corrugatio, incidentibus aliis super alias rugis, quod spiritus parcius à Cerebro, quam pro naturâ deberet, affluat. Differt à *Tabes oculi senum*, quæ est corrugatio corneæ tunicæ, & pupillæ angustia, ab imbecillitate senectæ, tùm ex defectu humoris tenuis, quo



quo repletur; tùm ex spiritûs supernè affluentis inopiâ, 10. de usu part. c. 3. aph. 16.

*Tabida febrî*, vide *Ex ægriudine senectutis*, & *Marasmu*.

*Tabidos* appellant veteres Medici, qui morbo tabifico, quem *Phthoën* vocant, sunt obnoxii. Tales propriissimè sunt, qui adeò sunt angusto thorace, & restricto, ut à tergo in morem alarum promineant operata scoptula; undè hos etiam *Pterygodes*, id est, *alatos*, vocant; Præterea, quibus caput facilè impletur, & spiritus organis multas destillationes dimittit, hi facilè tæbescunt, com. 1. in 1. de morb. vulg. 18.

*Talpa*, & *Testudo*, sunt affectus, cutis capitis proprii; quæ nomina recentiores addiderunt, cum apud antiquos hi affectus, neque nomen, neque tractationem invenerint. *Testudo* autem Guidoni, abscessus est magnus, mollis, humoralis, latiore formâ in modum testudinis, undè nomen accepit; quæ si in capite nascatur, *Talparia*, vel *Talpa* dicitur; in collo, *bocium*; in testiculis, *hernia*; interdum autem cum pure, squamis, vel fistulis reperitur, reponitur sub abscessuum genere, & sub meliceride potiùs, quàm atheromate. *Talpa* verò, cum albam materiam contineat, ad atheromata potiùs, quàm meliceridem refertur. *Bocium* verò vulgus vocat, mollem & laxum tumorem in exteriori gutturis parte, quàm Græci *Bronchocelen*, nostri *herniam gutturis*, & eo affectos *gutturosos* vocant. Est autem colli tumor grandis, & rotundus inter cutem, & asperam arteriam, in quo, modò caro hebes, modò humor aliquis, melli, adipi, pulti, aquæve similis includitur. Huic similis affectus est, quem Guido vocat *Natam*, seu *Naptam*, quæ est excrescentia magna, carnosâ, veluti caro natium, vel anchorum, diversarum quidem formarum, & magnitudinum, cujusmodi sunt *Melopepon*, & *Cucurbita*.

*Talus*, non idem est ac *Malleolus*, sed dicitur os sub mal-

malleolis contentum, unde quaque contactum, quod ne tangere quidem possis, lib. de ossib. cap. 22.

*Taraxū*, seu *Conturbatio*, est cum oculus leviter, ac mediocriter commotus, rubicundior evadit, ac obscurè videt, lib. Introd. cap. 15. Paulus definit, esse humiditatem & caliditatem oculi, cum rubore præter naturam, à causâ externâ inductam; ut Sole, fumo, pulvere, oleo: differt ergo ab *ophthalmiâ*, quæ causam tantum internam agnoscit. Paul. libr. 3. cap. 22. *Ταραχάειν*, turbare, vehementius commovere significat. Neque enim eo verbo aliquid moderatè, sed supra modum fieri intelligitur, ut Galenus comment. 3. explicavit.

*Tardus pulsus*, est cum longo tempore, arteria distenditur, 1. de diff. puls. cap. 7.

*Tarsus oculi*, est substantia quædam membranea durior, ac tensa, quâ parte Periostris, sive conjunctiva oculi tunica remeare ad corneam incipit, tenuibus pertusa foraminibus, ex quibus palpebrarum pili emicant propter suam duritiem, extendens in rectitudinem palpebras, 10. de usu part. Rufus autem non cartilagineam illam in ambitu palpebrarum sitam, sed pilos ex eâ nascentes *Ταρσὺς καὶ βλεφαρίδας* scribit nuncupari. vide *Cilia*. *Ταρσὺς* est pars pedis quatuor ossium serie constans. Ex his tria carent nomine, quartum *κυβοειδὲς* dicitur. Illa cum osse scaphoeide junguntur, hoc cum calce articulatur. Differunt inter se figurâ, magnitudine, & situ. Verum omnia intus cava ad ambulationis & apprehensionis firmitatem, foris gibba ad dyspathiam. Videtur in pede *ταρσὺς* esse, quod est *καρπὺς* in manu, nisi quod ἔ *καρπὺς* ossa sint octo, ἔ *ταρσὺς* verò quatuor: ex minoribus namque particulis apprehensionis organum constare debuit, ex grandioribus verò id quod ad ambulandum comparatum est. *Ταρσὺς* etiam dicitur omne quod dilatatum est: ex quo vocabulum hoc manavit apud Hippocratem *τῶν ὀφθαλμῶν*,  
H h quod

quod significat dilatata fuerunt, ut scribit Galenus in interpret. lingu.

*Taurus* dicitur quoque inter cætera inferior Colis pars, vel sutura in longitudinem ejus vergens, usque ad sedem porrecta, lib. Introd. cap. 10.

*Tela aranea*, vide *Rhagoeides*.

*Telephia* & *Chironia*, ulcera dicuntur inveterata, & quæ vix curam recipiunt, cicatricemque difficillimè contrahunt: sic dicta, quòd Chirone medicinæ peritissimo, ad sanationem indigeant, vide *Chironia*.

*Telma*, est solidum, & tensum, durum, ac pilis etiam nudum, pedis vestigium, libr. de musc. diff. cap. 33. *Τέλμα* dicitur pars ea pedis, quâ terram contingimus, & calcamus.

*Temperies*, (Græcis *μεσότης*) miscibilium est concensus & harmonia s. vel c. f. h. f. elementi mixtio, ad mixti actiones obeundas necessaria, lib. 1. de temper. c. 2. 3.

*Tempora*, *Κεράτφοι*, appellantur partes, ab utroque syncipitis latere supra aures sitæ, lib. Introd. cap. 10.

*Tempora morborum* tale quid sunt in morbis, quale quid in animalibus sunt differentiæ secundum ætates; neque enim *tempus* simpliciter hoc vocabulo significatur: neque conveniens illud tempus, in quo præsidia etiam usurpari debent, sed tantum morborum ætas, quæ temporum vicissitudine immutatur; ut animal ætatibus, lib. de morb. temp. cap. 1.

*Temporales musculi*, vide *Crotaphitæ*, & *Mandibularii*.

*Temporales suturæ*, vide *Lepidoeides*.

*Tendones*, fines sunt musculorum, quos *Pronervationes*, seu *Aponeurosen* vocant Anatomici, qui quidem mediis partibus sunt nervosiores, inter se tamen in eo differunt, quòd aliquando minùs vel carnosæ, vel nervosæ substantiæ in se habeant; quando carnis substantia inest amplior, carnosam pronervationem; quando parciore, nervosam appellant, 2. de art. 5. Dicitur *Tendo*,

τένον δὲ τένειν, id est, à *tendendo*, quod ejus actio præcipuâ intentione seu contractione est: horum enim unusquisque fibris suis versus musculi caput retractis, partem, cui inseritur, eodem contrahit atque evellit.

*Tenesmus*, est continua & implacabilis desidendi cupiditas, quâ tamen nihil, præter cruenta pauca, & mucosa, egeritur; quæ affectio etiam *tentio*, & *tensio* appellatur, quoniam in eâ fit in recto intestino *tentio*, cum dejicere vehementer homines expetentes, continuo exsurgunt, 7. aphor. 27. *Tentio* item aliquando tractum corporis significat, lib. finit.

*Tenor*, apud Hippocratem est idem, quod *nervus intensus*, 1. de placit. 9. & 1. de artic. 47.

*Tensio*, vide *Tenesmus*.

*Tensivus dolor*, est, qui tensionis sensum inducit ægris particulis, 3. loc. aff. 9. unde tensiva lassitudo, quæ & phlegmonosa est, 7. de comp. med. loc. cap. 1. vide *Dolor tristis*.

*Tentigo*, vide *Priapismus*.

*Tenue intestinum*, est tertium in ordine, jejuno intestino substantiâ simile: differt autem, quod neque vacuum reperiatur, neque tot vasis, & involucris scateat, 6. de anat. adm. cap. 9. Idem & *Ileon*, & *Involucrum* appellatur, lib. de anat. viv.

*Tenuia* appellantur *medicamenta*, quæ facile in tenues comminui partes possunt; *Leptomeri* Græcè; *Crassa*, quæ contrâ, *Parimeri* appellata, 1. simpl. 3.

*Tenuis pulsus*, vide *Gracilis*.

*Terebella*, vide *Abaptista*.

*Teredo*, sive *Teredon*, est caries in osse. 3. method. 1. *Tενεδον* est solutio continuitatis in osse ab erosione facta. Causa est humor acutus & acris in osse putrescens, ipsumque exulcerans. Sed initio quidem hoc malum reducitur ad aliud ægritudinis genus, & ossis asperitas potius, quàm caries nominatur. Majori autem facto foramine, & quodam veluti sinu uno vel vario appa-



rente, *πενδών* dicitur. Dicitur enim quasi *τενδών*, ὡς  
 ἔ' *πένυα*, inquit Galenus; quod in eo affectu os per-  
 tufum fit: nisi fortè denominetur à *πενδών*, quod ver-  
 men significat, qui ligna erodit: namque & os quasi  
 à vermibus corrosum videtur. Sunt autem in offe *π-  
 ενδών* & *σφάκελ* idem: quorum utrumque eodem  
 nomine *Cariem* Latinè dicere possumus.

*Teretes lumbrici* sunt, palmi longitudine, vel etiam  
 majore, ad stomachum usque proserpentes vermes,  
 lib. Introd. cap. 13.

*Tergum*, *Νότον* Græcè, sunt posteriores corporis par-  
 tes, quæ collo subjacent, E. G. *Scapulae*, *Dorsum*, *Spina*,  
 & *Lumbi*, libr. Introd. cap. 10.

*Terminthi*, vide *Therminthi*.

*Terra Argyrite*, vide *Argyrite*.

*Terra medicaminosa*, quod aquâ irrigata, facile in lu-  
 tum solvitur, appellatur; quia verò eâ utimur, velut  
 aliis medicamentis, idcirco non injuriâ *Pharmacitū*,  
 Latinè *medicaminosa* vocatur, nempe, quia sola est ejus-  
 modi, ut evidentior vim medicaminosam possideat,  
 9. simplic.

*Terræ intestina*, *γαστέρι* Græcè, *Lumbrici terre-*  
*stres* sunt, 11. simplic.

*Tertiana simpliciter*, est tertiana intermittens; con-  
 tingit enim, hanc ipsam, sinè aliquâ adjectione tertiana  
 simpliciter nominari; quemadmodum, & quoti-  
 diana intermittens, quotidiana simpliciter appellatur,  
 2. de diff. febr. cap. 7. Earum febrium intermitten-  
 tium, quæ tertiâ quoque die accessionem faciunt, quæ  
 quidem breve habent accessionis tempus (quod duo-  
 decim horarum æquinoctialium spatio ad summum fi-  
 nitur, 2. de differ. febr. cap. 3.) ac cum rigore inva-  
 dunt, & per sudores, & bilis vomitum, & biliosa ex-  
 crementa finiuntur; his tertianæ exquisitæ nomen im-  
 positum est; quibus verò aliquid horum deficit, hæ  
 non *exquisitæ*, sed simpliciter *tertianæ* appellantur;  
 quod

quod si intermissionem minorem habuerint, accessione videlicet in longius tempus protractâ, hæc *tertiana extense* vocantur, 2. de diff. febr. cap. 8. *Exquisita* verò *tertiana* est, quæ sui ipsius naturam puram, synceramque servat, id est, flavam bilem redundantem, & motam, tempus æstivum, locum calidum & siccum, hominis ætatem, & temperiem similem, 4. aph. 59.

*Tertianus circuitus*, vide *Quotidianus*.

*Testes, testiculi*, ὀρχῆς, sunt corpora duo glandulosa, alba, mollia, rara, laxa, cavernosa, rotunda, seminis, & generationis principium, quæ quod duo sint, ἁδύμει appellatur, quos ipsos Galen. 3. de aliment. fac. glandibus annumeravit. Est autem naturale & proprium eorum munus seminis generatio. Itaque ejus materiam per vasa spermatica attractam, & per Epididymidem propriam ipsorum tunicam, atque inde per parastatam testis impositum corpus testis alterius quâdam effigie permeantem propriâ facultate alterant, dealbant, concoquunt, verumque semen efficiunt, uti mammæ, lac, & ossa medullam ex sanguine generant: Pluribus tunicis seu involucris integuntur, & primum quidem suâ propriâ, ac intimâ, & ubique contiguâ, quæ ἐνδοδυσμῖς dicitur: deinde alia quam ἐκτοδυσμῖς vocant, propterea quod à suis vasis, & à musculo testium gracili rubescat, testem ipsum testisque epididymidem totam involvente: præterea verò duabus aliis communibus, quarum una ὄρχη seu *scrotum* dicitur; altera verò δακτύλος illi subiecta. Cæterum testes in maribus extra membranam abdominis sunt, & propendent musculis, quos κρεμασθήρας vocant; mulieribus intus latent à lateribus uteri, frigidiores, minores, & imperfectiores longè quàm marium, 14. de usu, cap. 10. Sic quidem conditi testes in principum partium numero habentur, non quod ad præsentem vitam necessarii sint, sed quod ad vitam natorum serie propagandam, & ad speciem quandam immortalitatis eorum actio sit neces-

saria. Sunt enim generationis principium, quod à nullâ aliâ parte, sed à se ipsis habent. Nec tamen est in præsentî vitâ vis eorum tam exigua & nullius momenti: imo verò corpus universum valdè afficiunt & immutant. Ab his enim in totum corpus vis quædam per venas effertur, quæ quidem in maribus robusti & masculi habitus, in scæminis verò scæmineæ ipsius naturæ causa est. Ea autem vis est *σπερματοποιητική*, hoc est, seminis generatrix, quâ partes solidæ præditæ semen generant, quo optimè aluntur, & robustissimæ evadunt. Ex eo namque fit, ut quibus testes frigidiores sunt & humidiores, iis corpus universum frigidum, humidum, infirmumque sit, & morbis obnoxium. Nam cùm aquosam & tenuem habeant genituram, malè solidæ eorum partes aluntur: quare robustæ esse non possunt, quoniam basis hæ sunt totius corporis & fundamentum, quo infirmo necesse est reliquas corporis partes infirmas esse.

*Testudo*, vide *Camaron*, *Fornices*, *Talpa*.

*Tetanos*, *Rigor*, *Distentio nervorum*, est convulsio perpetua totius corporis rigidi, & in neutram partem se inclinare queuntis, contractis ad suum principium nervis, & musculis, quibus caput annuit, renuit, circumagitur, æqualiter videlicet iis antè & retrò tensis, Gal. lib. de musc. diss. vide *Distentio*.

*Tetrapharmacum medicamentum* est, quod ex cerâ, adipe, resinâ, pice, æquâ omnium portione constat. Adversus Lycum. cap. 7. *Τετραφάρμακον* emplastri nomen est, quod & *Βασιλικόν* appellatur. Constat ex quatuor simplicibus medicamentis, unde & nomen habet. Puri movendo non est aliud melius vel expeditius. Est & *πετραφάρμακον* antidoti nomen, quam alio nomine *μυσήριον* vocarunt. Constat quatuor medicamentis, Gentiana, Aristolochia, Baccis lauri, & Myrrha, æquali pondere commistis. Valet ad podagræ præcautionem.

*Tbels*

*Thele, papilla*, mammæ capitulum est, unde infans lac fugit, medium in mammâ protuberans, quam ambit circulus quidam subniger, qui *φῶς* appellatur. *Θήλη* substantiâ constat ad penem proximè accedente. Est enim nervea illi quodammodo cutis, spongiosam intus substantiam continens, quæ erigi ac vicissim laxari non minùs quam penis potest. Habet autem tenues & conspicuos meatus, fibræ prorsus ac nervi modo albicantes, qui venarum surculi sunt, multiplici serie per glandulosam mammarum substantiam excurrentium, ex quibus lac effunditur.

*Thenara, θέναρα*, propriè vocant prominentes volæ manûs partes, à verbo *τείνειν*, quod est *verberare*, ut nonnulli volunt, qui Etymologiis gaudent; quippè cum his prominentibus partibus percutere soleamus ea, quæ percutimus; alii, non omnes partes prominentes palmæ ita appellari ajunt, sed solas eas, quæ sub pollicibus extant, 1. de fract. 20.

*Therapeutice*, id est, medendi methodus, 7. de compos. med. per gen. cap. 1. quæ & *Curatoria* dicitur.

*Theriacam* appellarunt Crito, & eum secuti, quod viperæ carnes acciperet; Andromachus verò, qui primus illam composuit, Neronis ferè tempore, *Γαληνόν*, hoc est, *tranquillam*, atque etiam *ἰλαρὴν* & *ἁρόιον*, lib. de usu Theriac. ad Pamph. prope finem.

*Therisma*, teterrimum ulcus est, tùm ex se nascens, tùm alteri superveniens, ut refert Celsus, colore lividum, nigrum, odore foedum, multo mucoso humore repletum, quod inflammatio, febris, prurigo, & dolor comitantur, à quo sanguis interdum fluit, serpit, & exedit illud partes finitimas, atque ob id aliqui *herpetem exedentem* vocant. Aliqui dicunt idem esse cum *Carcinomate*, quod Galenus comm. 2. in 6. Epid. dicit in solo pulmone generari; alii in quâcunque corporis parte carnosâ provenire idipsum statuunt.

*Thermanica*, calefactoria medicamenta sunt, quæ,



suo calore omnem partem calefaciunt. lib. de Dynam. in procemio.

*Therminthi* nomen, nigras quasdam pustulas in cruribus maximè orientes significat; à figurâ, coloris, magnitudinisque similitudine, quam cum *Terminthorum*, id est, cicero fructu habent, derivatum, com. 3. in 6. de morb. vulg. 37. *Τέρμινθος*, species est phymatis, inquit Oribasius, supra quod pustula nigra eminet, quâ rupta infernè similis desquamato apparet, eo autem dissecto pus invenitur. Est & *τέρμινθος*, terebinthus arboris nomen, cujus folia & semen & cortex adstringunt, & ad eadem, ad quæ lentiscus, conveniunt. Excalfacit ordine secundo, & adstrictorium quiddam habet; siccatur etiam ordine secundo.

*Thlasma*, quæ & *Thlasis* dicitur, vide *Rhagma*, & *Unioni* solutio.

*Thlipsis*, vide *Epiparoxine* stai.

*Thoracem* consueverunt Medici appellare, totum illud corporis spatium, quod duodecim costis, utrinque circumscribitur; pertinet anteriore quidem parte ad pectorale os, ac septum transversum; declinat verò posteriore ad spinam duodecim vertebra circumscriptum, lib. de ossib. cap. 13. & 6. de usu part. cap. 2.

*Thorexin* nominare consuevit Hippocrates vini potionem, 2. aphor. 21. *Θώρηξ*, *δυνάμοσις* καὶ *ἀκρασία*, vini meracioris potio est. Phavorinus inquit *θωρήσας* inebriari dicitur, quod excalfaciat pectus, aut thoracem repleat, aut quod pugnaces sint ebrii. Inde *ἀνερωτάς* dictus, qui vel leviter, ut interpretatur Erotianus, vel ut quidam exponunt, summè ebrius est.

*Thrombos*, sanguinis grumus est, seu sanguis concretus, 5. meth. 8. vide *Grumus*.

*Thrombosis*, est affectus, in quo lac grumescit in mammis, & in casei formam transit; *grumescentiam* *lactis* Interpretes nonnulli vocant.

*Thymiana*, Latinis *Suffumigium*, quod ex moderatè adstrin-

adstringentibus, resiccantibus, ac discutientibus vitiosos & serosos humores, & corrigentibus humorum malitiam, & contrariam vim habentibus adversus putrefactiones, quorum plurima ex aromatum sylvâ habentur, constat, 8. de compos. med. loc. cap. 7. *Ὀυ-  
πλάμει* dictum volunt, quasi *θυμὸς ἰσάμει*, quoniam languescens animus suffitu ejusmodi recreetur. Sed non desunt, qui à Thyo odoriferâ herbâ deductum velint; ut neque qui *ἀπὸ τοῦ θυέου*; hoc est, à sacrificando, quoniam odores diis suffiebantur. De eo aphorismus celebris habetur apud Hippocratem, suffitus aromatum muliebria ducere, & ad pleraque alia utiles esse, nisi gravitatem capitis inducerent.

*Thymus*, asperæ carnis extuberatio est, circa genitalia, ac sedem oriri solita, lib. finit. & 14. method. 13. Est & tumor præter naturam, vide *Epulû*. Est & *Thymus* idem quod *Glandium*, seu *Aden*, seu *Glandula*. vide *Aden*, *Glandula*. Vel, ut alii, *Thymos* carnosâ est excrescentia, nunc in Glande, nunc in Præputio, nunc in ipsâ sede consistens; sic dictus, quod *Corymbis Thymi* sit similis. *Thymorum* autem alii *mites*, alii *maligni*. *Mites* sunt exigui, scabri, candidi, dolore carentes; *feri* autem, ampliores, scabriores, lividi, dolorifici.

*Thyroeides cartilago*, vide *Scutiformis*, & *Cricoeides*.

*Thyroeides*, est ossis pubis foramen ab ostii similitudine, sic appellatum, 3. de anat. adm. cap. 13.

*Tibia*, est tota cruris pars, inter talum genuque, in interiori parte, sita; cujus tibiæ pars anterior, tenuis, & carnis experts, *Ocrea* appellatur, libr. de ossib. c. 22. eademque infra genu *Anticnemion*, 2. de anatom. adm. cap. 4. posterior carnosâ pars, *Sura*, & *Gastrocnemion* dicitur, 16. de usu part. cap. 8.

*Tilmata*, sunt divisiones factæ in fibris musculorum, dum scilicet illæ nimis distentæ, interdum rumpuntur, 4. de iis, quæ in medic.

*Titillatio oculorum*, vide *Mollities*.

H h 5

Toma,

*Toma*, pro *Phlebotomia* usurpatum legimus, 2. de natur. hum. 9.

*Tomi dentes*, τωμῆς, sive τωμῆγῃ, aliàs *Incisorii* dicuntur quatuor primi anteriores, ad cultri similitudinem, ad eos cibos incidendos, qui molliem in se habent; sicuti ad dura confringenda, alii utrinque proximi constituuntur; cæteri ferè omnes dentes, *molares*, sive *maxillares* appellantur, lib. de ossib. cap. 4. quos etiam *Mylas*, id est, *Molas*, vocant, 11. de usu part. cap. 8.

*Tonica*, sive *Tonotica medicamenta*, sunt quæ extrinsecus illiniuntur partibus nervosis, ad robur hisce conciliandum, 13. meth. cap. 22.

*Tonicus motus*, est qui exercetur imprimis à corpore laborante Tetano, duabus contrariis virtutibus oppositorum musculorum, inter se quasi pugnantibus, 1. de motu musc. cap. 8.

*Tonos*, nervus, nuncupatur ab ipsis operationibus: uti enim nervus δῶδ τῷ ὀσέει, id est, à *flectendo*; ita *Tonos*, δῶδ τῷ τένει, id est, à *tendendo*, deductum est, 1. de motu musc. cap. 1. vide *Nervus*. Usurpatur etiam τὸν pro vehementi desiderio magnoque conatu, qualis esse solet per dyspnœas, & tenesmos; ut docuit Galenus, comm. 1. in prorrhæ.

*Tonsillæ*, vide *Isthmus*, *Vvæ*, *Paristhmia*.

*Tophus*, vide *Callus*.

*Topica remedia*, id est, localia, 13. meth. cap. 22. quæ loco affecto non priùs applicari debent, quàm totum priùs corpus purgatum sit, ne his irritato affectu, plus etiam affluat ad membrum læsum, vitiosi succi, lib. de remed. part. fac. cap. 6.

*Torcular*, sive *Lenos*, est locus quidam vacuus, quasi cisterna in vertice capitis, in quem meningis duplicationes sanguinem redundantem deducunt, unde rursus velut ab arce quâdam, omnibus subiectis partibus, sanguinis rivi mittuntur, 9. de usu part. cap. 6.

& 9.

& 9. de anat. adm. cap. 1. *Ανὰς* nomen est profectum primum ab Herophilo, deinde ab Anatomicis usurpatum.

*Tormina, Dysenteria*, propriè non pro ulceratione intestinorum, ut plerique Medici solent, sed pro cruentâ ex intestini proluvie sumit Hippoc. ut etiam, quando ex jecoris imbecillitate, cruenta dejiciuntur, affectio talis quoque *torminum* nomine appellatur: id quod & fieri, & dici à Medicis quoque videtur, 4. de art. 4. Fiunt autem *tormina*, & propter morsum vehementem, & propter spiritum flatuosum, qui non habet exitum, sed in intestinorum involucris est interceptus, & præter naturam detentus, 4. aph. 11. vide *Dysenteria*.

*Torpor*, est motûs & sensûs difficultas diminutiõe in toto corpore, & maximè in artubus à frigore, & compressione nervosorum corporum, concitata, 1. de caus. sympt. cap. 5. Aliquando *torpor* significat, ventriculi in concoquendis cibis imbecillitatem, com. 3. in 6. de morb. vulg. 1.

*Tortio* est, cùm articulus quidem est illæsus, sed nervosæ circa ipsum partes tortæ & p. n. contractæ sunt; id quod maximè in iis contingit, quorum in vacuum gressus dilabitur, 3. de iis quæ in med. 31.

*Toxica*, hoc est, venena, quæ mortem inferunt, libr. de Dynam. *Τοξικόν* apud antiquos certa quædam species veneni fuit teterrimi, nec tamen quid esset constare adhuc arbitror. Videatur Plin. lib. 16. cap. 10.

*Trachea*, sunt aspera medicamenta, quæ suffocata loca ulcerant, & exasperant, libr. de Dynamid. in proœmio. *Τερχήτης*, asperitas, est vitiosa conformatio parti cui accidit, inæqualitatem absumpto humore inducens. Huic contraria affectio *λειότης*, id est, lævitas dicitur, suntque primi generis morbi, qui in formatione consistunt, & à causis contrariis proficiuntur. Exasperantur enim quæ prius erant lævia, & lævigantur quæ prius erant aspera: illa quidem ab humorum acrimoniâ,



moniâ, aut medicamentis adstringentibus resiccata, (sunt enim & acria & adstringentia potestate sicca) hæc verò à pingui & lento humore madentia. Præcipuè verò in ossibus hoc malum apparet, cum non rectè à Medicis curantur.

*Trachea arteria*, vide *Aspera arteria*.

*Trachoma*, altera est species scabiei internæ palpebrarum, aspera, dolorem, & gravitatem faciens in oculis, humiditatemque nimiam ingenerans, lib. de ocul. part. 4. cap. 9. Provenit sæpè ex malâ curatione, affusis nimium diu collyriis. Nam sicut in vulneribus aliarum partium illita pingua carnis excrescentiam inducunt, sic etiam in palpebrâ. Potest etiam ob diuturnam defluxionem excitari, sed non mordacem: humor enim mordax non palpebram, sed oculum potius ipsum infestat. Hoc vitium sunt qui *δαρύμμα*, sive *δαρύμμα* appellant. Attamen ea distinguit Aëtius, scribens *δαρύμμα* esse inæqualitatem quandam palpebræ interioris superficiariam, & cum rubore: *τραχύμμα* verò, sive *τραχύμμα*, esse palpebræ internæ inæqualitatem & asperitatem multo maiorem, adeo ut intra eam emineant veluti milii grana, aut ervi semina cum dolore & gravitate. Malum autem utrumque oculos habet humidiores. Idem verò si intendatur magisque promineat, *σύνκωσις* appellatur: tandem ubi ad extremum pervenit, *πύλωσις*. *Τραχωμαπικόν κηρίον* est collyriorum certa species, tollendis oculorum asperitatibus efficax. *Τραχωμαλικόν* autem pharmacum dicitur quod deterget ea quæ adhuc mollia sunt, nec adhuc chirurgiam videntur postulare.

*Traduatio*, est diducti ossis in naturalem statum reductio, lib. finit.

*Tragemata*, sunt ea, quæ post cenam, voluptatis interbibendum excitandæ gratiâ, assumuntur, i. de ali. fac. 34

*Translativus motus*, vide *Metalepticus*.

*Transpiratio*, seu *Perspiratio*, est insensibilis per po-

ros diffusus excrementorum fuliginosorum flatus, 1. de sanit. tuend. cap. 12. vide *Inspiratio*.

*Transumptivus motus*, quem *Metalepticum* vocant, est, quo per machinas utuntur plurimi, tùm architecti, qui mechanici dicuntur, tùm Medici, qui organici nuncupantur, qualem motum natura musculis conciliavit, quoniam nervorum principio existens, Cerebrum & ratio, ibidem radicata, per nervos, tanquam habenas, musculos laryngis E. G. intendit; sic etiam nervus, qui à cerebro proficiscitur, à superiori loco per totum collum fertur deorsum, ad multam usque thoracis partem, indèque rursus redit usque ad laryngem, ubi nervis in laryngis musculos insertis, quasi à manibus quibusdam, singuli muscoli deorsum trahuntur, 7. de usu part. 14.

*Tranulotes*, Latinis *Blasitas* nominatur, qui hâc passione correpti sunt, τραυλοί Græcis, *Blasi* verò Latinis dicuntur, & sunt, qui certas literas alphabeti exprimere non valent. Affectio autem varia esse potest. Primum quidem brevitās linguæ, quæ tamen rarissima est; Deinde ejus intemperies humida & molliities. Hæ namque sunt naturalis balbutiei causæ, à quibus fit, ut lingua prioribus dentibus malè innitatur, brevior quidem propter brevitatem, humidior verò propter imbecillitatem. Humidiores enim linguæ musculi non possunt firmiter stabiliri, quod est tamen necessarium ad literarum *t* & *r* pronuntiationem. Itaque eas tanquam *t* & *l* pronuntiant, pro τραυλός dicentes τραυλός. Plurimi quoque balbutiunt ab externâ causâ, ut qui plurimum dicendo, aut tibiâ canendo, & ex febre vehementem linguæ siccitatem contraxerunt. Lingua enim his evadit imbecilla, nec propter siccitatem dilatari potest. Balbutiunt etiam aliquando ebrii, lingua & cerebro humore nimio perfusis & prægravatis. Itaque patet præcipuam ferè balbutiei causam sitam esse in superfluâ humiditate  
pro-

propterea scripsit Hippocrates balbos alvi profluvio maximè corripit.

*Tremor*, vide *Palpitatio*.

*Tremor oculorum*, vide *Mollities*.

*Trichiasis*, id est, Pilare malum, morbus est, in quo cum crassâ urinâ, veluti capilli unâ exeunt, 4. aph. 76. Siquidem talia quædam corpora in renibus possunt condescere, ab humore crasso & viscoso, usto à calore, ut docet Galenus. Adhæc *Trichiasis* est affectio, in quâ pili inutiles, & pungentes palpebris innascuntur, 4. de compos. med. loc. cap. 8. vide *Phalangosis*. Provenit malum hoc ex superfluâ humiditate, ex quâ pili, tanquam herbæ in humidâ terrâ luxuriant, vel palpebræ ipsæ resolvuntur, nimio humore redundantes. *Τριχλας* etiam vocatur mammarum dolor, quem pilus aliquando movet in poculo fortè haustus. Is autem non sedatur, donec pilus vel pressus sponte exeat, vel cum lacte exugatur. Id mali genus etiam *τριχλας* vocant.

*Triens*, hoc est, uncia quatuor, 4. de comp. med. per loc. cap. 84.

*Triglochina*, sive *Trisulca* figura est, qualis E. G. inest quinque membranis cordis, tribus in dexterâ parte, duabus in sinistrâ consistentibus, similis figuræ triangulari, & telorum cuspidibus, 7. de anat. adm. cap. 9.

*Trigona medicamenta* sunt, ex seminibus composita, quæ sicut ad torporem inducendum mitiora, ita in futurum sunt minus tuta: quibus omnibus utilius anodyna sumuntur, 12. meth. cap. 1. *Τριγωνον*, Passillus, in medicinâ olim celebris ad sistendos dolores: est enim stupefactorius. Sic dictus fuit à figurâ, quâ fingebatur, non à numero medicamentorum. Constat enim quatuor medicamentis; semine apii, semine hyoscyami, aniso, & opio, sed quorum pondera non sunt eadem Galeno, Paulo & Aëtio.

*Tripsis*, vide *Anatripsis*.

*Trismus*,

*Trismus*, sive *Trysmos*, Latinis *Stridor*, est convulsio musculorum mandibularum, ex quâ fit dentium invita concussio, 2. de caus. sympt. cap. 2. Τερισμός, sive τερισμός, sonitum edit, sed tenuem ex instrumentorum angustia. Ex flatuoso autem spiritu cum exiguo humore efficitur.

*Trisulca*, vide *Triglochina*.

*Tritæophyes* (quæ & *Tritæus*) febrî, est tertianæ naturam sapiens, quæ tertio die exasperatur, & fermè in integritatem remittitur; sed siqua febris, tertio quoque die exacerbatur, neque per minimum intervallum ita mitescat, ut in eo febricitans propè sinceram infebricitatem assequi videatur; hanc si quis *tritæophyes* nominare velit, forsan & ipse non sine ratione in hanc sententiam descendere videbitur, comm. 2. in 6. de morb. vulg. 23.

*Tritæus*, vide *Tritæophyes*.

*Trivus*, Græcè Τρίβος, apud Hippocratem significat eam corporis partem, cui sive stantes, sive ambulantes, sive sedentes, sive jacentes, innitimur; ut stantibus nobis, atque ambulantibus plantæ pedum; nates sedentibus; spina tota supinis; cubito innitentibus cubitus, 2. de his quæ in medic. Sic etiam ut author est Galenus apud Hippocratem, locus tritus dicitur & callosus.

*Trochantera*, Latinis *Tuberculum*, magni ossis femoris processum in specie sic vocant, 2. de anatom. adm. cap. 6. & lib. de ossib. cap. 21. vide *Femur*.

*Trochlea brachii*, vide *Bathmides*.

*Trochiscus*, vide *Pastilli*.

*Tromata*, Latinis *ictus*, nominat Hippocrates magnas noxas, ab aliquo extrinsecus, etiam sinè vulnere illatas, com. 5. in 6. de morb. vulg. 12. Unde Hippocrates τερματισμός vocat eum, qui quovis modo offensus sit.

*Tromos*, id est, tremor, 2. meth. 2.

*Trysmos*,



*Trysmos*, vide *Trismos*.

*Tubercula*, sunt quædam spontè nascentes, & celerrimè factæ inflammationes, quæ celerrimè in altum attolluntur acumen, & celerrimè suppurantur, & plurima horum in inguinibus, & alis est generatio, quoniam in his partibus multi sunt adenes, qui apti naturâ sunt ad has superfluitates promptè excipiendas, 3. aphor. 26. *Tuberculum* insuper *Phyma* nominat Hippocrates, quod alibi ipse solitus est vocare *Suppuratio-nem*, Græcè *Empyema*, 7. aph. 8. de tumor. cap. 15.

*Tumor*, vide *Oncos*.

*Tunicarum* nomine, quidam sola composita operimenta designant; alii autem crassa; alii nisi composita simul & crassa extiterint, eis appellationem hanc non tribuunt. Ad eundem autem modum, & de *mem-branis* litigant; quibusdam enim simplicitas sufficit; alii autem tenuitas; alii ambobus opus esse arbitrantur, ut ita nominentur; & nisi tenue fuerit simul, & simplex operimentum, id nolunt vocare membranam. At antiqui certè, *tunicas*, *membranas*, *meningas*, præter hæc omnia alia operimenta sic vocant; quos nos quoque sequentes, à vanâ quidem in nominibus garrulitate discedemus, 4. de usu part. cap. 9.

*Tunica cordis*, sunt corpora tegentia extrinsecus utrumque ventriculum cordis, 6. de usu part. cap. 8.

*Turgere*, verbum est translatum ab animalibus concubitum appetentibus, ad humores; nam sicuti illa stare loco non possunt, quâdam titillatione impulsæ, eoque affectu concitata, motu feruntur turbulento; sic & humores plerumque in motu vehementiore, atque transfluxu à partibus ad partes, in morbi principio, moventes, titillantes, & quiescere non permittentes, cum & ipsi pariter moveantur, & transfluant, & perenni hâc suâ latione ægrum molestant, turgere dicuntur. Tales ergo dicuntur *humores turgentes*, qui sunt in motu, latione, & fluxu, 1. aphor. 22.

*Tur-*

*Turgidus dolor* est, qui à parte primario affectâ, veluti è radice incipiens, celeriter in partes adjacentes transfertur, 2. loc. aff. 7.

*Turgidus pulsus*, vide *Gracilis*.

*Tussis*, est vehementissima quædam efflatio, quâ plurimus simul, celerrimèque foràs actus spiritus attrahit, propellitque unâ secum suo impetu, quæ vias suas obstruunt, 2. de sympt. caus. 4. Cùm enim externus aër in asperas arterias trahatur, quæ cartilagineæ duræque sunt, nec contrahi circa id, quod continent, possunt, incitatum hunc excogitavit spiritus exitum, quem vocant *tussim*, quo spiritus sibi ipsi violenter, & cum impetu delatus, vias expurgat, non aliter quàm tubos, & fistulas expurgant harum opifices, 4. de caus. sympt. 3.

*Tussis sicca*, in quâ nihil expuitur, 4. aphor. 54.

*Tylosis*, id est, *callus*; sic autem nuncupatur, cùm in palpebris asperitates ex senectute crassiores, albidiores, & parùm sensiles extiterint, eoque minùs deleri possunt, lib. Introd. cap. 15.

*Tympanias*, qui & *Tympanites*, Hydropis est species, in quo spiritus flatulve crassi, frigidi totam thoracis superiorem, & inferiorem regionem, tumentes facit, 4. acut. III. vide *Ascites*.

*Tynesmus*, qui & *Tinesmus*, & *Tenesmus* appellatur, est recti intestini vehemens tensio, & assidua dejiciendi cupiditas, paucis admodum sequentibus excrementis, quæ quidem ab initio pituitosa & pingua, progressu verò temporis, etiam abrasionis specie dejiciuntur, & iis, quæ à supernis descendunt, haudquaquam misceri videntur, 6. loc. aff. 2. *Tinesmus* (alibi dicit Galenus) ulcus est in recto intestino factum, quod quidem infert symptomata Dysenterix similia, nixus tamen multò vehementiores, quam sunt dysentericorum, 3. de sympt. caus. cap. 2.

*Typhodes febris*, id est, Succendentes, ut *Causodes* Incendentes sunt, quarum media est *semitertiana*, 1. aphor.

ris. 12. *Τυφώδης πυρετός*, nomen est febris continuæ & ardentis, non per se quidem natæ & essentialis, ut vocant, sed symptomaticæ, & à jecinoris erysipelate excitatæ. Ubi enim viscus id erysipelate afficitur, febris inde ortam *τυφώδη* Veteres appellarunt, sicut à ventriculi erysipelate *λειπυρίαν*, & ab eo qui pulmonem infestat, *πνευμάδη*. Galen. comment. in aphor. 42. lib. 7. vide *Febris Typhodes*.

*Typhomania* (quæ & *Typhonia*) est delirus Lethargus, vel lethargicum delirium, libr. finit. *Typhomia* appellatur, commistus affectus ex lethargo, & phrenitide, lib. de Comat. cap. 2. Ego verò, quoties ad finem usque tùm desipientia, tùm Coma persistunt, affectionem hanc ex phrenitide, & lethargo *mistam* appello; quidam *Typhomaniam* vocaverunt, 1. prorrh. 1.

*Typus*, est ordo intentionum, & remissionum; *Periodus*, sive *circuitus* est tempus intentionum, ac remissionum in morbis factum, lib. de Typis, cap. 2. sive, est formula quædam accessionis, cùm vel subsequitur, vel anticipat. Definitur quoque, quod sit reditus ab eodem, ad idem. 1. cris. 3.

*Tyria*, apud Arabes, & barbaram sectantes medicinam, idem est, ac *Ophiasis*; Tyri enim voce, omnes serpentes, & potissimum *Viperas* intelligunt.

## V.

**V**ACUATIO, Græcè *Κένωσις*, vide *Purgatio*.

*Vacuus pulsus* est, qui arteriæ elevationem facit bullosam, ut digitorum impressioni egressus, per vacua occurrat, 1. de diff. puls. cap. 6.

*Vaginæ*, vide *Membrana dura*.

*Vaginalis tunica*, vide *Elytroscides*.

*Valga*, appellatur crura, in exteriorem partem vergentia; quæ verò in interiorem, *vara*, & *manca*, 3. de his, quæ in med. 31.

*Vapor*,

*Vapor*, humor est extenuatus, qui pluribus est in spiramentorum raritate, corporis mollietie, substantiæ fusionem, 1. simpl. 8.

*Varices*, sive *Cirfos*, venas omnes dilatatas antiqui appellabant, lib. de tumor. 16. *Varices*, sunt venæ latiores in coxis, testiculis, & cruribus, quæ ex crasso & melancholico sanguine turgent, adeo ut pellente naturâ, ad partes ignobiliores, humores crassos, & melancholicos, dictarum passionum generatio sequatur, 6. aphor. 21.

*Variciformis flexus*, vide *Flexus variciformis*.

*Varicosus assistens*, vide *Genitalis*, *Glandulosi assistentes*, & *Meatus genitalis*.

*Varicosus meatus*, vide *Genitalis*.

*Varus*, exiguus durusque tumor est, in faciei cute obortus, Græcè *Ionthos*, qui differt à ficosis tumoribus in mento provenientibus, non solum quod ex crasso humore consistat, verum etiam quod participet tenui quâdam sanie, ratione cujus facile ulceratur, non rectè, atque ex arte curatus, lib. de remed. part. fac. cap. 11. vide *Ionthos*, & *Ficosus tumor*.

*Vasa deferentia*, vide *Glandulosi assistentes*.

*Vasa spermatica*, *Seminaria*, quæ vulgò *Præparantia* appellantur, vide *Glandulosi assistentes*.

*Vehemens pulsus* (sive *Validus*, & *Fortis*) est, qui violenter tactum impellit, & quasi ferit: *remissus*, sive *languidus*, qui debiliter, de puls. ad Tyron. cap. 3. & lib. 3. de differ. puls. cap. 5.

*Vehementia morbi*, est ea, quam *magnitudinem* vocant; & *mos morbi*, quem *modum* sive *naturam morbi* appellant, 1. cris. 3.

*Vellicationes*, seu *discerptiones*, junioribus Medicis appellantur *convulsiones*, quæ in fibrâ musculorum contingunt, dum nimis intentæ, interdum rumpuntur, 3. de his, quæ in med. 30.

*Vena*, φλέψ, est vas spermaticum, unâ constans tu-



nicâ, fibris triplicibus contextum, sanguini deferendo destinatum: *venæ* etiam nomine, *arterias* comprehenderunt Veteres: quo sensu Plato in Timæo, venas à corde oriri asserit, ut testatur Galen. 6. de Placit. vide *Arteria*. Prodit autem vena omnis ab hepate, quæ modo verè & simpliciter Vena dicitur. Nam si quis contendat Venam arteriosam à dextro cordis ventre nasci, ut certum id est, sic ea non simpliciter vena dicitur. In universum autem duæ ab hepate oriuntur, una à simâ ejus parte, altera à gibbâ. Quæ ex simâ oritur, variis nominibus appellatur, *μεγάλη, ἡ ἐπὶ τῆς πύλας, μέγαν ἐπὶ πύλας, & τελεμαία*, quod sit aliarum velut quidam truncus. Vulgò Vena porta dicitur. Hæc in simâ parte hepatis quinque interdum pluribus paucioribusve radicibus actis, & postea in unum truncum coalescentibus, jecinoris portis una amplexu egreditur: paulòque postea in duos majores ramos dividitur, quorum unus lienem petit, alter fertur in mesenterium, uterque in quamplurimos ramos divisus. Quæ autem à gibbâ parte jecinoris proficiscitur, pluribus similiter nominibus vocata est ab ipso Galeno, *μερίση, κρίση, ἡπατῆς*. Ea venarium omnium capacissima est, sparsisque aliquot radicibus intra jecoris partem gibbam similes Venæ portæ radices spectantibus, & prope modum tangentibus, mox seu truncus unus emergit, nec multò post in ramos duos scinditur, quorum unus in superiores, alter in inferiores partes fertur.

*Vena arteriosa*, vide *Arteria venosa*.

*Vena axillari*, vide *Axillari vena*.

*Vena azygos* Græcè, *Conjugio carens* Latinè, vulgò *Vena sine pari*, ea est, quæ in quibusdam animantibus juxta cor adnascitur; in quibusdam verò ut in hominibus, ex eâ emergit parte, quâ cordis aurem dextram Vena cava tangit; Hinc si quidem emergens, humilior depressiusque per cor defertur, atque in spinam contorquetur, 2. acut. 10.

*Vena*

*Vena Basilica*, vide *Axillari*.

*Vena capillari*, vide *Apanthismos*.

*Vena capituli*, vide *Humeraria*.

*Vena cava*, vide *Cava vena*.

*Vena Cephalica*, vide *Cephalica vena*.

*Vena communis*, vide *Communis vena*, & *Media vena*.

*Vena conjugio carens*, vide *Vena azygos*.

*Vena coronalis*, sive *Stephanica*, vide *Vena Peristephania*.

*Vena crassa*, vide *Crassa vena*.

*Vena cubiti externa*, vide *Humeraria*.

*Vena cubiti interna*, vide *Axillari*.

*Venæ emulgentes*, vide *Emulgentes venæ*.

*Venæ & Arteriæ umbilicales* sunt, quæ uteri acetalibus adhærescunt, quibus foetus in utero alligatur, & per quas alimentum trahit, i. de semin.

*Venæ guidez*, vide *Apoplectica*.

*Venæ hæmorrhoidales*, vide *Hæmorrhagia*.

*Venæ jugulares*, vide *Apoplectica*.

*Venæ mesaraica*, vide *Mesenterium*.

*Vena funis brachii*, vide *Funis brachii*.

*Vena hepatica*, vide *Axillari*.

*Vena humeralis*, vide *Humeraria*.

*Vena jecoraria*, vide *Cava vena*.

*Vena Ischiadica*, vide *Ischiadica vena*.

*Vena lata*, & *magna*, dicitur *Vena humeralis*, i. de artic. 53. licet communiter Medici, & Anatomici *magnam* vocant *Venam Portæ*, sicut *Cavam*, *maximam* appellant.

*Vena manifesta*, vide *Manifesta vena*.

*Vena media*, vide *Communis*.

*Vena nigra*, vide *Media cubiti vena*.

*Vena Peristephania* (Latinis *Coronaria*) est, quæ Cor ipsum coronat, principiumque sui ortus extra membranas habet, 6. de usu part. cap. 14.

*Vena Poplitea*, est ramus medius *Venæ Cavæ*, qui

deorsum ad Poplitum fertur, ubi vulgò *Vena Poplii* dicitur, & per profundum Suræ procedens, non modicam in musculos ejus ramorum sobolem spargit, atque ob id hæc vena *communis*, seu *media* dicitur, quemadmodum etiam in manu, lib. de diff. ven.

*Vena porta*, vide *Cava vena*.

*Vena purpurea*, vide *Communem vena*, & *Media vena*.

*Vena salvatella*, vide *Salvatella vena*.

*Vena saphena*, vide *Saphena vena*.

*Vena sine pari*, vide *Vena azygos*.

*Vena splenica*, vide *Splenica vena*.

*Veneticos oculos* appellant eos, qui suffusione affecti sunt; fiunt autem *Venetici oculi* duobus modis, vel propter aquam, si nimidum fuerit coagulata; vel propter siccitatem, quam patitur *CrySTALLINUS humor*, lib. de ocul. part. 4. cap. 12.

*Ventralis dispositio*, vide *Cœliaca*.

*Ventrem superiorem* Veteres appellant *Thoracem*; alimenti autem receptaculum, sive abdomen, omneque id, quod à septo transverso est, *ventrem inferiorem*. Interdum autem ventrem superiorem nominabant, in quem cibi assumuntur, quæ ab eo sunt omnia, ventrem inferiorem; Interdum quoque sola sic nominant crassiora intestina. Denique sunt, qui Colon duntaxat, *ventrem inferiorem* vocant, 4. acut. 112. 7. aphorif. 38.

*Ventriculus* est, in quem primò animalia cibum pertrahunt, 6. de anat. adm. cap. 2. Aliquando *ventriculi os superius* per abusionem, pro *stomacho* sumitur, lib. de cur. rat. per sang. cap. 1.

*Vermiculans pulsus* est, cum species nobis tangentibus exhibetur quasi perreptantis arteriam vermis, undarum in modum insurgentis; idem ille parvus est languidus, & creber. Sin autem non parvitati, sed magnitudini sit adjunctus, dicitur *Vndosus*; si ad extremam deveniat remissionem, crebritatem, & parvitatem,

tatem, *formicans* dicitur, de Puls. ad Tyronem, cap. 8. & 1. de differ. puls. 26. & 27.

*Vermiformis excrescentia*, sive *Epiphysis*, vide *Vermis Cerebri*.

*Vermis cerebri*, est obstaculum quoddam, quod habet pars ea, quâ à medio Cerebri ventriculo, ad posteriorem itur, cujus forma est sicut pinea, libr. de ocul. part. 2. cap. 2. Quin particula quædam Cerebri incumbit meatui, qui est à Cerebro ad Cerebellum, quæ circumscriptionem obtinet figurâ vermi similem, in lignis enascenti: Hinc etiam Anatomici *excrescentiam* & *processum vermiformem*, corpus hoc, quod totum meatum contegit, vocant, 9. de anat. adm. 5. dicitur & *vermiformis epiphycautes*, 9. de anat. adm. 5. ac *vermiformis epiphysis*, 8. de usu part. cap. 14.

*Vernaculus morbus*, vide *Endemus*, *Epidemius*, & *Communis*.

*Verricularis*, vide *Amphiblestrooides*.

*Verrucosa*, vide *Dura ulcera*.

*Vertebra*, vide *Dorsum*.

*Vertex*, *apex*, aut *Mucro cordis*, est inferior visceris terminus, figurâ turbinatus, qui infernæ pectoris ossis regioni cohærescit, ubi etiam mucronata cartilago constituitur, 7. de anat. adm. cap. 3.

*Vertex capitis*, (Græcè *Κρυφή*) in mediâ capitis regione, synciput superante, est collocatus: unde velut à centro circulus, capillorum proventus, incipere videtur, libr. Introd. capite decimo. Sunt qui eo nomine intelligant capitis partem inter synciput & occiput mediam & summam: Ea *σφαῖρα* propriè dicitur. Sunt verò qui partem eam capitis interpretentur, in quâ capilli alii ad dextram, alii ad sinistram invertuntur, ut non sit aliud *κρυφή* quam linea illa, quæ capillos in duas partes distinguit. Unde & *διγυφοί*, id est, *Bivertices*, dicuntur, non ii quidem, quibus os summum capitis geminum sit, sed illa potiùs linea,



linea, discrimenque capillorum. Rufus κερυφὴν definit id quod in medio est, per quod maximè volvuntur capilli. Id quod etiam secuti Latini, *verticem* dixerunt à *vertendo*, nimirum propter flexum capillorum, quod illic velut in gyrum ii vertantur. Quam etiam ob causam quidam ex Græcis ἐλγμὸν, & πόλον δὲ τὸ πῶλιν, hoc est, à *vertendo* eandem partem appellarunt.

*Vertigo*, est affectio, quâ caput absque externis causis in gyrum circummagi videtur, 4. acut. 42. vide *Scotodinos*.

*Vesica fellis*, vide *Cystis Choledochos*.

*Vestigium*, vocatur inferior pars pedis, 2. de fract. cap. 10.

*Veternus*, est gravis sopor, de caus. morb. cap. 3. sive ignavia & stoliditas cum somnolentiâ, 1. prorrh. 31. & 2. aphor. 3. Dicitur autem *Veternus*, quasi *veternus morbus*, qui *Lethargus* vocatur, in quo ægri veteranorum, id est, senum more, inexpressibili somno detinentur. Terentius in Eunuchio.

*Vibratio*, sive *Agitatio*, est violentus totius corporis huiusque partium motus, ut conquiescere non liceat, etiam si strenuè admodum renitatis: differens à *Tremore*, qui, nisi partem movere velis, non accidet, libr. de trem. palp. cap. 6.

*Vibratus pulsus*, (Græcè κλονόδης,) vide *Convulsivus*. Hic pulsus perpetuò durus est, & propter duritiem vehementem. Fit autem cùm valida est facultas, instrumentum durum, & urgens usus, quorum unum si absit, *vibratus* fieri non potest. Galen.

*Vitium* appello, non hunc tantùm, qui cibo, & potione constat, verùm etiam, qui omnibus aliis, ut ocio, exercitatione, balneo, venere, somno, vigiliis, & omnibus, quæ quovis modo fiunt in humanis corporibus, ipsamque adeò vivendi rationem, comm. 3. in 3. de morb. vulg. 9.

*Villi*, vide *Fibræ*.

*Vina*.

*Vinacia*, sunt solidæ uvarum reliquiæ, cùm in torculari succus ipsarum omnis expressus fuerit, 2. de alim. facult. 9.

*Vinum aparachyton*, id est, originale, cui marina aqua non est addita, 4. de compos. medic. loc. cap. 7. cui proinde opponitur *vinum tethalassomenon*, 4. acut. 2. Ἀπαράχτυον οἶνον, dictum vinum est ad ejus laudem à mercatoribus, quasi purum & syncerum, nec adulteratum aquæ marinæ misturâ, tanquam per se satis firmum & generosum. Neque enim nobilibus vinis misceri solet aqua marina, sed imbecillioribus, quæ θαλάσσια & περὶ θαλάσσια ob id dicebantur, ut eo quasi fucò adulterata, calidiora & acriora viderentur, tum ut facilius à mercatoribus conveherentur, & longæ viæ incommoda perferrent, atque etiam diutius servari possent. Sed temperandi ratio varia fuit, ut docet Diosco. Alii, inquit, statim cùm decerptæ sunt uvæ, aquam maris admiscunt. Alii in areâ uvas Sole siccant, quibus calcatis marinam adjiciunt. Alii passas prius uvas in dolijs marinâ aquâ macerant, mox calcatas exprimunt: quod tamen magis passi generibus adscribitur. Omnia ejusmodi vina siccant, sitimque inducunt, pro modo aquæ marinæ admistæ stomacho adversantur, nervos infestant, alvo tamen apta esse, Dioscorides prodidit. Fuerunt hujus generis, ut idem ait, vina Coa & Claromenia, quæ propter plurimæ aquæ marinæ mixturem faciliè corrumpuntur, status movent, alvum turbant, & nervis officiunt. Splenicis quidam Veteres exhibebunt. Dioscorides libr. 5. meminit etiam vinorum ἀπαράχτυων, quæ admistam sapam recipiant: quæ quidem revera ἀπαράχτυα sunt, id est, aquæ marinæ expertia, sed tamen alio liquore adulterata, sapâ scilicet immistâ.

*Vinum vinosum*, vide *Hydatodes*, & *Oenodes*.

*Virtus naturalis*, vide *Virtutes*.

*Virtus ratiocinatrix*, vide *Virtutes*.

*Virtus vitalis*, vide *Virtutes*.

*Virtutes*, (quas *facultates* Medici vocant, Plato *animas*) sunt tres illæ, quæ toti corpori, ex principiis, suo veluti fonte distributæ, animal gubernant. Prima, *naturalis*, *alrix*, *appetrix*, *alterans*, & *concoquens* appellatur, 2. progn. 26. ad nutriendum animal necessaria, stirpibus communis, quæ Jecur veluti pro fonte habet; canales verò, ab hoc in totum corpus sparfos, obtinet ipsas venas. Altera, *facultas*, seu *anima vitalis*, & *animosa* appellatur *virtus*, quæ non modò ut stirpibus, aut vitâ præditis, sed etiam ut animalibus, anima est insita, sedem habens in corde, cujus canales arteriæ sunt. Posterior, *Ratiocinatrix*, in Cerebro domicilium habens, voluntariis actionibus, unà cum sensibus præfident, cujus canales sunt nervi, sensum motumque in totum animal deferentes, 9. meth. 10.

*Vitalis motus*, vide *Motuum species*.

*Viellina bilis*, quæ & *Lutea* dicitur, vide *Bilis pallida*.

*Vitiliginum*, quas *Alphos* vocant, generatio similis est generis, cum eo affectu, quem *Leuce*, sive *albam vitiliginem*, Arabes *Albaras* appellant, non tamen sub iis tota caro vititur, ut in *Leuce*, sed in summo corpore, veluti squamæ quæpiam, Vitiliginis infiguntur; albæ quidem, ex pituitoso; nigræ, ex melancholico succo exortæ, 3. de sympt. caus. cap. 2. In Vitiligine autem alba, fit nutrimenti appositio, non assimilatio, 1. de natur. fac. cap. 11. *Ἀλφός* est vitiosa macula & fœda in corporis cute apparens, & ex malo corporis habitu excitata, sed sine manifestâ cutis asperitate, sine squamis, sine exulceratione. His enim notis à psorâ, lichene, & leprâ, cæterisque hujus notæ tumoribus distinguitur. Dicitur ex eo quod colorem cutis immutet. Immutare enim apud Veteres *ἄλφαιεν* dicebatur. Est autem *ἄλφός* non totius quidem carnis affectio, sicut Cancer & Elephas, sed summæ modo carnis cutisque ab im-

ab improbo sanguine, aliàs pituitoso, aliàs autem melancholico proveniens, qui cum probè adhæreat affectæ parti, non tamen assimilari potest. Ejus tres species sunt, αἰφὸς, μέλας, λεύκη. Utrum autem aliquod horum sanabile sit, an non sit, experimento facili colligitur. Incidi enim cutis debet, aut acu pungi. Si sanguis exit, quod ferè fit in duobus prioribus, remedio locus est: si humor albidus, sanari non potest.

*Vitreus humor*, à Praxagorâ appellatur *vitrea pituita*, pituitæ species est frigidissima; quippe vitro fusò tùm colore tùm substantiâ haud ablimilis, 2. loc. aff. 5.

*Vitreus oculi humor*, vide *Hyeloeides*, & *CrySTALLINUS*.

*Ulcerâ dura*, vide *Ochthode*, & *Dura ulcera*.

*Ulceratio oculi*, est ruptio circa corneam tunicam, quæ vel ex ictu, vel ex phlegmone oritur, lib. finit.

*Ulcus*, quod Græci *Elcos*, vide *Unionis solutio*.

*Ulcus depascens*, vide *Phagedænas*.

*Ulna*, vide *Cubitus*.

*Ulolomia*, id est, *solimembra*, est totius corporis, ex membris compago, 1. de usu part. 8.

*Umbilicus*, nihil aliud est, quàm multitudo magnorum vasorum, quæ ex multis parvis venis, & arteriis, & propaginibus earundem per totum Chorion dispersis, conflata eo loco unitur, per quæ ipsissima vasa, & sanguis, & spiritus ad fœtum derivatur, in medio urinaculum habentium, lib. de dissect. vulv. cap. 10.

*Uncia*, habet drachmas octo, quæ drachmæ etiam *Holce* dicuntur; *drachma* habet siliquas duodeviginti, alii dicunt scrupulos tres: scrupulus, sive scrupulus, habet obolos duos, (hodiè gr. xx.) obolus siliquas tres, lib. de pond. & mens. cap. 3.

*Undosus pulsus*, vide *Vermiculans*.

*Unguis*, sive *Ungula*, vide *Pterygium*.

*Unio*, vide *Prosthesis*.

*Unionis solutio*, sive *Continuitatis solutio*, est morbus, in quo partes, quæ secundum naturam unionem acceperunt,



perunt, inter se solvuntur, lib. de const. artic. cap. 6.  
 quæ quidem unionis solutio, si in osse fiat, dicitur *Fra-*  
*ctura*, seu *Catagma*; in nervosis musculorum partibus  
 ex distentione, *ruptura*; in fibris *Convulsio*, seu *Spasma*;  
 in carne ex vulnere, *incisio*; ex aliquo acuto, *punctura*  
 seu *punctio*; ex aliquo gravi, *contusio*; ex erosione in  
 osse, *Teredon*; in carnosus partibus, *Ulcus*; in instrumen-  
 talibus & ligamentis, *avulsio*, sive *apospasma*, ibidem;  
 in vasis miculisque, ex violento ictu, vel gravi casu,  
 vel alio quopiam valente motu excitata, *Rhegma*, &  
*Tiblasma*; cum contusione & ruptione, *Ecchymosis*,  
 4. meth. 1. ab aliquo acuto occurrente, atque absce-  
 dente, *Incisio*, *Dissectio*, & *Sedes*, lib. de caus. morb. c. 11.

*Univerſalis morbus*, vide *Communis*.

*Vnivoca*, vide *Æquivoca*.

*Vocis organa* voco, per quæ spiritus redditus vocem  
 efficit; hæc sunt aspera arteria, guttur, fauces, veluti  
 spiritus plectrum, per ipsas transeuntis; nam hæ vocis  
 instrumentum sunt, ut locutionis, lingua.

*Vola manus*, nominatur supina pars manûs, juxta pol-  
 licem affurgens, Græcè *ἤνας*; cui pars opposita, *Hypo-*  
*thenar*, & *Subvola* vocatur, 1. de usu part. cap. 17.

*Voluntarius motus*, vide *Motuum species*.

*Volvulosa*, *Stomachi subversio*, vide *Subversio*.

*Volvulus*, vide *Ileos*, & *Chordapsus*.

*Vomica*, vide *Sinus*, *Fistula*.

*Vomitum*, & *Nausea*, expultricis facultatis ventriculi  
 depravati motus sunt, ad ea, quæ hujus in cavitate con-  
 tinentur, noxia quàm citissimè per stomachum vacuan-  
 da; Nec idem est vomitionibus & singultientibus mo-  
 tus, quippe in vomitionibus ea, quæ in capacitate sunt  
 ventris, rejiciuntur; in singultu, quæ in ipsâ ventricu-  
 li sunt substantiâ, & fibrosis nexibus simili scilicet tùm  
 affectu, tùm motu, qualis est iis, qui ex intemperie tuf-  
 siunt, omnibus nimirum ventriculi partibus, quod sibi  
 molestum est, expellentibus, 3. de sympt. caus. cap. 2.

*Vra-*

*Vrachòs*, appellatur meatus & ligamentum, quod infantis umbilico inseritur, ex quo etiam ille enascitur, & suspensus est, qui ipse meatus mutuo congressu quinque vasorum umbilicalium absolvitur; nam à venis, quæ secundas implent, binæ prodeunt venæ, ab arteriis ibidem sitis, itidem binæ arteriæ, & à nervis unus nervus, qui complicati mutuo, Umbilicum absolvunt, libr. Introd. cap. II. vide *Umbilicus*, & *Vrinaculum*. *Ovexççs* sive *çexççs*, allantoëidis tunicæ est initium, perforaturque satis lento & evidenti meatu ad fundum vesicæ ipsius foetus, sic ut allantoëides cum vesicâ *τῆς çexççs*, qui medius inter utrasque est, conjungatur. Per eum urina foetus deferitur in allantoëidis cavitatem longam, angustam, rotundam, quæ in ipsius fines magis effunditur, ne amnion, chorion, uterum, ipsumque foetum premat. Neque enim urinam retineri intra vesicam expediebat, neque per vesicæ cervicem reddi, ne foetui circumfusa ejus cutem exulceraret.

*Vraniscus*, id est, *parvum cælum*, quod Latine *palatum* dicitur, pars est oris superior, à cœli similitudine nomen accipiens, lib. finit. quod in cœli modum cameratum sit. Dicitur etiam *çogççs*.

*Urentia*, vide *Cautica*.

*Ureteres*, sunt meatus quidam oblongi, & fortes, Pori urinarii dicti, qui renes vesicæ committunt, ducentes per colatoria, urinas à sanguine segregatas, ad vesicam, §. usu part. §. Qui Urinarii meatus, nec arteriæ sunt, cum nec pulsant, nec duplici consistunt tunica; neque *venæ*, quia sanguinem in se nullum continent, nec similem omnino venæ habent tunicam; à nervis autem plùs distant, quàm à jam dictis, I. nat. facul. c. 6. *Ovexççs* & *çexççs* dicuntur Græcè: Habetur autem utrinque unus, qui constans tunica tenui, sed densâ, & fibris tantùm obliquis textâ, à renis sinu per ejus sinuam partem super lumbos fertur, ubi alteram à peritonæo tunicam venulis & arteriis intertextam

mutuâ.

mutuatur : tandem verò inter vesicæ tunicas spatio brevi interlapsus, paulò supra vesicæ os in ipsius capacitatem erumpit. Ad ipsum autem foramen membranulæ geminæ ex vesicæ corpore propendent, veluti processus quidam, quæ urina in vesicam ab uretere delabente cedunt & aperiuntur, eademque, ubi vesica plena est, urinam in uretera regeri & remeare prohibent.

*Urethra*, sive *Urithra* est meatus penis, urinæ reddendæ accommodatus, quem & *fistulam urinariam* appellant, 4. aphor. 82. Oritur à cervice vesicæ, 1. loc. aff. 1. vide *Fistula urinaria*.

*Uretica*, vide *Diuretica*.

*Urina*, quam Græci *ουρον* vocant, est excrementum tenue & aquosum sanguinis, 3. usu part. 5. vide *Lotium*.

*Urina optima*, cujus sedimen tum album, & læve, & æquale extiterit omni tempore, usque dum judicatus fuerit morbus, lib. de atrâ bile, cap. 8.

*Urina culum*, quod Græci *ουρητήρ* vocant, est & dicitur illud, quod ex venis duabus totidemque arteriis, & uno nervo simul in *χεῖρα*, sive muliebribus locis, quandam quasi caudam conficit : hoc meatu, qui à supremâ foetus vesicæ fundi regione, per umbilicum in cavitatem pertinet, quæ inter secundum & tertium consistit involucrum, lotium in allantoeideâ tunicam derivatur. Hunc solers natura excogitavit atque fabrefecit, ut foetus urinam, longiùs à corpore summoveret ipsius, & ne per vesicæ cervicem urina reddita, admotaque teneræ cuti, ipsam suâ exulceraret acrimoniâ. Apud Hippocratem lib. *περὶ κερδίας*, ita legitur : *ὅθεν τῆς καρδίας νέμεται τὴν ἐξαπὴν, ἀλλ' ἐγκαταλείπει τὸν ὕδαρκα καὶ στερόν ἐστιν* ; ubi pro muerone cordis sumitur. Vel brevius : *Urina culum* est meatus, qui ex fundo vesicæ exortus, lotium in tunicam allantoeidem prægnantis mulieris derivat ; quæ ita à similitudine figu-

rae, quam habet cum intestinis, appellatur, 15. de usu part. cap. 15. vide *Vrachos*, & *Vmbilicus*.

*Vrinarii*, vide *Vreteres*.

*Vrinarii meatum*, Græcè *ὑγρὸς, ἐκσπῶα*, vide *Vreteres*.

*Vrinæ difficultas, & suppressio*, vide *Ischuria*.

*Vrinæ profluvium*, vide *Diabetes*.

*Vrinæ stillicidium*, vide *Ischuria*. 3. aphor. 16.

*Vrinæ substantia*, vide *Consistentia*.

*Vron*, vide *Vrina*.

*Vteraria*, vide *Hysterica*.

*Vteri suffocatio*, est respirationis ob uterum p. n. affectum ablatio: quæ & *Apnoea* vocatur; eandemque *Vterinam suffocationem*, & *strangulationem* appellant, 5. aph. 35. denique & *Hystericum morbum*, 4. de caus. puls. 22.

*Vteri Rheuma*, vide *Menses*.

*Vterus*, *Μήτρα*, *Vulva*, & *Matrix* appellatur, est ea corporis pars, quæ mulieribus ad concipiendum & pariendum, à naturâ est concessa, 6. loc. aff. 5. Magnitudo mediocris uteri longa ut plurimum est undecim digitos, à fundo ad pudendum. Ad ilia autem præcipuè cornibus extenditur. Distinguitur autem uterus sinu duplici, quem *κόλπον* appellant, dextro & sinistro, per illam tunicæ propriæ in medio glutinationem futurâ quâdam, qualis scroto inest, obscuriore tamen foris designatam. Vteri os in virginibus & utero gerentibus, & sterilibus, & parere cessantibus est glandi virili persimile: parturientibus verò & recens enixis adeò extenditur & patet, ut nihil ejus superfit, sed cavitas una propè æqualis à fundo uteri ad pudendum appareat. Id os à conceptu multum contrahitur, teste Hippocrate, mediocriter autem aperitur, dum semen recipit, aut ipsum excernit, vel menses: idem os epiploon inter vesicam & uterum illapsum in valde obesis comprimit, & conceptum impedit, ut scribit Hippocra-



pocrates. Uteri collum est corpus musculosum carne durâ & cartilagosâ constans, in annos semper magis durum & cartilagosum evadens, ita ut vetulis jam sit simile summitati asperæ arteriæ, ut rectè comparavit Herophilus. Colli autè uteri os *Cunius* Latine dicitur.

*Viricularii*, vide *Hyderici*, & *Ascites*.

*Vva*, vide *Gargareon*, & *Staphyle*.

*Vvæ*, *Paristhmia*, & *Tonsillæ*, nihil aliud sunt quam inflammationes: *Vvæ* quidem *Gargareonis*, *Tonsillæ* verò adenum eorum, qui in principio faucium inter se oppositi sunt, quemadmodum *Paristhmia*, corporum eorum, quæ in faucibus sunt. Videtur autem Hippocrates non omnem *Gargareonis* inflammationem *uvam* nominare, sed unam solam speciem, quâ *Gargareonis* terminus similis acino *Uvæ* est, lib. de tumor. cap. 17. vide *Staphyle*, & *Gargareon*.

*Vvæ* *vinosæ*, quæ nullam vehementem qualitatem habent, 2. de aliment. fac. cap. 9.

*Vvæ* *oculi tunica*, vide *Rhagoeides* & *Cærulea*.

*Vviformis*, vide *Rhagoeides* & *Cærulea*.

*Vulgaris morbus*, vide *Communis morbus*.

*Vulsio* (aut potius *Divulsio*) est, cum fibræ musculorum nimis distentæ rumpuntur; aliàs *disceptio* appellatur, 3. de iis, quæ in med. 30.

*Vulva*, vide *Hystera* & *Vterus*.

*Vvula*, vide *Staphyle*.

## X.

**X**EROPHTHALMIA, *ξηροφθαλμία*, id est, arida lippitudo, dicitur, cum anguli oculi ulcera, & aspritudinem, pruritusque contraxerunt, palpebræ insuper rubent, & lacryma falsa, & nitrosa ab oculis profluit, libr. Introd. cap. 15. vide *Sclerophthalmia*.

*Xerotes*, *ξηρότης*, siccitas una est ex quatuor primis qualitatibus. Eam autem quadruplicem in nobis accidere,

dere,  
est, q  
læ, q  
riâ. S  
mutu  
nibus  
sus. E  
stanti  
sunt li  
mata  
lida fi  
Quipp  
ries el  
ex di  
fluvio  
diutu  
sâ pro  
arden  
quæ  
exficc

Xu  
Xip  
Xyl

Z  
Græc  
Julep  
stillat  
rûm d  
sais co  
nis, net

dere, Galenus annotavit lib. 7. meth. quarum prima est, quæ in exilibus venis & arteriis cujusque particulæ propriis consistit, quæ provenit ex sanguinis penuriâ. Secunda est, cum propria humiditas, unde partes nutriuntur, omnino est assumpta. Continetur ea in omnibus animalis partibus, ceu ros quidam per eas sparsus. Est præterea siccitas utique quum ea quorum substantia ex humore concreto constat, sicut caro & adeps, sunt liquata. Quarta est prorsus insanabilis, si consummata fuerit; est autem prorsus consummata, ubi solida simularium partium substantia reddita est siccior. Quippe quod senium est in morbis, id sicca intemperies est in ægris. Porro ejusmodi siccitates proveniunt ex diuturnis evacuationibus, quæ vel ex ventris profusio, vel intestinorum lævitate, vel dysenteria, aut diuturnis vomitibus, aut vigiliis, aut tali aliâ de causâ proveniunt, aut longi temporis fame, & febribus ardentibus longis, atque ut in universum dicatur; quæcunque ipsas animalis solidas partes vehementer exsiccant, sicuti & hæcticæ febres.

*Xerotribia*, id est, *sicca frictio*, 8. method. 2.

*Xiphoeides*, vide *Pectorale os*, & *Cartilago ensiformis*.

*Xyster*, vide *Aures*.

## Z.

**Z** O O G O N I A, *Ζωογονία*, id est, animalium perfectorum generatio univoca, libr. de constit. art. cap. 13.

*Zulapium*, *Actuarius*, & alii recentiores Græci, barbarâ voce appellant id, quod hodiè *Iuleb* & *Iulepum* itidem barbaro vocabulo nuncupamus: fit è stillatitio liquore, aut etiam è succis, & saccharo tantum decoctis, ad justam consistentiam, ut ex Mesue satis constat; licet *Seplasiarii* ab eâ formâ compositionis, nescio quo jure, nonnihil discesserint.

K k

*Zygo-*

*Zygoma*, os jugale est, quod temporis musculo præpositum, transversam in medio futuram habet, cujus posterior pars cum capitis osse, quod juxta aures est, anterior cum parte supercilii extremâ, ad parvum oculi angulum, continuatur, lib. de ossib. cap. 2. quod duplex est, ad utramque aurem, super foramina, per quæ facultas audiendi est, emergit, libr. Introd. cap. 11. vulgò os parvum vocant, alii *jugamentum*, Græcè autem *ζυγωμα*, sive *συζυγῶδες*, quasi conjugale, & ex duobus conjugatum, vocatur. Est autem solidum & durum in lapidis modum, medullæ expers, & foris quidem gibbum: intus verò cavum, quod musculum temporalem, quem subjectum habet, & cui velut propugnaculum objectum est, contineret, & ab externis injuriis vindicaret. Siquidem sub hoc osse musculus ille magnâ ex parte delitescit.

*Zymoma*, *ζύμαμα*, seu *ζυμεν*, fermentum, est farina subacta, quæ acorem contraxit. Subigitur aquâ, priusquam addatur sal, & quia non perfectè coquitur, putrescit, caloremque & acrimoniam à putredine concipit, ut & alia quæ putrescunt omnia. Simul autem & tenuitatem partium & aciditatem acquirit, veluti acetum, quod putrescente vino tale evadit. Ergo quantò vetustius fermentum fuerit, tantò est præstantius. Sic enim calidius, acrius, & tenuius est, magisque ea quæ in alto fixa sunt attrahit & discutit. Miscetur ob id panificiis, leviolemque panem, & concoctu digestuque faciliorem exhibet. Miscetur & medicamentis extrahentibus & digerentibus, atque etiam suppurantibus.

*Zymosis*, *ζύμωσις*, fermentatio, ut Plato definivit, est terrenæ substantiæ motus simul, & in aërem resolutio. Est enim motus, fermenti vi factus in terreno crassoque corpore, quo in tumorem levem attollitur, conceptoque aëre distenditur, inflatur, & quodammodo ebullit. Id quod fermentum farinæ triticeæ subactæ indicum evidenter præstat, & in multis rebus tum simplici-

plicibus, tum compositis, quæ per se eam vim fermenti acquirunt, manifestò cernitur. Ipse enim vini fervor in dolio, & solidiorum medicamentorum, ut Michridatii, Theriaces, & conservarum, ut appellant pharmacopolæ, ebullitio (neque enim Plato inter ζῆον & ζύμων distinguit, utrumque eâdem definitione comprehendens) quædam fermentatio est, etiamsi inde acida non fiant, ut nec ipse panis fermentatus. Idem effectus & in atrâ bile apparet, quæ incendio bilis flavæ genita, terram in quam effusa fuerit, abradit, & partes quæ raduntur omnes in altum attollit. Est enim is humor aceto simillimus, ex quo in terram effuso idem omnino fieri apparet, cumque propterea veteres humorem acidum nominaverunt, æquè ut pallidæ bilis, amarum. Ab eâdem causâ etiam ὀξὺς ἰζουρωδία, hoc est, urinæ fermentatæ dicuntur ab Hippocrate, ut annotat Galenus. Sicut enim in terram acetum acre effusum protinus intumescens quasdam terræ partes sursum simul attollit, sitque compositum quoddam ex terrestri substantiâ aceti, humiditate, & vaporoso spiritu, aut veluti effusâ in terram atrâ bile, aut in fervente musto, motio quædam spirituosa manifestò assurgit, aut sicut in panibus quotidie, misto farinæ subactæ fermento & mediocriter macerato, fermentatio fieri cernitur, fusâ simul & intumescente, quæ fermentatur, substantiâ: sic & in urinis aliquando crassis multum spissisque levis quidam fervor per agitationem excitatur, motisque & rarefactis spiritibus in eâ conclusis, in majorem, quam cum primùm excretæ fuerant, tumorem attolluntur.

Σύμωσις ἥπατος, jecinoris tumor œdematosus dicitur apud Hippocratem, ut annotavit Erotianus.

Zone, dicitur pars ea corporis quâ cingimur apud Hippocratem; quanquam sint qui τῇ ὀσφύϊ interpretentur, ut annotavit Erotianus. Est & ζώνη ignis sacer, sive herpetis species, sic dicti, quod medium quodam-



dammodo singat, & complectatur hominem, ut author est Scribonius Largus, cap. 62. scribens, medicamentum Andronis facere ad carbunculos & ignem facrum, & ad Zonam, quam Græci *ζώνη* dicunt: sed magis usitato nomine *ζωή* appellatur. C. Plinius Secundus lib. 3. quem scripsit de medicinâ, ait τὴν ζώνην à quibusdam *circinum* appellari, fierique hunc in modum: vesicæ tanquam combustæ exeunt & crepant, primum paucæ, deinde citò multiplicantur, quæ si hominem cinxerint, occidunt.

*Zotica dynamis*, *Σωτηρὶς δυνάμις* est facultas vitæ conservatrix. Nam cum vita nil aliud sit quam copula animæ & corporis, eaque uno calore nativo contineatur, meritò ea facultas vitæ conservatrix haberi debet, cui à naturâ caloris hujus gignendi, continendi, partibusque omnibus impertiendi cura commissâ fuit. Eam facultatem Medici vitalem appellarunt multò præstantiore nomine, quam reliquas facultates, quæ quamvis tam sint ad vitam necessariae, ut sine ipsis ea nullo modo constare possit, prærogativam tamen eam habet vitalis, ut per eam vita consistat. Siquidem calorem nativum, quo uno vivimus sola moderatur. Cujus rei causa in corde residet, viscere nobilissimo: quod propter ea omnium in corpore primum vita fruitur, & postremum vivere desinit, situmque est medio in corpore, ut quoquo versum calorē suum in omne corpus effundat. Neque enim satis naturæ visum est nativū calorem singulis partibus in ipsâ primâ conformatione indidisse, qui fixus à medicis dicitur: sed quoniam multis de causis alterari, imminui, digeri, extinguiq; potest, eum perpetuū alterius caloris *ὑποζωῆς* accessione refici, atque instaurari oportuit. Quod quidem munus facultatis vitalis proprium est. Eo autem ut defungeretur natura, cor condidit hujus caloris sedem, in cujus ventriculo maxime sinistro tanquā in fornace coqueretur. Materia ejus pabulumque sanguis est, atque sanguinis vapor, quem dexter

dexter cordis sinus suppeditat, qui postea perenni cordis motu elaborat, & calidior tenuiorque effectus vitalis spiritus nomen accipit, non tam jam pabulum caloris illius nativi quam vehiculum. Calor namque natus duobus iis comitibus in singulas corporis partes per arterias decurrit, earumque perpetuâ pulsatione calorem ipsis à naturâ insitum temperat atque refecillat. Idem enim præstat universo corpori arteriarum motus, quod cordi respiratio, quæ aëris inspiratu non modò calorem in corde alioqui exardescentem teniter ventilat, sed etiam adauget, expiratione verò fuliginosis excrementis liberat. Itaque cùm facultatis vitalis munus proprium præcipuumque sit vitæ conservatio, caloris nativi beneficio: vel si mavis caloris nativi, quo uno vita continetur, generatio & custodia: præstari autem id non possit absque cordis & arteriarum pulsu, ut qui in eo in opere habeat rationem causæ per quam vita calorque natus conservetur: consentaneum est vim quoque pulsficam facultatis vitalis functionem esse: neque enim pulsus aliud est, quam caloris nativi motus. Sed nec minus inter ejusdem facultatis actiones annumeranda sunt animi pathemata, quæ & ipsa motus sunt nativi caloris, sed diversi à pulsu generis. In pulsu namque, tum in ipso corde motus fit, tum per arterias: per animi verò pathemata non in corde modò cientur caloris motus, sed per universum etiam corporis habitum sentiuntur. Si quidem in mœrore & metu, adhæc iræ & verecundiæ initio, calor natus intro cum spiritu & sanguine recurrit: contrà in gaudio, irâ, & verecundiâ jam vigente, ad cutem cum spiritu & sanguine plurimus erumpit. Quorum quidem motuum concitandorum facultas *ῥυθμιδὴς* à Philosophis appellata fuit. Ex quo patet facultatis vitalis geminam esse differentiam *σφυγμικτὴν* & *ῥυθμιδὴν*.

F I N I S.

Kk 3

PRÆ.

# PRÆCIPUARUM ARABICARUM

vocum, ad artem medicam facientium, ordine  
Alphabetico series; in quâ videre est, quæ Arabi-  
ca vox, cui Græcæ & Latinæ reddatur, & signifi-  
cato respondeat.

Arabicæ.	Græcæ.	Latinæ.
<b>A</b> Bgas,	Chorion,	<i>Amnium tunica.</i>
Abortus,	Amblofis,	Abortus, Deperditio.
Abrahamia,	Cacoëthe,	Maligna ulcera.
Accidens,	Symptoma,	Passio, Coincicens.
Achael,	Psellotes,	Tractus, Balbus.
Achilus, Albaras,	Egilops,	Anchilops.
Achmas,	Pedion,	Planta pedis.
Achimon,	Argemon,	Iridis oculi ulcus.
Acras, Arsarum,	Priapismus,	Tentigo.
Adhalegi,	Palmos,	Palpitatio.
Actualis dolor,	Niticos,	Perforativus.
Aderet fluxus,	Hepaticus affectus,	Iecoris imbecillitas.
Adorem,	Raphè,	Sutura. (tiones.
Adorem corticatus,	Lepidoeides,	Squamosa conglutina-
Adorem laudæ,	Lambdoeides,	Sutura occipitis.
Adorem mendosæ,	Lepidoeides,	Sutura juxta aures.
Adustriva, (me, Causon,		Adurens febris.
Adustrivum, Aufu-Epicuma,		Sordidum ulcus oculi.
Afficem,	Ophthalmia,	Lippitudo.
Alabene,	Supinitas,	Succubus.
Alacaran,	Ancyroceides,	Anchoralis processus.
Alachabab,	Pierna,	Calcaneus, Calx.
Alachun,	Larynx,	Asperæ arteriæ caput.
Alagiagi,	Ostion hieron,	Os sacrum.
Alaiuanæ,	Zoticæ dynamis,	Vitalis virtus.
Alandagi,	Anadosis, diapho-	Digestio, Concoctio,
Alarbian,	Sarcomata, (resis,	Polypus narium.
Alasch idem ac	Ilischi, vide infra.	

Ala-

Arabicæ.

Græcæ.

Latinæ.

Alasçilez,	Splenica,	Salvatella vena.
Alastardad,	Apothèrapia,	Recreatoria.
Alatabal,	Coryza,	Gravedo.
Alatzar,	Edropion,	Palpebræ inversio.
Albaras alba,	Leuce, Alphos,	Morphea alba.
Albaras nigra,	Lepra,	Morphea nigra.
Albarnaber,	Carcinoma,	Cancer narium.
Albatagin,	Carpus,	Brachiale.
Albere.	Mesogastrium,	Ventri medium.
Albhear,	Dyspnœa,	Difficultas spirandi.
Alborati,	Omphalus,	Umbilicus.
Albothin,	(bedo, Terminthi,	Exitura nigra.
Albugo, Panus, Al-	Leucoma,	Cicatrix oculi.
Aleasa,	Inion,	Occiput.
Alcahab,	Astragalus,	Talus.
Alcangiari,	Sternon,	Os pectoris.
Alcarba,	Phalacrofisis,	Calvitium.
Alcusi,	Achlys,	Caligo oculi.
Alchab,	Astragalus,	Clavicula, Talus.
Alchada,	Omo-plata,	Humerus. (guâ.
Alchael,	Aphonia,	Voci carentia ex lin-
Alchael,	Diaphragma,	Precordia.
Alchalsun,	Larynx,	Guttur.
Alchama,	Choana, Pyelos,	Infundibulum, Lacuna.
Alchamar,	Amblyopia,	Cæcitas solis intuitu.
Alchambar,	Anœa,	Amentia.
Alchangeri,	Sternon,	Ensiformis cartilago.
Alchatim,	Psoæ, Ischi,	Lumbi.
Alcheffecçini,	Metacarpium,	Post-brachiale.
Alcheffir,	Porus,	Meatus.
Alchei,	Ostœon hierôn,	Os sacrum.
Achelos,	Taraxû,	Oculi perturbatio.
Alchirunie,	Chironia,	Ulcera rebellia.
Alchbool,	Xerocollurion,	Collyrium aridum.
Alchola,	Aphthæ,	Oris ulcera.
Alchola maligna, Nome,	Phagedœnæ,	Ulcera depascentia.



## Arabicæ,

## Græcæ,

## Latinæ.

Alcosbot,	Apostasis, apostema,	Abcessus. (nus,
Alcude,	Cephalæa,	Dolor capiti diutur-
Alcurati,	Dysenteria,	Tormina.
Alcuzez,	Tetanus,	Spasmus, Convulsio.
Aldaragi,	Raphe,	Sutura.
Aldebba,	Cynanche,	Angina.
Aldebul,	Marasmus,	Marcor. (do motus.
Aldes,	Narce,	Ignavia, torpor, hebetu-
Aldhen,	Diancea,	Mens.
Aldemamid,	Dothien,	Furunculus.
Aldememul, idem ac	Aldemamil, &	Aldemamir.
Alderab,	Diarrhoea,	Alvi profluvium.
Alderabe,	Vla,	Gingiva.
Alderex,	Gaster encephalos,	Ventriculus cerebri.
Alduar,	Scotoma, scotodinos,	Tenebricosa vertigo.
Alaubellet, idem ac	Dubellet, &	Dubellati, vide infra.
Alenada,	Anadosis,	Digestio.
Alfasch,	Hypochelon elcos,	Sinuofum ulcus.
Alfasd,	Plebotomia,	Venæ sectio.
Alfase,	Hæmalops,	Sugillatio oculi.
Alficume,	Epicauma,	Nubes uveæ.
Algaras,	Ægilops,	Fistula lacrimalis.
Algasamach,	Epiglottis,	Superlingula.
Algeromati,	Esthiomenos,	Herpes excedens.
Algeffa,	Emphysema,	Pneumatosis, Inflatio.
Algiebar,	Mydesis,	Lusciosus affectus.
Alguama,	Cirofa, Picatio,	Appetitus depravatus.
Alguardenigi,	Ophthalmia vera,	Lippitudo vera.
Alguasfa,	Melancholia,	Melancholia.
Alguati,	Sperma,	Semen.
Alhac,	Teno, Aponeurosis,	Tendo, Enervatio.
Alhacel,	Paraphrosyne,	Delirium, (ta aures.
Alhadani,	Parotis, Chœras,	Struma, Abcessus jux-
Alhadiuth,	Gonorrhœa,	Spermatica egestio.
Alhael,	Adenes,	Emunctoria, glandulæ.
Alhagiagi,	Ostœin hyerôn,	Os sacrum.

Alha-

Arabicae.

Graecae.

Latinae.

Alhagran,	Perinaeon, Femen.	Interfemineum.
Alhaliben,	Adenes,	Inguina, emunctoria.
Alhamear,	Paraphrosyne,	Insania, Fatuitas.
Alhasad,	Ancon,	Cubitus.
Alhasos,	Coccyx,	Cauda. (ignum
Alhauis,	Ostorin hieron,	Os sacrū, latum, ma-
Alhauti,	Eusarcon,	Quadratum corpus.
Alheame,	Phlebs metōpu,	Vena frontis.
Alheafme,	Ecpiesma,	Fractura cranei.
Alhumor,	Bothria,	Alveoli dentium.
Alices,	Scordinema,	Pandiculatio.
Alicod,	Proptosis,	Oculi procidentia.
Aliebat venæ,	Carotides,	Soporaria, apoplectice.
Alintisar,	Mydriasis,	Vvæ dilatatio.
Alisema,	Coryphe,	Vertex capitis.
Allebe,	Sphage,	Iugulum.
Allui,	Cynicus spasmus,	Canina convulsio.
Almabad,	Phlebs ancyles,	Vena Poplitin.
Almachade,	Hedra, Archus,	Anus, Sedes.
Almâthein,	Renteres,	Anguli majores oculi.
Almadiam, idē ac	Almabad, &	Almadab.
Almadid,	Phlebs,	Vena.
Almagabin,	Adenes,	Emunctoria.
Almagiat,	Proptosis,	Procidentia.
Almaxaben,	Maschalū,	Axilla.
Almecheni,	Canthus,	Angulus oculi.
Almellietu,	Episemasia,	Annotatio febrū. (tia.
Almeneumat,	Narcotica,	Somnifera, Stupefacien-
Almenhenein,	Psoa, (ptosis,	Lumborum caro.
Almerségi,	Rhagoëidi pro-	Vvæ procidentia.
Almes,	Catochus, catalepsis,	Deprehensio, Alienatio.
Almesemar,	Porus, Helos,	Callus, Clavus.
Almesfat,	Phoxos,	Acuminatum caput.
Almessere,	Erysipelas,	Vicinirubiam.
Almetacargie,	Myxa,	Mucor.
Almirach,	Mys,	Musculus.

Arabica.

Græcæ.

Latina.

Almismar,	Helos,	Clavus.
Almochati,	Pericranion,	Pericranium.
Alnefseme,	Psychicè dynamis,	Animalis virtus.
Alnisuchat,	Errhyna,	Caput-purgia.
Alofos,	Lordosis,	Luxatio.
Alofos,	Coccyx,	Cauda.
Alrabin,	Asthma,	Anhelatio.
Alrad,	Sarcotrauma,	Carni vulnus.
Alrahaune,	Paraphrosync,	Delirium.
Alrasase,	Epigonatn,	Patella.
Alraute,	Pterygia,	Alæ, Pinnulæ nariū.
Alrosbot,	Porus sarcoticus,	Porus carneus.
Alruic,	Paracme,	Declinatio.
Alsabiā,	Comatosa,	Somnifera opiatæ.
Alsaguaid,	Embryon,	Fœtus.
Al'ahad,	Pechys,	Vlna, Cubitus.
Alsahafati, idem ac Sahafati, vide infra.		
Alsaim,	Nestn enteron,	Iejunum intestinum.
Alsamach,	Typhlon trema,	Cœcum foramen.
Alsamach,	Orys,	Aurū.
Alsaria,	Epilepsia,	Morbus comitialis.
Alsarnach,	Hydatis,	Aquila. (tia.
Alsaterel,	Ancyloblepharon,	Palpebrarū coherentia.
Alsedā,	Thlasma,	Contusio.
Alsedar,	Scotomia,	Tenebrositas.
Alsedeid,	Brachion,	Brachium.
Alseedic,	Meliceris,	Melleus abscessus.
Alselac,	Scleriasis,	Palpebrarū durities.
Alseriaran,	Catharticum,	Purgans.
Alshara,	Epilepsia,	Comitialis morbus.
Alshautat,	Errhyna,	Caput-purgia.
Alshela,	Ganglia,	Contractiones.
Alsiafie,	Hegemonica	Rectrix virtus animæ.
Astrengi,	Cerion,	Favus.
Alsurbed,	Phlebs hypoglottin,	Vena sub linguā.
Alsarfar,	Hyposphagma,	Cruentia suffusio.

Alu-

Arabicæ.

Græcæ.

Latinæ.

Alienefes,	Diaphnoë,	Transpiratio.
Alterbet,	Cachexia,	Prævus habitus.
Altharas,	Barycoia,	Obauditus.
Althaun,	Phygetklon,	Apostema pestilens.
Altheca,	Traulm,	Balbus.
Althoin,	Bubo,	Abscessus pestilens.
Althumar, idem ac	Alchamar,	
Althute,	Hæmorrhoid,	Sanguiflua vena.
Althualil,	Acrochordon,	Verruca.
Aluardengi,	Chymosis,	Palpebræ distorsio.
Aludi,	Gonorrhœa,	Seminis fluxus.
Aluebe,	Palmôs,	Palpitatio.
Alunum,	Bothrion,	Ulcus cavum oculi.
Alureschin,	Exanthemata,	Pustulæ.
Alusus,	Parancea,	Dementia. (lities.
Alzamane,	Paralysis,	Resolutio nervorum, mol-
Ancha,	Meros,	Femur, Crur.
Anulus,	Larynx,	Asperæ arteriæ caput.
Anulus,	Bothrion,	Fassula.
Aqua Cranii,	Hydrocephalon,	Aqua capitis.
Aqua descendens,	Hypochyma,	Suffusio.
Arcuatio,	Scoliosis,	Luxatio postica verte-
Areffatu,	Epigonatû,	Patella, Genu. (bravû.
Arsatum.	Priapysmus,	Tentigo, Penis rigidus.
Arteria Orithi,	Aorta,	Magna, Crassa.
Arteria Arulidi,	Leiai,	Arteriæ leves.
Arteriæ subnecti,	Carotides,	Soporariæ.
Artetica,	Arthritû,	Articulari morbus.
Aschachilos,	Sphacelus,	Membrû demortuum.
Ascham,	Pathos, Psthema,	Passio.
Asef,	Hydrôon,	Sudamen.
Aseid,	Pechys,	Cubitus, Vlna.
Aselha,	Oedema,	Tumor laxus.
Asellata vena,	Maschaliaia,	Axillari vena.
Asestra,	Ectropion,	Palpebræ inversio.
Atanatum,	Bubon, Lamos,	Abscessus pestilens.
		Atasus,



Arabica.

Græcæ.

Latina.

Atasus,	Pneumatosis,	Inflatio.
Athaoarugi,	Myxa,	Mucor.
Atherael,	Apostema,	Abcessus.
Aures muris,	Myos otis,	Murn auticula.
Balchee,	Telephion elcos,	Vlcus Telephium.
Balchie,	Psydracia,	Pustula capiti.
Bancharas,	Panereas, callicreas,	Caro glandulosa.
Barachien,	Bubon, Leemos,	Apostema pestilens.
Baras,	Pforonychia,	Scabrities inguinium.
Barbati,	Oschedon,	Scrotum, bursa testis.
Basilare os,	Sphenois, Polimorphii,	Os palati.
Bathara,	Anthrax pestilens,	Carbo, ulcus eschara.
Baurach,	Aphronitrum,	Salnitrum, (ticum.
Bear,	Dyspnœa,	Difficultas spirandi.
Beditus,	Strumæ, Choerades,	Scrofulæ.
Benat noctis,	Epinyctis,	Nocturna effloratio.
Beriteron,	Peritonæon,	Peritonæus tunica.
Besbeia,	Polypus, Sarcoma,	Caro multipes na-
Betaram,	Entope,	Incisio, (rius.
Bezabartica,	Alexipharmaca,	Ad venena pharmaca
Bezel,	Paracentesis,	Punctio, Perforatio.
Biles,	Allantoeides,	Intestinalis tunica.
Birsen,	Pleuritis,	Lateralis dolor.
Bolismos,	Bulimos,	Ingens esuritio.
Bothor,	Bothor,	Pustula.
Bothor,	Synchyses,	Exitura oculi.
Brachium,	Brachion,	Brachium.
Buri,	Sarcocele,	Carnosa hernia.
Cadar,	Hemiplexia,	Dimidii corporis re-
Cafacan,	Cardia,	Cor. (solutio.
Calcataron,	Pterygium,	Vngula oculi.
Callus,	Helos,	Clavus.
Calvitium,	Phalacrofis,	Capillorum casus.
Camaduci,	Inion,	Occiput, occipitium.
Cambium,	Chymus,	Sanguis, seu humor.
Camisia foetus.	Allantoeides,	Intestinalis tunica.

Cana-

Arabicae.

Græcæ.

Latinae.

Canalî,	Porus,	(fis, Meatus.
Cancrena,	Gangræna, Necro-Gangræna.	
Canna pulmonî,	Trachea arteria,	Aspera arteria.
Cannæ tibie,	Ocrea, Sura,	Ossa duo tibie.
Capsula cordî,	Pericardium,	Cordî involucrium.
Carabitus,	Phrenitî,	Delirium febriens.
Caras,	Aphonia, Traulus, Vox deperdita, depravata.	
Caratin,	Gesenteron,	Lumbrici terrestres.
Carenium,	Sapa, Siræon,	Mustum coctum.
Carmata,	Bubon,	Glandularû abscessus.
Caro addita,	Hypersarcosis,	Thymus.
Cassum,	Thorax,	Pectus.
Cataracta,	Hypochyma,	Suffusio.
Catalan,	Encope,	Incisio.
Chadessan,	Derein,	Excoriare.
Chahab,	Astragalus,	Talus.
Chalahan,	Exaribrema,	Luxatio.
Chasem,	Ozæne,	Narium ulcera.
Chatrab,	Lycanthropia,	Lupina insanîa.
Chede,	Anorexia,	Inappetentia.
Chesaram,	Catagma,	Ossium fractura.
Chila,	Cirfos,	Hernia.
Chî, Saccus,	Cyfin,	Vesica.
Chî hordei,	Ptisana,	Cremor hordei.
Cholera,	Chole,	Bilî.
Cholera citrina,	Picrocholos chymos,	Bilî pallida.
Cholera famosa,	Chole nota,	Bilî spuria.
Cholera min. famæ,	Chole melæna,	Bilî adusta.
Cholera nigra,	Chole melæna,	Bilî atra.
Cholera rubea,	Picrocholos chymos,	Bilî amara.
Cholera vitellina,	Chole lecithodes,	Bilî vitellina.
Cholirica passio,	Cholera,	Bilari.
Chranites,	Phrenitî,	Phrenitî.
Chuba,	Leichen, Lepra,	Impetigo.
Chuzex,	Tetanus,	Tensio.
Clypealî cartilago,	Chô dros, thyreoides, Scuriformis cartila-	(go.
		Cym-

## Arabicæ.

## Græcæ.

## Latina.

Cymbalaris,	Cricoeides,	Coôpertoria cartilago.
Cobol,	Collyrion,	Collyrium fustum.
Colcotar,	Chalcitū,	Vitrioli species.
Complexio,	Crafts, Symmetria,	Temperies.
Conach,	Hysterice pnix,	Vteri præfocatio.
Congelatio,	Catalepsis,	Deprehensio.
Congelatio dentium,	Hæmodia,	Stupor dentium.
Consimilia,	Homogenæ,	Similares partes.
Contorsio,	Scoliosis,	Obstipitas.
Conturbatio,	Taraxū,	Vellicatio oculi.
Convulsio canina,	Spasmus Cynicus,	Distorsio faciei.
Coronale,	Argemō, Leucoma,	Albugo oculi.
Corruptio ossis,	Teredon,	Ossis caries.
Cortex intestini,	Ephelcū, Ramenū,	Intestini tunica.
Coxa,	Meros,	Femur, Crus.
Cus,	Cneme,	Tibia.
Cutubuth,	Lycanthropia,	Lupina insania.
Darb, Darab,	Diarrhœa,	Alvi profluvium.
Debus,	Marasmus,	Tabes.
Demonium,	Mania,	Furor.
Dentes Atham,	Gomphii,	Molares, Sapientie.
Derezi,	Raphē,	Commissura, Sutura.
Diacuminum,	Diaspoleticum,	Ex cumino Pharmacū.
Dipsacos,	Diabetes,	Vrinæ profluvium.
Dislocatio,	Lordosis, Luxatio,	Exarticulatio.
Disnia,	Dyspnœa,	Difficultas respira-
Domestica vena,	Maschaliaea,	Interna. (tionis.
Dubellati,	Phlegmone,	Abscessus calidus.
Dura mater,	Meninx crassa,	Cuticularis tunica.
Durities,	Scirrhus,	Abscessus durus.
Embrocē,	Balaneion,	Balneum.
Empialos,	Hepiala,	Febris Hepiala.
Emulgentes,	Emulgentes,	Percolantes venæ.
Emunctoria,	Adenes,	Glandule.
Encaras,	Phlebs Mesaræi,	Vena mesaraica.
Endros,	Epididymis,	(Supergeminalis tunica.

Emr-

## Arabicæ.

## Græcæ.

## Latinæ.

Enervatio,	Paralyſis,	Reſolutio.
Epittima,	Epithemata,	Linimenta. (tio.
Effere,	Epinyctis,	(ſis, Effulgentia, Efflores-
Effere cholericum,	Phlegmone, Phlogo-	Inflammatio.
Efficos febris,	Heſtica,	Habitualis facta.
Exitura,	Apoſtoma,	Abſceſſus purulentus.
Exprefſio oculi,	Proptofis,	Vvæ prolapſus.
Fagdan,	Lordofis,	Spinæ luxatio.
Fames vacciva,	Bulimos,	Vehemens eſuritio.
Faricon,	Cauſon,	Febris ardens.
Fafelan,	Apocope,	Abſciſſio.
Febris triangulata,	Tetartæos,	Quartana.
Fedeban,	Hernia, Ramex,	Ruptura.
Ferifmus,	Priapiſmus,	Tentigo.
Feterat,	Paracme,	Remiſſio morbi.
Finſter muſculus,	Sphincter,	Conſtrictor.
Filachaliaſuch,	Stephanicea,	Sutura Coronalis.
Fechan,	Diaſtremma,	Luxatio.
Fiffura,	Rhegme,	Rima.
Focilia duo,	Cercis, Pechys,	Radius, Cubitus.
Fædion,	Epilepſia,	Puerilis morbus.
Formica,	Myrmecia,	Seſſilis Verruca.
Formica,	Herpes miliaris,	Serpigo.
Formicalis,	Myocephalon,	Muscæ caput.
Foffula,	Botrion,	Vlcus cavû ſcorneæ.
Franites,	Phrenitis,	Cum febre delirium.
Fricatio,	Anatripſis,	Friccio.
Furcula,	Cleis,	Clavis, Iugulum.
Furfures,	Pityriaſis,	Porrigo.
Fugule, Fulille,	Parotis,	Ad aures morbus.
Furfus,	Nympha,	Colliculum. (lens.
Gadu,	Scirrhus,	Tumor durus indo-
Galea, Ovum,	Cephalæa,	(Diuturnus capitis dolor.
Garab, Algaras,	Ægilops,	Vlcus anguli oculi.
Gafi,	Syncope,	Præceps viriû lapſus.
Gaunoij,	Parithmia,	Tonſillæ, Amygdalæ.

Ge-



## Arabicæ.

## Græcæ.

## Latinae.

Gedaul,	Mesæcon,	Mesenterium, laetēs.
Geleniabin,	Diarrhodomel,	Ex rosâ & melle cōpos.
Genu,	Gony,	Os tibiæ, Genu.
Gessa palpebræ,	Sclerophthalmia,	Scabrities palpebra-
Gibbositas,	Cylosois,	Distortio. (rum.
Gienun,	Mania,	Furor,
Gingia mater,	Pericranium,	Pericranium.
Glandulæ,	Ganglia,	Contractiones.
Grando oculi,	Chalazion, Postbia,	Hordeolum.
Guesques,	Melancholia,	Fatuitas. (res.
Guidex vena,	Sphagitiides,	Apoplecticæ, Ingula-
Gutta serena,	Amaurosis,	Visus obscuritas.
Haben,	Hydrops,	Aqua inter cutem.
Hacar,	Apoftema,	Vlcus, siue abscessus,
Hacuna,	Satyriasis,	Tentigo, Penis ten-
Halmes,	Paraphrosyne,	Delirium. (fio.
Hamcha,	Anxa,	Dementia.
Hamicha,	Lata exanthemata,	Variolæ.
Hasef,	Hidroa,	Sudamina.
Hozam,	Encopæ,	Incisio.
Hedian,	Moria, Morosis,	Desipientia.
Henadam,	Pepfis,	Concoctio.
Hesme,	Aposphagma,	Avulsio.
Hirqui aculorum,	Canthus,	Anguli oculi.
Humor,	Chymus,	Humor.
Iafuc,	Bregma,	Synciput.
Ieligatio,	Palmos,	Palpitatio, Saltus.
Iexemet,	Catalepsis, Caros,	Deprehensio.
Ihet, Subeth,	Coma,	Sopor.
Ignis Persicum,	Anthrax,	Carbo, carbunculus.
Ilschi,	Eroticos,	Effrænis amore.
Impetigo,	Leichen, Lepra,	Salsa cutis asperitas.
Impetigo aspera,	Leichenes,	Tensa prurigo.
Inebius,	Ephialtes,	Nocturna suffocatio.
Inversa palpebra,	Lagophthalmos,	Leporinus oculus.
Inviscatio palpebræ,	Ancyleblepharon,	Palpebrarū coheretia.

Invo-

Arabicæ.

Græcæ.

Latinæ.

Involutus,	Allantoeides, chorion,	Vrinaculū, Secūda.
Istimbre,	Craſis,	Temperies, Aſſimilatio.
Iuleb,	Hydrosaton,	Ex roſaceâ & ſac-
Iuncus,	Jonthos,	Varus. (charo.
Kef,	Cheir,	Manus.
Kers,	Stomachus,	Ventriculus.
Kili Vena,	Hepatiū,	Cava vena.
Lacertus,	Mys,	Musculus.
Lachat,	Encopt,	Incisio.
Lapidoſitas oculi,	Tyloſis,	Callus palpebrarum.
Larica febrū,	Cathemerina,	Quotidiana cōtinua.
Lauda,	Os hyooides,	Os gutturū.
Laxatie,	Paralyſis,	Reſolutio.
Lactea vena,	Galaxia,	Lactes.
Lentigo,	Exſuccatio,	Sugillatio.
Lepores naſi.	Myſteres, Pterygia,	Alæ, Pinulæ nariū.
Leucam,	Lepa,	Lepa. (ceſſus.
Lilimie,	Coiloma,	Proſundus oculi abſ-
Leipyria febrū,	Leipyria,	Leipyria. (ſtivū.
Loch,	Apophlegmatismus,	Pituitæ per os edu-
Longaon,	Apeuthysmenon,	Rectum inteſtinum.
Lulma,	Coilomata,	Vlcera cava uvææ.
Leithargyrium,	Molybdæna, Plumbago,	Limatura plūbi.
Macula oculi,	Hypophthalmia, Hypophagma,	Sugillatio.
Malum granatum,	Xiphoides,	Os pectorū.
Manuale opus,	Cheirurgicon,	Manuum opera.
Maram,	Aleimma,	Unguentum.
Maſera,	Phlegmone mitū,	Leve inflammē.
Maſticatorium,	Apophlegmatismus,	Pituitæ educivū per os.
Mater puerorum,	Epilepſia,	Comitialis morbus.
Mater ſanguinū,	Aneurisma,	Arterialis ſanguinis
Maudana,	Catapotia,	Pilulæ. (fluor.
Melon,	Pepon,	Anguria. (da.
Melon Indus,	Melopepones,	Aguria viridū rotun-
Men,	Droſomeli,	Manna. (pulsus.
Men Giezer,	Syſtole, Diaſtole,	Contractio, dilatatio,

Arabicæ.

Græcæ.

Latinae.

Menstruus sanguis,	Catamenion,	Menses,
Meri,	Oesophagus,	Gula.
Metatlach,	Tholera,	Turbida urinae.
Metenen,	Psoa,	Caro lumborum.
Mirach,	Epigastrium,	Abdomen.
Mirachia,	Hypochondriacum,	Flatuosus morbus.
Mollificatio,	Paralysis,	Resolutio.
Monoculum,	Typhlon,	Cæcum intestinum.
Morbili,	(Exanthemata sublimia,	Pustula elata.
Morphea,	Alphos, Leuce,	Vitiligo.
Morum,	Condylomata,	Extuberatio ani.
Mucla,	Derma,	Curi. (psus.
Munfis,	Ecpiesmos,	Totius oculi prola-
Muzum,	Siruphnos,	Austerus sapor, vel
Nascentia,	Apostema,	Exitura. (acerbus.
Naviculare os,	Scaphoecides,	Naviforme os.
Nebith,	Oinos,	Vinum.
Nerdi os,	Astragalus,	Talus, Os ballistæ.
Nervatū, Sutura,	Obelicea,	Sagittaliū, Recta.
Nocra,	Phlebi,	Vena.
Nodius,	Athera,	Atheroma.
Nubes,	Hypochoyma,	Suffusio, Cataracta.
Nucha,	Noxaeos myelos,	Spinalis medulla.
Nyctalopa,	Nyctalops,	Nocturna cæcitas.
Oculi egressio,	Ecpiesmos,	Totius oculi prolapsus.
Oculi profunditas,	Atrophia,	Nutritionis defectus.
Oculi ulcus serpens,	Anthracosis,	Carbunculus.
Oculus Popliū,	Epigonatū, Myle,	Patella, Rotula, Genu.
Officialia membra,	Organica,	Instrumentalia.
Onum,	Cephalæa,	Dolor capitis diuturnus.
Opium,	Meconium,	Succus papaveris.
Oregmon,	Catharrus,	Destillatio.
Os Cunei,	Sphenon,	Genu.
Os Crurū,	Gony,	Basilare, Palati.
Os lande,	Pharyngethron,	Os gutturni.
Os latū, Alchatim,	Coxa,	Femur.

## Arabica.

## Graeca.

## Latina.

Os Nardi,	Cyboeides,	Cubiforme. (rum.
Os Paru,	Zygoma,	Os jugale, Os tempo-
Os Perdu,	Pedion,	Planta pedis, Pesten.
Ossa Shemie,	Lithoeidea,	Lapidosae, Petrosa.
Ossei mollificatio,	Rhacosis,	{ Detritio, Scroti extensio.
Osseum,	Scrotum,	Testium involucri.
Panaritium,	Paronychia,	Reduvia.
Panus,	Phugethlon,	Panis.
Pars domestica,	Oiceion meros,	Interior.
Pars sylvestris,	Exothen meros,	Exterior.
Patia,	Tonos,	Nervus.
Pesten alchef,	Metacarpium,	Postbrachiale.
Peliomata,	Exsuccatio,	Livor.
Peltala cartilago,	Thyroeides,	Scutiformis.
Periodica febris,	Typica,	Intermittens.
Phitanos febris,	Palimbole,	Reversiva, Erratica.
Phlebotomia,	Phlebotomia,	Venae sectio.
Pia mater,	Chorotides,	Meninx tenuis.
Pixu,	Isehias,	Coxa.
Plaga,	Trauma,	Vulnus. (nes.
Plancta noctu,	Epinyctides,	Nocturnae effloratio-
Porrina,	Prasodes,	Porracea bilis.
Portinarium,	Pyloros,	Ianitor. (respon-
Proportionalis,	Symbolicus morbus,	Naturae, loco, tempori
Pruna,	Anthrax,	Carbo.
Pupillae constrictio,	Pthifis oculi,	Tabes oculi. (res.
Quimdegæ venæ,	Sphagitides,	Apoplectice, jugula-
Radani,	Thlasma,	Contusio, Attritio.
Radicalia membra,	Spermatice,	Seminalia.
Ragamia,	Rhogme,	Fissura. (rium.
Rahaf,	Hæmorrhoids nariu,	Fluxus sanguinis na-
Ranula,	Sardoa,	Ranunculus.
Ras,	Cephale,	Supernus venter.
Rascetta,	Carpon,	Brachiale.
Rasga,	Epigonatis,	Patella.
Ravedseni,	Rhabarbarum,	Rhabarbarum.



Arabicae.

Graecae.

Latinae.

Renalis dolor,	Nephriticum,	Renum dolor.
Resudatio,	Hæmorrhæa,	Sudamina.
Rete mirabile,	Plegma dictyooides,	Plexus retiformis.
Rheumes,	Arteria,	Amentia, dementia.
Ribia alsabiam,	Hydrocephalon,	Aqua capitis.
Rigil,	Meror,	Femur, Crur.
Rina alsabiam,	Epilepsia,	Comitialis morbus.
Rob,	Opos,	Succus seipso concreescens.
Rostrium Corvi,	Coracooides,	Corviculari processus.
Rotula,	Epigonatium,	Patella, Genu.
Ruptura,	Cele,	Ramex, Hernia.
Ruptura carneæ,	Proptosis,	Oculi prolapsus.
Sacculos,	Cephalalgia,	Capitis dolor.
Saccus,	Catalepsis,	Deprehensio.
Sache,	Trismus,	Scissura.
Sadacham,	Thlasma,	Contusio.
Sagittalis,	Obelæa,	Recta sutura.
Sahafati,	Achores,	Ulcus capitis manans.
Saharâ,	Pannychismus,	Pervigilium nocturnum.
Saltus,	Palmos.	Palpiatio. (nisi)
Sanguis mortuus,	Exsuccatio,	Sugillatio.
Santes in siphac,	Hypopyon,	Pus corneæ.
Sanies unguicularis,	Onyx,	Vnguis oculi.
Saphiros,	Carcinos,	Cancris species.
Savich,	Puisana,	Cremor hordei.
Sauthat,	Cephalartica,	Caputpurgia.
Scabies oculi,	Trachoma,	Pruritus oculi.
Scarificatio,	Encharaxin,	Cutis incisio.
Scelen vena,	Splenica,	Salvatella.
Sciatica,	Coxendix, Ischia,	Coxendicium morbus.
Scleriosis,	Scleriosis,	Tumor durus palpebræ.
Scotomia,	Scotodinos,	Tenebrosa vertigo.
Scrofula,	Chærades,	Sirumæ.
Sebel,	Encanthus, Rheas,	Inangularis.
Secaniabin,	Oxysacchara,	Syrupus acetosus.
Secundina,	Chorion,	Secunda.

Secun-

Arabicae.

Græcæ.

Latinae.

Secundina tunica,	Choroceides,	Meninx tenuis.
Sedar,	Cataphora,	Somnolentia,
Sedere,	Scotoma,	Vertigo.
Sebagian,	Trauma,	Vulnus.
Sesaseve,	Acantha,	Spinae apex.
Serach,	Emphraxii pylori,	Obstructio pylori.
Serafif,	Hypochondria,	Præcordia.
Sibare,	Mania,	Furor.
Sief,	Hygrocollyria,	Humida collyria.
Silac,	Tylosis,	Depilatio palpebræ.
Siphac,	Peritonæon,	Peritonæos tunica.
Siracoff,	Manna,	Manna.
Sisamina ossa,	Sesamoeidea,	Sesamoëidea.
Sirsen calidum,	Phrenitis,	Phrenitis.
Sirsen frigidum,	Lethargus,	Lethargus.
Sochos,	Catalepsis Catoche,	Deprehensio.
Soda,	Cephalæa,	Dolor capitis.
Soram,	Catalepsis,	Deprehensio.
Sosati,	Pleuritis,	Lateralis dolor.
Spasmus humidus,	Notiodes,	Ex repletionem.
Spasmus siccus,	Xerôs,	Ex inanitionem.
Spatula,	Homoplatea,	Scapula.
Spatularis,	Omicæ vena,	Humeralis vena.
Spina,	Phlegmone cutis,	Inflammati cutis.
Spondylus,	Spondylos,	Vertebra.
Stoliditas,	Paraphrosyne,	Delirium.
Strabrositas,	Illofis, Strabismus,	Palpebræ contorsio.
Subet, Suberia,	Caros, Coma,	Sopor altus. (sopor.
Subet Alsari,	Coma aynnon,	Coma vigil, Vigilans
Subericæ venæ,	Carotides,	Soporaria, Arteria-
Suffus,	Conus,	Pulvis. (les.
Suffumigia,	Thymiamata,	Suffusus, odoramenta.
Sura,	Omphalos,	Umbilicus.
Sycodei,	(sa, Cyclos prosopon,	Extuberatio faciei.
Syncopalis humero-Chymosa,	(Ex crudo humore febris.	
Syncopalis minuta,	Lepros pyretos,	(Ex tenui humore febris.

Arabicae.

Græcæ.

Latinae.

Tabulos,	Lipyrria febris,	Febris inæqualis.
Tarax,	Cophosis,	Surditas, Obauditus.
Taraxis,	Ophthalmia notha,	Conturbatio oculi.
Tarsati,	Hyposphagma,	Cruenta suffusio.
Tarsus,	Cophosis,	Surditas.
Tebegi,	Emphysema,	Palpebra inflatio.
Tebiegi,	Cachexia,	Prævus corporis habitus.
Telba,	Sapa, Siræon,	Mustum coctum.
Temor,	Hypogastara,	Ventris concavitas.
Tenur corporis,	Hypogastrion,	Abdomen.
Tereniabin,	Manna,	Mannæ species.
Tharcamatica,	Trachomatica,	Detergentia,
Tharica,	Trochanter,	Tuberculi femoris.
Thau,	Ganglia,	Glandulosi affectus.
Theca,	Cranion,	Calvaria.
Thoeban,	Paracentesis,	Perforatio. (pitis.
Tinea,	Achores,	Maniæ ulcera ca-
Tinnitus aurium,	Echos, Syrisimos,	Sibilus aurium.
Traulus,	Psellotes,	Balbuties.
Trebel,	Oedema,	Tumor laxus.
Triangula,	Tetartæos,	Quartana febris.
Tyria,	Alopecia, Ophiafis,	Desuviu capillorū.
Vachzi,	Nygma,	Punctura nervi.
Vacillatio,	Taraxis,	Spuria lippitudo.
Variolæ,	Exanthemata lata,	Efflorationes.
Varix,	Cirfos,	Dilatata vena.
Vena algebein,	Metopou,	Frontis vena.
Vena albaleb,	Rorus Vreter,	Meatus urinarium.
Vena almabat,	Ignytis,	Poplitis vena.
Vena curvaturæ,	Ancyle,	Poplitis vena.
Vena funis brachilii,	Basilica,	Iecoraria ramus.
Vena Medeni,	Dracontion,	Dracunculus.
Venæ emulgentes,	Emulgentes,	Colatoria.
Venæ subenica,	Carotides,	Soporaria.
Venter,	Sieya,	Cucurbitula.
Verruca,	Achrochordon,	Verruca.

Vesica,

Arabicæ.

Græcæ.

Latinæ.

<i>Vesica,</i>	<i>Phlyctæna,</i>	<i>Pustula.</i>
<i>Vgane,</i>	<i>Gnathus,</i>	<i>Gena.</i>
<i>Virga,</i>	<i>Ædoion, Caulos,</i>	<i>Coles, Penis.</i>
<i>Viriditas oculi,</i>	<i>Glaucoma,</i>	<i>Glaucedo oculi.</i>
<i>Vndimia,</i>	<i>Oedema,</i>	<i>Tumor laxis.</i>
<i>Vngula oculi,</i>	<i>Pterygion,</i>	<i>Ala oculi, Vnguis</i>
<i>Vsago,</i>	<i>Leichen,</i>	<i>Imperigo. (oculi.</i>
<i>Vvario,</i>	<i>Staphyloma,</i>	<i>Vvæ oculi egressus.</i>
<i>Zaara,</i>	<i>Agrypnia,</i>	<i>Morbosa vigilia.</i>
<i>Zachema,</i>	<i>Catarrus,</i>	<i>Destillatio.</i>
<i>Zemane,</i>	<i>Paralysis,</i>	<i>Resolutio.</i>
<i>Zmaria,</i>	<i>Iödes Cholæ,</i>	<i>Æruginosa bilis.</i>
<i>Zirbus,</i>	<i>Epiploon, Epiploun,</i>	<i>Omentum.</i>
<i>Zuccarum tabarzct,</i>	<i>Hals Indicôs,</i>	<i>Saccharum album.</i>

F I N I S.





